


[The page contains multiple columns of vertical Chinese text, which appears to be bleed-through from the reverse side or extremely faded print.]

3.4.522

3 U.4





DELECTUS
OPUSCULORUM
MEDICORUM

ANTEHAC IN
GERMANIAE DIVERSIS ACADEMIIS
EDITORUM

QUAE

In Auditorum commodum collegit, &
propriis aucta recudi curavit

IOANNES PETRUS FRANK M. D.

*S. C. & R. A. M. a Consiliis Magistratus Politici & Oecon.
Mediol. facult. Med. per Insubrium Austr. Praeses, Med.
Clinicae Prof. P. & O. Academiae Reg. Scient. Goetting.
Mantuanae, & Electi Mogunt. tum Societ. Patriae.
Mediol. Agrar. Brescian. & Med. Helvet.
Sodalis.*

VOL. X.

TICINI
EX TYPIS HAEREDUM PETRI GALEATII
PRAESID. REI LITTER PERMITT.
ANNO MDCCXCI.





E L E N C H U S

- I.) Bern. Gott. SCHREGER *de irritabilitate va-*
sorum lymphaticorum. pag. 1
- II.) Christiani PETER *Diff. inauguralis chirur-*
gico-medica sistens Historiam rariorem mam-
mae cancrofae, sanguinem menstruum fundentis,
methodo simpliciore sanatae. 64
- III.) Philippi Adolpb. BOEHMERI, & Ioann.
Frid. IMMERMANNI Diff. inauguralis medica,
de eventu februm malignarum saepe funesto
ob pletboram. 95
- IV.) Christ. Martini KOCH *Diff. de bursis ten-*
dinum mucosis. 140
- V.) Ejusdem *de morbis bursarum tendi-*
num mucosarum. 206
- VI.) Adolphi MURRAY *in Gangraenam scrofi*
observatio, animadversionibus nonnullis il-
lustrata. 260
- VII.) Ejusdem *Diff. Anatomico-Chirur-*
gica de Circocoele 302
- VIII.) Io. Petr. FRANK *Disc. Acad. de circum-*
scribendis morborum historiis. 363
- IX.) Ejusdem *de periodicarum affectio-*
num ordinandis familiis. 377

I

BERNHARDUS GOTTLOB SCHREGER

DE

IRRITABILITATE VASORUM

LYMPHATICORUM.

LIPSIAE. MDCCLXXXIX.

Sicuti de vi, qua sanguinis per orbem circuitus dirigitur, multum diuque physiologi disputarunt, ita, ex quo systema lymphaticum studiosius exornari coeptum est, quaedam etiam eorum dissensio ad principem lymphae motus causam videtur esse delata. — Liceat igitur in hanc rem paulo diligentius inquirere. — Et habent quidem ipsi canales lymphatici proprium atque innatum sibi qualemcumque vigorem, quo in propellendo per hujus systematis universitatem humore utuntur, & alia motus praesidia extus iis accedunt. Haec autem, in quibus aestimandis fere solet modus excedi, ubi consideraveris, talia esse intelliges, quae licet ab sublevandam lymphae circuitiōnem aliquid valeant, tamen, praeter subsidiariam hanc opem, nihil solidae facul-

A

tatis ad hanc naturae actionem habere videantur. — Etenim, quod tribuunt arteriarum vicinitati, non videtur magni faciendum, cum constet, hunc servari fere ubique in corpore ordinem, ut absorbentia vasa venas comites habeant, arteriis nervi propiores vagentur (a). Musculorum autem vasis adjacentium actiones & succussus quis est, qui nesciat saepe diu otiari, ut somni tempore, hinc eorum ministerio lymphæ motum non adeo juvari? Quare & in vivo animale inciso, ubi omnis prælii abdominalis vis sublata est, lymphatica intellinorum rite deplentur. Quid? quod tam parum auxilii afferri putem subvehendæ lymphæ arteriarum & musculorum motibus, ut saepe infringi & opprimi (b) iisdem posse videatur. Quod ad valvulas denique attinet, eae, licet ob communem cum ipsis canalibus naturam

(a) Arteriarum opem imprimis demonstrari voluit vicino ductui thoracico aortae sita. Sed nec hic semper ita positus est, ut vim pulsantis arteriae experiatur. Saepe enim dexterio rem aortae locum occupat, multa tela cellulosa interspersa, quod & ego vidi in cane v. Exp. VII. Neque a pulmonum & thoracis motu lymphæ per hunc ductum progressus multum adiuventi habere videtur. Etenim mediastinum posticum, ubi latet canalis, nullam in respiratione mutationem subiit, ideoque etiam pulmones in illud spatium non agunt. De crurum, diaphragmatis aortae, & arteriarum in unversum vicinia v.: quae disputat *Cruikshank in the Anatomy of the absorbing Vessels. Lond. 1786. p. 157. 155.*

(b) Quare valvularum copiosiorum subsidia iis vasorum tractibus, qui musculis præcipuis agitantur, addita esse, *Monsieus* contendit.

comunem quoque vim, ideoque ad protrudendos humores non mediocrem efficaciam habent, vix tamen in omnibus vasis adesse videntur. Non raro enim, ait HALLERUS (c), vasa lymphatica absque valvulis sunt, ut circa pulmonem, in hepatis convexa parte; carent iisdem retia lymphatica; etiam ductus thoracicus absque nodis. (d) plerumque apparet. Valvularum omnem apparatus lymphatico piscium systemati denegant ALEX. MONROUS (e), HEWSONUS (f); & SHELDONUS (g) omnia animalia sine pulmone viventia val-

A 2

(c) v. Elem. Ph. T. I. p. 156 ed. a. MDCCCLVII.

(d) Nisi omnibus careat, certe saepe rariores habet. In ductu enim thoracico, inquit Hewsonus, minus sunt numerosae, quam in systematis ramis; unde facile posset credi, quo magis a trunco versus extremos ramos progrediamur, eo nos illas frequentiores reperturos esse.

(e) cf. *Vergleichung des Baues und der Physiologie der Fische mit dem Baue des Menschen und der übrigen Thiere* übersetzt v. J. G. Schneider. IV. K. Nur am Ende, inquit, hat das ganze lymphat. System der Fische Klappen, sonst nirgends. V. K. Da bei dem Seigel sowohl als bei den Fischen keine Klappen in den Lymphgefäßen zu finden sind, so müssen diese wohl mit Muskelfasern versehen seyn, um die Lymphe fortzubringen zu können.

(f) Exp. Inqu. P. II. containing a description of the lymphatic system ed. lat. van de Wijnperste. Traj. ad Rhen. 1783. p. 75.

(g) Quae veto pulmooibus aërem hauriunt, hinc quoque testudines, iisdem introi, v. the History of the absorb. System by J. Sheldon Lond. 1784. p. 28. Idem de testudine marina Hewson l. c. pag. 64. Contra quos Cruikshank l. c. p. 66. nulli omnino vasi lymphatico deesse onquam valvulas contendit, eam autem p. 177. dicit in minoribus ramis non tam accurate vasorum cava ocludere, quam in majoribus. Vid. quae attulit Bxe. Ludwigin in germana Cruiksh. versione p. 61.

vulis carere asserit. Caeterum non raro iniquius eas vasorum absorbentium lumen claudere notum est, neque adeo sollicitam esse earum custodiam, ut non facile e truncis versus radices propelli mercurius & in ipso vivo corpore lymphæ possit retroire. Vim tandem lymphæ a tergo accedentis commemorant, sed hæc non ad liquorem ipsum, sed ad canales eum urgentes omnis pertinet. Quare cum tanta sit horum adjumentorum imbecillitas & inconstantia, alii ad vim tunicarum elasticam (b) principem motus causam transtule-

(b) Fere unus in recentioribus elasticitatis patronus *Masagni* contra irritabilitatem vasor. lymphat. differit. Sunt autem hæc fere ejus argumenta ab experimentis ducta: „Cum aquam calentem seu imbutam colore, seu destitutam in vasa sanguinea injecissem, postquam a morte horam vasa lymphatica humore exsudato repleti ac turgescere deprehendi, ac deinde, liquido ultra propulso paulatim exsuariri atque evanescere &c. Porro hæc vascula mercurio distenta ac in spiritu vini asserata post aliquot annos per vulnusculum ut mercurio deplerentur curavi. Dum mercurius effluebat, vasa paulatim coarctabantur, ita ut parietes ad se mutuo accederent, idque acque constanter accidebat, cum aliis substantiis repleta fuerant. In demortuis pariter injectiones coloratae in lymphaticis introducuntur æ usque ad glandulas provehuntur.“ — Quis quæso non videt ex his experimentis vim elasticam vasorum lymphaticorum egregie quidem patere, ad irritabilitatem autem refutandam nequam ea sufficere? Pertinet enim hæc omnis quæstio ad vivum, non ad inanime corpus. Qui ergo possunt adhiberi corpora mortua ad rejiciendam rem, quæ nonnisi corporibus vita prædictis propria esse solet? Aut recte de quocunque musculo statui potest, eum, quia satis diu post mortem irritabilitatis jacturam fecit, & in vivo animali omni virtute irritabili carere? Neque, dum hæc vasis lymphaticis tribuitur, elasticitas ipsa negatur; illa vita superstitæ ægit, hæc mortua vis est. — Resortam autem aquam fuisse in priori illo experimento mirum non est, cum facilis ejus fuerit introitus in officina vasorum a morte

9
runt. De cuius quidem efficacia in C. H. quid sit statuendum optime edocebimur, ubi perpendimus, si de ejus actionibus disputatur, non de rebus, quae ad mortuum, sed ad vivum, non ad inanime, sed quae ad corpus anima instructum pertineant, disputari. In universum, qui omnem corporis vivi motum a communibus illis materiae facultatibus pendere arbitrati sunt, in eo potissimum errasse videntur, quod cum effecta motus vivi ad mechanicas quasdam leges revocare recte possent, causas etiam se hoc modo explanasse opinati sint. Hinc, ut hoc utar, multum de musculorum cum vespibus similitudine disputatur, aestimanturque eorum vires densitatis, angulorum, ponderum renitentium &c. ratione.

A 3

patula, aequae accedente quidem aquae calore dilatata. Pergit *Mascagnius*: „cum praeterea nihil in lymphaticorum tunicis assequi potuerim, quod ad fibrarum muscularium genus esset referendum, — ac lymphatica stimulo mechanico percita ne ullam quidem vis contractilis partem exhibeant, ad aliam &c. Nec magis faciendam existimaverim objectionem, quod ad olei vitrioli contactum vasa lymphatica contrahantur ac celerrime evacuentur. Nam causticum illud acidum corrugat etiam partes a quibus omnia abest suspicio irritabilitatis. Butyrum vero antimonii cum mitius se habeat, quoad corrugandi potestatem, nullam omnino his vasibus mutationem inducit teste ipso Hallero. — Ad removendam hanc Auct. objectionem cf. quae ad Exp. VI. & passim alibi notavi. V. egregii Operis Mascagniani p. 27. & 28. — Iosignem hydatidum molem, quam elasticitatis testem posuerunt *Wernerus & Fellerus* in descor. vasor. fact. & lymph. Fase. I. p. 13 malem ad summam tunicarum tenacitatem & dilatationis patientiam referre.

Recte quidem haec omnia disputantur, si ad effecta eorumque modos ac fines spectes, causa autem & virium, a quibus haec omnia pendent, natura nullo modo sic declarantur. Certe, si elatere vasis nostris commodi quicquam affertur, id omne in renixu quodam contra nimiam atque immodicam distensionem positum est. Etenim saepe vidi, ubi tanta humoris accumulatio accidebat, ut praeter modumurgeret pars vasis aliqua, ope elasticitatis eam in tantum coisse, in quantum nimis fuerat extensa, nunquam vero prorsus contractam esse omni liquore expulso (i). Qui denique contractilitati vasorum lymphaticorum partes has tradere maluerunt, vereor, ne vocabuli tantummodo aliquam novitatem attulisse, rem vero ipsam plenius explicuisse ullo modo videantur. Quicquid enim effici hac vi sua credunt, ad irritabilitatem vel saepissime ad elasticitatem referendum est (k).

(i) cf Exp:

(k) Talis enim, quam intelligunt, ab omni virtutis nervosae commercio plane remotam, nihil est nisi elasticitas ne subtilius quidem cogitata, sed mutato tantum expressa nomine. Dicunt quidem diffinire eo contractilitatem ab elasticitate, quod hanc communem cum reliquis in rerum natura corporibus corpus animale habeat, illa uni solido *vivo* insit. At quae cogitari potest vita animalis sine nervis? Ergo cum vim nerveam abesse velunt a contractilitate, quis non videt omnia ejus effecta a vi elastica esse repetenda? Quare vix assenserim Cel. Blumenbachio, qui in Inst. Physiologicis nullam vasis lymphaticis (certe

Ut autem de elasticitatis & quae fere eadem est, contractilitatis in dirigendis motibus vitalibus infirmitate persuadeamur, qua conditione solidae C. H. partes eaeque vivae motus edant, dispiciendum est. Et primum requiri quidem videtur stimuli vis parti illata, hujus deinde aliqua perceptio, quam ipsius partis commotio seu renisus quidam insequitur, qui ad amoliendam rem irritantem spectat. Etenim cum ab ipsius vitae notione sensus notio separari nullo modo possit: facile intelligitur, non posse parti, quae vitae vigorem habet, alieni quicquam inferri, quin ejus qualiscunque perceptio, id est, per nervos vitae sensusque illos administratos ad cerebrum sursum facta propagatio sequatur. Quae ubi e parte ob certam quandam structurae proprietatem ad motus peragendos apta, seu, quam dicunt, irritabili, originem traxit, contraria & quasi refluua actione conspicuam ejus commotionem efficiet, seu, laceffita pars irritabilitatis signa edet. E quibus patet, omnem vitalem motum esse fere nihil aliud quam perceptionem accom-

A 4

de ductu thoracico diserte id ait p. 342. §. 433.) cum nervis familiaritatem intercedere & in iis solam illam contractilitatem vigere asserit p. 343. Nec praeter antea allatam illam satis ambiguum notam ullam adiecit Cl. Virum video, qua eadem ab elasticitate satis distinguatur. v. p. 32 & 36-38.

modato partis naturae modo exsertam atque manifestatam, recteque judicari, non prius stimuli turbis ad motum invitari partem vivam, quam harum aliqua perceptio fuerit exorta. Quodsi igitur vasa lymphatica vivis C. H. partibus solidis summo jure adnumerantur, quis non intelligit, omnem eorum in provehenda lymphæ contentionem esse vitalem & in irritabili eorundem naturâ positam differre quam maxime a mechanicis illis elasticitatis moribus, qui nullum omnino sensum, nullam animi societatem adjunctam habent, & in mortuis etiam corporibus peraguntur? Ad demonstrandam autem horum vasorum irritabilitatem quamquam alienus sim ab eorum intemperantia, qui communem hanc qualibuscunque corporis partibus esse, quin ad ipsam telam cellulosam pertinere statuunt; vix tamen eandem putem uno talis structurae muscularis servitio uti, cujus quandam a grandiorum carniû molibus deductam imaginem animo tenemus. Videntur enim utique hujus structurae varii esse modi atque ordines; ad singularum, quibus accedit, partium commoditatem diversimode concinnati, qui licet externa specie atque figura multum inter se dissentiant, naturam tamen & vim eandem habent. Etenim ne ipsis quidem musculis, qui ossibus adhaerent, in uno eodem-

que corpore tanta est fibrarum conformitas, ut non possint ii varia harum specie facile a se invicem discerni. Cum quibus si quis comparare velit quicquid carnei apparatus inest ventriculo, intestinis, vesicae, non modo hunc perparum illis similem esse, sed etiam harum partium carnes vel inter se ipsas discrepare inveniet. Quam denique non obscuram hujus structurae diversitatem in variis animalium brutorum generibus MUYSIUS annotavit! (l) Quis autem distinguendis & rite definiendis singulis illis modis par erit, quis, qua in re potissimum haec diversitas cernatur, dispiciet, cum & fibrarum insignis tenuitas & cum partibus concretis confusio id impediatur, cumque ne de universa quidem musculi structura ab anatomicis satis certi quicquam statui posse videatur? (m) Nec raro fieri potest, ut tales fibrae motrices adeo ab exempli sui similitudine recedant, ut suam quandam peculiarem speciem prae se ferant. Quare cum ipsam naturam in adornanda fibrarum motricium compage minus sibi

(l) De carnis musculosae structura. L. B. 1770

(m) Hinc ambigere ipsam *Albinum* Annot. Acad. Lib. IV. c. VIII. p. 32 & 33. videmus in definiendis illis, quas musculosas vulgo dicunt, arteriarum fibris; neque enim carnis musculorum, neque tendineis similes, nihilo tamen minus irritabiles esse affirmat. Pariter *Crampius* Diss. de vi vitali arteriarum Arg. 1785 de fibris arteriarum musculosa differens, eas musculosis analogas appellat.

constare intelligamus, nimia quadam iudicii severitate utuntur, qui, cum fabricae muscularis formam ad carneas musculorum fibras accurate expressam in vasis lymphaticis non videant, vel ideo omnem ab iis irritabilitatem volunt esse remotam. Simili modo cavendum quam maxime est, ne, qua tingi solent pleraeque fibrae carnae, rubedini tantam vim tribuamus, ut perpetuam ac constantem muscoli notam in ea positam esse arbitremur. Quodsi vero haec ita disputata esse videantur, ut nec fibrae muscularis nomen ad huiusmodi fibras traduci possit, non repugno, sed, dempto licet vocabulo, rem tamen ipsam salvam stare opinor. Et ne vere quidem haec denominatio nisi ad eas fibras pertinet, quibus tori illi, quos musculos vocant, constantur; reliquas igitur formae artificio diversas si motricium, aut musculosis analogarum, aut carnearum nomine insigniverimus, lis quodammodo erit disjuncta. — Accedit & hoc, naturam in ipsa hac varietate, si quidem haec varietas, quae non ad ipsam rem, sed ad ejus tantum superficiem spectat, jure dici potest, celebratam illam suam simplicitatem mirifice tueri, qua quos pares sibi effectus edi voluit, ii ut unius generis instrumenti peragantur, sapienter curavit. Quare extra dubitationem fere positum est, nullas corporis animalis

partes, quae aliqua motuum vitalium i. e. eorum, qui vi nerveae subsunt, acquabilitate, promptitudine atque constantia (n) (quae certe in vasis lymphaticis non desiderantur) eminent, structura qualicunque irritabili vacare, & quicquid fibrosi insigniori quodam modo ac definito ordine dispositi, licet a vulgari illa muscularis fibrae forma aut rubore abhorreat, in iis deprehenditur, id omne ad eam debere referri.

De nervis horum vasorum separatim non dicere, nisi esse alios intelligerem, qui omne nervorum commercium una cum irritabilitate vasis denegent, alios, quorum ea est de irritabilitate opinio, ut, licet non modo hanc, sed & ipsam structuram muscularem vigere in vasis lymphaticis contendant, eadem tamen virtutis nervosae expertia esse arbitrentur. Sed ortus mihi videtur horum error partim ex incredibili illo nervorum contemptu in explicanda irritabilitate; par-

(n) His notis satis distingui videntur hi a motibus pariter vitalibus v. c. scroti, cutis, etiam, nisi fallor, ductuum excretoriorum, in quibus partibus nec structurae musculosae quicquam, & ne texturae quidem hanc aemulantis aliqua regula apparet. Neque hae optissimo hoc ad motus peragendos instrumento indigere videbantur, cum ad rariores motus natura eos destinaverit & voluerit nonnullis tantum stimulis respondere. Viget igitur in his telae cellulosae actio nervorum vi animata nec vacua ipsius animi imperio, seu ~~motu~~ *motu contractilitas* quaedam, distincta quidem a supra illa dicta. Cujus manifestissimum exemplum in scroti motu videmus.

tim ex eo, quod ipsam fibram muscularem a partibus, quae omnem ejus naturam absolvunt, & extra quas haec nulla est, cogitando separarent & sui generis fibram fingerent, quae illas partes, nervos intelligo & vasa adiunctos quasi comites tantummodo haberet. Si igitur, quod supra asserere studuimus aliique uberius demonstrarunt, recte judicatur, a nervorum vigore atque integritate non modo repetendam esse omnem irritabilitatem, sed recte cogitari etiam non posse ab interiori medullae nervosae commistione sejunctam fibrae muscularis structuram, non facile assentiemur CRUIKSHANKIO, qui, quanquam stimulis commoveri vasa lymphatica non neget (o), tamen, cum statuatur, ea & post mortem aut ligatis ideoque a cerebri societate diremtis nervis munere suo rite fungi (p), nullum sibi esse vi-

(o) Ita enim habet p. 61. Lymphatics and lacteals have coats which are irritable and muscular, & p. 154 the principal force propelling the absorbed fluids is to be attributed to the muscular powers of the absorbent vessels themselves.

(p) Cui assertioni ut fidem adderet Auct. pag. 60. *Hunteri* experimentum protulit, quo subligatis mesenterii nervis absorbentia vasa intestinorum a sugendis ex eorum cavo liquoribus nihilominus abstinuerunt. Quod idem expertus est *Cruiksh.* qui injecto post quinque minuta ab animalis morte vinculo, quae inania reliquerat vasa lactea duabus horis post rediens pellucido fluido turgida reperit. — At scimus, non tantam esse principii vitalis a morte festinationem, quin vel in ipsis calidi sanguinis animalibus, de ijs, quibus sanguis friget, ne dicam quidem, per duas horas, imo diutius retineatur. Deinde ipse *Cr.* ait:

deri virtutis nervosae in horum vasorum actiones imperium, fatis declaravit. — At, ut taceam, nec finem vitae, nec ipsa mortis initia certo constitui posse, verendum est, ut illa vis post mortem superstes ad vivi animalis irritabilitatem recte transferatur; deinde quod dicat vasorum efficaciam facta etiam nervorum deligatione esse superstitem, hoc nihil aliud efficitur, nisi ut intelligatur, medullam nerveam separatim & separatim agentem insita sua facultate uti, quae vinculo non extinguatur consumaturve (q). Alio loco, ubi an vasorum lymphaticorum tunicis nervosi aliquid contigerit, disquisiturus est, unum ductum thoracicum paris vagi & intercostalis ramis cingi tantum & circumiri asserit; quid autem haec cingula ad juvandam ejus actionem valeant, ipse non intelligit: & profecto ea, cum nonnisi in partium superficie collocata his ipsis minime intertexantur, ad horum structuram non videntur pertinere. Illorum autem mechanico quodam impulsu vasa constringi, ab ipsa nervorum natura penitus abhorret. Neque minus ex Hal-

partes animalis eo tempore, quo experimentum cepit, nondum fuisse frigidas the parts were not cold); quamdiu autem calor partibus inhaeret, tandem nondum sufflammatam esse & ipsam vim vitalem non levis suspicio oritur.

(q) Haec v. in Cel. *Platneri Diss. de principio vitali* p. 24 & 14.

leri experimentis, in quibus Stimulis tum ductui illi, tum vasis lymphaticis allatis animali dolores non excitati sunt, interdictam nervorum cum vasis nostris societatem patere, videtur esse arbitratus. Partium autem sensilitatem experimentis in vivis animalibus institutis docere, aut e dolore edito metiri velle, quam fallax & ambigua res sit, multis argumentis facile posset demonstrari, e quibus simul eluceret, vivas corporis partes, licet sensus signa conspicua nulla prae se ferunt, sensu tamen ejusque instrumentis minime carere (r). Largior quodammodo videtur fuisse Cel. BLUMENBACHIUS, qui nonnullis certe systematis absorbentis partibus sensilitatem adjudicavit (f). Ego vero non video, qui fieri possit, ut res, quae eandem ubique naturam habet, non iisdem omnis utatur virtutibus. Etenim quodvis corporis animalis instrumentum semper ita est fabricatum, ut muneri suo obeundo sufficiat: cum igitur omnem systematis absorbentis universitatem ad eisdem usus natura destinaverit, non potuit non simul quam maxime cavere, ne qua

(r) vid. quae hac de re differit Exc. *Hohenstretius* in physiologicis annotationibus ad librum: *Felix Fontana Beobachtungen und Versuche über die Natur des thierischen Körpers. Leipzig 1785.*

(f) *Instit. Phys.* 162.

per ejus partes dominetur structurae diversitas, quippe quae omnem tolleret actionis conspirationem atque constantiam. Quodsi igitur haec perpenderimus, nec sensus expertia esse vasa lymphatica, nec ad aliquos tantum horum tractus eum pertinere intelligemus. At, quaerent, qui effici quicquam posse negant, nisi cujus causam manibus tentent, aut contrectent oculis, cur in expiscandis harum partium nervis anatomici frustra laborent? Haud inepte his respondebitur, eos, cum subtiliter divisi non rudiorum fasciculorum compage nitantur, longe ultra scalpelli aut microscopii vim positos nec facile sensus incurrere, & tam intime partibus implicitos esse, ut a reliquis fibris, quibus ipsa harum textura efficitur, non possint discerni (s). Quod idem in arteriis accidit, de quarum sensilitate irritabilitateque nemo unquam jure dubitabit. Sed viden-

(s) Cel. Platnerus in Appendice ad Anton: *Fabra Untersuchungen über verschiedne Gegenstände der Zgc.* Leipzig 1784. p. 609. ita habet: Ich würde eher annehmen, daß die Lebenskraft nicht allenthalben in der Hülle sichtbarer Nerven erschiene, als daß man einem lebenden Theile im thierischen Körper die Lebenskraft absprechen sollte. — Fortasse, qui principio virali materiae electricae naturam tribuunt, statuerent: quemadmodum corpora electrica corporibus non electricis vim suam vicinitate communicant, ita partes corporis animalis nervis destitutas adjacentium nervorum effluviis animari & ad sua munera apta reddi. — Pertinerent scilicet haec ad hypotheses, quas de efficaciis partium c. n. effluviis machinatus est *Bordeus*.

tur illi partium vigorem e nervorum volumine dijudicare & hanc sibi naturae finxisse legem, ut, quæ acriore sensu aut intensiore motu excellat pars, eo grandiores postulet additos sibi nervos. At vero cum singula fila medullaria, quæ nervos illos demum conspicuos formant, continuo itinere a cerebri fonte ad fines usque propagentur, patere videtur, illam ramulorum nervorum gracilitatem non quadam ipsius materiae medullaris extenuatione contineri (u) sed frequentiori tantum filorum medullarium a se invicem secessu atque separatione. Quæ cum ita se habeant, tam aequaliter diffusa est per omnes medullae tractus insita vis, ut, qui majores truncos inhabitat, non minor ejus modus vel ad tennerrimos horum ramulos dimanet. Et si formæ diversitas efficaciam quoddam discrimen afferret, profecto nervorum subtilitati plus hujus tribuendum esset, quam eorundem vastitati, quippe quæ multo illa aegrius rerum externarum impulsu commoveri posse videtur. Quodsi autem varios illos vis nervosæ gradus ac modos non in se ipsa

(u) Quid? quod *Virg. d' Azyr* docet pulpæ plus habere nervum minorem, contra minus majorem. v. Ejus *Experim. facta quoad sensibilitatem inserta*, *Mémoires de la Soc. Roy. de Médéc. Paris 1779. p. 342 sqq.*

ipsa positos, sed a partium, quibus inhaeret, diversa indole repetendos esse recte statuitur, facile quisque dabit & hoc, quo subtilius divisi quoque penitus partis structurae intertexti sunt nervi, eo etiam alacriorem huic vim illam inesse, cum quocunque irritationis aliquid incidit, ad promiendam eam obvii ubique nervi facile invitentur. Ut autem vel unum sensilitatis testimonium afferam, dolores illos commemorabo, qui in inflammatis lymphaticorum vaforum & glandularum intumescentiis excitantur (x), nisi horum omnem causam ad cutem incumbentem transferre malis. Verum vel ipsa inflammatio nervorum vim satis declarat, quippe quam sine hac accidere unquam posse, dudum subtiliores pathologi negarunt. Ob imminutam sensilitatem HEWSONUS ait glandulas lymphaticas venenis v. c. venereis, variolosis, dum corpus ingressa sunt, non semper affici, & quae alio tempore pessima symptomata produxissent, alio has glandulas sic transire, ut inflammationem non producant. Plura ad hunc locum infra monebo.

B

(x) v. *Hewsonus* P. II. p. 14. Multa de inflammatis vasis nostris habent *Cruikshanks* & nuperrimus ejus interpreter *Enc. Ludwigius*.

His expositis non incongruum videtur quicquid de tunicis omnique vasorum lymphaticorum structura compertum habemus paucis enarrare. Cum autem magna sit harum tunicarum subtilitas atque teneritudo; anatomicorum studio vix effici posse videbarur, ut facta rite earum separatione numerus certo definiatur. Quare ad NUCKII usque tempora de una tantum eaque omnis organicae fibrae experte tunica mentionem faciunt. NUCKIUM primum esse videmus, qui duas laminas utunque fibrosas depinxit (y). Inter omnes autem nuper SHELDONUS (z) structuram penitus extricasse sibi videtur. Commemorat quidem hic internam tunicam densam, levem, reticulari substantia mediae annexam, lymphae transfudationem impredientem (a), valvulas formantem. Quam iisdem fere verbis describens HEWSONUS (b) similem dicit internae vasorum

(y) Adenogr. p. 42. Tab. XX. XXI.

(z) l. c. Chap. II. p. 46.

(a) Non adeo densam hanc tunicam esse, ut omnis exsudatio prohibeatur, vulgari quodam experimento cognovi. Repletum enim aqua rubra ductum thoracicum canis & duplici vinculo clausum die post collapsum paulisper reperi, & rubicundo vapore vel per poros inorganicos, vel per vasa lymphatica ipsius ductus (de lymphaticis lymphaticorum habent Cruiksh. p. 57 & *Assalini Essai médical sur les vaisseaux lymphat. Turin, 1787.*) effuso ex:us madentem. Quod his eodem eventu repetii. — Caeterum ad valvulas paulo tenuiorem eam esse observavi.

(b) l. c. P. II. Ch. II.

sanguiferorum tunicae, cum qua & comparare solent anatomici ante NUCKIUM. CRUIKSHANKIUS(c) idem statuerè videtur. MASCAGNIUS (d) nihil in ea conspexisse se ait, praeter elementa, quae in membranis, quas lymphatica componunt, visui se offerunt. Deinde muscularem SHELDONUS habet, fibris diversis praecipue circularibus constatam (e). Talem non denegasse his vasis HALLERUM, ejus experimenta diserte loquuntur. HEWSONUS quoque ejus ope lymphae circulationem promoveri asseruit. A

B 2

(c) l. c. p. 61.

(d) l. c. p. 26.

(e) Ens in primis in ductu thoracico equi manifeste oculis patere hic idem Auctor testatur. Ibidem fibras annulares conspexit *Heisterus* Eph. N. C. Cent. VI. obs. 2 *Nuckius* & *Bergerus* de natur. hum. Vit. 1781. p. 83. valvulas musculosas pronunciant. *Cruikshank* p. 59. I have, inquit, some times seen fibres in the human thoracic duct. Nihil dicam de carneis fibris, quas glandulis affluerunt *Malpighius*, *Mylius* & *Santorinus*. — Ipse vidisse mihi visus sum in vaccini ductus thoracici superiore parte, ad methodum *Cruikshankianam* cylindro vitreo intensa atque praeparata qualescunque fibras, ab intersperso celluloso mucosae satis dignoscendas, rariores & exiliores in valvularum vicinia, nec integre circulares, sed ita dispositas, ut altera in alterius quasi amplexus rueret & anasae formari viderentur. Postea vituli & canis ductus per duos dies aqua nitrosa, qua carni pallidiori rubor quidam solet conciliari, detinui, sed ipsa ductuum exilitas & macerationis vis omnia confuderat, ut nonnisi in uno vituli ductu quaedam fibrarum transversarum vestigia appaterent. Grandiorum animalium copia denuo mihi non data est. Adde his observationem amicissimi *Fischeri*, Praefectoris in Theatro Anat. Lipsiensis, qui, cum praeterita hyeme hydropicum cadaver incidisset, truncum aliquem lymphaticum lumbarem ad insignem magnitudinem distentum oculo armato perlustravit, in quo fibrarum circulatorum apparatus satis distinguit.

CRUIKSHANKIO fibrosi aliquid admistum visum est, cui quidem licet nescit utrum fibrarum carnearum nomen tribuendum sit, tamen e stimuli impatientia irritabilem vasorum naturam patere declaravit (*f*). Nullas omnino fibras conspiciere potuit MASCAGNIUS (*g*). Tandem externam ille nominat, membranae pleurae aut peritonei similem, quae teste MASCAGNIO innumeris cellulis oleosam substantiam continentibus & subtili vasorum rete ornatis scatet; quod vasa vasorum appellare placuit CRUIKSHANKIO.

Vim autem horum vasorum irritabilem utcumque cogitaram, qua vel ipsas venas & arterias superare ea dixit, variis experimentis (*h*) illustravit HALLERUS, auctores in eodem labore occupatos afferens JOH. NIC. PECHLINUM, qui in vasis lacteis motum quendam peristalticum vigere suspicatus est, & CAROL. LE NOBLE. — Quaedam etiam de vasorum lacteorum agilitate expertus esse videtur FOELIX (*i*). In lymphaticis & lacteis vasis anseris irritabilita-

(*f*) p. 61.

(*g*) l. c. p. 26.

(*h*) cf. Opp. min. T. I. P. II. p. 378. 379. Exp. 246-251. & quae differit de vi irritabili vasor. lymphat. p. 165. § 111. El. Ph. T. I. & de vi insita vasis lacteis & ductui thorac. ibid. p. 234. T. VII.

(*i*) de motu peristaltico intestinorum, in Hall. Fasc. disp. Vol. VII. p. 83.

tis testem HEWSONUM habemus (k). Nec omit-
tendi sunt HUNTERUS, CRUIKSHANKIUS,
SHELDONUS, qui lymphatica vasa cervicalia
canum, a quibus ut omnem a latere pressionem
removeret, vicinos musculos & vasa sejunxit,
tanta cum vi contrahi vidit (l), ut omnis eorum
cavitas penitus occluderetur. DARWINUM quo-
que quaedam experimenta cepisse legimus (m).
His igitur mea qualiacunque experimenta liceat
addere, in quibus instituendis qua circumspectio-
ne usus sim, ea in recensendis iisdem fide sum
versaturus. — Quae si peritis minus satisfaciant,
ipsum laboris difficultate quodammodo me excu-
sabunt.

EXP. I.

Catuli lacte bene pasti ad quartam fere post
pastum horam abdomen incidi & explicatis rite
intestinis, mesenterii laminae perlustravi. In sini-
stra ejus parte vel acerrime intuenti mihi nihil
visum est, in dextra striae variae albae transver-
sim supra intestinorum superficiem ad eorum oras

B 3

(k) l. c. p. 11.

(l) l. c. p. 27. not. 2.

(m) In Account of the retrograde motions of the absor-
bent vessels of animal bodies, germanic. vers. in *auserl. Abhandl.*
6. B. 2 St. p. 341.

fursum properantes apparuerunt. De quibus ut certior fiam, dum in liganda mesenterii radice paulo diutius versor, omnia harum striarum vestigia rursus evanuerunt. Incipio conquassare leviter intestina tenuia & en video processisse liquorem album in quinque circiter vasa, quae satis cito per tres fere pollices ita turgescita sunt, ut vesicularum speciem prae se ferrent. Dum dissolvere conor laminam mesenterii, e vulnere uni horum vasorum inflictio effluit cito omnis liquor, penitusque evanescit vasis lactei pars citra vulnus; quae ultra id erat, oleo vitrioli laceffita constringebatur: soluto vinculo rami mesenterio adhuc involuti stimulo in nonnullis tantum locis obsequiosi sponte fere oculis se subdixerunt.

EXP. II.

Muri domestico ope siphonis lactis magnam copiam per os injeci, ut abdomen inflari inciperet. Quod ubi hora praeterlapsa satis detumuisset, incidi. Valde tremulum animal convulsionibus torquebatur. Obtulit se mihi mesenterium eleganti striarum albidarum multitudine pictum. Tam vividam lactei liquoris fugam expertus sum, ut mox antrorsum, mox, quod notandum est, retrorsum ferretur, praecipue facta aquae calidioris aspersione; tandemque omnes hae striae ocu-

los penitus effugerunt. — Ductum thoracicum non inveni. — Ventriculus & intestina stimulo minus commovenda, musculorum contravoluntariorum summa irritabilitas.

Muris altera post pastum hora mesenterium frustra disquisivi, ne ullo quidem viso vase.

EXP. III.

Canem, cui rari erant in pelle crines, post horam, qua aquam lacte mistam per fauces injeceram, capite exserto in tepido balneo ex aqua succo heliotropii tincta parato per bihorium fere retinui. Postea removi quam citissime partes venae, quae animalibus loco subclaviae est, circumpositas, duplicemque ligaturam huic ita injeci, ut ductus thoracici insertionem mediam inter utramque comprehendi sperare liceret. Abdomine inciso intestinorum volumina multa vi proruperunt ad tactum spiritus nitri perquam irritabilia. Radicem mesenterii deligavi, vidi supra tenuium tunicas varicosa vascula albida migrare, oras deinde intestinorum legere, & ad aliquot pollices intra ipsas mesenterii laminae protendi. Multa remotiora ab intestinorum oris incipere, inani post se relicta canalıs parte, quam jam emensa erant. In his liquor paene immotus stetit: cum ramum reliquis majorem spir. nitri

in locis oleo vitrioli manifeste ad se contrahendum invitatus est, aegrius iis in locis, quae antea jam eodem oleo vexaram. Ramuli nonnulli lymphatici inserti a latere ductui thoracico ad quodvis stimuli genus hebetes quieverunt; vidi tamen sponte aliquem effuso in ductum liquore coarctari. In anteriori utroque & posteriori crure sinistro frustra lymphaticis operam dedi; in dextro nonnulla se mihi obtulerunt coerulescente colore tincta prope venam non procul ab ipsius ingressu in pelvim ludentia, quae vel ad olei vitrioli tactum torpuerunt, cum quod mirabar, eodem irritata vena manifeste contraheretur. — Dum venae renali sinistrae ex improvviso quasi spiritum nitri allinio, paulo altius canales duos, cui tertius a latere adjungebatur, e cellulosa tela emergentes liquore repleti video, eodem spiritu eos celluloso textu aliquantum evolutos irritato, duo manifeste constringuntur exonerantes contenta sua in ampullam supra commemoratam, quae iterum iterumque lacerata omnem irritabilitatem deposuisse videbatur. Ortum horum ramorum investigaturus cellulosam telam extricare pergo, sed oculos effugerunt. Opinatus autem sum, fuisse haec lymphatica renalia aut ipsa lactea supra venam emulgentem migrantia, quae spirit. nitri allato ad motum excitata fuerant.

EXP. IV.

Postridie canem lacte pari modo nutritum & lavatum examini subjeci. Migrantem per mesenterium ramum insigniorem lacte turgidum, deinde in duos ramos divisum glandulae illi canibus solenni ad radicem mesenterii positaе inferi oleoque vitrioli obsequiosum esse vidi. Alius ramus arteriam mesenterii transcendens, licet satis valide aliquoties arteria pulsaret, tamen rignit; post hujus demum quietem sponte depletus est. Minores alios ramos frustra irritavi. Ductum thoracicum superius ligatum inde a loco insertio- nis turgidiori persequutus sum; per decursum valde tenuis hic fuit, insulam circiter in medio for- mans; vinculo venoso soluto coit paululum lo- cus turgidior; accessit ad hunc ab inferiori ductus parte sese constringente nova lymphae unda, quam hic brevi post aetior factus altius sponte promo- vit. Cum inferiora ductus digito comprimerem, deinde vinculo colligarem, ne denuo humor ac- cederet, coarctatus ille locus remansit, qualem- que reliqueram, talem post quatuor horas adhuc esse cognovi. In pectore vidi venae cavae supe- rioris prope cor spontaneas quasdam contractio- nes; jugularis internae nec agilitatis signa, nec prope eam vasa lymphatica conspexi.

Feli senectute & inedia diutiori confectae multum lactis deglutiendum dedi. Quarta fere post pastum hora abdomen apertum est. Intestinorum sopor lacte adhuc multum turgentium acrioribus stimulis vix excutiebatur. Aderant quidem in mesenterio quaedam lacteorum striae, sed aegerime processit in iis lymphæ, hæc sæpe, ut in percurrendis vix tribus pollicibus tertia fere minuti pars consumeretur (*).

EXP. VI.

Canis famelici eodem quo ille ad Exp. III. modo præparati tribus horis præterlapsis injecto venæ subclaviæ vinculo, abdomen incidi: omnem mesenterii campum vacuum vasis lacteis reperi. Intestini partem lacte præprimis turgidam duobus vinculis intercepi, alii parti, postquam eam facta incisione facibus liberaram, spiritum vini rectificatissimum syrupo violarum tinctum infudi vinculoque duplici occlusi. Haec violento motu peristaltico agitabatur, ut variis in ejus locis strictione solito diutius perdurantes oriren-

(*) Quam longe hæc celeritas ab illa differt, qua vidit Cruikshankius in cane chylum quatuor pollices intra unam horam secundam percurrere. v. *Fortsetzung von Cruiksh. Zusätzen zu seinen Anmerkungen über die Clarische Methode &c.* in 7 B. 4 St. Sammlung. auferlegter Abhandl. zum Geb. prakt. Aerzte. Leipz 1781. p. 12.

tur, locis intermediis praeter modum turgentibus. Paulo post penitus quievit. Ligatura radici mesenterii injecta est. Interea vesicam urinariam distentam scalpello rasi, immota mansit, sed cum aqua calida oblinirem, ea licet omni diaphragmatis & praeli abdominalis auxilio destituta veluti per gradus se contrahendo omne liquidum effudit. Vena cruris dextri posterioris pelle nudati laceffita per totum decursum contractionem non exhibuit; nec vasa lymphatica quaerentibus nobis oblata sunt; sinistri femoris arteria parva fuit, coarctata, sponte deinde pulsus rediit liberior. Respexi ad partes illas intestinales antea dictas & vidi plures ramos lymphaticos egregie lacte turgentes, quorum duo, cum eos spiritu vini rectificatissimo praesertim in locis valvulis interstitis irritavimus, manifeste constringebantur, ita ut partes irritatae oculos statim effugerent, & in ultiores partes lac transpellerent, quod deinde nullo addito stimulo sponte celeriter evanescere vidi. Perscrutati nunc partem intestini spiritu vini repletam, rubicundam valde reperimus, sed vasis lacteis vel diligentissime anquirentibus nobis nihil oblatum est. Ligavi radicem & venam subclaviam. — Avocatus a continuando experimento dum post quatuor horas rediit animal mortuum inveni. Nihilo tamen minus

sternum ablatum est; cordis ventriculus uterque nulli stimulo obedivit; aqua calente superfusa cordi motus quidam tremulus & palpitatio exigua sinus anterioris conspiciebatur; novi motus nulla vi erant extorquendi: muscoli omnem irritabilitatem amiserant. Nec ductui thoracico adhuc pleno vel olei vitrioli ope commovendo par fui, nec ulla diametri mutatio sequuta est, praeter eam, quae semper fibris acore chemico vexatis accidit, i. e. quaedam earum crispatis & relae cellulosaë ambeuntis corrugatio (*). Superior ductus pars reliquo amplior ab uberiore lymphæ magis extensa; rescidi illum prope insertionem in venam. Effluente statim e vulnere liquido cum nimiae distensionis causa tolleretur, resiliit ductus superior, pars ope elasticitatis tantum; quantum praeter modum extensa fuerat: simili sed obscuriori modo reliquus omnis canalis quodammodo est collapsus cedente sensim versus vulnus contento liquore: in minorem autem diametrum nec ullius stimuli chemici impetu potui redigere. Neque vero tanta fuit ejus coarctatio, ut quod in vivo animale cognoveram, lu-

(*) Non igitur tribuendas esse vasorum lymphaticorum constrictiones, quae in experimentis observantur, mechanicae stimuli vi & fibras corruganti naturae, vel inde patet, quod idem stimulus non idem producat in mortuo corpore, quod in vivo.

men deleteretur, sed ut liquoris multum per omnem ductus decursum pelluceret.

EXP. VII.

Experimentum cepi cum cane, quem lacte multo bene nutritum lacti aqua calida diluto per horam fere immerferam. Remoto sternone venae subclaviae vicem gerentis lumen altera manu coarctare, altera sinum anteriorem cordis statim post ejus contractionem comprimere adstantem quendam jussi: ipse interea venae cavae superiori inferiorique, nec non arteriae pulmonali valde contractae ligaturas injicio, ne profluente sanguine in disquirendo turbarer; cor resectum ab his vasis ad sinistrum latus removeo. Frustra diu oram dextram aortae descendens oculis legi, ut ductum thoracicum, quem propius adjacentem hactenus videram, invenirem; inveni tandem, dum cellulosa caute resolvo ad dimidium fere pollicem dextrorsum ab aorta remotum, multa cellulosa interjecta & eundem obvelante. Butyro antimonii prope diaphragma ipsi admoto e quiete deturbari non passus est; pergo in extricanda textura cellulosa, butyri ejusdem novo attractu excitatur strictura, quae post breve temporis intervallum rursus aliquantum dilatarı videbatur. Ligavi hoc loco ipsum ductum. Nunc & pulmo-

nes a partibus adjacentibus liberavi, ut ulterio-
rem canalis progressum persequerer, quod eo fa-
cilis erat, quo uberiore fluido turgebat. Cultri
acie irritavi, butyrum antim. variis in locis
adjeci, obscurior quaedam oscillatio orta est.
Ablato adstantis digito venam subclaviam, &
ut nunc vidi, ipsius ductus finem comprimente,
observavi in artius nonnihil spatium redire ca-
nalem; oleo vitrioli proxime supra valvulam ali-
quam irritatus manifeste constrictus est, ut liqui-
dum per sequentem valvulam transpelleretur. Ita
motu quodam peristaltico per tres valvularum
stationes ad finem ipsius ductus in ampullam
ovalem extensum pervenit lymphæ; ibi hæsit
paululum, impedita sine dubio a valvula ostio
ductus chyliiferi præfixa; butyro antimonii tacta
hæc pars constringendo citius se exoneravit. —
Abdomen cum incidissem plenum reperi mesen-
terium vasis lacteis, quæ soluto illo ductus chy-
liiferi, quem simul discidi, vinculo, satis cito,
sed tardius, quam in recte valente animali sunt
depleta; nonnulla ad oleum vitrioli, alia & qui-
dem mesenterii laminis caute soluta vel ad ipsius
butyri antim. tactum mobilia inveni, multa iner-
tia erant. Quaedam expresso suo liquore novo
ab intestinis accedente repleti, & eundem iteratis
contractionibus propellere vidi. Loca semel che-

mico stimulo vexata, rursus allatum eundem sensisse non videbantur. Effusum deinde reperi omne liquidum in thoracem. Contractum ipsius ductus reseissi ostium. — Magna fuit intestinorum segnities: venae in abdomine sanguine turgidae; arteriae multae durae & rigidae.

EXP. VIII.

Cani famem diu perpeffo lac bibendum dedi, eidemque, ut, an in intestinis crassis lymphatici vasis aliquid expiscarer, viderem, lactis magnam copiam per anum injeci. Cum autem properandum mihi esset, jam post horam unam praeterlapsam cultro eum subjeci. Cui meae festinationi tribuo, quod tantum absuerit, ut in intestinis crassis quicquam deprehenderem, ut vel ipforum tenuium mesenterium frustra perscrutarer. Nec feliciorem fuisse me fateor in investigando ductu thoracico. In vena jugulari sinistra apparuit dilatatio illa & collapsus, respirationi consentanea: eadem olei vitrioli attractu satis ibi contracta est. Varias alias arterias & venas laeessivi, partim ad constrictiones pronas, partim inertes.

EXP. IX.

Cani macro lacte pasto & aqua lacte diluto immerso postquam tribus horis peractis venam
sub.

subclaviae vicem gerentem duplici vinculo cinxeram, sinistri colli latera pelle denudavi. Dum magis magisque turgentem venam jugularem internam attente intueor, in loco venae cellulosa tela rariori obfuso replentur irruente lymphâ quaedam vascula. Extricata caute cellulosa vidi glandulam, cui haec inferebantur & evanescere simul ipsa haec vasa in venae superficie plexum quodammodo formantia: dum quae exeant e glandula disquisiturus sum, inferentia illa vasa denuo replentur, quae cum aqua fervida leniter attingerem statim vere contracta sunt; unum duobus in locis simul contrahi vidi; aliud simplex ubi ad ejus divisionem in duos ramos lympham haerere paululum derviem, admoto eodem stimulo promptissimum ad provehendam lympham expertus sum. E glandula non adeo parva unum modo vas conspicuum egrediebatur ad sinisteriorem oram venae conversum, quod, dum penicillum aqua fervida imbutum applicaturus eram, sponte oculis se subduxit. Glandula nec pressa nec stimulis chemicis affecta ad promendos plures lymphae rivos mota est; forsan vero his ipsis vexis, quominus proderet, impedita est. Ad venam jugularem dextram lymphatici vasis nihil expiscatus sum, licet corpora quaedam glandulosa ei incumbentia distinguere mihi viderer. Caeterum

haec spectaculum illi in Exp. VIII. simile exhibuit. — Ductui thoracico indagando non par fui, ut cogitarem, eum in hoc animali a consueta via deflecentem alibi insertum, & cum nullo vinculo impediabatur, depletum omnem fuisse. Nec in mesenterio conspicuum quicquam erat; ligaturis tamen aërioribus quaedam ejus vasa sanguifera circumdedi; post quintam horam rediens ad unam modo ligaturam lympham coacervatam inveni; soluto vinculo coit nonnihil elasticitate sua, postea immotum riguit multo adhuc liquore repletum; cessit hic paululum antrosum, cum vitrioli oleo canalem pertinaciter urgerem; incidi postea vas eodem loco, verum non modo nihil liquoris exiit, sed fere in coagulum (a vitrioli forsan vi) conversum illum reperi, cum citra hunc locum vulnus novum vasi infixissem, collapsis vasis parietibus liquidum fere omne effusum est. — Musculi corporis irritabilitatem omnem exuerant.

EXP. X.

Paucas, quae nunc sum narraturus, amicus quidam per literas ad me retulit. Hic e mamma canis feminae gravidæ rubia tinctoria per duos menses nutritæ anteriore sternoque proxima versus sternum procedere vidit ramos aliquos

lymphaticos ad scalpelli rasuram contractiles. Quae autem ulterius progressi hi sint, non indagavit ad uterum unice intentus. Post mortem discidisse se ait ductum thoracicum vinculo antea ad venam posito inclusum & vidisse adeo, ut e superiore ejus parte contrario valvulis itinere lymphae vulnere prodiret, & canalis consideret, magis fere, quam inferior pars. Ad quae ipsa ejus verba sunt: „penitus tamen contracta neutra pars mihi videbatur.“

EXP. XI.

Vitulum paulo ante ab uberibus matris distractum mactanti lanioni additum. Statim finito sanguinis profluvio abdomen apertum est, sed frustra diu in indagandis vasibus mesenterii lymphaticis occupatus fui. Quo patientius stimulos intestina & ventriculus ferebant, eo clariora vitae signa dabant vesica urinaria, nec non fellea, praesertim haec in collo. Praeprimis autem memorandum est, ureterem sinistrum pinguedine extricatum variis in locis oleo vitrioli leviter infestatum magis, quam mechanica stimuli vi effici posse videbatur, se contraxisse. — Festinantius interea excisis a lanione pulmonibus cum corde, inveni diu quesitum ductum chyloferum inter aortam & venam aliquam sanguine aliquan-

tum adhuc viventem paene mediam & quidem valde nodosam; disciderat ipsum latio; discissura locum consideravi. Contracti luminis vix vestigia mihi oblata sunt; stylium ostio immitto nec vi, nec tantum, qui praeter modum distrahendo parietum claterem delere videbatur: extracto stylo aliquantulam quidem coit, neque vero tam in arctum spatium, ut ante (*). Cor, quod remotum e corpore statim aqua calida immissum fuerat, extus irritatum: perpetuam inertiam praefert; dum intus stylo laceffo, moveri aliquantum coepit.

EXP. XII.

Obrinui ab eodem homine, ut vituli lacte antea bene passi statim post vulnus cervici inflatum abdomen aperiret, ne cum orani sanguine omnis vita efflueret. Vasa lactea primum nulla conspexi, sed postquam proxime ad radicem me-

(*) Vix igitur putandum est, supra dictam diametri immutationem soli elasticae virtuti deberi. Quodsi enim haec hujus causa extitisset, quidni eadem canalem & nunc ad pristinas angustias redegit? — Postea cognovi, de simili re vasa *Hemorrhoidum* idem indicasse. P. II. p. 14. ed. lat. „In asino, inquit, cui sanguinem ad mortem usque misi, magis contractae fuerunt arteriae, quam eorum tunicae per solam elasticitatem poterant; nam tamen arteriae sine ulla cavitate erant, chordas referentes. Hanc vero contractionem fuisse a vi musculari, apparebat mihi, cum mann distenta patulae manserint, sicuti in mortuis animalibus solent.“

menterii vasa nonnulla sanguifera & partes mesenterii ab utroque latere ipsis affines ligaturis complexus eram, post aliquod tempus geniculata vasa albido liquore plena apparere vidi, quae quo propiora erant vinculo, eo magis turgabant. Detinco ligaturam unam, deplentur vasa subito ita, ut, quamprimum liquor partem aliquam vasis reliquerat, haec oculis se subduceret, quin ejus vestigia ulla superessent. Microscopium, quod admoveo, emanante vapore infectum lumen negavit. Antè quam aliud quoddam vinculum resolvō, acubus ad utrumque latus vasis lymphatici prae reliquis grandioris mesenterio infixis, iter ejus caute notavi; detumescit vas sponte, lustratum posthac armato oculo fibrae crassitiem vix aequare id vidi. Aliud vas aequè vinculo praepeditum cum inde ab eo loco, ubi vinculum erat, oleo vitrioli paulo constantius urgerem, fac superatis valvulis retrogredi vidi; discisso autem vinculo solennem viam relegere. Plura ob temporis brevitatē & pinguedinem copiosiore non observavi.

EXP. XIII.

In vaccae corpore disquirendo frustra sum versatus. Recens mactatus bos, quae huc pertineant, fere haec obtulit. Ductum thoracicum

e mediastino postico laboriose evolutum ad dimidiam fere partem liquore nonnullo adhuc distentum saepissime oleo vitrioli fortiter irritavi; praeter factam fibrarum crispationem nihil mutatum est: digitis eundem compressi, adeo ut lymphae pars quaedam discederet; sed ad veram contractionem adigere non potui.

EXP. XIV.

Canis admodum vegeti lacte pasti & in aqua succo heliotropii tincta per bihorium fere retenti abdomine inciso vasa iliaca externa tres fere pollices ab exitu e pelvi amplis ligaturis, quae multum telae cellulosae simul comprehenderent, constrinxi. Idem feci in radice mesenterii, deinde & in vena subclavia. Perfecto hoc labore femur dextrum pelle denudavi, at, quod quaerebam, nihil visum est; a sinistro femore dum superius pellem caute separo, offertur vasculum ipsi cuti adhaerens, rescindo, resiliit nonnihil, telae cellulosae immersum persequor & laetus video esse illud lymphaticum caerulecente liquore repletum eundo magis magisque crassescens, ipsa vasa iliaca transcendens, cum iisdem in pelvim properans; conspicio simul & alios lymphaticos ramos eandem fere viam legentes, praecipue ad ligaturam turgidos, vesiculari forma fa-

cile dignoscendos. Soluta vinculo paululum co-
 jere hi rami, maxime ubi prope vinculum tur-
 ferant; ibi autem oleo vitrioli minus ad con-
 tractionem prompti fuerunt, quam in reliquis
 locis, ubi vel ipso antim. butyro adeo afficie-
 bantur, ut constricti subito omne liquidum bre-
 vi expellerent. Altius persequendis iis non par
 fui. Ad dextrum crus rediens evoluto solertius
 textu celluloso ramos nonnullos lymphaticos oleo
 vitrioli facile ad constrictionem incitavi, aegrius,
 ubi prope ligaturam magis extensi fuerant. Ar-
 teria paene sanguine vacua sanguine in eam im-
 misso riguit, scalpello rafa duobus locis simul
 contracta est, loco intermedio turgidiori. Vena
 tumida aliquoties oleo vitrioli irritata immota
 mansit, deinde sponte sanguinem evacuabat &
 filamentum instar coarctabatur. Multi rami lym-
 phatici in mesenterio obliti sunt, fuga liquoris
 vinculo praecclusa; nec solvi vinculum. Segnior
 intestinorum vita. — Reliqui abdomen superin-
 ducta ipsi pelle; cumque satis vegetum esset
 animal, operae pretium duxi & ipsum pectus
 aperire. Cor vivide palpitavit vel ipso oris as-
 flatu excitandum. — Omnes fere mediastini po-
 stici latebras frustra excusseram, cum in mentem
 venit comprimere paulo fortius versus superiora
 mediastinum, ut, si fieri posset, sursum com-

pellendo liquido turgidiorem, hinc magis conspicuum redderem canalem thoracicum. Nec spes me fefellit; distinxī enim ad quartam circiter dorsi vertebrae duos canaliculos tenues ad sinistrum latus retortos, deinde in unum paulo crassiores truncum confluentes; plenos liquido, sed ad olei vitrioli accessum perparum contractiles, ut nollem inde quicquam colligere. Vi retroprimere liquorem conatus sum, sed effusus est hic per vulnus vel vi adhibita vel jam antea mea imprudentia inflictum. Simul etiam ab inferioribus profluere vidi liquorem, subligatum locum, unde effluxit, persequutus sum usque ad ampullam in abdomine sitam, quam satis repletam inveni; vinculo hoc soluto brevi post ampullae constrictionis spontaneae signa dedit. Aorta obstruit. Respiciens ad femur dextrum & mesenterium omne lymphaticum vas evanuisse cognovi. — Utrum liquor viam quandam vinculo non interceptam invenerit, an retropulsus fuerit in ipsum intestinorum cavum, nescio.

EXP. XV.

Canis valde macilenti sed vegeti eodem modo quo in Exp. XIV. praeparati vasis iliaceae in utroque latere ligaturam satis amplam injecti; brevi post conspicua reddita sunt plexuum lym-

phaticorum vestigia: nervum cruralem dextrum a quo sine dubio haec vasa suos ramos sortiuntur, in pelvi scalpelli acie rasi, pressi; convulsivos motus validos musculorum adstantis manus femur tenens sensit; agitabatur etiam aliquamdiu reliquum corpus; sed nulla vasorum lymphaticorum commotio vel accerrime intuenti mihi visa est. Dum altera manu vinculum solvo, altera nervum uno ictu discindo, perhorruit quidem animal, sed aperte fateor, nec retardatam, nec incitatiores fuisse vasorum constrictionem: certe si quid vidisse mihi visus sum, motus aliquantum tardior videbatur; sed hujus multae aliae causae accidere poterant. Nec alia in sinistro latere observare mihi licuit, quamvis nervum per gradus quasi dilacerarem, seu discinderem. Nec lactea nec ductus thoracici vestigia aderant. Quem antea e vena cava superiore prope cor incisa per tubulum aurichalceum sanguinem in patellam miseram, lineis albidis striatum postea vidi.

EXP. XVI.

Sex intestini tenuis particulas (quaevis IV. pollicum fere longa) cum adhaerentibus mesenterii laciniis satis longis e suis corpore excidi; singulas aqua succo heliotropii tincta totas replevi, vinculoque duplici clausas mensae imposui.

Die post in harum particularum duabus A & B vidi aliquot vasa lactea humore colorato turgida, pollice nonnihil longiora supra intestinum decurrere; in tribus omnino nihil conspiciebatur, in una C rarum ad tres propemodum pollices repletum inveni. De diversitate hujus phaenomeni cogitans, positam eam esse suspicatus sum in diverso harum partium situ; particulae enim A & B cum reliquis illis horizontaliter mensae impositae fuerant, una haec C forte quadam declivior jacuerat innixa limbo ligneo reliqua mensa multum elatiori. Quare haec ipsa declivitas liquoris progressum multum juvasse videbatur, quippe qui ipse suo pondere delapsus erat. De eo ut certior fierem, partes A & B filis ita suspendi, ut summae mesenterii laciniae ad perpendicularum mensam attingerent, particulam C horizontaliter eidem imposui. Altero die revisens particulas in partibus A & B duobus fere pollicibus longius lympham processisse cognovi; ex unius rami brevioris discisso sine liquor caeruleus effluerat, ne mensae guttae aliquot inhaerent, ejusdem initium transversim supra intestinum procurrens repletum adhuc erat, sive is denuo resorptus liquor fuerit, sive ab antea hausto residuus. Ramum alium non procul ab ejus descensu supra intestini convexam partem ad mesenterium levi incisura

aperui, effluxit satis cito liquor, cum praeceptis ejus esset supra intestinum iter. Alius ramus partis B, quem per mesenterium horizontaliter mensae impositum decurrentem incidi, paulatim evacuatus est, nec constringebantur ejus parietes, sed collabentes potius sibi applicabantur. Microscopio enim lustrato ramo paucam accidisse vidi diametri illius, quem repletus habuerat, diminutionem (*). In particulae C ramo antea memorato liquor vix supra dimidium pollicem ulterius processerat. — Videmus igitur in aestimando liquorum post mortem progressu, quem MASCAGNIUS contra irritabilitatem attulit, situs quoque partium rationem esse habendam.

Cuniculi corpus disquisitum nihil obtulit, quod ad hunc locum pertineat. — Neque in gallina perferenda felicius fui.

EXP. XVII.

Repetii DARWINI experimentum (**). Vescicam urinariam suillam recentem ita inversam, ut interior superficies fieret exterior, aqua succo heliotropii tincta usque ad tensionem replevi. Re-

(*) Cum contra in illo animali (Exp. XII.) cui multa adhuc vita erat, ramum, qui repletus hujus suilli crassitiem valde superabat, evacuatum ad sili tenuissimam gracilitatem rediisse viderem.

(**) v. l. c. p. 262.

vifens eam extus valde quidem humbre caeruleo-
madidam invenit; sed vasis lymphatici simul re-
pleti nulla indicia, ne post tres dies quidem.

Haec igitur funt, quae utrum ad proban-
dam aliqua ex parte rem noſtram ſufficiant;
lectores dijudicabunt. Certe inter reliqua paſſim
in ſuperioribus notis allata non leve irritabilita-
tis argumentum in vaſorum lymphaticorum erga
ſtimulos chemicos obſequio poſitum eſſe videtur.
Ab hoc enim irritamenti genere uti quam ma-
xime abhorret elasticitas, ita eam ſcimus tenſio-
ne tantum vel compreſſione adhibita ſeſe efferre,
neque ſui praefentiam, niſi mechanica vis adſit,
contra quam nitatur, prodere. Nec valde curā
verim eorum objectionem, qui omnem hanc tu-
nicarum conſtrictionem a venenorum chemicoſum
impetu & corrugandi fibras poteſtate derivandam
eſſe arbitrentur. His enim partim Exp. VI.,
XIII. & aliis ſatis reſponſum videtur, partim eos
refutat ipſa quorundam ſtimulorum natura, a qua
illius atrocitatis ſuſpicio longius abeſt. Ita enim
vel cultri mucronem, ſpiritum vini, mitiorem
aquae calorem & languidiorem butyri antimonii
vim in commovendis vaſis noſtris minime otiata
eſſe comperi, dummodo id curarem, ut ſatis de-
nudatis iis & telae cellulofae involueris exemptis
illa accederent. Praeterea licet ex ipſis expeti-

mentis intelligimus, pertinacem valde fuisse aliorum vasorum ad quoscunque stimulos hebetudinem, alia laceffita nonnisi per singulas partes vigoris signa edidisse, haec tamen omnia cum & in reliquis corporis organis iisque vere irritabilibus usu eveniant (a), & contraria non pauca experimenta adsint, neutiquam sententiam nostram infringunt. Me quidem visa primum hac effectus varietate non infiteor paululum animo fluctuantem in eam paene cogitationem fuisse abreptum, vasa resorbentia passim & per vices irritabilia esse & elastica. Scilicet tunc fere opinabar, non ubique per omnem canalis tractum naturam irritabilem dominari, sed ipsis hac praeditis spatiis expertas ejusdem plagas intercedere; cum igitur humore suo stimulata fuerit pars quaedam vasis irritabilis, hanc percepto stimulo reagere pellentem humores in partem proximam mere elasticam, quae a fortiter impulsis humoribus distenta nonnisi mechanico renisu ulterius contenta sua promoveat. Sic quicquid humoris subsidaria quadam partis elasticae opera languidius propellatur, ei vim novam fortiolemque

(a) Id passim me ipsum expertum fuisse ex allatis experimentis patet. Plura hujus rei exempla v. sp. *Halierum & in Gualth. Verschuër Diss. de arteriarum & venarum vi irritabili*. Groning. 1766.

adjungi irritabilis proximae partis ministerio. Quodsi igitur chemici stimuli vis forte in eum vasis locum incideret, qui uno elasticitatis beneficio frueretur, non aliter fieri posse arbitrabar, quam ut contractionis signa nulla appareant. Venum antiquavi ipse hanc sententiam ad meos magis usus effictam, quam suppeditatam a natura. Neque vero re propius considerata difficile est, veriores varii hujus eventus fontes invenire. Ut enim irritabilitas non ubique pateat, quadam indagantium culpa videtur accidere, qua satis apto singulis vasis stimuli genere non semper uti iis licet. Etenim cum lymphatici humores, penes quos est irritandi vasa sua facultas, tam variam indolem habeant, ut, quam v. c. cutanea lymphæ prae se fert, ea redux a visceribus latex careat, hanc ob causam alia vasa resorbentia aliud stimuli artificium, quo commoveantur, videntur postulare. Sed quis, quae a natura tacite parantur, imitari & assequi arte unquam poterit? — Sicuti autem qui experimenta haec instituunt, stimuli qualitate non recte adhibita spe sua excidunt, sic ejusdem quoque copia & modus raro videtur ita arte dirigi posse atque definiri, ut ad naturalem quam proxime accedat. Quare ubi stimuli mensura non recte usi fuerimus, vel nimia ejus debilitate levitateque aut

pigrius aut plane non excitabitur vasorum irritabilitas; vel immodica acritate atque vehementia ita opprimetur, ut attonita quasi obstupeſcat. Cum autem intima omnis lymphatici ſyſtematis ſit conſpiratio, facile fieri poterit, ut affecta violentius alia vasis parte ſtupor hic ad aliam transmigret, quae particeps ejus facta poſthac & ipſa ad moram ſtimuli vim illudet. Denique interdum etiam temporaria quaſi inertia & quidam virtutis vitalis ſopor vasis nonnullis incumbere videtur, quo exceſſo mobilitas reviviſcit. Hinc quem fruſtra antea irritavimus vasis locum, eundem poſtea facile ad motum provocari videmus. Nec multo infrequentius minori majorive ipſius animalis ſenſilitati, variis, quibus ipſum experiundo affligitur, cruciatibus, aliarumque rerum, v. c. aeris, frigoris acceſſui tanta haec eventus varietas videtur eſſe tribuenda. Saepe etiam, ut plures cauſas omittam, cur non poſſit vel excitari vel perſpici vasorum abſorbentium actio, in eo poſitum eſſe putaverim, quod vel telae cellulosae ſpiſſitudo vaſa obvolvens ſtimulos arceat, vel quia ob pelluciditatem ſuam certi eorundem limites vix poſſint diſtingui.

Ne autem his experimentis omnem ad perſuadendum vim tribuere videamur, ad alia irritabilitatis argumenta tranſituri ab analogia quæ-

dem ordiamur. Quodsi enim canales in corpore animali positos eosque ad promovenda sirenne contenta sua destinatos circumspicimus, hos fere omnes ad id efficiendum irritabilitatis ministerio uti reperimus. Hac facultate instructi in provehendo sanguine laborant canales arteriosi, nec ejus omnis venae expertes sunt judicandae. Quidni igitur eadem virtute polleant vasa lymphatica, cum ad idem fere officium natura haec destina-verit? — Quod enim pulsu non agitentur, uti arteriae, conceptam de eorum irritabilitate opinionem neutiquam tollit. Posse enim canales, quamquam non micent, inquilina provehere, & minorum arteriarum & venarum & ipsius oesophagi exemplo abunde declaratur, cum cujus contractione, si qua cum alia, lymphaticorum vasorum motus optime possunt comparari. Hunc autem quis partium irritabilium numero jure eximet? — Eadem denique vi ventriculus & intestina renituntur.

Neque etiam ipsum resorbtionis negotium, nisi irritabilitati multas in eo partes concedamus, recte satis videtur posse intelligi. Ut enim nihil dicam de ampullis LIEBERKUHNII, quas voluit chylo imbutas spongiarum more hunc in orificia lacteorum exprimere, nec de fuga quadam vacui, quae BOERHAAVIO &, nisi fallor,

HEW.

HEWSONO (b) resorbtionis causâ esse videtur, in magis vulgari eorum hypothesi, qui hanc naturae actionem legibus attractionis, quae phisicorum tubis capillaribus inest, subicere studuerunt, considerata versabor. — Sicuti autem in obeundis fere omnibus negotiis legibus suis regitur oeconomia animalis, ita & in peragenda resorbtione propria sibi jura solet obtinere. Posito autem eo attrahendi modo, quo tubi capillares utuntur, quis non videt, omnem vitam & efficaciam animalem ab illa naturae actione prorsus removeri, & relegari omnino vasa resorbentia ad inanimas mortuasque machinas? Tubi enim capillares subire liquores cava sua patiuntur nulla vel ad retardandum vel ad accelerandum eorum introitum addita sua opera. A qua inertia longissime abesse canales lymphaticos exempla inferiorius adducenda docebunt. Caeterum quoque ea est illorum tuborum indoles, ut quicquid liquoris ipsis obtruditur, ad id hauriendum, dummodo iis sint immersi, fatali quasi necessitate adigantur; cum contra orificia lymphatica quadam in feligendis ac comparandis sibi humoribus cura atque sagacitate uti videantur, eaque interdum,

Tom. X.

D

(b) cf. quae contra hunc monet *Cruiksh.* in *Samuel. ausersl. Abhandl.* 6. B. 4. St. p. 737.

licet humoribus inhient, a suctione tamen per
 faris longum tempus abstineant. Neve minori
 jure quaeri potest, unde vasis nostris flexilibus
 quidem & ad collabendum pronis tam perpetua
 accedat rigiditas, qua tubuli illi e vitro confecti
 ad attrahendum apti redduntur? Nam licet ea
 in villis intestinalibus vi humorum ad circum-
 jecta iis vasa sanguifera adductorum effici posse
 videatur, reliquis tamen lymphaticorum vasorum
 radicibus tanta est structurae ab his diversitas,
 ut similia tensionis praesidia vix ulla in iis con-
 tineantur. Quae porro ad physicam attractionem
 requiritur pressio suscipiendis liquidis extus illa-
 ta, haec in cellulis ossium rigidioribus omnino
 nulla potest cogitari. Resorptionis tandem quae-
 dam vestigia nec in cadaveribus deesse, nihil
 aliud est, quam liquores potentia a morte orifi-
 cia facile incurrere. Quorum altiore in his pro-
 gressum quantum ipse partium situs subleves vidi
 Exp. XVI. Quo autem lubentius dederim, ea
 extincta demum vita in hauriendis humoribus
 morem tuborum capillarium sequi, eo iniquius
 videntur agere multi illius attractionis patroni,
 qui quam superflite vitae vigore ipsis vasorum
 lymphaticorum truncis tribuunt animalem facul-
 tatem, eandem horum initiis disputando volunt
 eripere,

Quoniam igitur haec a physicorum decretis repetita sententia inanitiae potius machinae, quam vivo corpori conveniens ad explicandam resorptionem minime sufficit, quae sit verior, & natura animali dignior ejus causa, restat ut disquiramus. Egregie sane HUNTERUS vasa resorbentia cum animalibus vivis comparavit, eaque pari modo, quo v. c. hirudines victum suum sugendo acquirunt, solidas fluidasque partes recipere asseruit. Nec infelicius insectorum proboscides & innatam ipsis apprehendendi facultatem, aut molitiones illas, quibus infantum ora ad lactis suctionem utuntur, ad declarandam lymphaticorum vasorum resorptionem attulerunt. Haec enim omnis comparatio, quippe & ipsa a vivis corporibus deducta non modo aptissima est & rei quam maxime accommodata, sed tantam etiam illustrandi vim habere videtur, ut quod a sensibus remotius est naturae negotium ejus ope veluti ante oculos omne ponatur. Sicuti autem haec antea dicta instrumenta, ad sugendas res oblatas saporem ipsis inditum ducem sequuntur, ita similem quendam grati ingrati-que sensum naturales appetitiones & aversiones adjunctas habentem in vasorum nostrorum initiis vigere admodum est probabile & nuper a Cel. PLATNERO subtiliter demon-

stratum (c). Ob nervorum autem, quibus hic sensus inest, cum ipsis vasorum fibris intimam consertionem aliter fieri non potest, quam ut varia ipsius sensus affectione etiam hae ad consentaneam motus varietatem impellantur. Quodsi igitur talis est allati humoris natura, quae suavitate sua vasorum fines ad se appetendum invitet atque alliciat, eo statim dirigetur omnis canalium nusus, ut amico sibi hoc hospite potiantur. Accedente autem molesto & injucundo stimulo motus illis antea dictis contrarii orientur, & fere tales, quibus gustata vel primis labris nauseosa materia deglutitionis instrumenta agitantur; quo evomendi molimine excitato vasa quicquid taediosi & adversi ipsis imminet respuant & a se repellant. Videtur etiam interdum accidere, ut stimulo, praeprimis si atrocitatis & violentiae admissum aliquid habet, adeo perturbetur orificiorum vitalis ille vigor, ut spasmodicis constrictionibus urgenti molestiae se subducere & ita cavere annitantur, ne alieni quicquam vasa introgrediatur.

At vereor, ne opponant, vasa lymphatica ad sugenda varia, quae multum vehementiae &

(c) In utroque Programme: Dubitationes quaedam de imperio cordis in venas, — &: Secretio humorum ex Stahlinae disciplinae principis illustrata.

alienam valde naturam habent; mirifico quodam impetu ferri, a quibus, si nonnisi jucunditatem sequerentur, quam maxime abhorrerent. — Sed cogitandum utique est, nihil a natura agi, in quo non aequae exitii ac vitae consilium appareat, eamque, quas vias ad conservandam tuendamque vitae salutem paravit, iisdem ad evertendam & destruendam vitam omnemque machinam uti. Deinde etiam non omnia, quae corpori nocent, a lymphaticis canalibus suscipi putanda sunt, sed nervis, illis vitae custodibus, vim inferendo agere videntur; quo varia miasmata, quo venena illa pertinent, subita virtutis vitalis oppressione necantia. — Praeterea confundi aut hebescere interdum sapor ille orificiis inhabitans videtur, ut nullo habito delectu pari cupiditate ad obvia quaevis ferantur, quandam tantummodo plenitudinem quaerentes. Cui simile aliquid accidere videmus in faucibus & in ipso oesophago, qui cum catarrho laborant, licet non omnem in promovendis ingestis vim deponunt, horum tamen sensu neutram in partem afficiuntur. Neque minus sententiam hanc illustrare videntur perversi illi terribiliorum & multum nauseae habentium ciborum appetitus & deglutitiones in variis morbis. Denique etiam orificia materiae paulo diutius urgenti licet gravi & injucundae ita videntur.

tur adsuescere , ut tandem molestiae sensu superato eandem suscipiant . Hinc fortasse variorum venenorum , v. c. rabidi canis , variolosi miasmatis tam diuturna est in vulnere mora , priusquam resorbra malos effectus producant . At e contrario fieri etiam posse videtur , ut stimuli consuetudine nimis diu protracta & iterato ejus accessu ita obrundantur vasorum orificia , ut posthac omnem ejus vim prorsus illudant . Ob talem quandam cum stimulo familiaritatem , quanquam hujus rei & alia causa esse possit , seniores , licet veneream infectionem saepius subeant , rarius tamen infici suspicarer . Fortasse humorum inquilinorum admittance aliena ita parantur , ut violentiam quodammodo exuant . Neque a veri similitudine abhorret , in quibusdam hominibus aut aetatibus quandam vasis resorbentibus idiosyncrasiam insidere , qua stimuli cujusdam incommoditatem quodammodo ament ac praediligant . Sic corpora juniorum praecipuis prona & adaptata esse videmus ad sugendum virus variolosum . Haec autem idiosyncrasia uti in aliis peculiari amore sese effert , ita in aliis propria ac invicta rei cujusdam averfatione . In quo exemplum praebere videntur homines , qui licet impura venere saepe fruantur , nunquam tamen per omnem vitam ejus damnis mulctantur . Quis autem denique unquam

accurate definierit, qua vi singulae res varias sensiles vivi corporis partes aggrediantur, in quamve partem hae ab illis commoveantur? Sic enim multa, quae os linguamque vehementius affligunt, nisi suavitatis multum, certe nihil incommodi ventriculo & intestinis afferunt; sic qui stimuli cordi commovendo pares sunt, in vesica v. c. urinaria nihil efficiunt. His ita consideratis non recte videtur concludi, eas substantias, a quibus aliae corporis partes abhorrent, inspidas & inimicas esse orificiis lymphaticis. Quid? quod differre videtur ille ipse sensus gradu & modo in singulis vasis lymphaticis, ut in aliis acrior atque delicatior paucos & suos tantum stimulos appetat, a reliquis moleste afficiatur, in aliis paululum a natura sit obrusior, quo plures stimulos, quos illa aegrius susciperent, impune haec ferre videntur (d). Ita sensus illius subtilitate v. c. pulmonum vasa lymphatica cutis vasa quodammodo antecellunt.

D 4

d) Ita etiam, quo simplicioris &, ut ita dicam, imperfectioris structure animal est, eo hebetior vasis lymphaticis sensus videtur esse, ut quicquid ad ea accedit, promiscue ferre fugant. *Der Phepe*, inquit *Girtanner in Abhandlung über die venerische Krankheit* Göt. 1788. p. 240. eine einfache hohle Röhre, saugt von außen Feuchtigkeit aus dem Wasser ein; in dem er lebt, und von innen Nahrungssaft aus den Wärmern, welche er verschluckt. Man wende ihn auf einer Stecknadel behutsam um, so dass die innere der Röhre nach außen, und die äußere nach innen gekehrt wird: und er überlebt die Operation nicht nur glücklich, sondern lebt und pflanzt sich nach wie vor fort.

Neque vero existimandum est, hunc grati ingratiq; sensum unis horum vasorum initiis contineri, sed per omnem canalium universitatem diffusum late dominari. Hoc enim recte valente regitur, hoc sustinetur omnis irritabilitas & in promovendis liquoribus contentio. Cui vel id solum non levem fidem facit, quod saepe destructis & abolitis per morbum ramorum lymphaticorum radicibus resorbendi munus ad ipsos superstites ramos transferatur, qui summa alacritate eodem fungantur (e). Omnis autem hujus negotii obscuritas analogiae luce optime illustrabitur. Sicuti enim pharynx, oesophagus & ventriculus ad deglutienda suscipiendaque alimenta saporis blanditiis impelluntur, & horum aviditatem fibrarum suarum intentione quasi exprimunt & ostendunt, ita, ut ingrati saporis aut cujuscunque alius molestiae causam excutiant & amoveant, vomitu seu motus inversione utuntur. Eadem est lymphaticorum canalium ratio. — Hanc igitur vesolam analogiam ducem sequuti facile persuademur fieri interdum etiam posse, ut in versis vasorum resorbentium motibus humores

(e) cf. *Cruiksh.* l. c. p. 114 Quae res etiam *Hunterum* movit, ut exulceratas superficies optime resorbentes appellaret. Et communi experientia satis docemur venena varia & miasmata cutem integram tardius permeantia, si exulceratae vel vulneratae parti allinantur, longe facilius corpus subire.

in iis contenti retro volvātur; unde copiosissimae in locis, e quibus originem ea trahunt, destillationes existant. Qua quidem re DARWINUM (f) ad explicanda plurima phaenomena pathologica non infeliciter usum fuisse, medici norunt, deque retrogrado venarum motu cel. PLATNERUS nuper egregie verba fecit (g). Neque profecto tam infrequens est humorum in vasis reversio, quin eam vel in ipsis arteriis & venis accidisse perspexerint HALLERUS, VER-SCHUIRUS & alii. Quid? quod dubium & anceps lymphae iter ipse expertus sum, subitamque chyli fugam, quam vel ligata arctius mesenterii radice in experimento cognovit cel. BLUMEN-BACHIUS, ejus in cavum intestinorum regressui tribuendam esse arbitratur (h). Imperfectionis autem hujus motus, quem destillationes in cava

(f) Quemadmodum *Darwin* non sine causa saepe objectum est, multa retroverso lymphae motui ipsum tribuisse, quae majori jure ab arteriis aut etiam a venis retromotis repetantur, ita altera ex parte ejus sententiae multum roboris accederet, si, quae de denegando venis resorbendi munere *Hunter* & *Cruiksh.* aliique disputarunt, ulterius comprobarentur. Hoc enim posito fieri non posset, ut v. c. a vasis portarum, cum patulis orificiis in intestina non hient, retromentis materiae morbosae quicquam effunderetur, sed quicquid ejus ipsis inhaeret, longiori itinere amoliendum esse eoque peracto tandem per arterias in intestinorum canalem destillare. — Fortasse igitur, quae tardius sunt ejusmodi destillationes alvinas arteriarum effecta sunt, quae subito accidunt & recentis materiae notam habent, retroverso lacteorum motu procurantur.

(g) ad *Fahre Untersuchungen* &c. 582-611.

(h) *Iust. Phys.* p. 241. not.

sequuntur, caussa duplex partim ad solidas, partim ad fluidas partes pertinens accidere videtur. Altera posita est vel in universa quadam virtutis nervosae conturbatione, quae sicuti omnes partium animalium motus confundit, ita etiam ad invertendum vasorum lymphaticorum motum vim habet; vel in ipsa ejusdem in singulis vasis perturbatione, eaque a malignitate & nauseosa humorum stimulantium indole exorta (i). Altera, quam & DARWINUS attulit omissa quodammodo illa priori, vel ad nervorum languorem & paralyzin, qua provehendi humoris facultatem vasa amittunt, vel ad ipsam humorum inertiam, imbecillitatem & saporis quasi inanitatem est referenda.

Qui tales retrogradi motus sicuti in canalibus inanimis & vi mechanica tantum agentibus ne cogitari quidem recte possunt, ita praeterea multa sunt, quae virtutis nervosae in vasa lymphatica imperium diserte doceant. A variis nervosi systematis conditionibus, quae ad singulas hominum aetates pertinent, varium quoque lym-

(i) Quodsi nimia oppletio nauseosi stimuli vim habens canales ad invertendos motus sollicitat, (quod in ventriculo cibis obruto manifeste videmus) facile explicari potest, cur in illo *Blumenbachii* experimento omni chyli exitu vinculis praeccluso & accedentibus continuo novis ejus undis tandem retrogrado molimine ab oppletionis molestia vasa sese liberare antistebantur.

phaticorum vigorem pendere experimur (k). Etenim, in quibus insignior nervorum alacritas ad omnes corporis functiones dimanat, infantes lactiori resorbtione lymphaeque motu utuntur. Postea ubi accedente pubertate robur & omnis vis vitalis denuo quasi incenditur, novus etiam lymphatico systemati vigor conciliatur. Tunc scrophulas antea obortas naturae fortioris beneficio discuti videmus, & ob auctam tunc resorbtionis vim adolescentes ad recipiendum virus venereum procliviores videntur. Quin si in contrahenda corporis obesitate languori resorbtionis nonnihil tribuendum est, forsan omissa illa, quae pubertate fit, corporis commotio ad eunuchorum obesitatem aliquid facit. Quo autem longius procedit aetas, eo magis una cum nervorum agilitate labefactari videtur lymphaticum systema, ut in senectute admodum hebescat. Hinc forte arthritici decubitus provectiori aetati magis solennes, hinc senibus scrophulae redeunt, senes vix venere inficiuntur. Neque etiam temperamentorum ratio

(k) Consopita quodammodo ad tempus videntur jacere quaedam vasa lymphatica; sic v. c. pulmonum hujus generis vasa post natiuitatem demum recte vivere dicenda sunt, alia aetate succedente explicantur magis atque ad sua munera aptiora redeunt, v. c. vasa lymph. extremitatum, genitalium, mammarum; multa denique vigent in junioribus, quae in adultis certe maximam partem evanescent, v. c. thymi, partim etiam capsularum atrabiliarum.

negligenda est. Ita cholericos, in quibus omnia rapide aguntur, raro pinguescere videmus, cum contra phlegmatici, quorum aequae sensus hebet ac motus torpent, facile ad obesitatem perveniant, cum inter alia debilitata iis videatur esse vasorum & cellulis adiposis resorptio (l). Quod quidem non ita dictum velim, quasi omnem pinguedinis causam ab hoc languore repetam; eum autem una cum reliquis causis agere, non incongruum puto. Neque dubitandum est, quin pro sexus diversitate varia sit resorptionis vis, sicuti etiam diversum dici tempus multum discriminis ei affert. Ita matutinum tempus, in quo nervorum vigor eminet, resorptioni maxime fauet, ideoque id ipsum ad inunctiones mercurii praeprimis opportunum eligendum esse suadent medici (m). Per somnum uti omnium partium

(l) Videntur dici posse vasa lymphatica, uti nutriendo & destruendo corpori inservire, ita recte valente eorum vi nimium corporis incrementum & quasi excrementum impedire. — Refertur ad superiora illa possunt, quae *Dippelium* expertum fuisse legimus (cf. *Baldingers neues Magazin für Aerzte* 6. B. 6. St.) spiritus vini crebriori destillatione ab herbis aromaticis fortioris redditus usum hominibus prius insignem maciem, diutius autem protractum tantam obesitatem conciliare, ut pene hac suffocentur. In quo explicando non negligendum putaverim, excitata & incensa potus illius spirituosus stimulo vi vitali auctam quoque fuisse vasorum lymphatic, ad obeunda munera sua alacritatem, nimirum autem huius agitationem tandem languorem sequutum esse, aut stimuli ei assuetos nervos tandem eodem non iam fortiter, quam antea commotos esse.

(m) *Cirillo* Osservazioni oratiche intorno alla lue venerea, Napoli 1783. p. 143. vespertinum tempus post peractam atque,

moderatio est actio, ita & lymphaticis vasibus placidus quidam sopor videtur incumbere, quod, nisi fallor, inter alia declarat faciei & reliquarum partium levis intumescencia somni tempore exorta. Porro etiam experientia docet, potu inebriatos citius venere infici ob magis vegetam aucta vi vitali resorptionem (n). Contrario modo post morbos convulsivos, quibus nervorum vigor quam maxime opprimitur, hydropes, oedemata pedum oriuntur, quae saepe roborantibus remediis curantur. Hypochondriaci aut hystericae feminae non raro hydropes afficiuntur. Sed uti videmus suppressa aut labefactata vi nervosa hunc morbum procreari, ita & excitata auctaque eundem novimus curari. Adiutiori moerore orti hydropis subita laetitia curati exemplum affert FABRE (o). Hydropes ita sanatos alii auctores commemorant. Sub epilepticis insulibus aucta per nervorum commotiones resorptione oedematofos pedum tumores solutos esse, observatum legimus. Huc etiam podagricae materiae resorptiones, & recessus lactis e mammis subita ira exorti perti-

absolutam concoctionem innuentionibus convenientissimum esse putat: huic contrarias observationes affert Cruiksh. v. *Semml. quæst. Abb zum Gebirg* &c. 7 B 1. St. p. 18. Mane ventrem virus facilius communicari Girtanner l. c. p. 64.

(n) cf. Girtanner l. c. p. 63.

(o) l. c. p. 233.

nere videntur. Cum igitur ex allatis exemplis animi & nervorum vis in vasorum lymphaticorum ministerium luculentius pateat, sequitur omnem eorundem morum eo minus ad elasticitatis effecta posse referri, quo magis constat, hanc nonnisi stimulis corporeis iisdemque ipsi parti proxime applicatis ad agendum impelli.

Non leve tandem vigoris horum vasorum vitalis argumentum repeti potest ab ipsa remedium natura, quae variis systematis lymphatici morbis solent opponi (p). Sic quae in obstructis vasis & glandulis adhibentur, resolventium actio in eo cernitur, ut moleculis suis ad commovendum & excitandum aptis vim nervorum ita evehant, ut haec vividiores vasorum motus & fortorem in protrudendis impactis humoribus contentionem producat. Nonne eodem consilio emetica, roborantia v. c. in hydrope, aut mercurius in hydrocephalo interno proponuntur? Quin emelīn spontaneam a natura ad augendam sustinendamque in hoc morbo resorptionem excitari videmus. Nec inauditi aliquid est, excitato artis ope vomitu pus abscessui inclusum satis cito remotum esse. Quod idem vomitus vehementioris a nauseosa idea exorti beneficio accidisse, ipse-

(p) cfr. *Cruiksh.* l. c. p. 12. seqq.

met exemplo edoctus sum. Quibusdam remediis vasa motu eorum inverso excitato molestiis exonerari non est vero absimile. In quorum numero sunt purgantia, etiam emetica. Ita autem agere videntur & haec, & alia, ut dum in aliis vasorum tractibus resorbtione suppressa motum invertunt, in aliis resorbendi & sese recte movendi vim augeant. Neque vero id in unis lymphaticis accidit; non raro enim & alibi in corpore ab uno eodemque stimulo contrarii motus nascuntur, ut in cholera vomitus alvique profluvium. Emetica etiam alvum ut plurimum simul solvunt. — Aliorum efficacia eo redire videtur, ut contrarium morbofo stimulo stimulum vasis afferant. In quibus vel unius mercurii ad evertendum virus venereum utilitatem nominasse sufficiat, cujus in irritandis vasis vis ex aucta per ejus usum pulsus celeritate satis apparet. Pari modo cum frictionem arteriis & venis stimulum quandam adjicere videamus, quo sanguinis circuitus multum acceleratur, ejus ope idem in vasis lymphaticis effici tumores oedematosi pedum fricando soluti probabile reddunt. Quare & ipsa frictionis strenuitate & alacritate mercurii vim augendam & duplicandam esse non male chirurgi praecipiunt.

CHRISTIANI PETER, *Litopolitano-Helvæti*,
 PRAEPECTI CHIRURG. LEGIONIS WIRTEMBERGICAE,
Dissertatio inauguralis Chirurgico-Medica

S I S T E N S

HISTORIAM RARIOREM

MAMMAE CANCROSAE,
 SANGUINEM MENSTRUUM FUNDENTIS,
Methodo simpliciore sanatae.

TUBINGAE. MDCCLXIII.

HISTORIA MORBI.

HOnestae prosapiae femina, temperamenti cholericum-melancholici, lautae diaetae adsueta, aliquot jam liberorum mater, triginta circiter annos nata, incidebat in suppressionem mensium. Aliquanto post sentiebat in mamma dextra oriri tumorem duriusculum, quem, utpote doloris expertem, per plures annos negligebat. Crescente autem sensim illius mole, opem ab obstetrice petebat, quae ipsi emplastrum quodam tumori im-

po-

ponendum suadebat. Continuabatur satis diu usus hujus emplastri, sed eventu minus secundo. Tumor quippe benignam & mitem suam indolem paulatim exuebat, indolentiamque sequebatur dolor, cujus impatiens aegra emplastrum abjiciebat, neque ulla deinceps alia adhibebat remedia. Neglecta sic medicatione, variisque interim commissis diaetae erroribus, tumor tandem abibat in ulcus, quod cum dolore lancinante & pruritu fere intolerabili conjunctum erat, intermixtis passim venulis, atro crnore turgentibus, tandemque saniem ichorosam summe foetidam, ac partes vicinas erodentem, plorabat. Ubi id cum primis memorabile erat, quod eo temporis articulo, quo antea fluxum menstruum experta erat, nunc papilla mammae exulceratae sanguinem, colore loturae carniū similem, per tres, quatuor, quinque dies, singulis mensibus satis copiose profundebat. Vocabantur in auxilium Medici & Chirurghi, qui dirum hunc hostem variis remediis, sed frustra, oppugnabant. Malum in dies augebatur, ulcusque latius serpens totam viciniam ita devastabat, ut nemo non res aegrotae pro conclamatis haberet. In miserrimo hoc rerum statu aegra, annum aetatis quadragesimum quartum tunc agens, me arcessebat, & ut malo huic manum medicam admoverem, enixe roga-

bat. Exploratis & perpenſis omnibus momentis, parum quidem bonae ſpei polliceri poteram, ſed religioni tamen mihi ducens, aegrotam deferere, curatiōnem, implorato prius divino auxilio, adgrediebar.

Ratione *dietae* ipſi ſevere inculcabam, ut eam quam exactiſſime obſervaret, aëre uteretur puro & temperato, cibis veſceretur concoctu ſacilibus, non nimis nutrientibus, iſſque ex vegetabili potius, quam animali regno petitis, potulenta ſpirituofa & facile fermenteſcentia cane pejus & angue fugeret, omnia nimia corporis exercitia, nominatim ea, quae brachiorum miniſterio peraguntur, vitaret, nec nocivis illis animi pathematibus, irae & maerori, indulgeret, ſed mentis tranquillitati atque hilaritati ſedulo ſtuderet. Ad ipſa *medicamenta* quod attinet, praemiſſo leni laxante rhabarbarino, decoctum ex ligno & cortice guajacino, raſura cornu cervi, & radicibus bardanae, chinae ac ſaponariae ordinabam, cujus integram libram, inſillaris prius mixturae, ex eſſentia myrrhae non alkalifata & tinctura antimonii acri conſtantis, guttis quinquaginta, quotidie mane calide hauriret, decocto, quae ſecundario pro potu ordinario uteretur. Singulis hebdomadibus bis terve alvum ſubducebam pilulis Beccherianis, ad praecriptum pharmaco-

poeae Argentoratensis paratis. Extrinsecus profotu adplicabam acetum lithargyrii, partesque exulceratas mere deligabam linamentis carptis siccis. Methodo hac per aliquot hebdomadas continuata, id obtinebam, ut ichoris copia sensim imminueretur, partes putredine corruptae paulatim abscederent, & tandem pus laudabile proflueret. Quo viso, ulcuscula unguento digestivo, ex terebinthina vetera, olibano & myrrha composito, mundificabam, mundificataque ope balsami Arcaci, cum balsamo peruviano nigro remixti, feliciter consolidabam. Atque hoc pacto miseram aegrotam duorum circiter mensium spatium perfectae sanitati restitui, qua adhuc ultra integrum jam biennium perfruitur.

§. I.

EXposita morbi historia, nostrum est, ut praecipua momenta, tum ad pathologiam, tum ad therapiam illius spectantia, breviter & succincte, pro virium nostrarum modulo, explanare atque illustrare adlaboremus.

§. II.

Initium morbi tale fuit: *Sensit aegra in mamma dextra oviri tumorem duriusculum, eumque doloris expertem.* Laboravit igitur *scirrhus*

mammæ. Scirrhus enim, auctore GALENO (a), qui, quantum constat, primus hoc vocabulum adhibuit, est ὄγκος σκληρὸς ἀνώδυνος, *tumor durus, indolens*. Accidit hic morbus maxime partibus glandulosis a materia crassa immobili, glandularum folliculos distendente (b). Unde ratio patet, cui mammæ muliebres tam frequenter ab hoc malo infestentur, structuræ quippe glandulosæ; copiosisque præterea & valde quam angustis vasis sanguiferis, lymphaticis & galactophoris, in multiplices spiras & plicas convolutis, contextæ, ubi quam facillime fit, ut humores stagnent & colligantur, resorptaque parte fluidiore aquea, reliqua materia crassior terrestris, jugi novorum humorum adfluxu aucta, tandemque magis & magis coagulata & indurata, immobilis subsistat.

§. III.

Scirrhi plerumque sine ulla graviore noxa per plures annos, immo ad extremam usque senectutem, perdurare possunt: irritati autem & moti quocumque modo horrendæ tragoediæ sce-

(a) de simpl. medicam. facult. Lib. V. cap. VIII. & Meth. med. Lib. XIV.

(b) Vid. Boerhaavius Aph. de cogn. & caus. morb. 39a.

mam aperiant. Sunt nimirum ex illorum malorum familia, de quibus OVIDIUS (c) canit:

*Curando fieri quaedam majora videmus,
quae melius non tetigisse fuit.*

Suo id malo experta est aegrotā nostra, suāsu obſetricis mammae ſcirrhoſae *emplaſtrum* imponens. Quale illud fuerit, comperire non potui. Emolliens autem fuiſſe, eo minus dubito, quo crebrius obſervare mihi licuit, male feriataſ iſtiuſ ſurfuriſ medicaſtrāſ, earumque fratres germanoſ, conſoreſ, in quibuſcumque tumoribuſ duris ſtatim vel ad cataplaſmata, vel ad emplaſtra de ſpermate ceti, diachylon ſimplex vel compoſitum, ac ſimilia, tanquam ad ſacram ancoram, conſugere. Nullum vero eſſe poſſe remediorum emollientium in ſcirrhiſ uſum, facile perſpiciet, quiſquiſ illorum effectuſ cum horum indole comparaverit. Emollientium remediorum effectuſ duplex eſt. Aut enim materiam alicubi ſtagnantem reſolvunt, aut, ſi hoc fieri nequit, eam perducunt ad ſupurationem. Uterque effectuſ a vi arteriarum dependet. Sine vividiori enim humorum circuitu neutrum ſperare licet. Sed heic exſulat viſ arte-

E 3

(c) Pont. Lib. III. Eleg. VII.

riarum, materiae scirrhusae adplicanda, utpote in flagnans coagulatum atque induratum agere nescia (d). Facile igitur adparet, in scirrhis perfectis (de nascentibus enim sermo nobis non est) neque resolutionem, neque suppurationem, umquam locum invenire posse: id quod etiam experientia testatur, qua constat, tumores scirrhusos, remediis emollientibus tractatos, nulla ratione molliores reddi, sed pristinam semper duritiem servare.

§. IV.

Utinam vero sinistra haec remedia in hoc uno subsisterent, ut spem de se conceptam frustrarentur! Utinam ne essent summe nociva! Sed eo ipso, quia cutem & substantiam glandularum relaxant, materiam scirrhosam, in iis incarcerationam, molliorem reddunt, & motum sanguinis intendunt, pronam ad horrenda mala muniunt viam. Tumor quippe tum in dies magis magisque crescit, & dolere incipit, fitque plumbeus, fuscus, ater, vasa vicinâ ad margines illius inflammantur, similem calorem induunt, valde intumescunt, & varicosa evadunt, sicque, qui *benignus* antea

(d) Conf. Gerlaci Comment. de cura canceri, in mamma exulcerati, possibili, exulante chirurgica operatione. §. VII.

fuerat *scirrhus* in *malignum* convertitur, & vocatur *cancer*, s. *carcinoma*. Infelix haec scirrhi suboles, quam diu suis adhuc inclusa coërcetur velamentis, adpellatur *cancer occultus* (e). Ubi autem illa erodit, & ulcus facit, dicitur *cancer apertus*. Manifesto tunc atque celeriter efferatur morbus, accedente dolore intolerabili, promanante perpetuo sanie subtili, fulva vel nigra, acerrima, foetoris detestabilis cadaverosi, quae ad proxima quaeque & viciniora malignas suas radices emittit, ambientia vero arrodit, plurimisque foraminulis, continuum ichorem plorantibus; pertundit (f).

§. V.

Ex descriptione utriusque canceri, levi penicillo haftenus adumbrata, & cum historia morbi nostri vel obiter collata, nemini, puto, dubium esse potest, quin aegroti nostra *vero mammae carcinomate*, eoque primum *occulto*, postmodum

E 4

(e) Sunt quidem, qui hanc adpellationem ad interdarum tantum partium, v. c. uteri, carcinomata restringunt, ut *Pbilozenus* quidam apud *Actium* Tetrabibl. IV Serm. IV. Cap. XLII. Sed, quum omnes hodie Medici & Chirurghi, ipso *Hippocrate* & *Galeno* praecuntibus, per *cancrum occultum* eum intelligant, qui a cute adhuc integra occultatur, a recepto in scholis loquendi usu recedere nefas duximus.

(f) Vid. *Boerhaavius* loc. cit. Aph. 497 & 499.

autem in *apertum* s. *exulceratum* converso, laboraverit. Quare ne verbum quidem addimus.

§. VI.

Nosologicam morbi nostri considerationem excipiat *aetiologica*. *Causam* *cancris* hujus *exulcerati* non aliunde repetendam esse censeo, quam a *fluxus* *menstrui* *suppressione*. Aliquanto enim post, quam in hanc incidit, scirrhum in mamma obortum sensit. Et quis ignorat, frequentissima carcinomatum, ex hac ipsa matre prognatorum, exempla passim ab Auctoribus memoriae esse prodita? *Mammarum* *cancros* diserte hinc deducit HIPPOCRATES (g), dum, de *catameniorum* *suppressorum* *symptomatibus* differens, ait: *In* *mammis* *tubercula* *dura* *exoriuntur*, *quaedam* *quidem* *majora*, *quaedam* *vero* *minora*. *Haec* *autem* *minime* *suppurant*, *sed* *semper* *duriora* *fiunt*. *Ex* *his* *deinde* *occulti* *cancris* *pullulant*. Eadem fere habet GALENUS (h), ita scribens: *Cancrofi* *tumores* *in* *omnibus* *partibus* *fiunt*, *praesertim* *tamen* *in* *mammis* *mulierum*, *quum* *nullatenus* *purgantur* *ea*, *quae* *secundum* *naturam* *est*, *purgatione*. Eademque carcinomatum cau-

(g) de morb. mulier. Lib. II.

(h) Comment. III. in libr. de slim.

sam inter praecipuas recensent ALBERTI (*i*), AMMANNUS (*k*), BOERHAAVIUS (*l*), CRAUSIUS (*m*), FASCHIUS (*n*), HEISTERUS (*o*), HILSCHERUS (*p*), HOFFMANNUS (*q*), MOEBIUS (*r*), PLATNERUS (*s*), SCHAARSCHMIDTIUS (*t*), SCHNEIDERUS (*u*), TEICHMEYERUS (*x*), WEDELIUS (*y*), aliique pluri, quos brevitatis causa silentio praetermitto.

§. VII.

Nec difficulter intelligitur modus, quo fluxus menstruus suppressus cancerum progignere potest. Sanguis, in utero ad accumulatus, & per loca consueta excerni impos, ad alias partes regurgitat, & deinceps ob motus languorem spissior & viscidior, adeoque ad statim hinc inde concipien-

- (*i*) Diff. de cancro. §. VI.
- (*k*) Diff. de cancro mammarum. §. XIV.
- (*l*) Loc. cit. Aph. 495.
- (*m*) Diff. de cancro, pag. 14.
- (*n*) Diff. de cancro occulto. Cap. IV. pag. 13.
- (*o*) Diff. de optima cancerum mammarum extirpandi ratione, pag. 11.
- (*p*) Diff. de cancro mammarum. §. XXXIV.
- (*q*) Medic. system. Tom. IV. Parr. V. Cap. VI. Thef. pathol. XIV.
- (*r*) Diff. de cancro, pag. 11.
- (*s*) Instit. Chirurg. §. 292.
- (*t*) Anweisung zum Studio medico-chirurgico. Part. III. Sect. XXXI. §. V.
- (*u*) Diff. de cancro. Cap. VI §. IX. & Cap. VII. §. IV.
- (*x*) Diff. de cancro, in specie mammarum. §. XXVIII.
- (*y*) Diff. de cancro mammarum. §. XXXVII.

dam idoneus redditur. Quod si jam ad loca glandulosa deferatur, in iisque subsistat, facile scirrhum progenerat, ex levissima causa in carcinoma degenerantem.

§. VIII.

Sequitur, ut rationem reddamus rarioris illius phaenomeni, in aegrotis nostris observati, quod, simul ac cancer occultus in apertum transierat, eo temporis articulo, quo catamenia ipsi antea fluxerant, ex papilla mammae exulceratae sanguis, colore loturam carniū referens, per triūm, quatuor, quinque dierum spatium, singulis mensibus in magna quantitate promanavit.

§. IX.

Ante omnia quaeritur, qualis fuerit hic sanguis. Partes, carcinomate exulcerato obfessas, largis, immo adeo enormibus haemorrhagiis spontaneis, interdum esse obnoxias, ut miseri aegroti animam exhalent, frequens Medicorum atque Chirurgorum testatur observatio (2). Accidunt

(2) Vid. *Ammanus* Disp. cit. §. XVII *Boerhaavius* loc. cit. Aph. 499. III. *Buchnerus* Disp. de medicamentorum mercurialium usu in cancro. §. IV. *Leichnerus* Diss. de cancro. Cap. IV. Th. V. *Nevenbush* Disp. de carcinomatis malignitate ejusque curā, §. XI. *Tabor* Disp. de cancro mammarum, ejusque novā extirpandi methodo. §. XV. *Welschius* Disp. cit. §. IX. alii.

illae per *διάσπαρσιν*, quando nimirum sanies illa acerrima, quam pars cancrofa profundit, vas aliquod, five arteriosum, five venosum, corrodit. De hoc haemorrhagiarum genere sanguinis profluxum, quem aegra nostra perpessa est, haud fuisse, per se luculenter patet. Primum enim sanguis non promanavit ex vasis, sed ex papilla. Deinde cur recursus hujus haemorrhagiae statas semper servavit periodos? Ex hoc uno, nisi me omnia fallunt, sole meridiano clarius adparet, aegrotae nostrae haemorrhagiam ad eas, quae cancris exulceratis alias accidunt, neutiquam esse referendam. Indidem etiam exploratum est, eam non fuisse ichorem illum *ὑφαίμων*, *subcruentum*, quem, exorto in thorace carcinomate, subinde ex papilla effluere, ex HIPPOCRATE monet WEDELIUS (a).

§. X.

Omnia haemorrhagiae hujus momenta liquidissime docent, sanguinem illum promanantem alium non fuisse, quam menstruum. Fluxit enim singulis mensibus. Fluxit iisdem mensis diebus, quibus catamenia ante fluxerant, quam in illorum suppressionem incideret. Fluxit nunc per

(a) Diff. cit. §. LXIII.

ares, nunc per quatuor, nunc per quinque dies, eadem prorsus ratione, qua tum, quum integra sanitate adhuc gaudebar, menses profundere consueverat. Fluxit denique magna ejus copia, quae a justa proportionem cum ordinaria menstruorum aegrotae quantitate haud multum recessit. Sane, qui hanc momentorum quadrigam cum alius generis haemorrhagia conciliaverit, is
erit mihi magnus Apollo.

§. XI.

Et quid plura? Quis in scriptis Medicorum adeo hospes est & peregrinus, ut nesciat, infinita mensium, turbato rerum ordine, per loca insolita erumpentium, exempla hinc inde litterarum monumentis esse consignata? Nolumus ea jam cumulare, ubi feminae modo per capitis verticem, modo per frontem, modo per oculos eorumque palpebras, modo per tempora, modo per aures, modo per nares, modo per genas, modo per ductus salivales, modo per maxillas, modo per gingivas, modo per dentium alveolos, modo per labia, modo per mentum, modo per palatum, modo per isthmum faucium, modo per asperam arteriam, modo per oesophagum, modo per dorsum, modo per umbilicum, modo per inguina, modo per vesicam urinariam, modo per

anum, modo per vias haemorrhoidales, modo per naturae muliebris labia, modo per brachia, manus, pollicem, singulosque digitos, modo per crura, genua, pedes, illorumque talos ac digitos, tributum lunare solverunt. Otia nobis heic fecit diligentissimus SCHURIGIUS (b), qui numerosissimas hujus generis observationes, apud varios Auctores sparsim obvias, laudabili instituto in unum congeffit (c). Parallelas tamen nostrae historias, ubi nimirum catamenia ex mammis profluxere, in medium proferre, alienum non erit. Omissis autem, quas SCHURIGIUS (d) jam ex AMATO LUSITANO, ANDREA LAURENTIO, AMBROSIO PARAEO, JOH. SCHENCKIO, DANIELE SENNERTO, DOMINICO PANAROLO, CHRISTIANO FRANCISCO PAULLINI, CASP. THEOPH. BIERLINGIO, CORNELIO STALPART *van der WIEL*, IDONE WOLFIO, JOH. NICOLAO PECHLINO & ACHILLE GASSERO colle-

(b) Parthenol. Sect. II. Cap. III. *Add. ejusdem Haematol. Cap. V.*

(c) Plures de insolitis mensum viis scriptores excitat Vir *πρὸς γυναικας*, Trillerus, in *Progr.* quo locum Hippocraticum e Lib. VII. de morb. epidem. de mensibus per nares Leonidae filiae erumpentibus, ab imprudenti autem Medico cum ipso interitu infeliciter repressis, explicat. pag. 5. not. e. Quibus nos addimus Georg. Wilsig. Wedelium in *Disp. de suppressione mensum*. Cap. V. pag. 25. seq. & Job. Adolph. Wedelium in *Diff. de viis mensuum insolitis*. Jen. 1735.

(d) Parthenol. loc. cit. §. II. & Haematol. loc. cit. §. XIX.

git, eas duntaxat paucis delibabimus, quas alibi reperire nobis licuit. Ac primum quidem in his locum suo sibi jure vindicat prodigiosum illud & omnem propemodum fidem superans exemplum, a celeberrimo quondam RUYSCHIO (e) plus vice simplici observatum, puellae cujusdam, quae *vivum simul emisit sanguinem per capitis cutem, aures, os, oculos, umbilicum, mammasque*: & quidem ex his tantum exsistebat sanguinis, ut necesse foret, vitris, supra papillas impositis, profluentem cruorem excipere. Alterum huic fere geminum exemplum observavit laudatus SCHURIGIUS (f) in Icti cujusdam Dresdenensis uxore, cui *sanguis menstruus per sputum, nares, oculos, & mammarum papillas, guttatim effluxit*. Tertium denique suppeditat ALBERTI (g) matronae cujusdam, annum aetatis quadragesimum septimum agentis, in qua, *suppressione mensium trimestri praegressa, fluxus, destinatum deferens locum, per sex hebdomadas ex mammarum papillis stillabat*. *Materia hujus excreta ab initio seroso-flavescent, paullulum spissiuscula, in me-*

(e) Advers. anatom. Dec. III. Obs. III. pag. 13. seqq. Tom. I. opp.

(f) Parthenol. Sect. II. Cap. VIII. §. IV.

(g) Disp. de casu menstrui fluxus anomali, animique pathematibus perturbati, pag. 10.

dia guttulae sanguinis nigricantis, & in fine liquor quidam, loturam carniū referens, erat.

§. XII.

At quae causa est, cur menses aegrae nostrae, consueae sua familiarique via prohibiti, praecise per mammam exitum quaesiverint? Praecipuam causam in laxitate & debilitate hujus partis, utpote exulceratae, sitam fuisse judico. Constans enim lex hydraulico-mechanica est, ut fluida eo tendant, ubi minimam inveniunt resistentiam, ibique, qua data porta, erumpant. Ita mammae illae, per quas WOLFIUS, PECHLINUS & GASSERUS menses profluxisse observarunt, pariter fuerunt exulceratae. Et matrona illa, cujus ALBERTI mentionem facit, in turbis bellicis fugae se committens, in milites quosdam vagabundos incidit, qui hostili ac crudeli modo pecuniam, vel alia pretiosa, tecta involutaque quaerentes, mammas ejus tam ferociter contrectarunt, ut lac, ob statum lactationis praesentem, aliquot passus extorqueretur, unde sequenti tempore non pauca his in locis pettulit incommoda, & subsequentibus puerperis ferme omnibus mammarum exulcerationibus vel abscessibus vexata fuit (b). Atque eandem ob

(b) Vid. Disp. cit. §. XIX.

rationem suppressi menses nunc per vulnera (i), nunc per apostemata (k), nunc per ulcera (l), prorupisse observati sunt.

§. XIII.

Praeter adductam rationem haud excludendus est mirificus ille, mammas inter atque uterum intercedens, consensus, quem plura phaenomena, quorum hinc inde in scriptis Medicorum physiologicis & pathologicis mentio injicitur, extra omnem dubitationis aleam ponunt. Pertinent huc, utut non omnia peraeque evicta sint, effata illa HIPPOCRATICA: *Mulier, uterum gestanti, si mammae derepente gracilescent, abortum patitur (m). Mulier, utero gemellos geventi, si altera mamma gracilis evadat, alterum abortu edit, & si quidem dextra mamma gracilescent, marem, sin autem sinistra, feminam (n).*

Mu-

(i) Vid. M. N. C. Dec. II. An. VIII. Obs. XCVI. *Ronsseus* de primord. vit. human. Cap. XXVIII. *Kerkringius* Spicil. Obs. LXXXVI.

(k) Vid. M. N. C. Dec. I. An. IV. & V. Obs. LXXV. *Thomas Bartholinus* Cent. II. Hist. LXXXVII. *Job. Bapt. & Lammeerde* Adp. ad *Job. Sculteti* Armam. chirurg. Obs. XCVII.

(l) Vid. M. N. C. Dec. II. An. V. Obs. LXXXI. *Blancardi* Collect. med. phys. Cent. II. Obs. LIX. *Viti Kiedlini* Obs. med. Cent. III. Obs. LXIII. *Valentini* Noloc. acad. Caf. XI. §. II. *Job. Schenckii* Obs. med. Lib. IV. fol. 635.

(m) Sect. V. Aph. XXXVII. & Epid. Lib. II. Sect. I.

(n) Sect. cit. Aph. seq.

Mulieri menses si cohibere velis, cucurbitam quam maximam ad mammas adpone (o). Mulieri, uterum gerenti, si lac copiosum e mammis effluat, foetum imbecillam indicat. Quod si solidae mammae fuerint, foetum valentiorē significant (p). Quae foetus corrupturae sunt, iis mammae extenuantur (q). Si mammarum papillae & rubra circa eas circumferentia pallida fuerit, morbosum esse uteri conceptaculum significatur (r). Si aqua intercut in uteris innascatur, mammae solidae flaccescunt (s). In primis autem huc quam maxime accommodatum est. sequens: Concluse uteri menses ad mammas remittunt, & ad pectus adscendere cogunt (t). Et quis nescit, mammas, retentis mensibus vel lochiis, turgere, sub immoderato autem illorum fluxu detumescere & collabi? Rationem hujus consensus, si non ex toto, magna tamen ex parte, in communicatione vasorum mammariorum cum epigastricis, & horum interventu cum hypogastricis & uterinis, quaerendam esse censeo. Quod enim B. JUNCKE-

Tom. X.

F

(o) Sect. cit. Aph. L. & Epid. Lib. II. Sect. VI.

(p) Sect. cit. Aph. LII. & Epid. loc. cit.

(q) Sect. cit. Aph. seq.

(r) Epid. Lib. VI. Sect. V.

(s) de morb. mul. Lib. I.

(t) Loc. cit. Lib. II.

RUS. (u) scribit, *vasorum epigastricorum cum mammariis reciprocam anastomofin & communio- nem in corpore nullam esse, ultro fateri Anato- micos*, id vero tam solide, tum summorum, ve- terum acque ac recentiorum Anatomicorum aucto- ritate, tum ex iterata sua ipsius ἀντοψία, re- sellit Cl. LINDENER (x), ut ipse JUNCKE- RUS (y) laudabili candore profiteatur, *quamvis istam anastomofin ipsemet nondum viderit, tan- tum tamen abesse, ut negativae sententiae per- tinaciter inhaereat, ut potius testibus ἀντόπταις fidem habere nullus dubitet*.

§. XIV.

Illustrata morbi nostri *pathologia*, transimus ad illustrandam ejusdem *therapiam*. Initium hu- jus fecimus a *decocto*, quod vocant, *sanguinem purificante*. Gaudet hujusce modi decocta cali- da, & insigni quidem atque egregia prorsus vir- tute gaudet, non tantum humores viscidos, vel in imis partium latifundiis haerentes, diluendi

(u) Physiol. Tab. XVIII. n. 3.

(x) Diss. de communicatione vasorum mammariarum cum epigastricis, sub Ill. Buchneri praesidio, Hal. Magd. 1748. bab. Plures, ab ipso praetermissos Auctores, excitat Trillerus Diss. de nociva cancri inveterati extirpatione, novis exemplis de- monstrata. §. XVIII.

(y) Epist. gratul. Diss. Lindenerianae subjecta.

ac resolvendi, sed etiam fibras vasorum & glandularum animandi ac stimulandi: quo ipso materia resoluta in motum & progressum cietur, & per omnis generis emunctoria egregie eliminatur. Celebratissima hoc nomine sunt, quae ideo praecipue etiam in usum vocavimus, *lignum & cortex guajaci*. Uno hoc medicamento Americani luis venereae curationem instituunt, optimeque dyscrasiam humorum putredinosam, in illa dominantem, expugnant. Idem in Europa tam diu, donec mercurii usum JACOBUS BERENGARIUS *Carpensis* invenit, unice ad mali istius curationem fuit adhibitum. Multus in commendandis decoctis guajacinis est immortalis BOERHAAVIUS (z), sua, id est, optima fide testans, pessima syphilidis symptomata, ulcera, tophos & cariem ossium, iis feliciter sanari, praesentemque inde medelam promitti posse scorbuto venereo, insigni illi Medicorum scandalo, ubi specificum illud antivenereum, mercurius, aegrotos quam certissime ad orcum demittit, uti quam plurima funesta exempla me docuerunt. Quid multa? In ipso cancro lignum sanctum virtutem suam testatam reddidit. HARRISIUS(a),

F 2

(z) in *praef.* ad *Aloysii Luigini Aphrod.* Lugd. Bat. 1723.
 (a) *Diss. med. chir.* X. pag. 175.

optimae notae auctor, eanorum mammarum opo-
pulis, ex ligno sancto, radice sarssae parillae
& santalo citrino constantis, ab se curatum re-
fert. Et Chirurgus quidam Scoticus (b) carcino-
ma jam exulceratum decocto guajacino satura-
tiori perfecte persanatum memoriae prodidit. Ne-
que reticenda est *bardanae radix*, mirae omnino
in corrigendis humoribus seroso-limphaticis effi-
caciae. Vulgo quidem ad temperatiores radices
refertur (c): sed contrarium demonstrant obser-
vationes practicae. Sola enim, in paullo largio-
re dosi propinata, non tantum nifus vomendi,
sed ipsos etiam vomitus, excitat, manifesto ar-
gumento, haud vulgarem ipsi inesse virtutem
resolvendi. Similes enim effectus observamus in
iis, quae potentius resolventia esse scimus, re-
mediis, v. gr. ex regno vegetabili in herba flori-
busque arnicae, & radicibus asari, bryoniae,
scillae, ex minerali in turpetho minerali & sul-
phure antimonii aurato. Atque hoc decoctum, quo
vires suas efficacius exfereret, liberalius hauriri,
immo ordinarii potus loco usurpari iussimus.

(b) In the medical Essays of Edinburgh. Vol. V. Obs. IX.
pag. 69.

(c) V. gr. ab *Hoffmanno* loc. cit. Cap. IV. Thes. therap. IV.

Singulis decocti libris, quovis mane hauriendis, instillari praecepi guttas quinquaginta mixturae, ex essentia myrrhae non alkalisata & tinctura antimonii acri compositae. Feci hoc eo consilio, ut humores, in primis sanguinem menstruum, a mamma revellerem. Quam diu enim humores ad partem aliquam adfectam adfluunt, tam diu illius persanandae nulla spes est. Adhibita medicamenta scopo meo convenientia fuisse, liquido adparet. Myrrham in pellendis catameniiis, lochiis, haemorrhoidibus, mira praestare, nemo est, qui nesciat. Hinc etiam ingreditur in pleraque composita, adversus harum haemorrhagiarum retentionem usurpari solita, qualia sunt elixiria proprietatis, elixir aperitivum Clau-deri, pilulae polychrestae balsamicae, spleneticae, &c. Mihi quidem tam felici esse non contigit, ut fluxum menstruum provocarem. Hoc tamen non obstante, usui myrrhae insistendum esse judicavi, non dubitans, eam alio respectu plurimum esse profuturam. Praestat quippe, & mirificam quidem praestat, virtutem balsamicam, putredini adversam, suo tapropter jure ad cancerum tam extrinsecus, quam intrinsecus, a B. JUNCHERO (d) commendata. *Tinctura anti-*

monii acris inter efficacissima militat resolventia. Excellit praecipue magnis virtutibus diureticis, eamque ob causam in omnibus vitiis seroso-lymphaticis, ubi humores per colum renale via commodissima evacuantur, haud sine insigni fructu adhibetur. Lues venerea, glandulae induratae, scabies, ipsa lepra, efficax in sibi inveniunt remedium. Quid ni igitur in carcinomate etiam exoptatam praebet medelam? Atqui reapse jam praebuit. Mentionem facit *spectatissimus* DN. DECANUS, Exc. D. D. GMELINUS (e), casus cujusdam, gratiosae Facultati Medicae Tubingensi, ut consilium circa istum transcriberet medicum, transmissi, qui occultum mammae cancerum concernebat, ubi e communi Facultatis concluso tinctura illa antimonii concentrata, quae Cl. D. D. JACOBI auctorem habet, proposita fuit, & vere plurimum boni & levaminis praestitit. Ultimo loco commemorandae sunt *pilulae Beccerianae*, magnam suo merito famam adeptae, quas singulis hebdomadibus bis terve adsumi praecepi. In omnibus exulcerationibus non utilia modo, sed necessaria esse cathartica, res ipsa loquitur. Humores enim

(e) Disp. de tincturis antimonii minus usitatis, utcumque saluberrimis. §. XX. pag. 35.

impuri copiosi, nisi e corpore eliminentur, nocente adfluxu suo consolidationem remorantur, immo plane impediunt. Eximia sunt hanc in rem HIPPOCRATIS (f) verba: *In magna ulcerum parte inferiorem alvum purgari convenit, & in vulneribus, quae sunt in capite, & in ventre, & in articulis, & in quibus sphacellum periculum est, & in his, quae confusa sunt, & in exedentibus ac serpentibus, & in aliis inveteratis ulceribus.* Quoniam vero non omnia promiscue medicamenta huic fini conducunt, pilulas laudatas, ex extractis amaricantibus & gummatibus balsamicis paratas, eo libentius elegi, quo restatiores sunt illarum vires aperientes, resolventes, &, quas praeterea ab initio quidem speravi, uterinae.

§. XVI.

Extrinssecus, conjunctis armis hosti truculento resistendum ratus, mammam fovi *aceto lithargyrii*, partesque exulceratas *linamentis siccis* deligavi. Singula haec *topica* seorsim perlustrare juvabit. *Acetum* in cancro plurimum conducere, nemo infitiabitur, qui sanici cancris indolem

F. 4

(f) Lib. de ulceribus Sect. II.

perspectam habet atque cognitam. Explosa hodie est Pathologia illa, quae, ut omnes propemodum morbos, ita & cancerum, ab acido derivavit: evictum autem, atque exquisitissimis Chemicorum demonstrationibus confirmatum, corruptionis tam horrendae causam aliam non esse, nisi materiam alkalescentem, summe acrem, causticam (g). Alkalicae corruptionis s. putredinis certissima & tutissima antidota sunt acida, sive internum, sive externum ab iis petas praesidium. In febribus castrensibus, nosodochialibus, aliisque malignis, acida, succus citri, acetum, oleum vitrioli sunt sacra anchora. In gangraena ceteris remediis valentiora sunt fomenta, ex herbis amaribus cum aceto cocta. Quibus positis, quis dubitet, quin acetum, quod putredini semper & efficaciter resistit, etiam ulcerum cancroforum tabum obtundat atque invertat? *Saturnina* omni aëvo adversus cancerum & commendata, & bono cum successu usurpata fuerunt. Inter medicamenta, adaperto carcinomatis ulcere imponenda, PLATNERUS (h) nominatim ipsum nostrum lithargyrium cum aceto laudat. *Idonea*, inquit,

(g) Legi haec in primis meretur *Disp. inauguralis Exper. D. D. Guersneri de specifica methodo recentiore cancerum sanandi*, sub praesidio Cel. D. D. Gmelini 1757. hab. §. XXI. seq. Confr. Heisteri *Disp.* cit. pag. 16.

(h) *Insk. Chir.* §. 274.

est compositio, quae habet acetum, quod argenti spumam excepit, & oleum rosarum, quale vulgo linimentum nutritum adpellant. Ingreditur idem in linimentum illud, quo D. D. SANCHEZ⁽¹⁾ partes cancro exulceratas inungi praecipit, compositum ex aceti lithargyrii uncia una, sacchari saturni scrupulo dimidio, succi semper-vivi majoris, recens expressi, uncia una, & unguenti nutriti sesquiuncia. Nec nullos inde sperari posse effectus, facile consentiet, qui ad vires saturninorum, quas in ulceribus praestant, attenderit. Primum quippe ichorem tetrum profluentem imbibendo, ea sensim exsiccant, nec ulterius serpere patiuntur, novaeque sanae carnis incrementum promovent; deinde vasa relaxata, & ex parte oscula rupta & erosa, blande constringendo, tonum illorum, ad sanationem perficiendam tantopere necessarium, restitunt, & denique refrigerando molesto illi doloris sensui, qui miseros aegrotos tam crudeliter divexat, exoptatum adferunt levamen. *Linamenta sicca* imposita duplicem ferunt opem, tum, quod vitiosos humores ex parte imbibunt, tum, quod aëris adflatum, omnibus ulceribus ac vulneribus summe damnosum, avertunt.

(1) Vid. Guertneri Disp. cit. §. I.

§. XVII.

Effectus horum medicamentorum, quem diæ-
tæ injunctæ observatio adcuratior plurimum ad-
juvit, is fuit, ut, *usu illorum per aliquot heb-*
domadas continuato, ichoris copia sensim minue-
retur, partes putredine corruptæ paullatim ab-
scederent, & tandem pus laudabile profluere.
Equidem non dubito, plurimos fore, qui, lecto
hoc phaenomeno, ad eam cogitationem deducan-
tur; ut non veri nominis ulcus cancrum, sed
aliud quoddam cacoëthes, a me sanatum esse
judicent, pro certo nempe exploratoque habentes,
in vero carcinomate exulcerato suppurationi
locum non esse, in primis, quum δ $\pi\alpha\nu$ BOE-
RHAAVIUS (k) graviter pronuntiet: *Tota Chi-*
vurgia & Medicina desiderat medicamentum, ad
cancrum, ut suppuretur, vel in ambitu, ut ali-
quando in anthracibus fit, vel, ut substantia
ejus vertatur in pus, & tamen continuum non
solvatur. Sed, prob dolor! nullum datur, quid-
quid nonnulli, ut inprimis Chemicæ, jactent.
Sic habui Medicum Chemicum mihi amicum.
Ille dicebat, se habere medicamentum, suppura-
tionem bonam efficiens: sed vidi, eum in tri-

(k) Prax. med. Tom. II. pag. 242.

bus casibus aequè infelicem fuisse, ac ullum alium Empiricum. Se tamen adhuc curare posse suo medicamento putabat, licet contrarium videret. At vero ipsum tale remedium reapse habuit celeberrimus ille carcinomatum, uti nominabatur, Medicus, PETRUS ALLIOT, Barroducaeus, Vir rerum medicarum & chemicarum peritissimus, qui generosioris cujusdam feminae mammillae sinistrae, a teterrima canceri pertinacissimi sanie per integrum jam jam quadriennium immane quantum peresae, inspersit quotidie albicantem quemdam pulvisculum, sibi soli notum: unde post horulae spatium levis coorta febricula, quae tamen mox cessavit, & quietem aegrae indulgit. Ita continua pulveris hujus inspersione sesquimensis effecit, ut vulneris labia ex livido in rubicundulum terminarentur colorem, & ichor serofus paulatim in coctum laudabiliter pus verteretur. Quo facto vulgaribus sarcoticis, ministrante Chirurgo, plagam consolidavit (1). Simi-

(1) Sunt haec ipsa verba testis non auriti, aut rerum harum imperiti, sed oculati, praesentis, & qui visa sibi loquitur, ut ipse scribit, insimulque haud proletaria medicinae & chemiae cognitione instructi, ideoque tanto magis plenam fidem meritori, eruditissimi Olai Borrichii, qui haec ipsa, suo tempore Lutetiae Parisiorum publice gesta, memoriae prodidit in *Act. med. Hafn. per Thomam Bartholinum publici juris factis, Vol. I. Obj. LXXII. pag. 160.* ex quibus eandem historiam Theophilus Bonetus transtulit in *Med. Septentr. T. II. Lib. IV. Sect. XI. Obs. VI. pag. 158 seqq.*

lem in modum Vir & splendidissima amplissimorum munerum dignitate, & vasta in primis consummataque rerum medicarum juxta & litterariarum scientia eminentissimus, suoque merito celebratissimus, Ill. GERHARDUS van SWIETEN^(m), adducit exemplum canceri exulcerati in mamma pauperulae, ubi per quindecim menses liquido quodam sustinuit malum; ut vix in deterius vergeret. Vidit in marginibus suppurationis vestigia, & pars quedam separata cecidit, fundo adparente puro. Interim spes concepta decollavit, auctaque putredine, pauperula ad plures migravit. En duo gravissima omnique fide dignissima suppuratorum ulcerum cancrosum exempla! Causa, quamobrem haec ulcera suppurationem respuant, non est querenda in loco, quem occupant. Alias enim nulli umquam partium glandulosarum tumores eam admitterent: quod tamen secus se habere, vel solae parotides & bubones venerei testantur. Ipsa etiam mammarum ulcera ex scirrhis nata tam benigna subinde sunt, ut pus in iis laudabile coquatur⁽ⁿ⁾. Solet hoc potissimum evenire in subiectis sanis & vegetis, nulla fontica humorum impuritate infectis. Unde facile

(m) Comment. in Boerhaavii Aph. Cap. de cancro.
 (n) Vid. Hoffmannus loc. cit. Obs. VIII.

intelligitur, causam in ipsa natura & indole humorum esse positam. Fac jam, dyscrasiam humorum opportunis remediis corrigi, eorumque acrimoniam rodentem inverti, & ulteriorem progressum quovis modo impediri, an dubium esse potest, quin ulcus malignum hac ratione paulatim in benignum, saniesque in pus transeat? Ulcera scorbuticorum omnem Medicorum & Chirurgorum solertiam eludunt, sique etiam vi adhibita cicatrix inducta fuit, haec vel iterum rumpitur, vel illa juxta eam recrudescunt: eliminato autem, qui intus nocet, humore, mutatoque corporis habitu, facili negotio persanantur. Eodem modo ulcera, ossi vel periosteo viatiata supernascentia, nullam, vel instabilem, reddita autem his sanitate, facilem & firmam recipiunt medelam. Ecquis igitur in ulceribus cancrosis idem evenire posse desperaverit?

§. XVIII.

Reliquum est, ut eodem quaestione, euraenses, ex mammae cancris pupilla profluentes, adhibitis remediis emmenagogis, inde quidem revulsi, nec tamen per debita loca amplius promoti fuerint. Equidem in ea sum sententia, ut consuetam fluxus illius emanationem in hunc ipsum temporis articulum incidisse arbitrer. Quam-

vis enim regulariter catamenia circa septimum demum aetatis septenarium manare definant, id tamen ita perpetuum non est, ut haud prostant longe maturius desinentium exempla. In aegrotâ nostra id eo facilius usu venire potuit, quod & a termino emanationis ordinario haud longissime absuit, nec temperamentum sanguineum habuit, & denique magnam virium jacturam, morbo tam gravi tamque diuturno vexata, fecit. Ego interim haud immemor, caneros facile repullulare, immo non raro circa illud tempus demum ingruere, quo menses ob aetatem non amplius fluunt, serio illam hortatus sum, ut quovis anno quater venae sectionem institueret, singulis mensibus pilulis Beccherianis alvum subduceret, diaetam, per morbi decursum observatam, continueret; potiusque ordinarii loco decoctum quoddam temperatius, ex ligno & cortice guajacino, radice chinae, althaeae, scorzonerae, cichorii, rasura cornu cervi, & passulis minoribus confectum, biberet. DEO, summo Archiatro, qui curae nostrae ex alto benedixit, sit laus & gloria in sempiternum!

PHILIPPI ADOLPH. BOEHMERI
MED. PROF.
ET

JOANN. FRID. IMMERMANNI,
STENDALIENSIS,

Dissertatio inauguralis Medica

DE EVENTU
FEBRIUM MALIGNARUM
SAEPE FUNESTO
OB PLETHORAM.

HALAE SALICAE. MDCCLXXV.

C A P. I.

DE

FEBRIBUS MALIGNIS

IN GENERE.

§. I.

OMnis, quae a ratione suscipitur, de aliqua re institutio cum philosophorum nutu ac consilio debeat a definitione proficisci, ut inde eluceat, quid sit id, de quo disputetur: operae erit pretium, universam & propriam febris malignae

vim definite distincteque designare. Prius vero, quam summam hujus rei adgredi licet, multae notiones ex Pathologia hic praemitti possent, si quis necesse id arbitraretur. Sed quoniam aliae ex illis nihil novi in se continent, imo etiam in recentiorum systematibus jam rite ac breviter sunt illustratae, illas adducere non juvat, ne ea, quae vel sexcenties & quidem melius dicta scriptaque sunt, ad nauseam usque repetamus.

§. II.

Ut autem tractatio mea bene succedat, & argumentum propositum terminis suis arctissime dilucidissimeque circumscribatur, quasdam ex rebus perspectis planeque cognitis praefaminis loco, ceu principia rei determinandae sicco pedè transire non praestat: alias enim nihil firmum, ratum, atque recto ordine definitum haberemus. Constat idcirco inter omnes medicinae peritos, totum C. H. ex solidis & fluidis esse constructum formatumque, quae sigillatim pro sua natura ac indole variis implicari possunt morbis. Hinc duplicis generis morbi nempe *solidorum*, & *fluidorum* proveniunt.

§. III.

Porro observationum beneficio liquet, talem quorundam morborum esse naturam ac indolem,

ut

ut semper intra statutum quoddam tempus solvantur. Quod autem in aliis non ita contingere solet, qualiscunque demum fuerit istorum solutio. Illud in febribus malignis, inflammatoriisprehenditur, quae plerumque experientia testante uno aut altero septenario cursum suum absolvunt: hoc vero in febribus intermittentibus malo hypochondriaco, isterico &c.; qui morbi diversis temporibus modo longioribus modo brevioribus ad sui solutionem tendunt. Ne dicam, quod in supra dictis aegri de vira mortisque periculo dimicent, quique morbi simul intra breve tempus decurrunt; uti medicorum antiquissimi in scriptis suis memoriae prodiderunt. *Conf. A. C. CELSUS Libr. III. Cap. I. GALENUS Tom. IV. de diebus decretoriis, Libr. III. Cap. XIII. C. AURELIANUS de morbis acutis & chronicis, Libr. I. Cap. V.*

§. IV.

Inde facile collegetis, quinam morbi acutorum nomine insigniantur, illi nimirum, quorum solutio naturaliter, i. e. sine ullo adhibito remedio, semper certo temporis spatio fit, quique mature aegri vitae insidias struunt infestissimas, & brevi tempore finiuntur. *His autem e diametro oppositi ad chronicos recte referuntur.*

Tom. X.

G

§. V.

Omniū febrium causa praeunte Pathologia in putredine, quam humorum contraxit massa, vel in alia quaerenda est ratione. Ejusmodi autem esse febres, quarum causa in putredine sita, observationibus confirmatur. Febribus enim homines nonnunquam tentantur, in quibus plurima & primaria putredinis signa deprehendere possumus. Quae scilicet intima corporum solutione & materiae alcalinae volatilī evolutione, hinc sapore foetoreque putrido, nec non praecipue, si majorem putrefactio affecta sit gradum, vi alia corpora eodem modo inficiendi, sese nobis ostendunt. Sed de his infra pluribus.

§. VI.

In iis fundamentis, quibus Pathologi uti solent, ad febrium genera determinanda, in primis earum typus est ponendus. Hac ratione igitur febres dividuntur in *continentes*, sive *continuas non remittentes*, in *continuas remittentes*, & in *intermittentes*. Febres continuae remittentes quotidie quidem in aegro observantur, eo tamen discrimine, ut quovis die per aliquot horas mitigentur, & intra hoc tempus a vehementia sua paullulum remittant, antequam de-

cursum suum plenarie absolvunt. Huc, exemplo ut utar, pertinet febris catarrhalis, aliaeque.

§. VII.

Quibus nunc praemissis rite febris malignae definitio superstrui, ejusque propria attributa erui possunt. Qui enim hac nostra decumbant, horis vespertinis pejoris sunt loci & conditionis, quod etiam fere totam per noctem durat, ita, ut de- mum horis matutinis aliquantulum releventur refocillenturque. Recte igitur retuleris *eam* propter symptomatum febrilium remissiones ad *continuas* easque *acutas* (§. § VI. IV.), quod nunquam non certo quodam tempore naturaliter solvatur, cito terminum obrineat; ac jam primo intuitu vitae cujusdam sit insidiosa. Et si forte obtingat, ut in febre continua acuta id, quod §. V. diximus, observetur, bene eam dixeris *malignam*. Sic nonnisi ea, quae rei definitae constanter insunt, nec ab ea sejungi possunt, attributa essentialia, uti vocant Philosophi, recensuimus, utpote quae ex observationibus legitime institutis desumpta arbitreris, prout rei historia jam jam subjungenda, uberius demonstrabit.

§. VIII.

Observationes insimul docent, has febres

sequeutem in modum afficere homines: invasio illarum admodum est varia; interdum enim illae vix conspicuae subrepunt, atque ita mites & subdole incedentes hostilitatem suam ac malitiam adeo diffimulant occultantque, ut medicus & aeger haud raro fallantur decipianturque; unde id saepe etiam venit, quod hae febres ita blandientes non aperto Marte homines invadant, sed subdole insidiosaeque per totum corpus serpent, & clanculum agendo medico, aegro, incautis aliisque adstantibus insidis, prorsusque fallacibus signis imponant fraudem, ut aegri citius fere, quam aegrotare se sentiunt, in vitae discrimen praecipitentur, contraque medici & adstantium expectationem animam efflent. Unde tritum ac per vulgatum illud: aegrum in malignis aliquando praesente *pulsu bono urinaque bona mori*. Et recte iudicat, qui admodum difficilem cum SENNERTO *Epitom. de febr. Libr. IV. Cap. X.* harum febrium cognitionem arbitretur, cum nempe malignitas saepe diu lateat, & non nisi ubi vires sumperit se prodat. Perbene quoque *ill. G. W. WEDELIUS in Patologia sua medica dogmatica Sect. I. Cap. VII. hanc indolem depinxit: malignus, seu mali moris, morbus dicitur, a similitudine perfidorum, subdolorum, sive hominum sive brutorum. Aemulantur enim canes,*

qui non latrant, sed a tergo mordent, insidiat-
tores, qui ex improvise irruunt & occidunt,
vel supplantatores. Uti vero in noscendis mori-
bus magna opus est prudentia, ne candidum ha-
beamus pro subdolo, vel simulatorem pro candi-
do: ita quoque hoc loco res se habet. Maligni
sunt morbi, qui in recessu saevitiem, tyranni-
dem, impetum & gradum ipsum, adeoque symp-
tomata habent apparenter minora mole & aesti-
nio leviora: in recessu tamen longe graviora,
imo gravissima, ut quando minus vel minime
omnium periclitari videantur, opinione citius
subruantur, vel deterius habeant. Maligni inae-
qualitate, dolositate sunt periculosi. Omnia in
malignis sunt inaequalia, in primis ipsae vires.
Cum enim spiritibus insidientur praecipae, non
potest non moras, & vis elastica eorundem ef-
fectus plurimum impediri. Non tantum adest de-
bilitas, quae, quo major, eo malignior saepe
morbus est, sed maxime inaequalitas. Nonnun-
quam enim aegri se plane laborare vix credunt,
& visi sunt peste correpti, eoque mansisse,
vel quasi orthostadii, donec corruerent subito.
Nonnunquam de nullo alio conquerentes audias,
quam de virium debilitate, sic wårén nür matt.
Inaequalis est dejectio utrobique, aut visuntur
debiles, cum summa virium pauperie, nec calor sa-

*men tantus adest, sed blandus apparet, aut non adeo debiles, & pulsus & reliqua non respondent. Infida igitur & subdola signa sunt, uirina bona, pulsus bonus, quamquam solum apparenter magis, aeger tamen moritur. Calor maximus, velut igne Vesuviano exurit, sis nulla, unde non potest non periculum esse vitae conjunctum maximum. Malignitas sua quoque gaudet latitudine. Haec tenus WEDELIUS. Ab invasione autem permulta alia adhuc observantur symptomata jamdum recensenda, de quibus statim admonendum est, non unam esse eandemque eorum rationem atque constantiam, sed magnam ipsorum varietatem pro varia hominum, febrili ejusmodi impetu tentatorum conditione & constitutione deprehendi. Rectam igitur ETTMÜLLERUS *Op. omn. Tom. II.* de his febribus tulit sententiam, symptomata his in morbis adeo esse simplicia, ut nullum fere infrequens & extraordinarium detur symptoma, quod non subinde una alterave maligna febre occurrat. Ea igitur signa & symptomata hic non solum enarrabo, quae his febribus vere competunt, sed etiam leviter attingam, quae iis superveniunt, vel reliquis febribus sunt familiaria, & imminentis periculi instantisque mortis sunt indices. Docent nimirum observationes luculentae, febres mali-*

gnas plerumque horis pomeridianis invadere, cum totius corporis languore & spontanea lassitudine artuumque gravitate, & horrore, qui pro reum, quae circumstant, diversitate, nunc levior est, nunc gravior, nunc brevior. Aegrotantes hoc modo sentire capitis lumborumque dolores; omnes cibos fastidire, praecipue ex regno animali, gustum esse corruptum, quasi a rebus putridis, & ex ore emittere halitum cadaverosum, quem haud raro vomitum satis molestum subsequi. Illos porro jam ante instantem horrorem de anxietate circa praecordia conqueri gravissima, quae subito horrore & post eundem magis magisque increfcit; porro de subitanea, insolita, planeque singulari virium prostratione, qua aeger absque manifesta causa opprimitur, adeo, ut artus perituri videantur, nec in lecto aeger erectum situm servare queat, quaeque virium prostratio in toto morbi decursu observetur, & citra aliam causam major est, quam status & febrium conditio alias inducere soleat. Idque ipsum est symptoma, quod primum maximeque pathognomonicum ab omnibus habetur. Nam aegri de hoc solo conqueruntur saepe: et tunc anguem viridi sub herba latere, certum est. Dein liquet, horrorem excipere aestum satis moderatum, horis matutinis paullulum imminutum; pulsumque esse celerem,

quamvis debilem, perquam exiguum, saepiusque plane obscurum, ita, ut omnem fere tactum subterfugere videatur.

§. IX.

Pōsthāc non infrequenter in febribus istis animadvertitur animus tristitia oppressus, quā tentati quacvis ominentur pessima, ut aegri a se ipsis diffideant, & spem reconvalescentiae omnem, licet praeter rationem, abiciant. Alio autem tempore sine omni apparente causa gaudio exultant, continue ridēt, quod pessimum habetur. Porro tanta nonnumquam mentis insensibilitate sunt praediti, ut nullis rebus, vel gratis olim, vel ingratīs moveri possint. Sensus tam interni quam externi valde sunt obtusi. Faciei color, oculorumque splendor & vivacitas perit. Oculi invitis aegris sine omni visibili irritamento illacrymantes interdum apparent, non ut in febribus catarrhalibus benignis, ubi etiam oculi invitis aegris lacrymas effundunt. Deglutitio interdum, sine omni faucium tumore, aliave causa evidente est impedita; nec non haud raro observatur linguam extendendi impotentia, impeditaque oratio absque omni apparente partium vitio suborta. Respiratio nonnumquam est salva, alio autem tempore crebra cum suspiriis inter-

rupta, anxia, & interdum adeo anhelosa, ut nonnisi costis claviculisve maxime elevatis peragi possit. Sitis mox est inextinguibilis, mox etiam nulla, etsi lingua sit arida, multusque aegrum teneat calor, praesertim in sensuum hebitudine. Lingua primis diebus albo mucō tenaci est obducta, post scabra, fissa, arida, perinde atque in iis, qui per sanitatem hiant ore obdormiunt, in morbi autem incremento rigida, nigra, vel obscurioris aurantium coloris, ipsis aphthis obfessa conspicitur, cum faucibus saepius inflammatis. Sordibus valde nigris labia & dentes conspurcantur. Urina interdum est aquosa, parca, sanæ similis, eruda & jumentosa, quin etiam nullum ex urina desidit, ingravescente vero morbo obscurior evadit & nonnunquam fere nigra, foetoremque spargit putredinosum. Signum igitur plurimis in casibus ex urina est fallax: quomobrem frustra lotium offertur medico, quum lotium inspicere non solum plerumque sit superfluum, sed etiam praecipue, si urina spirat foetorem putredinosum, pestiferum, quoniam ex urinarum circumgestatione non modo qui desert, sed etiam medici eorumque familia nonnunquam contagio polluitur, ut exempla plurimorum excellentissimorum medicorum edocent, qui multis cum arte sua prodesse potuissent, aliorum impudentia &

curiositate infecti, immatura oppetierunt morte. Cutis vix calorem praeternaturalem exhibet, & si uda fuerit, sudores emittit foetentes, valdeque acres, diutiusque tacta sensus ardoris digitis imprimit, uti in pulsu explorando saepe saepius observarunt medici. Pessimum autem est, si externis frigentibus interna ardeant; si urina & faeces odorem graveolentem & cadaverosum spargentes insecis aegris abeant secernanturque, & alvi excretorum color inlividum & nigrum mutetur; si tendinum subsultus auctiores accedunt, & iltiores, & sudores frigidi & cadaverosi, singultus affectusque synoptici; si febrientes flocculos legant, muscas venientur, aliaque hujus generis faciant, quo me hercule! in statu miserrimo, actum est de male affectis.

§. X.

Neque minus occurrunt in his febribus liporhythmiae & vertigines praesertim dum ad erectum situm tendant aegri, imo deficiens somnus, vel etiam affectus soporosi, & stupida seu obliuiosa mentis affectio. Nec desunt capitis gravitates & dolores, succedunt etiam deliria, tristitia rarius paullo cum illacrymatione, frequentius cum risu, frequentissime vero cum furore, ipsaque metuenda phrenitide; motus spastici & convulsivi, &

artuum praecipue linguae labiorumque tremores, oculi interdum torvi, sibi diffimiles, apparent, eorumque bulbi dolor profundior, interdum quoque aegri visu turbido afficiuntur, aurium tinnitu, susurro, auditu difficili, ipsaque surditate. Nonnunquam emergunt haemorrhagiae, sudoresque copiosi, quae quidem res, ceteris non paribus, semper majorem notat malignitatem. Abdomen in vehementiori morbo tumere solet, ab aëre in ejus cavitate per putredinem rarefacto, quem statum *meteorisum* appellare solent medici, & quem HORSTIUS observavit. Denique corpora exhalationes spargunt modo allio, modo urinae putridae similes, modo vapidas, modo subdulces, modo subacidas, adstantibus non parum pestiferas. Eruptiones illae cutanae, *exanthemata* a medicis dictae, valde iterum sunt incertae. In quibusdam nullae, incertoque tempore, ordine, loco, numero, coloreque diverso & qualitatis & figurae schemate apparent. Praeprimis autem hae febres ad producendas inflammationes quam maxime pronae deprehenduntur, in iis enim faciles admodum aphthae, phrenitides, paraphrenitides, aliaeque inflammationes internae; facilis quoque gangraena & sphacelus observatu.

§. XI.

Malignitatis gradui semper symptomata hæc respondent, sic ut in altero subjecto sint mitiora, in altero acerbiora. Sunt nempe diversi putrefactionis indeque productæ rarefactionis gradus in massis putrescentibus, quod chemia dicitur. Quum vero plurima symptomata, quibus febres malignæ stipantur, sint effectus putrefactionis & rarefactionis, effectus autem causis suis semper congruere debeant, necesse erit, ut major putrefactionis & rarefactionis humorum gradus majores, minor vero minores producat effectus. Diversi igitur symptomatum, quatenus ab ipsa febre maligna progignuntur, gradus in his febribus non deerunt, quocum observationes probe consentiunt. Quæ etiam symptomata majora capiunt, augmenta, si aliæ determinationes, sive internæ, sive externæ accedant, quæ nunc hoc nunc illud aliqua ex parte exacerbare valent symptoma. Quo maligniores igitur istæ febres sunt, & quo acerbiora omnia deprehenduntur symptomata: eo citius etiam decurrunt, ita, ut vix unum septenarium superent, & quarto die jamve prius homines enecent: cum contra aliæ, quibus mitior malignitatis gradus adhaeret, ad duo, imo tria septenaria, & quod excurrit, assarius, protrahuntur.

§. XII.

Docet porro experientia certissima illa veritatis magistra, febres malignas plerumque pomeridianis ingruere horis (§. VIII.), semper magis magisque ingravescere, totam fere per noctem exacerbari, horis demum matutinis saltem quantenus a vehementia sua remittere, sic ut perpetuo observare liceat, aegrotantium ex febre maligna status horis matutinis quam vespertinis existere tolerantiores. Ad salutarem harum febrium solutionem quod attinet, annotandum est eam fieri optime per moderatam feri evacuationem peripherici. Nunquam enim se harum febrium aliquam cognovisse affirmat HUXHAM *Op. phys. med. Cap. VIII.*, quae perfecte judicata sit aut sublata, donec major aut minor eruperit sudor moderatus, calidus, aequalis, per totum corpus diffusus, praecipue si circa morbi statum accesserit, & ante ejus eruptionem pulsus paullo liberior, mollior & tranquillior, quin etiam eo durante ita manserit. Interim tamen non negamus, alios solutionis modos dari, quibus materia morbi ex humorum oceano ejici, aegrique cum his febribus conflictantes ex ipsis orci faucibus eripi possint. Nam si materia febrilis per assumpta ipsi primae culinae est im-

missa : tunc, salvis aliis omnibus, etiam solutio salutaris per alvum locum habet. Quorsum porro spectant excretio urinae, delationes materiae malignae ad peripheriam, ut ibidem in exanthemata abeat, vel metastases ad glandulas majores, e. g. parotides, subaxillares, inguinales : omnes fere aliae excretiones sunt suspectae & periculosiores. Omnia haec determinato modo si eveniant, consentientibus aliis omnibus, morbus decrescit, & ad pristinam redit sanitatem aeger; sin autem minus, quando nempe excretiones modo nominatae, vel plane non succedant, vel nimio cum impetu fiant, vel intra statutos febris dies non obtingant, vel materia maligna ob causas modo internas modo externas ad loca magis interna recedat, nisi revocari possit, cum ingravescentibus symptomatibus omnibus, refrigeratione extremorumque tremore, maxima visus obscuratione, hanc ob causam, & quidem pro diversitate-subiecti, ejus status praeteriti, aliarumque circumstantiarum, apoplexia, cataris suffocativus, aut inflammationes viscerum nobiliorum perniciosissimae, quae quidem subito in sphacelum ruere solent: tunc funestus eventus observatur.

§. XIII.

Atque eadem rerum perspicientia nos docet, corpora eorum, qui his febribus jugulantur, post mortem longius, quam qui aliis morbis decesserunt, non nihil caloris retinere, membra flaccescere, in genis ruborem esse diffusum, adeo, ut defuncti cognati per aliquot temporis spatium vix sibi persuaderi patiantur, illum ipsum reuera esse mortuum, sed brevi interjecto spatio phaenomena conspiciuntur, quae omnia dubia dissolvunt. Non ita multo post, si exspiravit ille aeger, interdum tenuis sanguis ex ore & naribus promanat, qui, licet addantur acida, vix coagulatur, & uti totum corpus, abominabilem spargit foetorem, & cadaverosum, sic quoque omnes partes livescunt, nigrescunt, tumescunt, atque tanta celeritate putredinem subeunt, ut quasi dissuere videantur: quapropter necesse est, horum corporum sepulturam accelerare. Hem, quanta ex febribus malignis vobis imminet, o mortales, malorum seges!

§. XIV.

Ex quibus experientiae beneficio cognitis harum febrium malignarum phaenomenis rite instituto ratiocinio elici poterunt, quae ad earum

naturam ac rationem dilucidius intelligendam requiruntur; nimirum fluida in corporibus febre maligna afflictis ad putridam vergere corruptionem, indeque productam humorum rarefactionem (§. §. V. VII.), quod ex sequentibus §. §. sponte fluct.

§. XV.

Februm malignarum sedes & causa prima & praecipua in ipsis C. H. fluidis est quaerenda, tradente id Pathologia. Fluida autem C. H. nullo alio modo ciere possunt morbos, nisi illorum motus, aut quantitas aut qualitas a statu ordineque naturali aberret. Quum vero neque ex fluidorum diverso motu, neque ex eorum vitiosa quantitate eluceat, quomodo inde februm malignarum indoles & talia phaenomena dirissima, a nobis in antecedentibus descripta, (§. §. VIII. IX. X. XI. & seq.) produci possint, nihil restat quod dicas, nisi in febribus malignis vitia qualitatis fluidorum adesse. Quae morbosae fluidorum qualitates, dum ex sua mixtione ducunt originem (per. pr. pathol.): necesse sane est, ut in febribus malignis fluidorum mixtio a statu sanitatis omnino recedat, seu ut depravata fluidorum mixtio locum habeat.

§. XVI.

§. XVI.

Omnium corporum animalium id est commune, quod illa, si motus humorum progressivus cesset, eorundemque motus intestinalis adaugeatur, perfacile putrescant, id quod teste experientia alia adjecta materia jam putrescente, quae tunc fermenti instar est, eo facilius obtingere solet. Ut si duo vasa recenti sanguine impleas, quorum alteri sanguinis jam putridi paullulum injectum, altero vero puro servato, tunc reperies, certe sanguinem cum putrido commissum multo citius putrescere puro & illibato servato. Quod etiam experimento ab *ill.* PRINGLE cum recentis ovi vitello instituto praeclare confirmatur. Quisnam autem est, qui nesciat, corpora, si in putredinem abire coeperint, exhalationes emittere modo urinae putridae similes, modo alliatas, modo vapidas, modo subdulces, modo subacidas, istaque corpora, si eorum putrefactio summum affecta sit gradum, foetorem spirante cadaverosum, idemque in corporibus febris malignae obnoxiiis observatur (§. X.)? Qui enim illis morbis laborant, eorum exhalationes eundem spargunt odorem, quam alia corpora animalia, si putrescere coeperint; & qui tali modo intereunt, eorum corpora non ita multo post finito motu fluidorum progressivo, intestino vero adaucto in

plenariam transeunt putrefactionem, sicque expanduntur, ut turgescant, livecant, nigrescant, factorem spirent abominabilem, & in liquamen quasi resolvi videantur (§. XIII.), uti satis accuratae testantur observationes. Quas quidem mutationes recta ac firmissima putrefactionis argumenta habeto, quum protinus post mortem ad tam insignem perveniant gradum, id quod tanta celeritate nullo modo fieri posset, nisi putrefactio quaedam, cum adhuc in vivis essent, inhaesisset, qui his febribus decesserunt: alioquin tales mutationes repentinae & acceleratae in eodem gradu, simulque statim post mortem, in corporibus aliis morbis consumptis, observaretur, quod vero nemo affirmare animum inducet, quum omni experientiae repugnet. Ex his igitur putrefactionis effectibus confici potest quam facillime, materiam putridam inesse corporum fluidis, quae febribus malignis opprimantur. A simili enim effectui argumentari licet ad similem causam.

§. XVII.

Vix ac ne vix quidem aliquem esse, arbitror, qui mihi objiciat, vivo homine putrefactionem massae humorum fieri haud posse, quia in hoc casu vita omnino superesse non potest, dum putrefactio requirit, ut motus humorum

progressivus plane cesset, quum alio pacto putrefactio nullum habeat locum. Ego enim neutrum statuo, perfectam massae humorum putrefactionem in febribus malignis adesse, quae etiam ad harum essentiam non requiritur, antequam enim haec fit, mors ut plurimum tragoediae finem facit, propter partium ad vitam necessarium destructionem, qua de causa plenaria putrefactio tantummodo & quidem statim post mortem sentitur, quod perfectae putrefactionis effectus tum satis superque commonstrant (§ §. XIII. XVI.). Ut vero in rerum natura unumquodque suis gaudet gradibus, sic hoc quoque de massae humorum putrefactione in febribus malignis valebit: quia nunc jam in vita his febribus correptorum quidam putrefactionis effectus apparent (§ §. VIII. IX. X.), & ab effectibus omnino valet consequentia ad causas, sequitur, ut certus quoque putrefactionis gradus adsit. Quum autem adductae corporum mutationes semper post mortem ad insigniorem provenientes gradum (§ §. XIII. XVI.) sint quoque effectus putrefactionis manifestissimi: non est, quod dubitemus, quin putrefactio adsit perfectissima. Pluribus quidem hoc commonstrare possem, nisi vererer, ne nimis forem prolixior, quam disputationis limites permittant. Ad ea itaque experimenta potissimum provoco, quae

ill. D. D. NIETZKI, Pator atque Praeceptor meus optime de me meritis hac de re ante aegrotantium strata febrile maligna decumbentium instruit, inque ejus Elem. Patbol. Un. Cap. CXLI. §. MDLII. extant.

§. XVIII.

Quamvis in febribus malignis toti humorum massae quidam putrefactionis gradus adhaereat, demonstratu tamen haud difficile mihi videtur, hanc corruptionem putridam praecipue in fluido lymphatico-seroso suam habere sedem. Fluidum lymphatico-serosum in vasis suis admodum exiguis multo tardius ipso sanguine circumagitur, docente id Physiologia. Sed cum sub lentiori fluidorum motu progressivo motus intestinalis putrefactorius crescat, praesertim si jam tota humorum massa putridis particulis abundet, sequitur, ut corruptio putrida in massa lymphatico-serosa imprimis reperiatur. Id quod in causa est, cur in febribus malignis illa praecipue loca afficiantur, quae prae aliis pluribus vasis lymphatico-serosis sunt instructa. Quae quidem loca sunt glandulosa. Quod bubones pestilentialia aut aliae metastases circa parotides aliaque loca glandulosa obortae in istis febribus satis abundeque testantur.

§ XIX.

Imminuto fluidi cujusdam animalis motu progressivo ejusdemque motu intestino adaucto, quo nempe putrefactio absolvitur, illud tantopere resolvitur & attenuatur, ut omnem fere suam amittat densitatem, adeoque rarefiat: quo major enim putrefactio, eo magis etiam rarefiunt humores, praecipiente id Chemia. Id ipsum autem sanguini obtingere posse, nemo, opinor, umquam inficias ibit, cum illam sanguinis rarefactionem in febribus malignis obviam sensuum ope nobis clarissime perspicere liceat. Si igitur modo quis sanguinem eorum, qui his febribus discruciantur, haemorrhagiarum vel naturalium vel artificialium ope interdum prolicitum, accuratius inspiciat, assertionem meam ambabus amplectetur: Hicce sanguis omnino est tenuis nimisque dissolutus, peraeagre in coagulum abit, nonnunquam lividus, sed mox in sanie[m] putridam diffluit, & foetorem spirat abominabilem, quod observationes probe manifestant.

§. XX.

A re nostra alienum videtur, causis remotioribus, a quibus febres malignae accenduntur, recensendis explicandisque hic uberius immorari,

quum jam decantatae sint, inque omnibus Pathologorum libris satis superque demonstratae: quamobrem ad februm malignum symptomata enucleanda me accingam. Haec autem, quae febres malignas comitantur, partim ex notione febris continuæ acutæ, partim ex qualitatibus materiae putridæ sanguini rarefacto inhaerentis derivari possunt. Putrefactio enim una cum humorum rarefactione in febribus malignis causam constituit sufficientem, unde symptomata quaedam, tanquam effectus produci possunt.

§. XXI.

Putrefactio est modus, quo corporum animalium cohaesio imminuitur, illaque destruuntur (per pr. chem.). Quoniam autem putridum in humoribus magnopere attenuatis oberrat, atque per totum corpus est dispersum, non potest, quin illed singulas omnesque partes solidas adgrediatur, partiumque solidarum C. H. cohaesio minuatur. Quum autem solidis C. H. partibus, cohaesione earum aequo plus imminuta, debilitatem attribuere soleamus: exinde elucet, quantopere ab universali humorum putrefactione C. H. debilitari possit. Quae vero debilitas in febribus malignis conspicua aliis causis adhuc concitari potest & augeri. Nimia scilicet partium solida-

rum C. H. distensione illarum cohaesio diminuitur, ideoque debilitantur, commonitrante id Pathologia. Fluida autem in febribus malignis sunt rarefacta (§. XIX.). Nonne ideo vasorum, in quibus fluida haec rarefacta continentur, latera a se invicem recedunt? Hanc ob causam igitur fieri poterit, ut fluida justo diutius in vasis morerentur, ibidemque temporis successu magis magisque coacerventur sive congerantur: tunc vasa distenduntur, & ob eorum perdurantem distensionem fibrae vasorum musculares relaxantur, ipsisque debilitas perfacile inferri poterit; ne dicam, quod fluida in his febribus particulis causticis sunt repleta. Putrefactionis ope salia urinosa sive alcali volatile ex animalium partibus generatur, probante id chemia. Quoniam vero in eorum humoribus, qui febre maligna subjacent, putrefactio non deest (§. XVI.); sequitur, ut pariter salia urinosa ibidem reperiantur. Salia autem alcalia volatilia, quae hic ob putrefactionem extorquentur, ob massae autem humorum rarefactionem libera, subtiliora activioraque facta sunt, per modum arrosionis agunt, quod b. BOERHAAVIUS in *El. Chem. T. I. P. II. Edit. Lugd. p. 804* probat. Arrosionis ope partium solidarum cohaesio quoque diminuitur, adeoque etiam ex hoc fonte corporis robur destruitur.

Quod eo facilius fiet, quam ob humorum rarefactionem salia ista nullo modo obvolvi possunt. Exque his causis adductis, opinor, patet, cur in his febribus vires tanto conterantur opere.

§. XXII.

Omnes istae partes solidae, in quibus jam in statu naturali, praecipue si febre corpus exagitur, fluida perfacile coacervari congerique possunt, omnes istae, inquam, hanc vim ingentem potissimum patientur. Quorsum praecipue spectant cor & vasa encephali (p. pr. Physiol. & Pathol.). In omni enim febre, uti Pathologi nobis persuadent, cor nimis distenditur, sanguisque in vasis encephali copiosius coacervatur. Quum autem in febribus malignis sanguis ob putridam humorum constitutionem rarefactus appareat (§. XIX.); & totum inde corpus, cor speciatim omneque vasorum systema, prae aliis vasa encephali mirum in modum debilitentur (§. XXI. & per ant.): sequitur, ut in his majores cordis vasorumque encephali distensiones adsint, quam in omnibus reliquis febribus. Et plures causas ad unum effectum producendum concurrentes majores effectus contrahere necessarium arbitror. Nonne vero inde pulsus debilis, obscurus, anxietates circa praecordia, lipothymiae, vertigines, agryp-

niae, affectus soporosi, variae capitis afflictiones, mentis aberrationes, motus convulsivi &c. trahunt originem (§. §. VIII. & seq.)?

§. XXIII.

Quae quidem debilitas, licet in febribus malignis totum corpus infestet, tamen pro ratione individualium aegri determinationum modo in hac, modo in illa parte praevaleat, necesse est; sic ut ex hac respectiva debilitate non solum hoc aut illud febrium malignarum symptoma sit acerbius, sed etiam alia exinde progignantur, quae caeteroquin in his febribus non deprehenduntur. Omnium sane morborum hoc est proprium, quod in ea parte, quam antea exagitarunt, semper debilitatem relinquunt, docente id Pathologia. Quo vehementior autem morbus fuit, aut quo diutius parti cuidam inhaesit, eo major quoque inde orta debilitas erit: semper enim effectus causis suis respondent. Quamvis itaque haec respectiva debilitas per se sola superiorem morbum redintegrare haud possit, in causa tamen erit, quod ille accedentibus aliis causis prius, aut alius, qui in hac parte fieri potest, excitetur, & quidem multo facilius, quam si haec respectiva debilitas abfuisset. Argumenti loco sunt exempla. Ex Pathologia nobis liquet,

omne id, quod iusto majorem fluidorum secretorum copiam ad intestina promovere valeat, diarrhoeam causari. Inter caeteros autem diarrhoeae noxios effectus ventriculi intestinorumque debilitas est referenda. Quod si quis diarrhoea, qua antea laborarit, intestinorum debilitatem sibi arcessiverit, posteaque vel minimam causam admiserit, quae absente intestinorum debilitate nullo modo diarrhoeam excitasset; haec quidem causa insufficiens, una cum intestinorum debilitate diarrhoeae causa sufficiens habenda, & diarrhoea ipsa aderit. Et hoc quidem ex nulla alia causa, nisi quod ob intestinorum imo vasorum secretoriorum debilitatem, quorum lumen exinde nimis amplificatur, quae idcirco fluidis urgentibus non sat resistere queunt, persacile major, quam par est, fluidorum secretorum copia in canali intestinali deponi possit. Si autem in eodem sufficiens diarrhoeae causa reperiat, inde orta diarrhoea propter praesentem intestinorum debilitatem gravior, quum semper gravior causa etiam effectum proferat graviolem, quod observationibus congruum est: & sic quoque in aliis casibus. Quoties insuper observamus, quempiam ex levissimis etiam causis affectibus catarrhalibus, anginoideis, capitis doloribus affici, quia, quorum jam mentionem injecimus, morbi in his partibus antea fue-

runt, harumque partium vasorum debilitatem reliquerunt. Qui fit, ut illa amissi roboris ergo fluidorum copiae non sat resistere possint, pluraque, quam par est, recipiant, nimisque distendantur, talique modo superiorem revocent morbum. Quam partium debilitatem ex morbis praegressis derivanti, qui vitio mihi der, credo fore neminem. Alios esse casus, quibus C. H. partes debilitentur, equidem non inficio. Quin etiam arbitror, morbum hunc, qui adfuit, partibusque C. H. debilitatem attulit, propter debilitatem in parte, cui antea inhaesit, relictam, multo facilius causis quibusdam accedentibus produci posse alio. Unde venit necessitas, in curandis morbis amissum partium robur restituendi. Quodsi igitur quis febre maligna corripitur, in cujus corpore talis respectiva partis cujusdam debilitas locum habet, haud aliter fieri non potest, ac ut ea non in hac solum parte prae aliis emineat, sed propter hanc etiam respectivam partis cujusdam debilitatem nonnulla febrium malignarum symptomata, quae in his partibus prae aliis maxime debilitatis existere possunt, exacerbentur, itemque alia in febribus malignis non ita frequentiora suscitentur & periculosissima. Insit modo, debilitas eminentioris gradus pulmonibus, persfacileque inde catarrhus suffocativus acceden-

tibus causis eum producentibus, eveniet; insit illa encephalo, & pro rerum, quae circumstant, diversitate, nunc capitis dolores acutissimi, nunc deliria vehementissima, nunc affectus soporosi, nunc insultus apoplectici &c. inde derivari poterunt; insit rubo cibario, & diarrhoea inde emerget; insit denique vasis sanguineis, & stases inde orientur & inflammationes, quae ob putridam massae humorum constitutionem perfacile in sphacelosam ruunt corruptionem. Nonne igitur, tot ex hoc fonte, quot ex Pandorae pyxide, proveniunt mala, ut iis enarrandis vix tempus sufficiat? Inde colligi potest, quam necesse sit, in curandis morbis, nec non febribus malignis cum statum aegri praesentem intueri, tum illius statum praeteritum; eumque solum medicum, qui hoc non susque deque habeat, successus expectare posse prosperrimos. Sed, proh dolor! maximo aegrotorum detrimento, hoc negligitur quam saepissime. Nam si hoc fieret, certa quaedam phaenomena, quae morbi naturae non respondent, tantam haud nobis injicerent admirationem atque obstupescationem: quae vero phaenomena insolita status aegri praeteritus saepius nobis explanabit. Et cognitis causis ejus generis symptomata saepius impediri possunt, quae alioquin miseris aegrotis vitam adimunt. Sed ad

propositum meum revertor, & quaedam adhuc in medium proferre juvabit de salutari istarum febrium solutione.

§. XXIV.

Natura sibi metipsa relicta nullum alium habet modum ex tam atroci morbo emergendi, ac si putridum ex corpore exterminatur, quod per secretionem periphericam optime fieri potest, uti sequentia argumenta evincunt. Qua plus materiae putridae, quam per alias excretiones naturales e corpore proscribi potest, ea naturalis excretio in febribus malignis censeri potest optima. Innumerabilibus ductibus excretoriis exterior C. H. cortex abundat, quam ob causam feri peripherici excretio ingens erit, & quidem ceteris omnibus excretionibus naturalibus simul sumptis multo major, uti Physiologia tradit. Quum ergo putridum in febribus malignis obvium fluido lymphatico — seroso praecipue sit immixtum (§. XVIII.), per excretionem quoque periphericam, nec per ullam aliam excretionem particularem, salvis omnibus aliis conditionibus, ut nempe determinato modo succedat, ex corpore expelli poterit ocysime & facillime. Ex hoc itaque propositionis meae veritas clarescit. Quum praeterea excretionem periphericam putridum

a locis interioribus ad exteriora promovetur, ubi tam periculosos effectus propter noxiam ejusdem indolem causari nequit, quam si in visceribus moraretur, aut deponeretur, id quoque propositionem meam confirmabit. Quod cum tanta celeritate, quanta per transpirationem moderatamque sudoris excretionem hand fiat, ob longiorem in C. H. locis interioribus moram, atrocissimos spasmos inflammationesque periculosissimas, quae ob putridam massae humorum constitutionem perfacile in sphacelum ruunt, ipsamque mortem asferre possit: alias excretiones particulares & suspectas esse & nocentiores, in promptu est. Non autem universalem esse propositionem meam, erunt, qui contra me insurgant, quia febres malignae per particularem urinae excretionem nonnumquam etiam salutariter solvuntur. Febres malignas nullo alio modo, ac sola excretionem peripherica salutariter solvi posse, nullus affirmo, quum omni experientiae repugnarem: hae enim febres per hanc excretionem universalem & simul per reliquas particulares, si moderato modo succedant, haud raro salutariter solvuntur; ista tamen lege, ut excretio universalis nunquam languescat, licet vice versa excretionem particularem languescere possint; si modo excretio peripherica bene succedat, febres malignae salutariter sol-

vuntur. Hoc demonstrato, hanc solutionem salutarem per transpirationem optime fieri, & fieri posse, fat habeo. Nemo umquam ex sola urinae excretionem fortunatum febrium malignarum exitum vaticinari poterit, nisi omnia alia signa simul conspirent; & vix febris maligna per urinae excretionem suppressa plenaria transpiratione salutariter solvetur. Quoties igitur propter languescentem excretionem periphericam ingens materiae putridae copia per tenuia renum vascula uropoietica ureteresque ad vesicam urinariam fertur, & hoc pacto ex corpore expellitur, toties propter particulas aciores in his viis irritationes excitat, arrosiones atque spasmos, uri stranguria, quae in tali casu provenire solet, Inculcentissime commonstrat. Nonne itaque suspecta, nonne transpiratione est periculosior? Hoc in casu urinae excretio fortunatum eventum sperare jubebit, si excretio peripherica simul moderato modo succedat, nec tanta putridi copia in renibus deponatur. Faustum in his febribus expectaturis eventum, curandum est, ne haec excretio peripherica plane supprimatur, nec languescat, neque ea aliaeque excretiones particulares nimio cum impetu fiant, neque exanthemata, quibus hae febres salutariter saepius solvuntur, in ingenti copia prorumpant. Quod si hoc negligamus, acri

vires mirum in modum consumuntur, & ob vehementiores fluidorum motus majoremque putridi attritum ad solidas, quo illae nimis irritantur, spasmi & inflammationes sulcitantur, transpiratio reptimitur, putrida materia magis ad viscera deferretur nobiliora, adeo, ut ibidem, pro differentia partis, apoplexia, catarrhus suffocativus, inflammationes & sphacelationes viscerum aliaque mala pessima & mors ipsa in instanti haud raro oriantur. Qua in re observationes nobiscum conveniunt. Etenim si his febribus dirissimis jugulatorum corpora cultro subjiciantur anatomico, cerebri vasa sanguine nimis turgere, cerebro sanguinem inesse, qui liquamini putrilaginoso innatet, aut alia viscera, uti pulmones, ventriculus, intestina &c. in quibus etiam liquamen putredinosum offenditur, inflammata & sphacelo obducta, reperies.

§. XXV.

Quibus expensis id aggredior, quonam ratione plethora salutarem harum febrium malignarum solutionem impedire, earumque eventum funestum reddere possit. Quod parte dissertationis meae secunda dilucide enucleateque ostendetur.

C A P. II.

D E

MODO, QUO PLETHORA EVENTUM

FEBRIUM MALIGNARUM SAEPE FUNESTUM

REDDERE POSSIT.

§. XXVI.

Salutari morberum solutioni multa resistere seque opponere posse, est veritas sole meridiano clarior. Itaque omnino medici erit, illa summa cum attentione maximoque ingenii acumine indagare, prout in morbis acutis malignis illud valde est necessarium. Quod ipsum autem permagnum pondus habere, totamque medici curam ac diligentiam potissimum apud eos censeo requirere, in quorum vasis major sanguinis copia reperiatur, quam sanitatis ratio exposcit, eoque febribus malignis implicentur. In ejusmodi enim statu complicationis plethora saepissime in causa est, cur febres malignae, generi umano inimicissimae, eventum habeant tristissimum. Quomodo vero & quali ratione plethora hoc efficiat, jam mihi est demonstrandum, id quod totius rei cardo est in capite praesente. At nequaquam specialibus hic inhaerebo, sed generalia tantum ex principiis tam physiologicis, quam Pathologicis

deducenda exponam, unde specialia derivari possunt quam facillime. Ad res igitur, quae fieri possunt, & in rerum natura vere extant, plethoram pertinere, qui inficias eat, credo fore neminem: cum, qui nunc sunt, medici in scriptis suis pathologicis hoc unanimiter asserant; licet olim fuerint, qui id negare tentarent, ast argumentis perquam infirmis. Plethoram, qui mihi concesserit, eam quoque complicationem cum febribus malignis rebus imaginariis annumerari haud posse, mihi largietur. Quonam vero pacto in C. H. plethora generetur, & qua ratione excretiones sanguineae suppressae naturales artificialesque consuetae neglectae &c. hoc praestent; dehinc an, & qui homines plethorici ad febres malignas concipiendas sint proniores, nec ne, haec aliaque omnia praetereo, quia cum fine, quem mihi praefixum habeo, non proxime cohaerent.

§. XXVII.

In febribus malignis ob tot tantasque causas corporis vires maximopere conteruntur (§. XXI.) . praecipue cor, totumque vasorum systema; speciatim vero vasa encephali, ob nimiam harum partium & perdurantem distensionem humorum rarefactione factam, nimis debilitantur

(§. XXII.). In plethora etiam hoc evenit, & fiunt nimiae congestiones, pro diversitate subiecti, partim ad caput, partim ad pectus, partim ad viscera, quibus partium istarum vasa magnopere distenduntur, & debilitantur (p. pr. pathol.); omnia enim corpora, elasticitate praedita, eam amittunt, vel ea saltem minor fit, si diu & ultra gradum expanduntur, hinc etiam vasorum robur ob plethoram infringitur. Quodsi ergo plethora jam antea adfuerit, humorumque rarefactio in his febribus obvia accesserit, effectus quoque inde orientur majores & symptomata vehementiora: causa enim aucta augentur & effectus (§. XXIII.). Quocirca in aprico est, cur in ejusmodi statu complicationis omnia symptomata (§. §. XXII. XXIII.) recensita ob plethoram augeri possint, imo revera augentur. Nam si in casu nostro ob febrem acutam malignam & plethoram cor omniaque vasa valde distenduntur, & nimiae fiunt congestiones ad vasa encephali viscerumque, ad pectus & ad abdomen, quae partes omnes ob statum praeteritum & praesentem valde sunt debilitatae, tunc facili negotio fieri poterit, ut, quia causa semper exerit effectum sibi proportionatum, gravissimae pulmonum aliorumque viscerum, vel cerebri inflammationes, lipothymiae, vehementissimi affectus soporosi, apoplectici, ea,

tarrhus suffocativus, aliaque mala pessima, quae, nisi citissime opem tuleris, brevi mora vitae finem abrumpunt, inde oriantur. Nonne inde satis liquet, plethoram cum febribus malignis conjunctam eventum efficere posse funestum?

§. XXVIII.

Facultatem fibrae musculares, ob suscitaram vim ipsis insitam, sese contrahendi (p. pr. physiol.) habent. Quae contractiones non raro a sanitatis statu deflectunt, sic, ut anima nolente, certe non praecipiente aut celeriores, aut frequentiores, aut majores evadant. *Spasmus* tunc adesse Pathologi affirmant.

§. XXIX.

Quum tot diversae sint causae, quae spasmos in C. H. producere possint, haud immerito nimia sanguinis copia ad eorum censum refertur. A nimio, quem continent, sanguine, cor atque annexa vasa admodum expanduntur (§. XXVII.). Hinc nervi vasorum parietibus interspersi, facile irritantur, ipsique parietes fibris muscularibus praediti spasmodice constringuntur. Ex congestionibus praecipue ad viscera, & vasorum distensionibus inde ortis ingens totius cutis rigor produci potest (p. pr. pathol.). Qua constrictione spa-

flica corticis exterioris feri ex eodem excretio intercipitur (constrictis enim vasis excretoriis in cute, illorum parietes inter se coeunt, & orificia fiunt impervia), reprimitur, & si quae jam exanthemata ibidem exclusa fuissent, ad loca & viscera nobiliora repelluntur quam facillime, ubi materia haec retropulsa ob acretudinem suam inflammationes, quae ob putredinosam humorum corruptionem, perfacile in sphacelum ruunt, producit lethiferas. Vide hic quoque, ex hoc fonte eventum propullulare lugubrem. Probe annotandum est, me hinc istos affectus spasticos non intelligere, quae ante exanthematum eruptionem subinde evenire solent, eadem saepe in conspectum producant, morbumque ipsum solvant; sed eos potius, qui ex solis nimis congestionibus ad viscera, vasorumque distensionibus, praecipue qui ex congestionibus ad ventriculum & intestina originem ducunt.

§. XXX.

Ad se — & excretiones omnes, ideoque etiam sudoris, rite peragendas, inter alia praecipiente id Physiologia requiritur, ut vasa serifera eaque excretoria, quae ad cutem tendunt, neque sint compressa, neque constricta. Sed a plethora vasa sanguifera magnopere distenduntur (§. XXVII.),

quo vasa serosa atque excretoria valde comprimantur necesse est. Vasis autem seriferis atque excretoriis, quae ad cutem flectunt, jam compressis, difficulter serum per ea evacuabitur, aut, quod idem est, transpiratio erit difficillima. Ast vasorum distensio, serosorum atque excretoriorum compressio, cum in febribus acutis malignis ex pluribus adhuc causis produci possit & augeri (§. §. XIX. XXII.); sequitur, ut in ejusmodi complicatione excretio peripherica male succedat. Quodsi igitur ex antea dictis excretio peripherica aut retardari, aut plane supprimi possit, & plethorae adsint gradus, eaque vel minor vel major esse possit, hinc etiam ejus effectus hos sequuntur gradus, & febres malignae per hanc excretionem periphericam solvuntur optime (§. §. XII. XXIV.); prono inde fluit alveo, si ob plethoram in febribus malignis excretio peripherica supprimatur, id evenire posse & debere, quod (§. XXIV.) dictum est, ideoque plethoram in causa esse posse, cur febres malignae eventum habeant funestum. Quocum etiam observata probe conveniunt. Quantam stragem edunt febres acutae malignae eamque amplissimam, quando post suppressam transpirationem graves viscerum inflammationes, insultus apoplectici, affectus soporosi, vehementissimae convulsiones, catarrhus

suffocativus &c. quae omnia periculum adaugent quam maxime, mortique fores pandunt, oboriantur. Quod insuper extispicia his febribus defunctorum satis abundeque docent, ex quibus apparet, in iis modo hoc, modo aliud viscus sphacelo esse corruptum. Etiam se — & excretionēs naturales non rite perfici possunt, si vasa justo suo robore sunt destituta. Ex quo jam liquidum erit, plethoram cum febribus malignis complicatam earum solutioni maxime saluari hoc quoque respectu, nempe ob ingentem debilitatem vasis C. H. inductam, obversari producereque posse, ut aeger satis cedat.

§. XXXI.

Ob plethoram, uti Pathologi docent, facile C. H. ingenerantur inflammationes. Plethora nempe vasa valde distenduntur & debilitantur, quam distensionem & debilitatem inde ortae congestiones ad viscera multo magis augent, hinc vasa & viscera tono despoliantur, quare lymphā ad nutritionem iners fir, & vires in dies decrescunt. Inde, si in C. H. adhuc viget plethora, per facile stases produci queunt, stases autem sufficere ad inflammationes progignendas, Pathologi rursus commonstrant. Quod omne eo facilius & citius obtinget, si vasa nimis sunt debilitata, si

plethora est commota, si sanguis particulis acerbis scater, & rarefactus apparet. Per plethoram igitur vasorum tonus ita labefactatur, ut denique omnem fere resistentiam amittant, praesertim in vasculis minimis, quae demum humorum copia infarciuntur, atque ita stases & inflammationes concitantur, eaeque acritudine acceleratae, qua vasa irritantur & crispantur, id quod humores in majori quantitate advocat, & inflammationes gignit. Ubi enim irritatio, ibi quoque est affluxus, haec est perpetua lex, a qua nulla datur exceptio, oeconomiae vitalis. Istae stases autem & inflammationes in illis partibus facilius generantur, quae inter reliquas debilitate eminent, quod per se patet. Summopere itaque oportet medicum de omnimoda individui aegrotantis determinatione esse sollicitum, nisi sibi metipsum imponi velit. Quodsi autem sanguis insuper est rarefactus, tunc istae stases & inflammationes multo velocius orientur, quod unicuique notum erit, sic ut demonstratione supersedere possim; nimius enim forem, si omnes effectus hic enarrarem. Sed ad propositum. Hic autem, uti mihi videtur, nihil amplius desideratur, nisi ut generalia supra adducta ad febres malignas cum plethora complicatas adplicemus, quo facto maxime erit perspicuum, febres malignas per se

jam proclives esse ad inflammationes contrahendas (§. X.), multo magis autem, si plethora cum iis simul sit conjuncta. In febribus enim malignis sanguis particulis abundat putridis (cap. praeced.), & tenuis & nimis est dissolutus (§. XIX.), propterea majus occupat spatium, hinc ratione mensurae aequalis erit sanguini plethorico. Sanguis igitur hic rarefactus & expansus aequales effectus, licet antea iusta adfuerit sanguinis quantitas, conflabit cum plethora. Itaque solum & propter vasorum debilitatem enasci possunt stases & inflammationes, quae multo occurrunt si plethora accedat, suborientur (p. anteced.).

§. XXXII.

Nunc adhuc superest ostendere, quanta mortis pericula immineant, inflammationibus in casu nostro excitatis. Febres inflammatoriae semper malignis majorem secum ferunt horrorem (p. pr. pathol.). Ergo transpiratio ob febrem malignam supprimitur, quod eo facilius accidit, si horror propter inflammatoriam eo tempore veniat, quo ob malignam sudor erumpere solet. Materia autem transpirabilis particulis putridis repleta, si sanguinis massae iterum immiscetur, tam celeri gressu in putredinem ruit, ut saepius intra viginti & quatuor horas de vita sit conclamatum.

Qua de re exempla hic proferre nimis longum, imo supervacaneum videtur, cum id quotidiana praxi satis superque comproberetur, & inter plebejos etiam notissimum sit, desperandum esse de vita, si in acutis malignis transpiratio reprimatur. Huc accedit, quod materia retropulsa plerumque ad loca inflammata deferatur, ubi illa rodendo agit, & inflammationes ejusdemque effectus auget mortiferos. Fieri etiam potest, ut ista materia retrogressa cerebrum, pulmones, diaphragma &c. feriat, unde etiam lethiferi effectus excitari possunt (§. XXVII.). Inflammationes autem istae, quum humores ipsi ad putredinem jam maxime sint prони, in gangraenam & sphacelum transibunt, & mortem nonnunquam tempore inducent brevissimo. Qua in re observationes nobiscum consentiunt. Ii enim, qui antea jam fuerunt plethorici, si his febribus corripiantur, semper in maximo versantur periculo, & haud raro succumbunt. Huic sententiae etiam *III. PRINGLE* suffragatur in *Beobachtungen über die Krankheiten einer Armee*, Kap. 7., qui in cadaveribus his febribus denatorum dissecatis, cerebrum plerumque inflammatum, & modo in sphacelum inflammationem abiisse, modo in abscessum vel purulentum vel ichorosum invenit. Et *WEPFERUS* de *Cic. Aq. historia*:

Ego, inquit, & mecum alii non sine valetudinis damno in cadaveribus maligna febre intermentorum dissectis, pulmonum, hepatis, aliarumque partium interiorum inflammationes deprehendimus. Nemo igitur erit, opinor, qui longius dubitet, quin plethora cum febribus malignis complicata etiam ob hanc causam eventum conflare possit funestum.

§. XXXIII.

Sic tractationem hanc, sub Divina gratia, ad finem perduximus. Monendus vero adhuc es, Optime Lector, me therapeuticam casus nostri partem neglexisse. Sed nec instituti mei id erat, quum unice de plethorae in complicatione hac effectibus scribere, apud me constituissem; nec arcti hujus opusculi limites id paterentur. Ceterum non dubito, quin jam prolata satis sufficiant ad distincte cognoscendum modum, quo plethora eventum februm malignarum inducere possit funestum. Multa quidem adhuc superesse exponenda de hac re, perbene scio, sed cum temporis & spatii ratio habenda sit, & haec singularem eamque prolixiorem postulent tractationem; ego autem modo susceperim de generalioribus differere: omnia specialia mittam, reliquaque, quae ex supra dictis adhuc deduci possunt, cujuscunque veri nominis medici acumini relinquam, & hic dissertationi meae additurus sum colophonem.

CHRIST. MARTINI KOCH

URATISLAVIA SILES.

DISSERT.

DE

BURSIS TENDINUM MUCOSIS :

LIPSIAE. MDCCLXXXVIII.

§. I.

QUam rerum naturalium studiosi diligentissime excultam & ita expositam olim existimaverant musculorum doctrinam, ut, quod addi posset, superesse nihil videretur, eam nihilominus mancā & imperfectam etiam nunc esse periti rerum judices aegre animadverterunt. Tantum enim, ut alia taceam, abest, ut bursae tendinum mucosae, quae ad musculos pertinent & arctissimo cum his vinculo junguntur, plenius descriptae fuerint, ut si tendinum insertiones, velamenta, eorumque ad articulos rationes atque partes ipsis adjacentes accuratius intuemur, convictos fateri nos oporteat, musculorum historiam nondum penitus fuisse illustratam omnibusque nu-

meris absolutam. Quae quum ita sint, operae pretium fore judicavi, non solum ea colligere & ordinare, quae scriptores anatomici recentiores de natura, situ, structura & usu burfarum protulerunt, sed etiam ea addere, quae in cadaverum perlustratione sese mihi obtulerunt. In quo vero argumento pertractando ita versabor, ut narrata rerum inventarum historia, naturam, fabricam & differentiam burfarum tendinum muscolarum exponam, & partibus, quae modo in burfis continentur, modo extrinsecus adjacent, perlustratis ostendam, cuinam usui hae inserviant; quibus denique burfarum singularum enumerationem brevemque descriptionem addam.

§. II.

In declaranda musculorum historia etsi veteres anatomici multum posuerunt studii, ita, ut nonnulli eorum de his motus animalis instrumentis egregie differerent, nuspiam tamen ista burfarum aut marsupiorum formam referentia receptacula ab illis commemorata legimus. Primus, quod sciam, eorum mentionem fecit DUVERNEYUS (a). Sunt quidem ea, quae protulit,

(a) In libro, *L'art de disséquer méthodiquement les muscles du corps humain*, qui veri auctoris nomine primum prodiiit 1749., de muscoli obturatoris interni tendine pag. 195. ait :

obscura, ostendunt tamen nihilominus, bursas istas mucosas ejus minime effugisse attentionem. Rectius jam de his partibus judicavit WINSLOWIUS, siquidem nonnullarum earum positum non modo non ignoravit, verum etiam naturam earundem melius habuit perspectam, & in quibusdam operis sui anatomici locis (b) de his partibus pressius exposuit. Bursis enim secundum variam earum firmitatem diversa tribuit nomina, & haud incongrue alias *vaginas membranosas*, alias *membranas mucilaginosas*, alias denique *capsulas* vocavit *ligamentosas*. Quum autem tunc temporis anatomicorum conatus nondum eo usque progressi essent, ut certo definirent, quaenam harum partium sedes esset perpetua: non mirum erat, earum naturam & utilitatem rerum istarum studiosos latuisse. ALBINI vero, cujus auctoritas plurimum valet, insigni, quo in dissecando uti solebat, studio ejusque ingenio acerrimo par-

„ Le tendon est renfermé dans une gaine. “ Ejus quoque bursae mentionem fecit aliquam (p. 191.), quae tendinem psoae & iliaci interni conjunctum obtegit. Alio praeterea loco (*Oeuvres anatomiques*, Paris 1761. 4. Tom. I. p. 405) bursam sub tendine extensorum cruris obviam, cumque articuli genu cavitae communicantem, indicat, dicens: „ Elle “ (cavitas nimirum articuli) „ est aussi étroitement unie à la partie interne des extenseurs de la jambe au-dessus de la rotule, ce qui fait un vide très-considérable. “

(b) Exposition anatomique de la structure du corps humain. par Jacques Benigne Winslow. Amst. 1732. 8. Tom. II. Traité des muscles p. 100. 103. 117. 126. 150.

tes istae non poterant subterfugere. Nam sedecim *bursarum* paria exacte, paucis tamen verbis, descripta reliquit, earumque utilitatem praeclare ostendit (c): *bursarum* tamen neque naturam uberius declaratam dedit, neque earum, quas tendinum vaginae recondunt, descriptionem ei acceptam referimus. Quod quidem ALBINI inventum subsequenter temporis dissectiones non ita dignum arbitrabantur, ut id ulterius diligentiusque excolerent, sed tanquam rem inanem parumque utilitatis spondentem negligere videbantur. Quae quum perspexisset JANCKIUS, eximium Academiae Lipsiensis quondam decus, hanc materiam de industria sibi tractandam sumsit, atque in ejus elaboratione maxima cum laude versatus est. Etenim non solum magnam capsularum mucosarum numerum demonstravit, sed originem etiam earum prosecutus, quae ipsis natura esset, qua ratione differrent, & quam utilitatem prestarent, perquam diligenter & accurate enarravit (d).

(c) *Bernardi Siegfried Albini Historia musculorum hominis*, Lugd. Bat. 1734. 4. p. 694. „Bursae subiectae musculis, maxime tendinibus eorum, ad faciliorem mobilitatem. In iliaco interno, latissimo dorsi, deltoide, terete majore, bicipite brachii, glutaeo magno, medio & minore, geminis, bicipite cruris, semimembranoso, crurali, gracili, gemello, soleo- & tibiali antico. Inter has bursae tendinem musculi iliaci interni recipientis descriptio prae ceteris eminet.

(d) *Joannis Godofredi Janckii Prog. de capsis tendinum articulatorum*, Lips. 1753. 4. *Bursarum* quinquaginta sex paria

Tamen si autem paucis hanc rem explicaverit, proposito tamen consilio praeclare & ita potitus est, ut omnem fere rem exhaustisse putandus sit. Neque dubitari potest, quin hic vir longe celeberrimus ulterius in harum rerum per investigatione fuisset progressurus, si non mors praematura ejus uberiores anatomicarum disquisitionum fructus intercepisset. Placuit vero JANCKIO receptacula ista *capsularum tendinum articularium* nomine complecti, tum quod tendinum motui opitulantur, tum quod maximam partem membranis ligamentosis adhaerent, quae articulos sepunt & quasi vallo praecingunt. Praeterea has tendinum capsulas in tenuiores & crassiores distinxit, quarum posteriores a nostro proposito alienae videntur, ut in posterum ulterius ostendemus: ceterum tamen nullus alius scriptor hujus partitionis meminit. Quod autem ad HALLERUM attinet, mirum profecto videtur, cum hujus doctrinae limites non ulterius produxisse, neque novis observationibus locupletasse, quum tamen omnes fere artis medicae doctrinas felici cum eventu amplificaverit. Nam nihil ALBINI descriptionibus

praeter illa numerat, quae ad singulos pedis extremi tendines conspiciuntur, & quae eodem fere modo, quo illae ad tendines manus, se habent.

bus addidit, nisi quod in naturam burfarum liquoremque in his secretum paullo diligentius inquisivit; non tamen eas a tendinum vaginis, neque a tunica musculorum propria satis distinguit (e). Eadem quoque ratione PORTALIUS (f) SIMMONSIUS (g), SANDIFORTIUS (b) & MAYERUS (i) *Albinum* pressio pede securi sunt; alii vero hujus summi viri descriptiones obiter & paucis tantum attigerunt (k), immo nonnulli burfas tanquam supervacaneas & nulla fere com-

Tom. X.

K

(e) *Alb. v. Haller* Primae lineae Physiolog. auctae ab *H. A. Wrisberg* Gott. 1780. 8. p. 217. „Cellulosam telam, quae totum tendineum communis amplectitur, vaginam vocant, musculi tunicae similem. “ Et in *Element. Physiolog.* Libr. XI. Sect. II. § 39. Tom. IV. p. 504. ait: „Ejusmodi cellulosa tela in rotundos magnosque cum mollitie resistentes globos congeritur, in quibus & adeps est & intus albuminosum aliquid, liquoris articularis similis. Burfas vocat *Albinus*, qui varias enumerat. Praecipuae sunt in poplite & flexoribus tibiae subjiuntur. “ Vid. etiam ibidem p. 428 427.

(f) *Anatomie historique & pratique par M. Lientaud, nouvelle édition augmentée par M. Portal à Paris 1776. Tom. I.* In versione hujus libri in vernaculam, quae Lipsiae 1782. 8. prodiit, plures burfae secundum *Albinum* allegantur.

(g) *Anatomy of the human body by Samuel Eoart Simmons* Lond. 1780 8. p. 257. 233. & in versione germanica, quae prodiit Lips. 1781. 8. p. 227. 291. sequ.

(b) *Edwards Sandifort* Descriptio musculorum hominis Lugd. Bat. 1781. 4.

(i) *I. C. A. Mayer* Beschreibung des ganzen menschlichen Körpers, Berlin und Leipzig, 1784. Band. III. p. 58 247.

(k) Huc referri merentur *I. A. Plenck* Prim. Lin. Anatom. Vindob. 1775. 8. p. 132. — *Leber* Praelect. Anatom. Vindob. 1778. 8. p. 36. — *A System of Anatomy from Monro, Winslow, Jones, and the latest authors*, Edinb. 1784 8. Tom. I p. 352. 254. — *Barth* Anfangsgründe der Menschelehre, Wien 1786. fol. Tab. XXXIV.

memoratione dignas silentio plane praeterierunt (1). In describenda vero sede, qua bursae figuntur, majori cura & summa cum accuratatione versatus est SABATIERIUS, quamquam parum omnino aut plane nihil de natura earum adjecerit, praeterquam quod per nomina his partibus imposita earum naturam dilucidius aliqua ex parte expressit (m). Bursae enim ab eo nunc *capsulae mucosae*, nunc *membranae molles & laxae*, *textus* etiam *filamentosus*, *productiones* denique *membranosae* appellantur. Prae ceteris autem, nec sine grati animi sensu commemoranda mihi est scriptio HAASII (n), Viri celeberrimi, quem praeceptorem me habuisse per omnem vitam laetabor. Quicquid enim de natura, structura & usu bursarum tendinum mucosarum ibi invenitur, id scire & apposite enarratum est. Tum meum quoque est, ut Viro optimo pro venia ea grates maximas persolvam, qua adjutus in theatro anatomico bursarum structuram in pluribus cada-

(1) Hoc praecipue inter recentiores pertinet J. G. Walter im *Myologischen Handbuche*, Berlin 1778. 8.

(m) *Traité complet d'anatomie ou Description de toutes les parties du corps humain* par M. Sabatier, à Paris 1781. Tom. I p. 281-246. Viginti quinque paria ab eo descripta omnino. Haud dubie ab hoc viro profecta sunt ea, quae in *Abregé de l'Anatomie du corps humain* par M. Verdier, à Paris 1768 quem librum Sabatierius emendatum & auctum edidit, de bursis passim leguntur.

(n) J. G. Haase Progr. de adminiculis motus muscularis, Lips. 1785. 4 p. 10 sq. & in Dissert. de uogine articulari ejusque vitis, Lips. 1774. 4. p. 8.

veribus ulterius rimari mihi contigit. Neque minori laude digna est FOURCROYI opera, e cujus laboribus patet, se non solum antecessores consuluisse, sed eorum inventis inter se comparatis tendinum capsulas examini anatomico accuratiori subiecisse (o). Etenim fabricam, sedem & originem earum, partesque externe ipsis appositae intusque reconditae solertissime perscrutatus est, & burstarum ad articulum humeri & cubiti positarum exactissimam adjecit descriptionem, reliquarum vero historiam propediem se traditurum esse promisit. *Mucosas autem tendinum capsulas, & capsulas synoviales* cavitates istas optime nominari posse declaravit. Ceterum JANCKII labores super hoc argumento ipsi vehementer arriserunt, ubique enim illius viri sententiam sequitur & ab eo nonnunquam tam parum recedit, ut JANCKII verba tanquam sua proferre videatur. Nuperrime denique ALEX. MONROUS *Filius* prae-ter generales quasdam annotationes de discrimine, natura, fabrica & nexu burstarum prolatae, icones sedem illarum indicantes primus de-

K 2

(o) *De Fourcroy Mémoire pour servir à l'histoire anatomique des tendons; dans le quel on s'occupe spécialement de leurs capsules muqueuses.* Exstat hic tractatus in *Histoire de l'Académie royale des sciences*, Année 1785. à Paris 1789. 4. pag. 298 & 414. Ceterum *Fourcroy* numerum burstarum sexaginta aut septuaginta exaequare existimat.

pingendas curavit, earum analogiam cum articulo-
rum cavitatibus declaravit peritissime, atque
fontibus, unde liquor bursas irrigans scaturit,
indicatis. in morborum has partes infestantium
indolem sedulo inquirere conatus est (p). Tum
septuaginta bursarum paria iconibus expresseit, istis-
que nomen bursarum mucosarum imposuit, rectius
tamen eas *vesicas unguinosas* vocari posse arbi-
tratus est. Sed dolendum est, neque FOUR-
CROYI commentarium, neque JANCKII egre-
gium libellum ad ejus notitiam pervenisse, quos
si ante oculos habuisset, operis elaboratio haud
dubie ipsi feliciter successisset. Nam de natura &
origine membranae propriae bursarum pauca ad-
modum commentatus est, bursarum varietates
non luculenter satis indicavit, atque, quod ad-
dendum est, in iconibus qua situm & nexum
bursarum cum vicinis partibus multa desideran-
tur; bursae enim soluta vicinarum partium con-
nexionem, fere nudaе conspiciuntur. His denique
addi merentur, quae BELLIIUS (q) & CAM-
PERUS (r) de morbis bursarum tendinum muco-
sarum in medium attulerunt.

(p) *A description of all the bursae mucosae of the human body, illustrated with tables by Alexander Monro*, Edinb. 1788 fol.

(q) *Beniam Beil System of Surgery*, T. V. p. 478 & in versione germanica. Tom. IV. p. 313.

(r) *Petr Camper Dissert. de hydropum variorum indole, causis & medicina*, quae *Mémoire de la Société Royale de médecine*, Année 1784. p. 145. inserta est.

§. III.

Quamquam autem auctores modo commemorati burfarum corporis tantum humani concinnaverunt descriptionem, non tamen idcirco existimandum est, alia animantia his partibus esse destituta. Plerisque certo mammalibus hoc naturae denegatum non est beneficium, neque eo fortassis carent omnia cetera animalia tendinibus instructa; quin imo pro ipsorum indigentia istiusmodi folliculis tum firmioribus tum amplioribus, tendinum nimirum magnitudini & firmitati respondentibus; egregie prospectum est. Vidi enim non modo in majoribus animalibus, veluti in equo & bove, burfas peramplas, sed etiam in minoribus, ut suibus, canibus, & inter volucres in anseri, corvo corace & pica, & in his praesertim sub tendine pectoralis muscoli capulas tendinum mucosas inveni. Non autem in omnibus corporis tum hominum tum animalium partibus burfae tendinum mucosae conspiciendae se praebent, sed tantum in artubus vel extremitatibus praesentiam suam manifestant. Etenim deficient burfae, ad tendines pertinentes, in musculis capitis, colli, thoracis, abdominis & spinae dorsi. Neque in corporis extremitatibus musculorum tendinibus quibuscunque affixi aut

superinducti cernuntur, verum potius illos ut plurimum tendines iisdem videmus instructos, qui longe se diffundunt perque magnum spatium supra ossa porriguntur, quorumque ministerio motus perficiuntur vehementes longeque lateque pervagantes. Quum porro maxima tendinum pars in articulorum vicinia inferatur, prope hos etiam plerasque potioresque bursas sedem suam nactas videmus. Ceteroquin in foetu eas jam adesse, atque in pueris ampliores, numerosiores faciliusque esse detegendas, anatomiae doctores observarunt.

De bursis igitur tendinum mucosis differere incipienti, quid hoc nomine significetur, ante omnia definiendum est. Sunt autem ejusmodi bursae membranae, modo mollioris modo firioris compagis, cavitatem quandam formantes, quae aut tendines involvunt aut cuidam eorum parti adhaerent eosque vicinis partibus revinciunt; & simul viscidum quandam & unguinosum coloris flavescentis vel subrubri humorem in ipsis secretum continent, quo illinuntur lubricaeque servantur. Itaque duplicis generis sunt. Nonnullae enim earum ita sunt constructae, ut tendinem omni fere, aut aliqua saltem, qua excurrit, longitudine, vaginae instar circumdant & involvant; aliae vero alicui tantum tendinis parti adhaerent & annectuntur. Prioris generis involucria *bursa-*

rum aut *capsularum mucosarum vaginalium* nomine digna sunt; posterioris autem generis cavitates *bursae mucosae vesiculares* (f) nuncupari merentur. Aliud praeterea inter utrumque hoc burstarum genus adhuc intercedit discrimen, a fabrica & natura membranae, has cavitates formantis, petitum. Quotquot enim inveniuntur bursae, eae ex membrana quadam propria, internam earum faciem obducente & formante, fabricatae sunt. Quae quidem membrana omnino tenuis, tenera & pellucens, interiusque glabra & laevis est, atque a liquore unguinoso intus latente lubrica apparet. Attamen haec membrana non in omnibus burfis eandem nata est firmitatem, siquidem eam variis in locis diversam deprehendimus. Sunt enim quaedam tendinum bursae firma, densa & compacta membrana propria munitae, quae aliquo robore disruptioni resistere valet & naturam quodammodo tendineam aut aponeuroticam aemulatur. Aliae vero bursae ab harum firmitate recedunt; nam contextus earum mollis est & lusus, paucisque admodum locis tendini & ita adhaeret, ut ab hoc facile separa-

K 4

(f) Utraque denominatio his partibus maxime accomodata debetur *Fencreys*, L. c. p. 403 & 415.

ri se patiatur & fortiori paullo nisu tractatus laceretur. Verum ex firmioribus inprimis membranis formantur eae potissimum bursae, quae *vesiculares*; ex mollioribus autem, quae *vaginales* vocantur. Quum igitur capsularum mucosarum membrana propria variis in locis diversam ostendat naturam, difficile utique cognitu videtur, undenam originem suam habeat. Si in musculorum dissectione ad tendinem, cui bursa mucosa subiecta est, pervenerimus, observare licebit, bursum ab altera parte tendini, ab altera vero partibus adjacentibus, & sigillatim quidem ossibus, cartilaginibus, ligamentis, & aliis tendinibus aut adhaerere, aut iis quasi interpositam esse. Quum autem membrana bursum propria cum firmioris fabricae partibus, veluti ossibus, cartilaginibus & ligamentis pressius arctiusque cohaerere videretur, hoc cum ipsis omnino tendinibus, non absque veri similitudine doctores anatomici statuerunt, eandem in his locis potissimum periostei, perichondrii aut peridesmii esse propaginem. Et parum utique propria bursum membrana a vicinarum partium natura differt, quin potius harum structurae, e quibus ortum ducit, quam maxime respondet. Neque aliis nisi iis in locis bursae conspiciuntur, ubi tendines ulterius porrecti ossa, cartilagines, ligamenta

aliosque tendines contingunt (t). Itaque ubi modo dictatum partium membrana ad bursam muccosam efformandam explicatur, ibidem ea partem, cui superinducta est, derelinquit, versus omnem regionem exporrigitur atque latior & amplior facta ad tendinem accedit eique ita adhaeret, ut sacculum repraesentet, in quo ossis, aut cartilaginis, aut ligamenti & tendinis superficies aliqua tantum ex parte conspicitur & quasi comprehenditur. Ita quidem eae plerumque formantur bursae, quae ex offibus ortae inter haec & tendines sedem suam habent, ubi praeterea simul tenuis cartilaginis lamina aut tenax membrana inter duram ossis compagem interjacet: idem quoque de bursis, cartilaginibus & ligamentis insistentibus, dicendum est. Bursae etiam vero nonnumquam partibus, quibus eae adjacent, quasi interpositae videntur; quod imprimis in nonnullis bursis, inter duo tendines locum habentibus, videre licet, uti FOURCROYUS (u) in bursa inter tendines bicipitis & brachialis interni posita observavit, ubi tendinum superficies in ipsa bursa non conspiciuntur. Quum igitur partibus, quas inter se conjungunt, interpositae sint bursae,

(t) Janke l. c. p. 5. Fourcroy l. c. p. 401.

(u) L. c. p. 421.

fieri sane poterat, ut JANCKIUS bursas, cultro cautissime ducto, separare integras, easque exsiccare atque asservare saepius feliciter posset. Quod vero experimentum quum FOURCROYO non nisi in separatione quasundam bursarum feliciter cessisset, in eam abiit sententiam, ut diceret, plerumque quidem propriam bursae membranam a partibus, quibuscum tendines connectuntur, formari; nonnunquam tamen etiam ex ipsa tendinum forma atque substantia produci & ad partes ferri circumjacentes. Vidit enim hic vir celeberrimus in burfis, ad tendinum insertionem sitis, membranam earum propriam utrique tendinis margini arcte & ita adhaerentem, ut ab hoc absque ejusdem laceratione nulla arte separari se pateretur, verum potius ab una parte in tendinum fibras continuaretur, ab altera vicissim cum periosteï membrana confunderetur (x), ceteris vero in locis laxè cohaereret. Deinde idem FOURCROYUS in burfis nonnullis, vaginis tendinum

(x) Quam connexionem etiam *Janckius* optime perspexit. Nam dicit: „ Porro de earum (capsularum mucosarum) sita omnibus omnino in exemplis observavimus, eum ejusmodi esse, ut duobus pluribusve tendinibus ab altera parte, ab altera ossibus, cartilaginibus aut ligamentis quam firmissime adhaereant, minus contra in toto reliquo ambitu, ubi scilicet, cum plerumque non, nisi cum contextu aliquo plus minusve celluloso cohaerent, laxae sunt & ad tendinum motum perfacile cedunt.“ *Frog. cit. p. 6.*

Inclusis burfarum membranam cum tendinum fasciculis communicantem observavit, ita, ut filamenta aponeurotica e tendinibus egressa in burfae membranam producerentur & ad eam formandam aliquid conferrent. Proinde facile apparet, propriam burfarum membranam non ubivis eandem agnoscere originem, sed potius partium tendini adjacentium aut ipsius tendinis nonnunquam esse continuationem.

§. IV.

Bursae tendinum *vaginales*, propterea sic dictae, quod tendines musculorum vaginae instar recipiant, & ipsae in vaginis tendinum aponeuroticis plerumque delitescant, omnem fere tendinem aut aliquam ejusdem partem circumcirca ambiunt & ita amplectuntur, ut tum anteriorem tum interiorem tendinis obtegant faciem, adeoque non solum partibus externis & tendinibus, sed etiam his & ossibus interpositae conspiciantur. Porro licet iisdem burfis secundum ossium longitudinem decurrentibus tendines longos comitatos videre, in quorum vaginae bursae libere fere fluctuant. Quae si tendinum involucria vinculis suis liberare atque in conspectum procurare velis, necesse est, ut vagina tendinis, cultro ad longitudinem ejus ducto, caute aperiatur:

quo facto, capsula prodit mucosa, quae splendentem tendinis faciem occultat, a tendinis origine usque ad locum, quo hic ossi inseritur, facile prosequenda. Certiores adhuc de ejus ambitu fieri possumus, si, facta exigua in bursam incisione, ea flatu distenditur, tunc enim exsurgit & in folliculum ovalis formae ab ejus principio usque ad tendinis insertionem elevatur bursa, hic illic interrupta quandoque cellulis, quae formantur a retinaculis, tendini aut periosteo implantatis & nimiam bursae distensionem impredientibus. Nonnunquam singulis tendinibus concessae sunt singulae bursae; interdum vero plures uni tendini datae, quae juxta se invicem positae interrupta serie per longitudinem tendini adjacent; ejusmodi exemplum occurrit in tendine muscoli extensoris pollicis longi (y). Verum etiam quaedam harum bursarum vaginalium plures interdum continent tendines. Quod si plures tendines a se invicem deinceps secedentes, bursa comprehendantur communi, haec veluti in ramos, ex communi illa bursa provenientes, dividitur, qui singulos tendines comitantur; quae fabrica in bursis extensorum & flexorum in artubus positorum luculentissime conspicitur. Sunt etiam tendinum

contiguorum bursae, quarum cavitates apertura quadam inter se junctae sunt; harum vero exiguus numerus est. Ejusmodi conjunctio, quae uni bursae cum altera intercedit, cernitur inter capsulam tendinem extensoris pollicis longi comprehendentem & bursam extensorum carpi radialis tendinibus communem (2). Videmus porro in flexoribus digitorum fasciculis bursas interiores in exterioribus contentas esse (a).

Si autem ad *vesiculares*, quas vocavimus, tendinum bursas respicimus, quae alicui tendinis portioni adhaerent, eae plerumque minus longae sunt quam bursae vaginales, vesicularem, ovalem seu rotundam exhibent figuram, in manifestam tamen explicantur cavitatem. Non est quidem difficile negotium denudare bursas istas & ante oculos ponere; musculorum quippe carne prope tendinem dissecta, tamen tendo usque ad bursae sedem considerate persequendus est, a qua tela cellulosa circumjacens, & membranae exterius appositae diligenter separandae sunt & auferendae: quo facto bursa in conspectum prodians incisione praemissa flatu distendi, liquorisve cujusdam injectione repleti, aut cultro sejungi & integra ex

(2) Ibidem Tab. II SS. U.

(a) Vide infra §. IX.

corpore eximi potest (b). Hujus generis capsae, qua situm & nexum, pluribus modis inter se differunt. Et primo quidem inter os & faciem tendinis internam ita sitae sunt, ut insertionem tendinis penitus abscondant, uti id fit in bicipitis tendinis portione radiali (c); aut in ulteriore tendinis progressu inferiori ejusdem parti adhaerent, & tum plerumque eas haud procul ab ejusdem insertionem remotas videmus; cujusmodi exemplum nobis exhibet capsula mucosa tendini iliaci interni & psoae conjuncto subjecta (d). Inveniuntur itidem inter faciem tendinis externam & partes exteriores; hujus generis est bursa quae extremitati tendinum supraspinati & infraspinati insidet. Uti autem duo pluresve tendines una bursa conjungit, id quod in bursa tendinem iliaci interni & psoae recipiente cernitur: ita bursae tendinibus interjacent & articulorum ligamentis; quemadmodum videre licet in bursa, quae inter tendinem tricipitis extensoris cubiti & olecranon locum habet (e). Aliae deinde bursae ejusmodi visuntur locis, ubi aut os quoddam super alio osse huc illuc labitur, aut ubi ossum

(b) *Jancke* l. c. p. 6.

(c) *Monro* l. c. Tab. I. X.

(d) *Ibidem* Tab. III. K.

(e) *Ibidem* Tab. II. P.

processus super ligamentis ultro citroque moventur: prioris generis bursam eo loco videmus, quo clavicula processui coracoideo imposita est (*f*), & super hoc osse labitur; posterioris vero generis bursa acromio & ligamento humeri capsulari interjacet (*g*). Bursarum denique in interiore tendinis substantia delitescentium aut alia quaedam bursa comprehensarum rara sunt exempla. Interim tamen bursam in alia bursa latentem MONROUS observavit, inter tendinem semimembranosi & gemelli interni atque inter ligamentum genu capsulare sitam (*b*) FOURCROYUS autem bursam in ipsa tendinis teretis majoris substantia reconditam detexit (*i*). Praeter haec inter bursas prope articulationes sitas nonnullae sunt, quae cum articulorum cavitate per aperturam quandam aut plures poros comunicant, ita, ut transitus ex bursa in articulum pateat; ejus rei exempla plura in puerorum & adultorum corporibus inveniuntur: mirum tamen videtur, ejusmodi mutuum ex bursis in articulos transitum in senio quoque quasi praeter naturam, ita tamen ut functiones laedi non videantur, continuo

(*f*) Ibidem Tab. I. I.

(*g*) Ibidem Tab. I. K.

(*b*) Ibidem Tab. V. f. g.

(*i*) L. c. p. 430.

usu & repetita frictione parari posse (k); quin imo bursae plures juxta se positae se quoque contingunt & quandoque ita copulatae sunt, ut ex una in alteram & ex hac in ipsas articulorum cavitates natura jam aditus pateat (l). Quae bursae in eodem corpore qua magnitudinem & figuram intercedit differentia, eam non tanti censo, ut plura addam: notandum tamen est, bursas in pueris, ceteris paribus, esse majores quam in hominibus aetate proVectis. Ceteroquin capsulatum mucosarum aliae constantes, aliae autem minus constantes sunt planeque deficiunt; quae tamen semper adsunt bursae, eae eundem fere locum occupare solent: accidit etiam interdum, ut unius bursae loco plures adsint, aut septo quodam dividantur, modoque diverso inter se communicent.

Neque vero silentio praetereunda est partitio JANCKII, qua capsulas mucosas in *tenuiores* & *crassiores* distinxit (m). Ad tenuiores vero refert bursas tendinibus adhaerentes, ideoque eas, de quibus in hac dissertatione nobis sermo est.

Crassio-

(k) *Monro* p. 9. & Tab. I. D. Tab. III. Z. a. & Tab. VII. fig. 1. 2. 3.

(l) *Jancke* Progr. p. 9.

(m) *Loco* laudato p. 18.

Craffiores autem, quae ubivis in corpore animali ad artus truncumque, & quidem inter aponeuroses carnesque paullo latiores, imo inter ipsam cutem & proxime subjectos tendines reperiuntur, huc non referendae sunt, quoniam a membranis maxime diversis, contextu scilicet celluloso, membrana musculorum propria & aponeuroticis tendinibusque expansionibus oriantur, atque natura, conditione & figura multiplici variant, pluribusque majoribus & minoribus cavernis quam maxime variantibus distinguantur. Interim tamen a nostro proposito eae capsulae non plane alienae essent, quae inter cutem & proxime subjectos tendines, imprimis ad olecranon, partes ossium metacarpi inferiores, patellam, calcem aliaque corporis loca inveniuntur, nisi itidem innumeris luderent varietatibus. Quare ita comparatae esse videntur, ut ulteriorem adhuc mereantur disquisitionem.

§. V.

Praemissis iis, quae ad naturam & originem propriae bursarum membranae pertinent, ad eas iam partes venio, quae eandem externe ambiunt, & interne in ea delitescunt. Etiam si vaginales bursae vaginis tendinum satis superque muniri videantur, tamen ipsis non desunt praesidia, quibus nonnullae earum certius atque firmiter reti-

neantur. Etenim in his FOURCROYUS continuationes membranaceas observavit, per quarum laminas mire revolutas plures bursae vaginales inter se conjunguntur. Quoties enim hic vir celeberrimus plures tendines, in sulcis ossibus insculptis & lamina cartilaginea obductis, sibi propinquos adjacere vidit; id quod cernere licet in extensorum & flexorum digitorum tendinibus: toties plures reperit bursas se invicem mutuo recipientes. Fasciculi horum tendinum omnes communi quadam, illos ab omni parte ambiente, bursa continentur; sub ista vero bursa quam contextus mollior & tenerior quodammodo corroborat, singuli tendines propria bursa obducuntur, immo quandoque inter hanc & communem illam bursum plures aliae bursae conspiciuntur, quae duo tresve tendines, a primo illo fasciculo separatos, includunt, eosque usque ad locum, quo a se invicem discedunt, comitantur, ita tamen, ut in ejusmodi fasciculo quilibet tendo sua tantum bursa contineatur. Quamobrem FOURCROYO cultri ope duas, tres quatuorve laminas membranaceas a superiore involucri tendinum flexorum digitorum sub ligamento carpi annulari sito, separare saepius contigit (n). JAN-

(n) L. c. p. 404.

CKIUS hujus quidem structurae jam meminir, eam vero non satis luculenter declaravit (o).

Eadem vero ratione vesicularium burfarum propria membrana, ut quae itidem tenuis & tenera est, ab ea parte, qua cum tendinibus & ossibus non concrevit, quodam praesidio indiget, quo fortiores musculorum motus sustinere queat. Accedit autem hoc loco, vel aliqua membranae musculis propriae pars, vel aliae partium vicinarum continuationes, quae originem ab aponeurosis aut vaginis aponeuroticis repetunt, vel potius tela cellulosa (p), quae ubi ab osse exurgit crassioris & laxioris structurae est & adipe saepius repleta, in progressu vero in membranam coacta & burfarum propriae tunicae apposita, laminam ejus externam constituit, atque eam crassiores, asperiores, filamentosam, opacam, squallidam pinguioremque reddens, ei mobilitatem cum firmitate conciliat, ut musculorum motui resistere possit, neque per magnam corporis exercitationem facile rumpatur. Ut primum autem ejusmodi membranaceae productiones ad tendinem pervenerunt, bursae membranam, quae subter tendinem progressa est, propriam relinquunt

L 2

(o) Progr. c. p. 13.

(p) *Juncta* Progr. p. 7.

& supra tendinem ascendunt, quem aut ex parte tantum comitantur, aut cum aliis membranis iterum coeunt. Nonnunquam quoque majus adhuc robur bursis additur. Nam praeter membranam cellulofam, qua bursam, quae iliaci interni & psoae tendinem recipit, obvolutam vidi, alia insuper membranae continuatio accedebat, quae e fascia lata prodire mihi videbatur.

§. VI.

Exposita partium bursis externe assidentium fabrica, ad earum descriptionem me converto, quae aperta burfarum cavitate apparent. Huc autem primo pertinent *filamenta*, quae a tendinum facie interna ad membranam burfae propriam procedunt; deinde *plicae* sive continuationes propriae membranae burfarum in burfae cavitatem prominentes; tum *adipis glomeres & fimbriae* his adhaerentes; *liquor* denique *unguinosus* in ipsa bursa secretus. De quibus omnibus sigillatim sum expositurus.

Et primo quidem in quibusdam tendinum bursis mucosis *filamenta* conspiciuntur teretia, fortia tamen & renitentia quasi tendineae aut aponeuroticae naturae, quorum progressum JANCKIUS cum trabibus & columnis in ventriculis cordis ab uno pariete ad alterum oblique proce-

dentibus, apte satis comparat (q). Quae quidem filamenta e tendinibus proficisci, ad interiorem bursae faciem ferri, in hanc inferi & cum ea confundi videntur; (r) sed utrique capsularum generi tum vaginalium tum vesicularium communia sunt. Non autem in omnibus reperiuntur bursis; modo adsunt, modo desunt; modo maior eorum numerus, modo minor apparet; quid quod forma discrepare ea tum vidi, cum in bursa tendini pectoralis majoris subiecta ejusmodi filamentum animadvertissem ramis instructum, quod ex tendine simplici exsurgebat radice, & pluribus ramis in faciem bursae internam inferebatur. Usus horum filamentorum haud dubie in eo cernitur, ut bursa tendini fortius adhaereat ejusque motum obsequiosius sequatur. Cui itidem usui *plicae* sive productiones membranaceae inservire videntur, quae intra cavitatem bursae prominent, etiamsi sint ab omnibus supra allegatis scriptoribus, quod miror, praetermissae. Formantur autem istae plicae a membrana bursae propria intra bursam exporrecta & versus se

L 3

(q) Progr. c. p. 7. *Fourcroyus* hunc *Jenckii* locum non satis videtur intellexisse, quum dicat, hunc auctorem ista filamenta cum trabibus & columnis in ventriculis cordis comparasse, quum tantum oblique procedentium filamentorum situm intelligat. Vid. p. 485.

(r) *Fourcroyus* l. c. p. 405.

ipsam reflexa, ita ut retinaculis ad coli valvulam sitis aut frenulo linguae similes videantur. Majorem ejusmodi plicam in bursa, quae inter partem radice processus coracoidei internam & ligamentum capsulare humeri (f) locum habet, observavi; minores vero tales plicae in variis sese mihi obtulerunt burfis, in quibus, quum inter dictas plicas unguinosum copiosius collectum liquorem conspexissem non sine ulla veri similitudine conjicere mihi licet, has quoque partes, quatenus humorem in burfis secretum diutius retineant, sua non carere utilitate.

Jam *adipis glomeres*, qui in burfarum cavitate prominent, & in articulorum capsis & majores & copiosiores offenduntur, nostram non minus merentur attentionem. Non quidem in omnibus burfis adipis acervi conspiciuntur, sed exiguus tantum burfarum numerus, eos continet; quin imo in hominis corpore tabe consumti, praeter pinguedinem coacervatam durior, quae potissimum in bursa sub genuum articulo & sub tendine Achillis cernitur, omnes burfas adipe prorsus vacuas observavi: nihilominus tamen anteriorem earum superficiem liquor unguinosus irrigabat. Si vero adipis glomeres adsunt, tunc

continuatione membranae bursae propriae investuntur & in omnibus ejusmodi locis hi glomeri adiposi colorem rubrum habent, quem ab insigni vasorum sanguinem ferentium copia, in externa glomerum superficie aut inter hanc & adiposam substantiam decurrentium, nanciscuntur.

Quamquam autem scriptores anatomici in ea opinione versati fuerunt, ut existimarent, mollem & album istum adipem in cavitatibus tum articulorum tum bursarum nonnullarum obvinum, continere corpora & grana glandulosa: tamen MONROUS, hunc adipem studiosius perlustrans, nihil plane invenit, quod glandulae speciem referret. Quo autem hic vir celeberrimus fontes unguinosi in articulis & bursis collecti liquoris, quem ejusdem naturae esse paullo post uberius declaraturi sumus, accuratius perverligaret, id sibi injunxit negotii, ut in adipis structuram generatim, deinde etiam in fabricam fimbriarum aut secernentium organorum inquireret. Sed age MONROI observationes ejusque sententiam paucis complectamur. Scilicet quum strenuus hic observator & hominum & animalium adipem oculo armato intueretur, eum in globulosis folliculis haerentem vidit, quorum diameter sexcentesimam pollicis partem magnitudine non excedebat, neque octingentesima pollicis

parte minor erat (†). In his autem folliculis innumeram vasorum copiam detexit; foramina vero sive poros aut ductus, ex iis exeuntes & folliculos inter se connectentes, distinguere nulla arte potuit. Non tamen proinde arbitratur, adipis isti in articulis & bursis obvii glomeres vasis secermentibus seu fimbriis, de quibus mox dicemus, tantum propterea datos esse, ut iis tanquam pulvino incumbant, sed etiam ut ex iisdem per vias, omnem oculorum aciem effugientes, oleosa materies exsudet, quae uti in majoribus corporis cavitatibus, ita etiam intra articulos & bursas

(†) Vid. Tab. IX. fig. 19. 20. & pag. 27. seq. — Ossium medullam globulosam contineri folliculis a tela cellulosa communi distinctis *Haverfius* (Osteolog. nov. Lond. 1691. p. 167.) jam viderat; post cum vero *Mulpighius* (Oper. omn. Lond. 1687. fol.) & *Morgagnius* (Advers. anatom. II. p. 16.) similem structuram in omni animalis corporis adipe animadverterant. Eandem sententiam tuitus est *W. Hunterus* (Med. Observat. and Inquir. Tom. II. p. 29.), qui quibuscunque corporis locis, ubi adeps invenitur, in tela cellulosa peculiares vesiculas ad recipiendum oleum animale destinatas, nusquam tamen communicantes conspexit. *Hunterum* secuti sunt *Jac. Gregory* (Conspect. medic. theoret. Edinb. 1782. P. I. p. 53. & vers. german. Tom. I. p. 50.) & *W. X. Jansenius* (Dissert. de pingued. animal. &c. & quidem in vers. germ. quae Halae 1786. prodit p. 58.). *Alexander Monro* Pater ossium quidem medullam microscopio subiecit & similem in ea detexit structuram, attamen has vesiculas medullam continentis inter se communicare arbitratus est. (Vid. *Alex. Monroi* Osteologia in vers. germ. quam *Celeb. Kraussius*, Praeceptor & Fautor meus summo opere colendus curavit Lips. 1761.) — Contrariam huic sententiam, qua affirmatur, adipem contineri in cellulis telae cellulosae communis, foverunt *Winslowius*, *Heisterus*, *Hallerus*, (De partium corp. hum. fabrica & functionibus. Bern. & Lausann. 1778. Tom. I. p. 52.) *Gruetzmacherus* (Diss. de ossium medulla Lips. 1748.) alique.

collecta, utilitatem praestet. Ex ambitu horum adiposorum glomerum oriuntur *fimbriae* (u) tum in burfis tendinum tum in articulorum cavitatibus conspicuae, quas ut ductus excretorios glandularum intra pinguedinis massas reconditarum HAVERSIUS (x) descripsit, quem omnes scriptores anatomici secuti sunt. Tametsi autem MONROUS descriptiones veterum & recentiorum scriptorum, magnam veri speciem prae se ferentes, & observationes eorum in dubitationem vocare, medum plane rejicere, noluerit; & praeterea usus majorum ejusmodi adipis glomerum, quales in genu articulo & in bursa infra eundem conspiciuntur, alioquin supervacaneus videri posset; summa tamen ope enixus & microscopiis longe praestantissimis adjutus, ne ullum quidem vestigium talis tuberosi, granulosi aut glandulosi apparatus, qualem alii se vidisse opinati sunt, neque in hominum neque animalium corporibus ipsi animadvertere contigit. Porro utut innumeram vasorum sanguinem ferentium copiam in membrana massas istas adiposas & fimbrias obtegente distributam videmus, & nulla relinquitur dubitatio, quin fimbriae istae ex ductibus excretorijs liquore lubricante refertis consistant, quem

(u) *Monro* Tab. VIII. Fig. 1 — 17.

(x) *L. c.* p. 191.

pressae copiosius fundunt; cavitates tamen horum ductuum & orificia tam parva atque exigua sunt, ut MONROUS nil certi distinguere neque eorum plenam aliquam ideam sibi comparare potuerint. Ingeniose satis hos ductus cum urethrae canali comparat, in cujus superficie interna uti mucosus humor secernitur, apparatu tuberoso & granuloso nuspiam apparente; ita etiam inter hos ipsos ductus fimbriatum excretorios, visu non percipiendos, liquorem articulorum & burstarum unguinosum secerni ipsi verisimile videtur. Quum porro pressione, quae tendinum exercitatione & articulorum motu efficitur, humorem eo tempore copiosius effundant, quo ejus praesentia maxime necessaria est, motu forsitan & irritatione inde pendente hujus liquoris articularis secretio & excretio adjuvatur, qui, fimbriis istis libere in cavitatem burstarum & articulorum fluctuantibus, intra easdem regredi & repelli nequit. Quum vero non in omnibus tendinum burfis adipis glomeres & iis adhaerentes fimbriae repariantur, mihi quae in admodum paucis, ut antea dixi, burfis emaciati corporis ejusmodi fabricam videre licuisset: dubitari utique potest, an in omnibus burfis sufficiens unguinosi liquoris copia secernatur? At enim vero alia quoque adminicula non desunt, quae liquori in burfis & arti-

culis fecernendo faveant. Quam MONROUS perscrutatus est fabricam, ea egregie quidem, attamen non nisi in majoribus bursis tendinum praecipue vesicularibus, compressioni insigni expositis, & eo plerumque in loco conspicienda est, ubi tendines plurium muscutorum concurrunt & ossibus inferuntur, & ubi tendinum extremitates supra osseas superficies cartilagine obductas labuntur. Aliam, a priori non multum diversam, fabricam organorum secernentium in bursis tendinum tum vaginalibus tum vesicularibus animadvertimus, quam etiam FOURCROYUS descripsit. Quae autem ab hoc viro *filamenta mucosa* vocantur, ea sunt mollia & mucosa quae in quibusdam bursis apparent, corpora; originem illa ducunt a tunica bursae interna, in tendinum superficie finiuntur inque ea expanduntur. Gelatinae fere speciem referunt, floccosque viscidos & mucosos primo obtutu repraesentant; ubi vero haec corpora accuratius lustraveris, tenuissimae membranae in iis distingui possunt, quae FOURCROYUS cum membrana hyaloidea corporis vitrei satis ingeniose comparat. Videtur enim mucus spissus in folliculo membranaceo contineri, qui ad tendinis superficiem per ductum quendam fertur. Hujus structurae exempla occurrunt in bursis tendinibus musculi sublimis, teretis majore-

ris & pectoralis majoris adhaerentibus; praeterea quoque vidi ejusmodi floccos mucosos in toto fere decursu tendinis bicipitis coracoradialis, in cujus superficie externa hic illic mucilaginis spissae acervuli membrana tenerrima obducti inter tendinem & tendinis membranam conspiciebantur, ita tamen ut hoc loco omnis bursa abesset. Quae quum ita sint, apparet sane, fabricam istam non tantum pertinere ad burfas tendinum mucosas, sed in aliis etiam locis deprehendi, ubi tendinum ingens & repetitus motus talibus indiget adjumentis. Ad haec vero adjumenta quoque pertinent *glandulae simplices* quae dicuntur *folliculosae* vel partes ab his parum diversae, quae in burfis aequae ac in articulis offenduntur, & quibus humor mucosus secernitur cum reliquis secretis humoribus remiscendus & subigendus, nec non ad futurum usum asservandus. Porro cum in omnes corporis animalis cavitates majores & minores ex ultimis arteriarum finibus earumque ostiis latex quidam aquosus exhalat: tum in burfis tendinum mucosis, quibus multa vasa concessa sunt, tanta humoris aquosi copia secernitur, ut hoc humore maximam sane partem synoviae burisarum constirui, recte existimemus. Quae quidem organa, quorum ministerio *unguentum* in burfis tendinum mucosis obvium secernitur,

quum natura sua & fabrica quam maxime differant, & singula eorum secretionis unguinosi liquoris partem sibi vindicent: nullum dubium est, quin succus hic, a partibus tam diversis & dissimilibus secretus, compositum quoddam, non autem simplex & unius generis fluidum dici queat. Componitur enim hoc liquidum ex aquosa parte, quam minima arteriolarum ostia exhalant, & quam tenuissimam & subtilissimam esse omnes norunt; ad hanc oleosa pars accedit, quam ex MONROI sententia adipis folliculi per vias adhuc ignoras transmittunt; his denique se jungit mucosa & gelatinosa portio, quam partim fimbriae, partim filamenta mucosa, & partim glandulae folliculosae largiuntur. Hujus autem collecti liquoris subtilior portio, ne in burfis ultra modum abundet & longiori mora & nimia copia molestiam corpori afferat, haud dubie, uti in omnibus majoribus & minoribus corporis animalis cavitatibus, osculis vasorum sumentium & inhalantium, cujuscunque sint generis & indolis, absorbentur, excipitur & ad circulantium humorum massam amandatur.

§. VII.

Itaque ex his diversis motu & attritu inter se mixtis & subactis humoribus componitur un-

guinosus ille *humor*, unguini articulari, in articulationum cavitatem ad eundem finem deposito simillimus, quem nonnullis tendinum burfis admodum parca; aliis vero largiori copia impertitum videmus. Hunc autem cum articulorum unguine natura sua maxime convenire, id non solum probat usus ejusdem, sed etiam experimenta ab anatomicarum rerum studiosis cum utroque humore instituta. Inprimis vero commemoranda sunt tentamina, quae MONROUS hac de re sumsit. Namque hic vir celeberrimus bove enecato statim articulos & burfas cruris majores aperuit atque liquores in has cavitates effusos collegit, quos colore, sapore, odore, lubricandi virtute & pondere simillimos esse judicavit. Eandem porro inter utrosque convenientiam observavit, quum eisdem oleum vitrioli cum duplici aquae parte dilutum admisceret; quo instillato pelluciditas eorum aliqua ex parte periit, minime vero coagulavere. Sed quando duabus partibus supra allegatae mixtionis ex oleo vitrioli cum aqua tres partes spiritus vini rectificati affundebat & hoc liquidum cum unguine ex articulis & burfis desumpto commiscebat, tum unguinis octava ferme pars coibat & opaca reddebatur. Ebullienti aquae commissum unguen pellucidam amittebat naturam idemque in paullo spissiore

& tenaciorem humorem cogebatur; interim tamen materiae coactae copia non tanta erat, ut aliquam attentionem mereretur. Ubi denique MONROUS utriusque generis unguen evaporatione exsiccaverat; crusta tenax relinquebatur, cujus pondus exiguum tantum partem unguinis exaequabat, & quae, flamma adnota, fere instar tenuis laminae corneae deflagrabit.

Tamen si autem pericula, quae MONROUS in unguine ex bovis tendinum burfis desumpto fecit, ad naturam liquoris in hominum burfis contenti transferri non omni ex parte posse videantur, docent tamen, magnam esse unguinis convenientiam tum in burfis, tum in articulo- rum cavitatibus collecti; quum porro in hominum & brutorum animalium corpore bursae simili natura & structura gaudeant, usumque similem praestent, concludere sane licebit, liquorem in ipsis secretum similis naturae esse & similem utilitatem habere. De natura unguinis burstarum obiter fere HALLERUS loquitur; in tendinum autem vaginis mucum pinguem, glutinosum, albuminosum reperiri dicit, qui in flocculis cellulosis & minutis glandulis generari videatur & liquori articulari similis fit (y). Neque his cer-

(y) Elem. Physiolog. Tom IV. p. 432. 436. 504.

tiora memoriae tradidit FOURCROYUS, qui cum burfarum quidem liquore ex humano corpore desumpto experimenta instituit, & articulo-
rum pariter atque burfarum liquorem inter se esse simillimum affirmavit. Nihilominus tamen ex enarratione experimentorum a se captorum elucet, ipsum hanc rem non cum debita attentione aggressum fuisse (2). Perpauca enim sunt, quae super hoc argumento in medium protulit, & alia demum occasione synoviam tum articulationum tum burfarum ulterius & studiosius se perquisiturum esse promisit. Interim tamen utramque dictam synoviam cum aqua facile misceri posse, hancque paullo albidiorē reddere, in aquam ebullientem coniectam coagulari & in filamenta uti albumen ovorum cogi, per syrupum violarum admixtum viridescere & ab igne & acidis in coagulum densari, contendit. Quae vero cum his ex corpore hominum & animalium desumptis liquoribus mihi contigit instituere experimenta, haec non ubique unum eundemque habuere eventum. Neque cuipiam mirum id videri potest, quum, uti supra evicimus, non omnium burfarum sit eadem natura; differunt enim

(2) *Fourcroy* l. c. p. 409.

enim quoad structuram, magnitudinem, formam, & forte etiam quoad utilitatem & secretionis organa. Et primo quidem ex variis humani & animalis corporis ejusdem bursis collectum unguen, & colore, & spissitudine, & lubricandi virtute, aliqua ratione diversum visum est; tum aliam quoque differentiam in unguine earundem burstarum ex diversis corporibus desumpto observavi. Etenim in minoribus & magnae compressioni non obnoxiiis bursis liquor ille albidior, tenuior, liquidior, minus spissus, &, quum digiti tactu eum explorarem, minus unguinosus apparebat: ejusmodi liquorem albidiores & fluidiores ex bursa tendini pectoralis majoris & teretis majoris subjecta obtinui; non autem tantam ejus copiam comparare mihi potui, quanta ad experimenta rite agenda requirebatur. Spissius vero & tenacius unguen in majoribus bursis circa articulorum, imprimis genu, vicinitatem & sub tendine Achillis positis inveni, quod nimirum in longiora fila duci poterat, colore rubicundiore tinctum erat & copiosius in bursa effusum inveniebatur. Postquam porro paucis guttulis, quas ex bursis tenuiorem humorem continentibus collegeram, oleum vitrioli & spiritum vini rectificatissimum affuderam & terendo commiscueram, tunc levis tantum & oculis vix percipienda nu-

becula aut fila tenuia albicantia conspiciebantur, quum vicissim in spissiore & tenaciore unguine, eadem ratione tractato, duodecima circiter pars coiret & opaca redderetur. Ceteroquin tentamina hanc in causam a me instituta cum MONROI experimentis maxime conveniebant. Eidem examini unguen & articulorum & burfarum ex equo, bove & sue desumptum subjeci, similesque fere effectus observavi, praeterquam quod materiae coagulabilis copia minor in universum erat in equo & sue, quam in bove, unguen item ex variis burfis ejusdem animalis desumptum, qua copiam coagulatae materiae, aliquo modo diversum videbatur.

Ex his apparet, hoc etiam unguen reliquis corporis animalis succis in eo simile esse, quod haud dubie qua aetatem, victum, vitae genus, morbos, aliasve plures condiciones differat, ita ut quodlibet corpus sui generis succos progignat & elaboret, oeconomiae illius ejusdem hominis aut animalis convenientes. In universum autem eandem, quam unguen articulare, habet naturam, quum burfae tendinibus eandem utilitatem quam articulorum capsae ossium, quas jungunt, extremitatibus praestent, quarum etiam partium structuram, uti MONROUS scite & egregie docuit, sibi simillima deprehenditur. Nam, com-

paratione burfarum & ligamentorum capsularium accuratiori habita, in utrisque membranam propriam tenuem & plus minusve densam, externis partibus per communem textum cellulofum adhaerentem observamus; deinde inter burfas offibus affixas laminae cartilagineae, uti in articulationibus, offenduntur; ad latera porro articularum aequae ac burfarum, quae vehementi non expofita sunt compreffioni & frictioni, tela cellulofa laxa adhaeret; tum in cavitatibus articularum & burfarum fimiles adipis glomeres cum fimbris & vasis fanguiferis obducti inveniuntur, uti communis ejusmodi adipis massa ex articulo in burfam infra patellam fitam dependet; nonnullis in locis articulationes cum vicinis burfis communicant ita, ut humori ejusdem naturae iisdemque proprietatibus conspicuo transitus mutuus pateat; utraeque denique istae partes eidem utilitati inferviunt. Haece quidem utriusque unguinis attributa ad naturalem corporis conditionem pertinere videntur; non autem defunt phaenomena, quae horum liquorum convenientiam in praeternaturali quoque corporis ftatu manifeftant. Nam in utrisque humor accumulari atque mora & quiete in massas duras, cartilagineas & fere offeas concrefcere poteft; etfi autem burfae in fano ftatu aequae ac ligamenta exiguae aut

plane nullam sensibilitatem habeant: inflammatione tamen in iis oborta sensus ad atrocissimum usque dolorem augetur.

§. VIII.

Bursas tendinum mucosas in extremitatibus corporis tantum inveniri, supra diximus, & hinc facile patet, eas in his partibus singulari usui esse destinatas. Earum vero utilitatem variam esse oportet, quum natura, fabrica, situ aliisque conditionibus eas esse diversas sciamus. Praecipua tamen & omnibus communis utilitas in eo cernitur, ut succum unguinosum in buris ipsis secretum contineant (a); & succus iste his partibus aequè necessarius est ac iis cavitatibus, intra quas ossa super se invicem moventur. Etenim ubi tendines ossa, aut cartilagine, aut ligamenta aliove tendines contingunt, & supra vel juxta illa moventur, liquoris cujusdam interventus requiritur, qui eos irriget, lubricos reddat ipsisque splendorem conservet. Ita etiam impeditur, quo minus tendinum motus & agilitas detrimentum capiat, ipsi partibus adjacentibus atterantur & fricentur, & cum molestia doloreve moveantur, quibus facile accedere posset in-

(a) Vide *Albinum* passim in burisarum descriptione; *Juncker* p. 8.; *Fouquier* p. 412.

inflammatio, omnem denique motum per concre-
tionem sublatura. Sunt tamen etiam bursae, in
quarum usum non solum liquor in ipsis secretus
impenditur, sed quae etiam eundem in articulo-
rum cavitates per ostia aperta fundunt, aut per
minores poros sensim instillant; uti id in bursa
sub extensoribus cruris supra genu fieri plerum-
que solet. Praeterea vero huic plane contraria
ratione bursae articulationibus usui sunt, dum
earum nonnullae superfluum articulorum unguem
excipiunt, ut id opportuno tempore in articuli
cavitatem regrediatur; hunc certe in usum ex-
structa videtur bursa tendini musculi poplitei sub-
jecta, quae cum articulo communionem habet.
Alia profecto & plurimis bursis competens utili-
tas in eo consistit, ut motum tendinum mode-
rentur, & cohibeant, ne tendines e sua sede di-
moveri atque excidere suo loco possint (b). Quam-
vis autem hanc bursarum utilitatem FOUR-
CROYUS propterea negare velit, quod propria
bursarum membrana nimium tenuis & tenera
sit, eamque huic negotio imparem existimet:
haec tamen membrana multum emolumenti in
firmandis tendinibus asferre valet, tum quia,

M 3

(b) *Jauche* p. 9.

tenuitate sua non obstante, densa in multis bur-
 sisprehenditur, & magna plerumque plaga of-
 fibus, cartilaginibus & ligamentis adhaeret, un-
 de major ejus firmitas nascatur necesse est: tum
 vero etiam, quia aliis accedentibus & quidem
 fat validis membranis ita corroboratur, ut mo-
 tus majus minusve vehementes sustinere queat.
 Bursas magnam distentionem ferre posse, vel in-
 de patet, quod interdum ab humore intus col-
 lecto, nec iterum absorpto, maximopere tument
 & diu resistunt antequam rumpantur. Non solum
 autem bursae in sede sua tendines firmant, sed
 etiam simul ipsis liberum concedunt spatium,
 quo contractionem musculorum, utpote quorum
 fibrae saepe secundum variam directionem porri-
 guntur, facile sequi possint. Hinc iis potissimum
 tendinibus constanter adhaerent, quibus motus
 hinc inde pervagantes sustinendi sunt, quibusque
 maxima mobilitate opus est; & eo quidem ma-
 joribus bursis tendines potiti sunt, quo motu
 indigeant liberiori. Utrum motus musculorum
 repetitus ad bursas in tenero foetu formandas ali-
 quid valeat, difficile est definitu. Nam in eo,
 uti supra jam attulimus, & ampliores & nume-
 rosiore bursae apparent quam in senili corpore.
FOURCROYUS (c) recte quidem arbitratur,

(c) *L. e. p.* 415.

burfarum formationem in foetu non deberi reiterato tendinum motui, sed ad primam foetus jam pertinere conformationem; motuque eas potius deteri. Interim tamen haud dubie motus musculorum tendinumque aliquid, non quidem ad efformandas, amplificandas tamen bursas in tenero mollique corpore conferre videtur, quum vicissim idem ille motus in rigidis senum fibris contrarium plane effectum edere possit. Ceterum bursae id commodi adhuc praestant, ut pulvini ad instar tendines sustineant, eosque ita fulciant, ut cum firmitate summa eorum mobilitas conservetur & omnis frictio ad partes vicinas avertatur; quae vero frictio ut eo melius & certius infringatur, quandoque unius bursae loco duas pluresve adesse videmus; uti hoc in illa conspicitur bursa, quae inter internam radicis processus coracoidei partem & superficiem tendinis subscapularis & ligamentum capsulare humeri posita est.

§. IX.

Sed age ad singularum burfarum enumerationem deveniamus, de qua re ita exponere placet, ut primo bursas maxime constantes secundum articulos, in quorum vicinia positaee cernuntur, distinguam; deinde cuilibet bursae peculiare nomen tribuam; postea brevem earum

descriptionem varietatesque praecipuas addam ; denique scriptorum , qui de burfis mucosis egerunt , libris allegatis ad MONROI tabulas lectores ablegem .

I. BURSÆ TENDINUM MUCOSAE AD ARTICULUM HUMERI POSITAE .

1. *Bursa acromialis externa* . Sub acromio in superiore humeri parte eaque anteriore & externa , inter apophysin coracoideam , ligamentum scapulae triangulare , muscū deltoideum & ligamentum capsulare humeri . Magna est bursa , formae irregularis , & quandoque cum sequente (n. 2) in unam coalescit .

Albin. Musc. hist. p. 422. *Sandifort* Musc. homin. p. 224. — *Jancke* Progr. p. 10. a) — *Sabatier* Anat. Tom. I. p. 286. — *Fourcroy* Mém. p. 418. *Capsule acromiale externe* . — *Monro* Tab. I. K.

2. *B. acromialis interna* . Supra tendines supraspinati , infraspinati & teretis majoris , sub ligamento scapulae triangulari ; extenditur a parte anteriori burse antecedentis (n. 1.) fere usque ad apophysin coracoideam . Nonnunquam communicat , ut ego vidi , cum antecedente (no. 1.) aut , prorsus hae duae in unam conflunt bursum , quae tunc major est .

Fourcroy p. 419. *Capsule acromiale interne.*

3. *B. coratoidea.* Inter internam radicis processus coracoidei partem, superficiem tendinis subscapularis & ligamentum capsulare humeri. Ut plurimum variat, plerumque tamen duae, ut mihi aliquoties videre contigit, aut tres bursae adsunt:

Jancke p. 10. d.) — *Sabatier* p. 293. —

Fourcroy p. 420. *Capsule coracoïdienne.* —

Monro Tab. I. D. L. N. Tres istae bursae huc pertinere videntur, quarum prima & ultima cum articuli cavitate saepe communicant, intermedia vero quandoque deficit.

4. *B. jugularis.* Inter apophysin coracoideam & jugulum seu claviculam post ligamentum trapezoides, eo loco sita, ubi clavicula apophysi coracoideae incumbit & super ea huc illuc labitur.

Jancke p. 10. c.) — *Monro* Tab. I. I.

5. *B. subclavia.* Inter tendinem musculi subclavii & cartilaginem primae costae. Quae admodum parva est & semel tantum a me observata.

6. *B. coraco-brachialis* (d). Inter originem coraco-brachialis cum capite bicipitis & ligamentum humeri capsulare. Interdum ejus loco duae conspiciuntur bursae; interdum autem plane

(d) Secundum *Fourcroy* sententiam bursis nomen maleuli, ejus tendinibus subjectae sunt,tribuendum est.

deficit & tunc plerumque alia pectoralis minoris tendini subjecta est.

Jancke p. 10. b. — *Fourcroy* p. 422. — *Monro* Tab. I. O.

7. *B. pectoralis majoris*. Sub capite humeri inter superficiem internam tendinis pectoralis majoris & capsulam mucosam tendinis longi bicipitis. Quae bursa admodum tenuis est; & parvum adipis glomerem continet. Accidit etiam ut filamentum ramosum in ea viderem. Hujus productio tendinem comitatur usque ad locum, quo ex carne ortum ducit.

Fourcroy p. 423. — An *Janckii* bursa p. 11.

k.) quae inter tendines pectoralis majoris, minoris & coracoradialis sita est?

8. *B. teretis majoris exterior*. Inter tendinem teretis majoris, os humeri & partem superiorem tendinis latissimi dorsi.

Albinus p. 429. *Sandifort* p. 227. *Mayer* p.

247. — *Jancke* p. 10. g.) — *Sabasier* p.

281. — *Fourcroy* p. 245. sequ. — *Monro*

Tab. I. S.

9. *B. teretis majoris interior*. In ipsa hujus musculi substantia delitescens, quo loco fibrae tendinis in duas portiones abeunt (e).

(e) Vid. *Albin.* l. c. p. 419.

Fourcroy p. 427. Haec bursa in conspectum prodit, tendine secundum directionem utriusque superficiei dissecto. — Intra hunc tendinem loco hujus burse plures minores foveas vidi.

10. *B. latissimi dorsi*. Inter tendinem latissimi dorsi & os humeri. Parva est bursa.

Albinus p. 343. & qui eum sequuntur *Portia* in *Lieutaudii* Anatom. vers. germ. T. I. p. 382. *Simmons* (vers. germ.) p. 29. *Sandifort* p. 182. *Mayer* p. 307. — *Jancke* p. 10. g.) — *Sabatier* p. 281. — *Fourcroy* p. 425. sequ. *Monro* Tab. I. Q.

11. *B. humero-bicipitalis*. In vagina tendinis bicipitis flexoris cubiti inter hunc tendinem & humerum. Incipit circa finem sulci bicipitalis in humero & ascendit usque ad tuberositates humeri.

Winslow Traité des muscles p. 75. — *Jancke* p. 11. i.) — *Sabatier* p. 296. — *Fourcroy* p. 428. seq. — *Monro* T. I. T. —

12. Porro aliae quaedam burse minus constantes quandoque inveniuntur; quorsum illa *Janckii* (p. 10. e.) pertinet, quae inter tendines latissimi dorsi, coraco-brachialis, pectoralis majoris atque vasa brachialia sita est; & cujus etiam *Fourcroyus* (p. 430.) meminit.

13. Praeterea *Fourcroyus* huc involucrum refert membranaceum, a parte externa capsam articuli humeri ambiens, quod tendinum hoc loco se inferentium propago esse videtur. Involucrum hoc molle est, crassum, laxum & ex tela propemodum spongiosa conflatum.

II. BURSAE TENDINUM MUCOSAE CIRCA ARTICULUM CUBITI POSITAE.

1. *B. radio-bicipitalis*. Inter tendinem bicipitis, musculum brachialem & tuberculum radii anterieus; parti quoque musculi supinatoris brevis laxè adhaeret. Cartilago tuberculum radii obducens tegitur bursae membrana. Intra bursam adipis massa prominet, quae vero in emaciato corpore a me dissecto penitus evanuerat. In alio vero cadavere hanc bursam in duas divisam reperi, ita ut altera ab interiore, altera vero ab exteriorè tendinis parte conspiceretur.

Albinus p. 434. *Portal* l. c. p. 386. *Simmons* p. 326. *Sandifort* p. 231. *Mayer* p. 368.
— *Jancke* p. 11. a.) — *Sabatier* p. 297.
Verdier Abrégé de l'anatomie du corps humain par *Sabatier* T. 1. p. 287. — *Fourcroy* p. 432. *Caps. radio-bicipitale* — *Monro* Tab. 1. X.

2. *B. cubito-radialis*. Inter tendinem bi-

cupitis, brachialis interni, musculus supinatorum
brevem & ligamenta, quae ulnae atque radio
communia sunt. Tendinibus bicipitis & brachia-
lis haec bursa adhaeret tantum eo in loco, ubi
eorum superficies se contingunt, minime vero
partem eorum includit. Multis varietatibus ludit.

Jancke p. 11. b.) — *Fourcroy* p. 431. *Caps.
cubitoradiale*.

3. *B. anconea*. In medio olecrano, inter
hoc & tendinem tricipitis extensoris cubiti.

Jancke p. 11. d.) hanc bursam satis magnam
invenit. — *Fourcroy* eam non reperiit, sed
ejus loco duas bursas observavit, utrique
tendinis tricipitis margini adhaerentes, quas
capsules cubitales nominat. L. c. p. 435.
— *Monro* Tab. II. P.

Eodem loco bursa non admodum parva ad
dicti tendinis insertionem sese mihi obtulit,
cui ab utraque parte parva quaedam bursa
affidebat.

4. *B. capitulo-radialis*. Inter tendinem,
qui communis est extensori carpi radiali brevi
& extensori digitorum communi, & capitulum
radii rotundum. Hanc post *Monro* etiam vidi
quamvis reliqui auctores nullam ejus mentionem
fecerint.

Monro T. II. Z.

5. Praeter has bursas nonnunquam aliae minus constantes & rariores capsulae mucosae ad tendines brachialis interni, cubitalis externi aliorumque musculorum vicinorum & ligamenta occurrunt, quae a *Janckio* p. 12. commemorantur & quas ex illo desumisse *Fourcroyus* videtur.

III. BURSAE TENDINUM MUCOSAE AD INFERIOREM CUBITI PARTEM MANUMQUE EXTREMAM SITAE.

1. *B. flexoria pollicis s. externa*. Ad vaginales pertinet. Satis magna est & flexoris pollicis longi tendinem totum fere includit. Latet inter os trapezium & medium ligamentum articuli capsulare. Eam duplicem & multis retinaculis aut filamentis fortioribus, praecipue ad articulum positis, tendini adhaerentem vidi.

Jancke p. 13. f.) — *Sabatier* p. 314. — *Monro* Tab. I. f.)

2. *B. flexoria media*. Haec bursa vaginalis perampla sedem suam habet post tendinem flexoris pollicis longi, inter hunc & partem anteriorem radii, ligamentum capsulare carpi & os trapezium. Omnes flexoris digitorum tendines in se continet.

Winslow Tom. II. p. 100. — *Jancke* p. 13. b.) — *Monro* Tab. I. l.)

3. *B. flexoria digitorum inferior, indicis*,

medii, auricularis & minimi digiti. Bursae vaginales quatuor minores, propriae parti anteriori tendinum flexoris sublimis digitorum.

Winslow p. 100. — *Jancke* p. 13. b.) — *Portal* p. 416. — *Sabatier* p. 310. — *Monro* Tab. I. g.) b.) i.) k.)

4. *B. flexoria digitorum superior, indicis, medii, auricularis & minimi digiti*. Bursae vaginales quatuor singulos digitorum tendines ad extremam phalangem usque comitantes.

Jancke p. 13. i.) — *Sabatier* p. 311. — *Monro* Tab. I. p.) q.) r.) s.)

5. *B. flexoria interna*. Bursa vaginalis perampla, post tendines flexoris digitorum profundi, inter apophysin unciformem, os orbiculare & partem anteriorem ligamenti carpi capsularis posita. Initium ejus est ad caput inferius ulnae, finis vero haud procul ab ossium metacarpi capitulis. Nonnunquam communicat cum bursa flexoria media (n. 2.)

Winslow p. 103. — *Jancke* p. 13. g.) — *Sabatier* p. 315. — *Monro* Tab. I. m.)

6. *B. radialis interna*. Inter tendinem flexoris carpi radialis, seu radialis interni, ligamentum palmare transversum & os trapezium.

An *Janckii* p. 12. e?) — *Monro* Tab. I. n.)

7. *B. ulnaris interna*. Inter tendinem

flexoris carpi ulnaris, s. ulnaris interni, & os pisiforme.

Jancke p. 14. a.) — *Monro* Tab. I. o.)

8. *B. abductoris pollicis*. Inter tendinem abductoris pollicis longi *Albini* & radium.

Monro Tab. I. Q.

9. *B. radialis externa communis superior*. Magna & oblonga bursa, utrique extensori carpi radiali, s. radiali externo, communis; posita est eo loco, quo abductor pollicis longi dictum tendinem superat.

Jancke p. 12. a). — *Monro* Tab. II. RR.

10. *B. radialis externa communis inferior*. Aeque ampla est ac antecedens, & extensoribus carpi radialibus communis, inter utrumque hunc tendinem & primum os carpi ordinem.

Jancke p. 12. b). — *Sabatier* p. 320. —

Monro Tab. II. SS.

11. *B. radialis externi primi*. Ad insertionem tendinis extensoris carpi radialis longioris s. radialis externi primi; inter hunc & os metacarpi primum. Parva est bursa, quam ego etiam vidi.

Jancke p. 12. c.

12. *B. radialis externi secundi*. Itidem parva est, ad insertionem tendinis extensoris carpi radialis brevioris s. radialis externi secundi, inter

inter hunc & os metacarpi secundum sita. Parvum adipis glomerem in ea observavi.

Jancke p. 12. d.) — *Monro* Tab. II. T.

13. *B. extensoris pollicis longi superior*. Tendini hujus musculi propria est. A parte anteriore cum bursa radiali externa communi inferiore (N. 10.) communicat.

An bursa a *Janckio* p. 12. a.) descripta? —

Monro Tab. II. U.

14. *B. extensoris pollicis longi inferior*. Eidem tendini (No. 13.) propria; inter hunc & os metacarpi pollicis.

Monro Tab. II. V.

15. *B. extensoria digitorum indicis, medii, & annularis*. Inter tendines extensoris indicis, medii & annularis & ligamentum carpi. Ea cum his tendinibus in sulco illo, ab utraque extrema parte inferiore & radii & ulnae facto, oblique antrorsum per annulum descendentes descendit, & infra hunc annulum in tot fere appendices dividitur, quot ipsi sunt tendines, quos tamen non nisi ad primarum phalangum bases comitatur.

Jancke p. 13. k.) & p. 14. c.) — *Sabatier* p. 323. — *Simmons* p. 335. — *Monro* Tab. II. X.

16. *B. extensoria digiti minimi*. Tendini
Tom. X. N

extensoris digiti minimi propria; inter tendinem extensoris carpi ulnaris s. ulnaris externi, & tendinem extensoris digitorum communem. Perlonga est; eam duplicem vidi, alteram scilicet superiorem, alteram inferiorem.

Monro Tab. II. Y.

17. *B. ulnaris externa*. Inter tendinem extensoris carpi ulnaris s. ulnaris externi, os metacarpi quartum & ligamentum carpi.

Jancke p. 14. b) — *Monro* Tab. II. Z.

18. Bursas adhuc inter tendines lumbricalium & interosseorum musculorum, quae vero saepe deficiunt, observavit *Janckius* l. c. p. 14. d.)

IV. BURSAE TENDINUM MUCOSAE AD ARTICULUM FEMORIS POSITAE.

1. *B. ileo-puberalis*. Inter tendines iliaci interni & psoae magni, ligamentum capsulare femoris, atque illam ossis innominati partem, quam *Janckius* incisuram ileo puberalem appellat, utpote supra quam illi tendines ad trochanterem minorem descendunt. Magna, tenuis & laxa est. *Janckius* eam in articulationem femoris patere observavit (*f*). Ego vero septo divisam intermedio eam vidi, quod utrumque ten-

(*f*) L. c. p. 8.

dinem separabat & in ejus superiore parte foramen conspiciebatur, quo inter se utraque cavitas communicabat. Singula harum cavitatum singulum tendinem includebat. — Membrana hujus burſae in foetu admodum tenuis eſt.

Duverney L'art de diſſequ. les muſc. p. 191.

— *Winslow*. p. 117. — *Albinus* p. 319.

Simmons p. 313. *Sandifort* p. 169. *Mayer*

p. 284. — *Jancke* p. 15. b) — *Portal* p.

434 436. qui non ſolum tendinem iliaci

& pſoae ſed etiam peſtinei tendinem huic

burſae incluſum vidit. — *Sabatier* p. 361.

Verdier p. 329. — *Monro* Tab. III. K.

2. *B. peſtinea*. Inter tendinem peſtinei & os femoris.

Jancke p. 15. i.) — *Monro* Tab. III. M.

3. *B. gluteo-faſcialis*. Inter tendines glutei magni & vaſti externi proxime infra trochanterem majorem, ubi gluteus magnus cum lato tendine tenſoris vaginae femoris conjungitur. In hac burſa multas adipis maſſas membrana rubra inveſtitas, plura retinacula & praeter quaſdam plicas a membrana burſae propria factas, magnam aliquam plicam obſervavi, quae a parte burſae ſuperiore veli inſtar deſcendebat.

Albinus p. 520. *Portal* p. 445. *Simmons* p.

363. *Sandifort* p. 281. *Mayer* p. 446. —

Jancke p. 15. c.) — *Sabatier* p. 347. *Verdier* p. 351. — *Innes* Tom. I. p. 353. — *Monro* Tab. III. V. & Tab. V.

4. *B. glutei minimi*. Inter tendinem glutei minimi & trochanterem majorem.

Albinus p. 524. *Portal* p. 447. *Simmons* p. 365. *Sandifort* p. 283. *Mayer* p. 448. — *Jancke* p. 15. c.) — *Monro* Tab. III. S.

5. *B. glutei medii*. Bursa parva inter gluteum medium & trochanterem majorem. Pone hanc bursam tendo pyramidalis inferitur.

Albinus p. 522. *Portal* p. 446. *Simmons* p. 364. *Sandifort* p. 282. *Mayer* p. 447. — *Sabatier* p. 349. — *Monro* Tab. III. R. & Tab. V. J.

6. *B. tuberoso-ischiatica*. Inter obturatorum internum & illam offis ischii partem, quae inter ejusdem spinam posteriorem & tuber media est, & super quam illius musculi tendines, quorum plerumque tres vel quatuor ab initio sunt, transeunt; atque hos omnes tendines bursa haec ab altera parte in se recondit.

Duverney p. 195 — *Winslow* p. 126. — *Albinus* p. 527. *Portal* p. 451. *Simmons* p. 367. *Sandifort* p. 285. *Mayer* p. 454. — *Jancke* p. 14. a.) — *Sabatier* p. 353. *Verdier* p. 338. — *Innes* p. 354. — *Monro* Tab. V. M.

7. *B. obturatoria oblonga*. Inter obturatorem, internum, geminos & ligamentum capsulare femoris. Quam ego quoque vidi.

Monro Tab. V. N.

8. *B. Semimembranosi*. Parva bursa sub origine semimembranosi & caput longum bicipitis flexoris cruris.

Jancke p. 16. l.) — *Monro* Tab. V. Q.

9. *B. gluteo-trochanterica*. Bursa magna inter tendinem glutei maximi & radicem trochanteris majoris. In ea adipis massam membrana rubra superinductam vidi.

Jancke p. 15. d.) — *Monro* Tab. V. U.

10. Bursae duae parvae inter tendinem glutei maximi & os femoris. Has ego quoque vidi; alteram ab osse femoris paullo remotiorem & majorem, alteram vero huic ossi incumbentem & minorem. *Gluteo-femorales* dici possunt.

Monro Tab. V. U. W.

11. Inter alias bursas a *Janckio* allegatas, idem alius adhuc mentionem facit inter musculum quadratum femoris & trochanterem minorem sitae. Miram varietatem hujus bursae in puellae corpore invenit, in triginta fere fasciculos divisam, quorum alii rubri quidam sed duriores quam vulgo carnei musculorum fasciculi esse solent, alii albi vereque tendinei reperiebantur, iisque

singulis totidem certe ejusmodi bursae amplae & angustae intersitae erant.

12. *B. iliaca*. Inter tendinem iliaci interni & trochanterem minorem summum; quam, uti *Janckius*, duplicem inveni, ita, ut altera bursa ab anteriore, altera vero ab interiore parte conspiceretur.

Jancke p. 15. c.)

V. BURSÆ TENDINUM MUCOSAE CIRCA ARTICULUM GENU.

1. *B. supragenualis*. Bursa permagna, tenuis tamen, pone tendines vastorum & cruralis; priore parte sua fortiter, adhaerens tendinibus illis, antequam se conjungunt, & postquam se conjunxerunt ad patellam usque; posteriore vero parte adhaerens capsulae articuli genu supra patellam. Interdum cum cavitate articuli per magnam aperturam, interdum etiam per poros (g), communicat; quandoque etiam non patet in eam (b).

Duverney Oeuvr. anat. T. I. p. 400. — *Albinus* p. 547. *Portal* p. 459. *Simmons* p. 379. *Sandifort* p. 295. *Mayer* p. 476. —

(g) Vid. *J. G. Hoagii* Diss. de unguine articulari ejusque vitiiis, Lips. 1774. p. 8.

(b) *Meunier* p. 9.

Jancke p. 16. a.) — *Monro* Tab. III. Z.

a parte anteriore — Tab. IV. T. a latere.

2. *B. infragenualis*. Inter ligamentum, quod ab apice patellae ad tibiam recta pertinet & tuberculum tibiae anterius. In hac bursa magna adipis massa cernitur, cujus superior in cavitate articuli prominens, pars lamina interna ligamenti capsularis tegitur; pars vero ejus inferior in hanc bursam prominet, & hujus membrana propria obducitur. Adipis haec massa ligamento quodam inter utrumque femoris condylum sursum trahi potest.

Jancke p. 16. b.) — *Monro* Tab. III. c.) a parte anteriore. Tab. IV. H. a latere.

3. *B. Genualis anterior*. Bursa magna inter tendinem sartorii, gracilis & semitendinosi, atque ligamentum genu laterale internum; obtegit internam & anteriorem partem tibiae. Tres quasi appendices huic bursae adhaerent, quae singulos tendines ad eorum fines usque comitantur. Interdum duae, interdum vero etiam tres bursae loco unius inveniuntur.

Albinus p. 551. *Portal* p. 462. *Simmons* p. 376. *Sandifort* p. 297. *Mayer* p. 479. 482.

— *Jancke* p. 17. e.) — *Sabatier* p. 373.

— *Monro* Tab. II. K.

4. *B. genualis posterior*. Inter tendines

semimembranosi & gastrocnemii caput interius & ligamentum genu capsulare juxta condylum internum. Modo una, modo duae, modo tres bursae inveniuntur. *Mourous* tres delineavit, quarum una, inter tendinem semimembranosi & illum gastrocnemii interni, Tab. V. f; altera in priore illa recondita latet, quae parva est, & ex qua transitus in cavitationem capsularem genu patet, Tab. V. g; ego quidem ejusmodi transitum non vidi, sed bursa ista, tendinem gastrocnemii amplexa, eundem etiam per aliquod spatium vaginae instar comitabatur. Tertia denique anteriora & inferiora veadhaeret tendini semimembranosi, Tab. V. h.; ex hac quoque via in articuli cavitationem quandoque patet.

Albinus p. 537. *Portal* p. 465. *Simmons* p. 373. *Sandisfort* p. 290. *Mayer* p. 484. — *Jancke* p. 17. d.) — *Sabatier* p. 375. 388. — *Monro* Tab. V. f. g. h.

5. *B. poplitea*. Inter tendinem poplitei ab una, atque ossis femoris condylum externum, cartilaginem semilunarem & tibiae condylum ejusdem lateris ab altera parte. In cavitationem articuli patet. Modo una est bursa, modo in plures dividitur.

Jancke p. 13. f.) — *Sabatier* p. 391. — *Monro* Tab. V. l.)

6. *B. bicipitis cruris*. Inter extremum bicipitis tendinem & ligamentum genu laterale externum.

Winslow (i) p. 138. — *Albinus* p. 532. *Simmons* p. 371. *Sandifort* p. 288. *Mayer* p. 481. — *Jancke* p. 16. c.) qui praeter hanc aliam adhuc bursam inter bicipitem & gastrocnemii partem externam huc refert.

VI. BURSAE TENDINUM MUCOSAE AD PEDEM EXTREMUM SITAE.

1. *B. calcanea*. Inter tendinem Achillis & os calcis. Adipis massa in hac bursa conspicitur, quae muscoli plantaris tendine moveri & comprimi videtur, quaeque intervallum replet, quod inter tendinem superiorisque tuberis partem eo tempore intercedit, quo crus in pede extremo recte insistit: comprimitur autem, quum pes in priora flectitur. Tres hoc loco vidi bursas minores una serie descendentes, quarum superior dictum adipis glomerem continebat; haec cum sequente & haec iterum cum tertia communicabat.

Albinus p. 563. *Portal* p. 473. *Simmons* p. 388. *Sandifort* p. 303. *Mayer* p. 512. —

(i) *Winslowius* ibidem ait; „ Il jette quelquefois une petite expansion aponévrotique, que l'on coupe souvent mal-à-propos avec la graille; quibus verbis hanc forte bursam indicavit.

Jancke p. 18. a.) — *Sabatier* p. 393. —
Monro Tab. V. s.)

2. *B. tibialis antici*. Inter tendinem tibialis antici, inferiorem partem tibiae & ligamentum capsulare tarfi.

Albinus p. 596. *Portal* p. 468. *Simmons* p. 398. *Sandifort* p. 318. — *Jancke* p. 18. b.)
— *Monro* Tab. III. l.)

3. *B. extensoris pollicis longi*. Inter tendinem extensoris pollicis pedis longi, tibiam & ligamentum capsulare tarfi.

Monro Tab. III. m.)

4. *B. extensoris digitorum communis*. Propria est tendinibus extensoris digitorum communis longi; & sita est inter hos tendines, tibiam & ligamentum tarfi capsulare.

Monro Tab. III. n.)

5. *B. peronea communis*. Bursa magna, quae tendines peronei longi & brevis includit.

Monro Tab. V. p.)

6. *B. peronei longi*. Tendini peronei longi propria est; sedem habet in planta pedis & adipis massam continet.

Simmons p. 394. *Portal* p. 477. — *Monro*
Tab. VI. E.

7. *B. peronei brevis*. Propria est tendini peronei brevis. Sita est sub bursa peronea communi.

Monro Tab. V. q.)

8. *B. flexoris pollicis longi superior*. Inter flexorem pollicis pedis longum & os calcis.

Monro Tab. V. w.

9. *B. flexoris digitorum longi*. Inter flexorem digitorum pedis longum communem, & tibiam & os calcis.

Monro Tab. V. x. y.)

10. *B. tibialis postici*. Inter tendinem tibialis postici, tibiam & astragalum.

Monro Tab. V. z. Tab. VI. N.

11. *B. flexoria digitorum profunda*. Communis est tendini flexoris pollicis pedum longi, & tendini flexoris digitorum communis longi seu profundi. Sitae est in planta pedis. In superiore ejus parte adipis massa conspicitur. Utrique huic tendini septum imperfectum interjacet.

Monro Tab. VI. J.

12. *B. flexoris pollicis pedis longi inferior*. Incipit supra phalangam primam pollicis pedis & definit ad radicem tertiae phalangae.

Monro Tab. VI. R.

13. *Bursae flexoriae sublimes*. Bursae quatuor tendinibus flexoris digitorum pedis brevis propriae. Incipiunt a phalanga prima digitorum & pertingunt usque ad radicem tertiae phalangae, ubi tendines horum musculorum inseruntur.

Monro Tab. VI. S. T. U. V.

§. X.

Sed haec haecenus. Quicquid autem de natura, situ & utilitate bursarum tendinum mucosarum disputatum est, id magno est argumento; his partibus summam in oeconomia animali tribuendam esse dignitatem atque praestantiam, quippe quibus toti corporis fabricae sapientissime prospectum est, ut ad munia sua in motu corporis humani obeunda singula membra apta reddantur atque idonea. Ut enim hac ratione bursae tendinum rerum naturalium investigatori maximè sunt momenti, ita etiam sedula earum perscrutatio rectiorque cognitio medico tum perquam necessaria est, cum a naturali sua conditione recedentes officio a natura destinato perfungi nequeunt. Haec vero, quanquam ad omnem hujus doctrinae ambitum emetjendum necesse forent, quippe a proposito nostro plane aliena missa faciamus, alia occasione hoc argumentum ulterius prosecuturi. Interim tamen perpauca & non nisi generalem morborum, tendinum bursas infestantium divisionem addere lubet. Qui quidem morbi aut partes bursarum solidas concernunt, aut humorem in ipsis secretum & coërcitum. Solidae partes vexari, sauciari, lacerari, inflammari, erodi, occallescere aut vicinarum partium vitio

comprimi possunt; humoris vere intra burſarum
cavitatem contenti ſecretio præter naturam au-
geri, imminui aut plane intercipi, ejusque qua-
litas corrumpi poteſt, ita ut juſto ſpiſſior imo
quandoque quaſi offeuſ, tenuiorve reddatur, mi-
temque ſuam amittat naturam & acrior fiat. Ex
his variis morbis multa oriuntur mala, quibus
inflammatio facile arceſſitur, quæ in partibus
his, in ſtatu ſano doloris fere expertibus, ma-
gnos cruciatus excitat, & efficit, ut burſæ cum
tendinibus penitus coaleſcant.



CHRIST. MARTINI KOCH,
URATISLAVIA SILES.

DISSERT.

DE

MORBIS BURSARUM TENDINUM
MUCOSARUM.

LIPSIAE. MDCCXC.

§. I.

EXorsi sumus nuper de bursis tendinum mucosis disquisitionem, in qua elaboranda omni, qua tunc per angustias temporis poteramus, ac curatione atque diligentia versati sumus. Experti etiam sunt conatus nostri, quantumvis leves, judicia aequa & honorifica, quae, ut nunc telam nuper coeptam pertexere apud animum constitueremus, effecerunt. Neque dubitare possumus, fore, ut, quum nunc morbosam harum partium conditionem exponere animus sit, consilium nostrum peritis harum rerum arbitris displiceat, sed potius eorum iudicio itidem juvetur. Aggredimur enim opus longe difficillimum, patholo-

giam morborum ejusmodi tradendam suscepturi, quorum natura multis densisque adhuc obvoluta est tenebris, quique diversis ludunt varietatibus & ob sedis burſarum discrepantiam varia gignunt ſymptomata: praefertim quum de iisdem a ſcriptoribus medicis & chirurgicis nobis admodum paucae obſervationes impertitae fuerint. Quo vero ad plures res opera noſtra apta ſit atque utilis, eam ita diſpenſabimus, ut non ſolum ea, quae apud auctores medicos ſparſim inveniuntur colligamus, & collecta in aliquem ordinem redigamus, ſed quaeſcunque noſtras interpoſitis etiam judiciis obſervationes adſpergamus. Exhibebimus autem primo brevem ſuccinctamque morborum, qui articulos infeſtant, enumerationem, eam poſſimum ob rationem, quia inter articulorum cavitates & quae a burſis includuntur ſpatia, inſignis admodum & ſingularis plane obſervatur convenientia, ut vel inde ratio morborum ſimilis pateat. Hoc modo efficietur, ut deinde nobis viam ſternamus, qua in re magnis implicita diſſiculatibus & obſcuritatis plena tuto ulterius progredi & morbos, qui burſas tendinum mucoſas afficiunt, perlustrare & oſtendere poſſimus, quae vitia, eadem fere, qua articuli alias affici ſolent, ratione, ſingula burſarum organa ſecernentia & fluida ſecreta vexent atque infeſtent.

Quo facto morborum denique enumerationem perveſtigationemque illorum, qui ſignis quodammodo maniſeſtioribus dignoſci ſe patiuntur, quorumque praefentia medicorum experientia comprobata atque confirmata fuit, ſuſcipiemus.

§. II.

Inter articulorum cavitates & burſas tendinum mucoſas ſimilitudinem haud levem intercedere, eamque a MONROO (a) ſolletter deſectam & luculenrer demonſtratam eſſe, in parte diſſertationis nuperae priori ſatis oſtendimus (b). Jam ex ſimili ſtructurae naturaeque ratione non ſine ulla veri ſpecie colligi poſſe videtur, ſimiles quoque in his partibus morbos eſſe naſciturus. Etenim articulationum atque burſarum fabricam conſideranti & in eas ſollicite inquirenti haec ſe phaenomena offerunt. Omnes, quotquot conſpiciuntur, burſae & articuli, membrana propria inveſtitae ſunt; intra quarumdam cavitatem organa ſecernentia ſimilis ſtructurae inveniuntur; ſimilis in nonnullis apparatus adipoſus conſpicuus eſt: in utriſque ſecernitur humor ejuſdem fere

na-

(a) *A deſcription of all the burſae mucoſae of the human body, illuſtrated with tables by Alex. Monro. Edinb. 1788. fol. p. 24.*

(b) p. 30.

naturae; burſae quaedam cum cavis articularum ſpatiis communibus oſtiis ita conjunguntur, ut liquorem unguinoſum utrinque permifceant, burſae tendinibus eandem praefant utilitatem, quam ligamenta, quae vocant, capſularia oſſibus connexis largiuntur; utriſque demum in ſtatu ſano minor contingit ſenſibilitas, quae in conditione corporis praeter naturam, & quidem praecipue irritationis vi in ſenſum uſque exquisitiſſimum adaugetur. Quidni igitur affirmemus, articulationes & burſas tendinum mucoſas ſimilibus, atque adeo interdum etiam iſdem morborum generibus obnoxias eſſe? Neque haec mera conjectura eſt, verum etiam experientia horum morborum convenientiam ſatis ſuperque declarat. Ut igitur morborum, qui in utraſque has partes cadunt, rectius & penitius intelligatur ſimilitudo, operae pretium facturus videor, ſi, antequam ad exponenda ea veniam, quae ad burſarum morbos pertinent, paucis oſtendam, quinam praecipue morbi imperium in articulos ipſas habeant. Quamvis autem tam articularum & burſarum quam aliarum partium morbi varia diſpeſci ratione poſſint, nobis tamen ſcopo noſtro maxime accommodata ea videtur partitio, quae a morborum ſede in ſolidis fluidiſque partibus repetita eſt. Equidem non ignoro, ſolidarum partium morbos

saepius, ne dicam semper, cum humorum labe conjunctos esse, & ab humorum vitio multiplici ratione solidas partes inquinari: verum tamen, quum morbi diversa saepe facie cernantur, atque eorum alii primum in solidis, alii vero in fluidis, alii denique in utrisque simul se exserant, hoc diu jam receptum discrimen libenter secuturus, articulorum morbos paucis enumerabo.

Morbi igitur, qui *solidas* partes ad capsas articulares pertinentes infestant, varii sunt pro partium affectarum diversitate. Partes autem istae, quae articulos constituunt, aut alias partes continent, aut in his continentur. Quae ipsam articulorum cavitatem quasi vallo praecingunt sunt *ligamenta capsularia* vulgo dicta, aliaeque membranaceae, tendineae aut aponeuroticae expansiones, quae ad haec loca porrectae iis majus robur addunt. Sunt autem varii generis partes, quae antea dictis includuntur. Atque huc quidem spectant *ossum extremitates*; *cartilagines* haec obducentes aut iis annexae; *tendines* per articulorum cavitates transeuntes aut in easdem inserti; *fimbriae* denique, *corpora mucosa*, *glomeres adiposi*, *ligamenta & membranae* in his cavitatibus conspicua. Singulae istae partes suis quidem corripiuntur morbis, non tamen desunt morbi omnibus communes.

Ligamenta autem, quae omnem articuli ambitum a vicinis partibus sejungunt ipsiusque verum involucrum constituunt, capsularia vocantur. Haec vario modo morbis disturbari possunt. Sunt autem inter hos primo *vulnera* considerata, quae cum insigni vexatione & contusione, vel sine his infliguntur, aut caesim aut punctim ita facta, ut ligamentum capsulare dissectum aut peritum sit & cum hoc simul aliae internae partes laesae cernantur. Deinde haec ipsa ligamenta una cum externis adjacentibus partibus *contusione* vehementer afficiuntur, ita ut partes interiores plura inde incommoda experiantur. Tum quoque ab *ulceribus* depascuntur atque eroduntur & interdum in iis *fistulae* malae conditionis oriuntur. Aliquando etiam fit, ut ista ligamenta *crassescant* & una cum reliquis ligamentis ceterisque partibus in unam mutantur massam, quae ulcusculis obsidetur atque hydatides in se continet (c). Sed & indurescunt a materia *ossifica* ad haec loca deposita; porro *dilacerari* in ossium fractura, *distendi* & *intumescere* aut a colluvie intus collecta aut a solidarum partium tumore, *corrodi* denique a materiae acris accumulatione solent.

O. 2

(c) Bell *Treatise on ulcers*. Edinb. 1784. p. 447 & in *Verf. germ.* p. 292.

Si ad ossium extremitates animum advertimus, in his tam a violentia externa quam a causis internis morbos nasci videmus, quorum natura in eo consistit, ut ossa e sede sua dimoveantur aut penitus coalescant; vel earum substantia augeatur aut consumatur. Ossium extremitates non solum variis e sede dimoventur articulisque suis expelluntur laesionibus externis: nimirum *fractura* sive simplici, sive complicata, *distorsione*, *subluxatione*, *luxatione*; verum etiam idem ille effectus interdum ab humore in articuli cavitate collecto producit. Atque his modo recensitis morbis ossa contigua locum suum relinquere coguntur; interdum vero etiam morbosus obvenit status, ubi ossa, ad motus producos apta, conglutinantur & veluti in unum os coalescunt; cui malorum generi *ankyloseos* nomen tributum fuit; quae si ossa articulum subeuntia ita concresecunt, ut omnis motus sistatur, *ankylosis vera*; si autem movendi facultas impedita quidem, non tamen penitus intercepta est, *spuria* vocatur. Neque ossium articulantium fines ab eo vitio immunes sunt, quo tumores in iis exoriuntur. Aut enim omnis ossis extremitas intumescit, id quod in pueris rhachiticis observatur, & *hyperostoseos* speciem constituit; aut in singularibus ossium plagis osseum concrementum

propallulat, *exostoseos* nomine celebratum, quae vel vera vel spuria est; aut denique, si materia spissa & ossescens in his locis nascitur, *osteosteatomata* oriuntur. An vero *enostosis*, utpote quae non nisi in ossium diaphysi locum habere videtur, & *osteosarcosis* sive *emollisio* huc pertineant, nondum satis evictum est. Aliud demum morbi genus, quo ossis extremi parenchyma partim intumescit partim etiam carie sensim depascitur atque denique plane consumitur, *paedartbrocace* nominatur.

Pròvido sane naturae consilio & beneficio ejus insigni factum est, ut ossa in articulis cartilagine vestiuntur & nullus non articulus sic finiatur. Cartilago vero ossis extremitatem obducens saepissime una cum osse laeditur; suas tamen etiam morbosas subit mutationes. Accidit enim interdum, ut in nonnullis locis dura cartilaginis natura in duriorē adhuc mutetur compagem & naturam *osseam* induat. Praeterea cartilagine *erosione* aut *exfoliatione* asperae redduntur, aut ab ipso osse *separantur*, *franguntur*, una cum ossibus *intumescunt* & hae *cartilaginee*, quae ossa diversa obducunt, inter se *concresecunt*. In nonnullis porro articulis cartilaginee ossibus interpositae conspiciuntur, quas *interarticulares* nominant, quae nonnunquam varia, quamvis

senfibus non femper obvia, ratione laedi poffunt, indicio tamen minus dubio nonnunquam fedem fuam relinquunt & in articuli cavitatem delabuntur. Quum autem in juniorum corporum epiphyfis offa nondum fatis formata cartilaginis, in homine adulto in offeam compagem tranfiturae, minifterio conjungantur, facile, aut vi externa adveniente, aut ex morbo intus genito epiphyfium *diductio* locum habet, quae fub articulorum motu varia incommoda parere folet.

Tendines effe, qui articulos contingant, aut per hos tranfeant, aut intra eofdem inferantur, ex anatome notum eft. Horum morbi ad articulorum vitia multum facere poffunt. Tendines autem *inflammanrur, fauciantur, difrumpuntur, avelluntur, exfoliationem* patiuntur, *offeſcunt* aliisque morbis obnoxii funr. Haec vero mala, uti & ea, quae reliquis partibus, nimirum membranis, ligamentis, fimbriis & adipis glomeribus, in articulorum cavitare reconditis, accidunt, non femper tam manifeſta funr, praefertim fi ab interna corporis labe proficiſcuntur, ut certis aut verifimilibus ſignis dignoſci poſſint. Morbis tamen aliarum partium communibus modo nominatae partes expoſitae funr, inter quos praecipuum locum ſibi vindicant *inflammatio*, tum acuta, tum chronica & quae ipſam antecede-

dunt caussae uti vulnera, contusiones, aliaque mala, & qui eam sequuntur effectus, nimirum abscessus, suppuratio, puris exsudatio superficialis, ulcera, scirrhus, gangraena. Ex aucta denique mole harum partium solidarum intra articuli cavitatem positarum, *tumores* varii, quorum origo & natura maxima premitur obscuritate, emergunt, quique quum accumulationi humorum in articulis favent, morbos multiplici ratione & ita complicatos sistunt, ut nulla arte extricari queant; si quando autem vel aegroto adhuc vivente, vel cadaveris sectione cognoscuntur, tunc partes laesae tantopere a nativa earum indole desciverunt, ut in aliam formam transmutatae viderentur.

Quod vero ad morbos attinet, qui ad humorem unguinosum in articulis secretum atque hos inungentem spectant, hi vel pendent ab ejus copia aut abundante, aut justo minori, aut plane deficiente; vel a qualitate ejusdem quomodocunque laesa; vel ab humore alieno in his locis collecto, aut ad ea deposito. Quodsi enim unguen articulare, sive a partium relaxatione, sive ab irritatis organis secretoriis, sive imminuta actione absorbentium vasorum tanta exuberat quantitate, ut articuli capsam distendat, tumoris quoddam genus nascitur, quod tum imprimis, quum

unguen illud spissioris simul indolis est, *tumorem album* dici consueverunt. Unguinis autem ejusmodi accumulatio aut cito fit, unde quasi congestio acuta nascitur, aut sensim pedetentimque procedit & chronici mali formam affectat. Ex pariori aut impedita plane humoris unguinosi secretionem, vel etiam ex singulari atque subitanea nervorum affectione *strepitus* inducitur, quem sub articulorum motu percipimus & qui de siccitate eorundem testatur. Qualitate synoviae laesa, spissitudo, tenuitas & acrimonia ejusdem intelligitur. Ex nimis spisso unguine, ejusque portione inprimis lymphatica *corpora* aliena, dura, *cartilaginea* coire videntur, quorum plura apud scriptores medicos inveniuntur exempla; sed de his infra uberius nobis erit differendi opportunitas. Superest, ut paucis eorum humorum mentionem faciam, qui errore loci in articulis colliguntur aut ad eos deferuntur. Si igitur serosa vel aquosa colluvies exuberat, *hydarthrus* oritur; si pus in articuli cavitatem effunditur *arthropyosis* nascitur; si sanguis e vasis elabatur atque ibidem colligitur, morbus existit, qui *haemarthri* nomine dignus videtur. Nec denique articulorum intercapedines a lactis invasionem immunes sunt, nam & lac metastasi ad ista loca deferri posse videtur.

§. III.

Tametsi autem insignis inter articulos & bursas tendinum mucosas conspicitur similitudo, sedulo tamen cavendum esse reor, ne quis propterea putet, omnes, quas articuli fubeant, morbosas mutationes simpliciter & absque omni restrictione ad tendinum bursas transferri, eademque ratione dijudicari posse. Nam primo statim obtutu observare licet, burfarum plurimas simpliciore tenerioreque, quam quidem articuli, structuram habere; quid? quod in nonnullis, iis praecipue bursis, quae ligamentis insident, aliae saepe partes non visuntur, quam membrana burfae propria cum suis velamentis, tendinem in se recipiens; sed nihil vero convenientius statuitur, quam ejusmodi bursas iis tantum morbis corripì posse qui soli huic membranae officiant. Deinde acrius in hanc rem intuenti patebit, aliam in articulis, aliam vero in bursis partium dispositionem requiri, quum in articulis ossa & cartilaginea recondantur, burfae autem tendines contineant, inter quas partes magna profecto intercedit differentia. Quum porro ossium extremitates in articulis ideo juxta se positae sint, ut variis motibus peragendis idoneae sint; burfarum vero officium in eo tantum consistat, ut tendi-

nes aut transmittant, aut iis annectantur, aut intra easdem in ossa inferantur; satis luculenter patet, istarum partium morbos hac quoque ratione differre oportere. Neque vero minus bursae ab articulis discrepant magnitudine, positu, cohaerentia cum vicinis partibus & in has insertionis ratione. Nam bursae non solum, uti ligamenta capsularia, ossibus inferuntur, verum quoque aliis adhaerent partibus: aliquando enim tendinibus interponuntur; modo unum, modo plures tendines recipiunt; modo profundiori in loco positae sub ossibus delitescunt, modo superficiei corporis propiores sunt. Summa igitur cautione & accuratatione videtur opus esse, ne in eo, quod inter bursas & articulos modo recensuimus, discrimine, morbi articularum quivis ad bursas tendinum mucosas indefinite transferantur.

Negari autem nequit, magnam morborum articulationum & burstarum esse connexionem mutuumque commercium, ita ut ab alterutrius vitio facilis ad alterius morbos animadvertatur transitus, & utrarumque harum partium morbi nonnunquam conjuncti reperiantur; mobilitate enim articuli cujusdam, undecunque id venerit, intercepta, burstarum circa articulum positarum functiones ob membri continuam quietem laesum iri, sua sponte intelligitur; atque si vicissim burstarum

vitio tendinum motus retardatur aut plane cessat, tunc aliter haud fieri potest, quin articulationis vis & potentia vehementer fracta appareat. Multo autem luculentius haec observare licet in iis bursis, quae cum articuli cavitate communionem habent, & ubi articulorum unguen nimia copia congestum articulationisque cavitatem distendens, libera via in bursum transit reditque, ita ut quasi fluxus & refluxus ex mutuo consortio observetur.

Quae igitur in articulis supra consideravimus vitia, ea ipsa in bursis, quantum licet, indagemus: quo facto inde eruere poterimus, quinam horum morborum in bursis ipsis conspiciantur. Antequam autem hunc laborem suscipiam, necessarium duco, morbos, quibus singulae in bursis contentae partes & organa subjectae esse possint, paucis perlustrare. Equidem non ignoro, ejusmodi partium vitia non omnia in medicina facienda tanquam morbos, sed eorum pleraque ut causas tantum remotas vel possibiles aestimanda esse, talemque praeternaturalem corporis statum exhibere, quo tensio, dolor, debilitas, humorum accumulatio aliaque incommoda produci possint; ex quibus, si plura interveniant atque inter se copulentur, varia redundant symptomata, quorum conjunctio morborum, suis signis internoscendorum, praesentiam satis luculenter decla-

rat. Cuique enim rerum pathologicarum gnaro ignotum esse nequit, morborum simpliciorum atque organicorum naturam cognitu esse quidem longe difficillimam, sed saepissime nulla plane arte detegi posse, cum hi morbi signis manifestis atque certis propemodum careant, ideoque a cognitione humana remoti sint, & eorum initia neque a sensibus medici percipiuntur, neque ipsi aegroti ulla aut vix vel plane non percipienda incommoda pariant. Quamvis igitur eam ipsam ob rationem morbi organorum simpliciorum ad systemata nosologica traduci nequeant, ideo tamen non est putandum, ejusmodi morborum doctrinam & disquisitionem supervacaneam esse. Equidem potius existimo doctrinae de morbis simplicioribus hunc praecipue usum atque vim esse, ut medicus primo quasi elementa habeat, ex quibus generales morborum descriptiones concinnet; deinde, ut periculum faciat, quid citra experientiam, vel a priori, ut ajunt, de necessariis morborum formis, data eorum causa, statui possit; & ut denique probabiliter de internis morborum causis, quas vulgo praedisponentes vocant, disputare queat. Ita enim fit, ut facultatem sibi comparet, morborum causas feliciter persequendi, atque intelligendi multa adhuc ignorari aut luce pleniore illustranda esse. In tanta

ergo rerum difficultate ab re non alienum esse putamus, si in determinandis burfarum morbis eadem via incedamus, quam in articulorum morbis ingressi sumus, affectiones burfarum mucosas secundum partes, e quibus conflatae cernuntur tam solidas quam fluidas intra easdem secretas & coërcitas disquisituri,

§. IV.

Burfarum tendinum mucosarum vitia, etsi, uti aliarum partium morbi, varia describi possunt ratione, placet tamen hic fundamenti loco ponere eam partitionem, quae partium diversitate nititur & quam in articulorum morbis enumerandis secuti sumus. Partes autem solidas, quae burfas constituunt, varias esse, alio jam loco uberius exposuimus. Inter quas primo quidem observare debemus *membranam* burfarum *propriam*, hujusque propagines, scilicet *plicas* & *filamenta* ex ea continuata. Quum vero membrana burfae proprie dicta ligamenti capsularis articulos circumcingentis munere fungi, ejusdemque quodammodo speciem referre videatur: morbi quoque membranae hujusmodi cum iis comparari posse putandi sunt, quippe qui ligamenta capsularia concernunt. Ut igitur in recensendis morbis, qui propriam burfarum tunicam offendunt, peri-

culum faciam, commemorandae primum mihi videntur laesiones externae, quae his partibus tum *vulnerando* sive secando, sive pungendo, sive vexando, tum *contundendo* vim inferunt. Quae ab externa violentia burfis illata imminet pericula, ea sub certis quibusdam conditionibus interdum oculis cerni possunt, & ita quoque *ulcera*, ex vulnere facta, oculis chirurgi obvia sunt; difficilius vero ulcerum eorum, quae ab internis causis producuntur, patet origo, atque saepenumero aciem acutissimi medici subterfugit. Fieri autem potest, ut membranae burfarum propriae superficies a quacunque acri materia ad haec loca deposita non solum *irritari*, *extenuari* atque *corrodi*, verum etiam inflammationis lentae vi aliisve causis *incrassari* vel plane *occallescere* possit; quin imo si errore loci materies ossifica, aut saltem huic similis humor ad hanc deferatur tunicam, major minorve ejus portio praeter naturam *offescat*. Praeterea eadem membrana partium interius reconditarum aut exterius eidem adjacentium vitio varia ratione afficitur. Nam si solidarum partium massa, quorsum pertinent adipis glomeres, fimbriae, vel etiam tendines, augeatur, aut humor intra burfae cavitatem secretus accumuletur, membrana propria *distenditur* & in tumores diversû generis elevatur. Si qui

vero in vicinia extrus exsurgunt tumores, horum expansione membrana modo commemorata *comprimitur*; tum autem iusto magis *contrahi* solet, quum tendo, membranae bursae propriae adhaerens, actione nimis vehementi & spastica commovetur. Parum interim abest, quin vitia haec, quae ultimo loco attulimus, nimirum distentionem, compressionem & contractionem, si certum gradum attigerunt, & quidem praecipue ex violentia externa ossa frangente articulosque luxante & contundente, *ruptura* seu *dilaceratio* membranae propriae insequatur. Plerisque denique horum morborum tanquam causa *inflammatio* arcessitur, quae modis consuetis varia eaque notissima effecta producere & bursae membranam ita afficere potest, ut haec tam cum tendine quam cum reliquis internis externisque partibus affidentibus *coalescat* atque plane concreascit. Ceterum hic morbos, qui ex atonia & irritatione vasorum absorbentium & exhalantium in hac membrana obviorem proficiscuntur praetereundos esse reor, tum quia commemorata vasa partem jam membranae bursarum propriae constituunt, tum vero, quia mala inde enata tales exhibent morbos, quos partim jam enumeravimus, partim etiam in posterum adhuc allegaturi sumus.

Plurima ex *ossium* morbis damna imminere

articulis, supra jam retulimus, minus tamen periculi ab ossium affectionibus praeter naturam in burstarum morbosa conditione metuendum esse vel inde liquet, quod bursae non omnes ossibus superimpositae cernuntur, neque ossium spacia, quibus bursae insunt, tam ampla reperiuntur. Verum tamen si quando ossa, ea quae bursae posita sunt regione vi morbi cujusdam laedantur aut corrumpantur, nemini sane mirum videbitur, morborum depravatam conditionem ad bur-
 sas quoque extendi, aut potius ejusmodi ossium morbos ad bur-
 sas ipsas pertinere. Mala autem huc spectantia sunt ossa fracta & luxata, varique ossium superficiem deturpantes tumores, quorum *exostosis*, *hyperostosis*, *osteosteoma*, & forsitan etiam, quum burstarum nonnullarum positio ad ossium diaphysin invenitur, *enostosis* & *osteosar-
 cosis* referenda sunt. At enim vero vitia, quae ossis cujusdam portionem intra bursae cavitatem reconditam invadunt, iterum inter causas, quibus bursae tendinum offenduntur, annotari me-
 rentur: hostis tamen harum partium longe in-
 sensibilissimus videtur ossium *caries*, quae partim ab unguine burstarum corrupto aut acci facto, partim etiam ex solidorum a statu sano desciscentium vitio originem suam repetere, atque bur-
 sas ossibus vicinas quoque ulcere afficere potest.

Que-

Quemadmodum autem ossa, in articulorum cavitate juncta, cartilagine obducta sunt: ita etiam eo, quo bursa ossi superimposita est loco, osseam superficiem tenuis quaedam lamina cartilaginea obtegit, qua & tendini & ossi prospicitur, ne frictione saepius reiterata utrique parti vis inferatur. Quatenus vero lamina haec cartilaginea mala experiri queat, facile ex eo intelligitur, quod supra de cartilagine ossium extremitates in articulorum cavitate obducente proposuimus. Ex quibus sequitur, ut ejusmodi cartilagine praeter morbos reliquis etiam partibus communes *indurentur* & aliqua majori minorive sui parte *offescant*, aut contrarium vitium contrahant atque ita *emolliantur*. Quod superest, cartilagine ab osse subjecto *separari, frangi, intumescere, exulcerari, exfoliari* atque sic *asperae* reddi possunt, ut cum tendine in bursa contento *concrecant*.

Quae tertio loco in articulis consideravimus vitia, ea ad tendines pertinebant, qui, quoniam multi eorum a burstarum cavitate excipiuntur & in ea terminantur, propemodum uti ossa in articulorum cavitate se habent. Morbi autem, qui tendines afficiunt, cum iis plerumque conveniunt, quibus ossa, cartilagine & ligamenta laborant. Enarrabo tamen potiores, inter quos *vulnera*,

contusiones, disruptio, avulsio ex ipsa ossis substantia, *corrosio* ab acrium humorum colluvie, *exulceratio & exfoliatio* praecipue in medium asferri debent; quae omnia mala vel causae, vel comites, vel effectus *inflammationis* existere possunt. Unde facile colligere licet, tam hos quam reliquos tendinum morbos ad membranam bursae propriam, partesque, si quae sunt, contentas & propagari & pertinere posse atque oportere, partim quia inflammatio per membranas contiguas usque plurimum continuatur, partim etiam quia bursae cum tendinibus ea qua cohaerent parte arctissimo praestantur vinculo, ita quidem, ut, quae tendini inferatur violentia, ea quoque ejusdem tendinis bursam saepissime tangat. Neque enim in tendinis disruptione aut divulsione fieri potest, quin ipsa bursa dilaceretur, aut una cum tendine avellatur.

Jam morbis firmiorum partium in tendinum capsulis mucosis obviarum consideratis, ad vitia molliorum partium, quae veluti bursarum viscera habenda sunt, progrediamur. Partes autem molliores in bursis latentes sunt, uti alio loco luculentius demonstravimus, *adipis glomeres, fimbriae, corpora mucosa & glandulae* denique, quas vocant, *simplices* vel *folliculosae*, in interiori bursae facie dispersae. Ex his vero partibus *glandulae folliculosae* omnibus bursis communes

videntur; reliquæ autem in exiguo tantum bur-
 farum numero se manifestant. Sed age videamus,
 quibusnam organa hæc secretoria morbis corri-
 piantur. Glandularum folliculosarum morbi nimis
 forsitan subtiles & cum tam levibus conjuncti
 sunt symptomatibus ut animadverti ab observante
 medico & ab aegrotante vix percipi queant.
 Proinde non nisi generales earum affectiones hic
 afferre licet. Itaque hoc quoque glandularum ge-
 nus & *obstructioni* & *intumescentiæ* patere, mor-
 borum, qui oris internam superficiem invadunt,
 analogia edocti scimus; præterea glandulae quo-
 que ab acrimonia quacunque laedi & *corrodi*,
inflammari, & una cum reliqua burfæ superficie
ulceribus corrumpi possunt. Tantum autem abest,
 ut omnes isti glandularum simplicium morbi, si
 solummodo burfas infestant tam manifesta sint, ut
 signis quibusdam evidentibus dignosci patiantur,
 ut, si ab internis morborum causis corripiantur,
 eorum naturam plerumque prorsus ignoremus.

Verum æque obscura profecto sunt signa,
 quibus morbose fimbriarum, corporum mucoso-
 rum & adipis glomerum conditiæ sese manifestat;
 nam & hæc organa adeo a cognitione nostra
 sunt remota, ut nihil certi de illis neque ani-
 madverti, neque affirmari prius liceat, quam
 ipsa mole nimis adaucta burfas in tumores attol-

lunt, vel in iis magna unguinosi liquoris copia collecta fuerit, multumque is a naturali sua conditione aberraverit atque ita morbum effecerit, qui quidem sensus nostros ferit, cujus vero natura plerumque plane abhita est prorsusque ignota. Itaque multum interest, accuratius pervestigare indolem horum morborum, qui ejusmodi partes infestant, quae, etsi non in omnibus conspiciuntur bursis, in earum tamen praecipuis iisque in locis deprehenduntur, ubi tendines musculique ad motus saepe repetitos crebro invitantur. Quamvis autem nec ego in his morbis aliquid certi statuere possim, satis tamen me fecisse arbitror, si mea opella effecerim, ut medicorum pariter atque chirurgorum attentionem ad has partes earumque morbosum statum dirigerem, ex quarum in nonnullis tantum articulis bursisque praesentia colligi potest, eas in his non temere adesse neque utilitate sua carere posse. Si igitur fimbriae & corpora mucosa tanquam secretionis organa considerari possint & debeant, & licet partes modo laetatae glandulae verae non sint, neque corpora ejusmodi structurae in se continere videantur, similitudinem tamen quandam cum glandulis habeant, id quod primo statim obrutu animadverti potest: dubitandum non est, quin non solum ab iis morbis, qui alios canales, ductusve,

aut vasa his analoga infestant, verum etiam vitiiis glandularum morbis quodammodo similibus efficiantur. Vascula ergo atque ductus, quorum ministerio fluida secernuntur & in bursarum cavitate transmittuntur *obstrui, dilatari: constringi, relaxari; dilacerari, rumpere; intumescere, collabi* aut prorsus *coalescere*, In iisdem denique *osseas* moleculas deponi posse, facile est ad conjiciendum. Quod autem ad ipsum harum partium parenchyma attinet, id quidem talibus vitiis obnoxium esse videtur, ut magnitudine aucta in *tumores* exsurgat, *induretur, calculis* obsideatur, *osseam* aliamve quamcunque materiem peregrinam recipiat, *emolliatur*, atque adeo *tabe* consumatur; neque a *vulnere, corrosione, inflammatione, abscessu, exulceratione, scirrbo* & in *cancrum* mutatione liberum esse verisimilitudo, & affinis glandulosa substantiae natura probabiliter suadet.

Sed jam ad morbos animum appellamus, quibus *adipis glomeres*, in bursarum quarundam cavitate positi, corripere assolent. Horum autem natura parum admodum a fimbriarum vitiis discerepare videtur, eademque qua illae obscuritate premi, cum, quia adipis morbi in universum multis adhuc involvuntur tenebris; porro, quia haec organa in bursarum cavitate latent abscondita; tum, quia ductus, quorum ministerio ad-

posus succus e suis folliculis egredi atque in bur-
 sarum cavitatem penetrare possit, huc usque non-
 dum detecti sunt. Sufficiat igitur haec paucis
 transmittere: scilicet adeps pedetentim copia sua
 crescere potest, &, ubi auctus fuit, folliculos,
 quibus continetur, non tantum *distendit* & in
tumores attollit, verum etiam ipse *incrassatur*,
 majorem *duritiem* acquirit vel *mollitie* fere dif-
 fluit; possunt porro in eo *tubercula* variae indo-
 lis, *abscessus*, *ulcera*, *atheromata*, *steatomata*,
hydatides gigni, & ipse denique adeps in *scirrbum*
 & *malignum ulcus* degenerare aut *tabe* consumi.

§. V.

Quod autem ad *liquorem unguinosum* in
 bursis secretum atque contentum eiusque vitia
 attinet, in his vitiis utique tum ad singulos, e
 quibus compositus est, humores; tum ad unguen
 ipsum, quatenus ex dictis humoribus commixtum
 cernitur; tum ad solidarum & fluidarum totius
 corporis partium & quidem inprimis humorum
 ad haec organa appulso- rum conditionem; tum
 denique etiam ad ipsa in bursis contenta organa
 respiciendum esse, unicuique rerum harum pe-
 rito patebit. Quum vero solidae bur- sarum partes
 earumque vitia satis pro instituto nostro a nobis
 considerata fuerint, hic tantum animus est, li-
 quidi unguinosi, qua talis, morbos recensere,

atque ita pertractare, ut copiae eius iussu maioris minorive, mixtionis corruptae, alienique humoris ad haec loca congesti, rationem habeamus.

Quodsi igitur unguinosus liquor irritatione vel atonia organorum secernentium, vel vitio aut compressione vasorum absorbentium in burfis tanta accumuletur copia, ut bursarum magnitudinem augeat easque distendat: tunc bursa in tumorem, ad cysticos pertinens, degenerat, qui est tumoribus, quos vocant, albis in articulis apparentibus simillimus. Hi tumores, si prope articulos oriuntur, & bursas vesiculares afficiunt, ob loci viciniam cum articulorum albis tumoribus ipsis nonnunquam confundi solent; si vero idem ille humor in burfis tendinum vaginalibus nimia copia congestus est eosque distendit, simile tumorum genus, in extremitatibus potissimum prodiens, exoritur, quod *ganglii* speciem constituit, atque olim ipsi tendinis tantum vaginae inhaerere existimabatur. Ceteroquin unguen in burfis, uri in articulis. interdum subito impetu a vi inprimis externa, interdum tamen etiam lento progressu colligitur. Ut autem morbi ex humoris abundantia orti, tum intumescencia, tum aliis quoque symptomatibus hanc insequentibus praesentiam suam manifestant: ita minori, quam par est, copia secretorum aut plane deficientis

bursarum unguen, morbosam quidem, sensus tamen vix ferientem neque symptomatibus manifestis conspicuam affert conditionem. Dubitandum vero non est, quin, liquore bursarum unguinoso deficiente, tendinis ad bursam pertinentis motus difficulter procedat, siccitas oriatur, & bursa cum tendine tandem *coeat* atque *concreseat*; quam quidem bursae cum tendine conditionem quodammodo cum articulorum ancylosi comparari posse reor.

Si quis autem ad qualitatem unguinis in bursis reperiendi laesam attendere vult, ei ad fontes praecipue respiciendum est, e quibus succus ille promanat. Quum vero, uti alio loco iam exposuimus, ex arteriis aqueus latex affluat; fibrillae, itidem corpora mucosa & glandulae folliculosae mucum largiantur spissorem; ex adipis denique glomeribus succus oleosus atque pinguis haud dubie proficiatur: sequitur, ut liquor in bursis collectus iniqua secretionem, perversaque horum humorum commixtione varia ratione inquinetur & modo tenuiorem, modo spissorem formam eamque tantam recipiat, ut adeo in massam firmam, compactam & propemodum cartilagineam mutetur, quod suo loco uberius sumus explicaturi. Quemadmodum autem omnes corporis humani succi, & solidarum partium vitio, & universali aut singulari humorum labe, acrimonia

corrumpi possunt: ita etiam burfarum unguen-
 variis, ut videtur, non tamen sat liquidis caus-
 sis acre rodenisque evadit. Cuiuscunque vero ge-
 neris acrimonia tum solidas tum fluidas corporis
 partes multifaria ratione male afficit & corrum-
 pit; videlicet nervos vellicat, eorumque sensi-
 bilitatem vel adauget vel hebetat; reliquas par-
 tes corrodit, inflamat, exulcerat, crassiores
 reddit, consumit & ita resolvit, ut in tabum
 diffuant. Si denique alienus humor, sive aquo-
 sae, sive lactae, sive purulentae, sive sangui-
 neae indolis, sive demum aer fuerit, in bursa-
 rum cavitatem effundatur, tumores oriri solent,
 quorum natura interdum obscura manet, inter-
 dum autem ex praegressarum causarum & sym-
 ptomatuum concomitantium iusta aestimatione ali-
 qua saltem ex parte cognoscitur.

§. VI.

Sed haec sufficiant de morbis, qui burfas
 ipsas primario afficiunt, & ab his ad alias se se
 diffundunt partes: restat, ut nunc ad morbos
 vicinarum partium sere quoscunque attendamus,
 qui, ad loca vicina quasi consensu propagati, ad
 burfas tendinum perveniunt, easque aggrediun-
 tur. Articulorum vero morbi ad burfas velut
 contagio quodam propagantur, non minus quam

offium, ligamentorum, tendinum & muscutorum varia vitia; glandularum porro in vicinia positarum, telae cellulosae & pinguedinis praeternaturalis conditio; postremo nervorum vasorum & sanguiferorum & lymphaticorum, aliarumque partium adiacentium laesae functiones.

Utut autem in describendis burstarum morbis eam secuti sumus distinctionem, qua hi morbi secundum partes, e quibus burstae compositae sunt, distinguuntur: aliarum nihilominus tamen divisionum mentio paucis inicienda est, quae in medicina facienda sua non destituuntur utilitate. Atque inter has ea quae burstarum morbos secundum sedem positumque discernit, magni inprimis momenti censenda est. Etenim anatomicam burstarum cognitionem, medico pariter atque chirurgus apprime necessarium, supponit, quum ex burstarum tendinum positione signa petantur essentialia, quibus earum morbi ab omnium aliarum partium affectionibus, potissimum ab articulorum vitiis, quibuscum saepissime confundi visa sunt, distingui possunt. Quam proficua interim haec morbos burstarum in genera contribuendi ratio videatur, insigni tamen eius diagnosis difficultate laborat. Plurimae enim burstarum sunt varietates, ratio situs saepe diversa, magnitudo non sibi semper constans, varia interdum infectio,

non perpetua cum tendinibus & vicinis partibus cohaerentia, &, quod maximum est, diversa intra bursas organorum delitescentium structura. Quid igitur mirum est, si, quot in rebus his conspiciuntur varietates, totidem etiam ad bursarum morbos cognoscendos difficultates offendamus?

Alia partitione bursarum morbi secundum causas ordinari possunt, quarum aliae extrinsecus accedunt, aliae vero in corpore ipso progignuntur. Quam autem multum referat scire, utrum morbus bursas tendinum mucosas afficiens a causis externis profectus sit, an vero ex interna corporis labe originem traxerit, magnam profecto haec distinctio in curandis istis morbis affert utilitatem. Licet vero in plerisque casibus bursarum affectiones praeternaturales tanquam singulares, seu topicos morbos considerare fas sit, fieri tamen nonnunquam assolet, id quod accedente praesertim inflammatione observare est, ut & vicinas partes & hoc modo demum reliquum corpus contaminent & universalia mala dici queant.

§. VII.

Expositis haecenus bursarum tendinum mucosarum vitiis, quatenus nimirum ea a partium structura pendent, age iam sensum animumque ad morbos magis compositos intendamus. Hi

igitur plerosque simpliciorum morborum tanquam causas agnoscunt & certis haud raro signis gravioribusque symptomatibus praesentiam suam declarant, quae deinde usu atque experientia magis quoque extra omnem dubitationem ponitur. Quo perniciosiores autem hi morbi sunt, eo magis optandum est, ut curiosa observatione eorum historia aliquantum amplificetur. Perparum enim id est, quod de his morbis scimus; cuius rei ratio ex iis, quae de morbis bursarum simplicioribus seu organicis diximus, haud difficulter intelligitur. Sunt autem morbi, qui huc pertinet, *vulnera*, aliaque tam ab internis profectae, quam ab externis causis illatae laesiones; *tumores* genere atque natura diversi, quorum etiam *concrementa dura & cartilaginea*, inter bursas genita referri debent. Praecipue vero attendenda est *inflammatio*, quae vulneribus haud raro supervenire solet, & quae tumores interdum producit, nonnunquam comitatur & interdum eos sequitur; quaque ipsa aliquando efficitur, ut bursae cum tendine partibusque vicinis penitus *coalescant*.

Vulnera autem in ipsas bursas penetrasse, causas praegressae, symptomata concomitantia, sedesque bursarum ex anatome cognita edocent. De causis externis, sive casu accidunt, sive chi-

rurgi manu insigantur, nihil hic attinet dicere, quoniam istae adeo perspicuae sunt, ut quilibet sunt, ut quilibet eas primo statim obtutu non possit non intelligere. Ex vulneribus autem ea reliquis periculosiora censentur, quae cum insigni contusione coniuncta sunt, id quod in ossium fracturis complicatis & luxatione fieri videmus, ubi bursae aut ab ossium fragmentis aut a vehementi distentione vexantur aut dilacerantur. Inter symptomata vero, quae laesiones externas, solidarum partium cohaerentiam & firmitatem solventes concomitantur vel subsequuntur, evidentiora haec sunt: liquoris burstarum unguinosi profluvium, tum inflammatio eiusque effectus varii; motus denique musculi tendinisque ad bursum pertinentis difficilis vel plane impeditus. Unicuique vero patet, symptomata ista varia esse debere pro partium laesarum varietate. Quod igitur ad liquoris unguinis profluvium attinet, id quidem non locum habere videtur, nisi in buris maioribus vulneratis, iisque potissimum, in quibus maior unguinis copia secernitur, & quae cum articulorum cavitatibus communicant. In his autem humor lymphaticus non solum ex buris profluit, verum etiam, quum ob irritationem a vulnere effectam organa secernentia maiorem liquoris copiam suppeditent, secundum bursae

positionem in articularum cavitates descendit atque ita eas morbi participes reddit. Minorum vero burſarum vulnera ex earundem ſede magis quam ex ſymptomatibus dignoſcenda & diiudicanda ſunt; attamen etiam in his, uti in aliis corporis partibus irritatio, a laeſione producta, copioſiorem allicit humorem, tumor eminet quo vulnus obturatur, liquor unguinoſus vel alius indolis accumulatur, burſa diſtenditur & interdum cum dolore relinquitur ſymptomatibus inflammatione inducitur, quae aliquando ita increſcit atque vehementia augetur, ut partis affectae tantum aegroti ferre nulla ratione poſſint. Haec vero phlogoſeos ſymptomata non ſemper ſtatim ab initio accedunt, ſed plerumque aliquot diebus exactis: interdum tamen etiam harum partium vulnera nullam plane excitant inflammationem. Burſarum enim, uti oſſium, ligamentorum & tendinum, obtuſior in ſtatu naturali ſenſus eſt, id quod praeter MONROI experimenta luculentiffima, HALLERI aliorumque pericula ſatis nota, cum tendinibus, eorum ſenſibilitatem explorandi cauſſa inſtituta, docuerunt; atque in nonnullis, quae capiebantur, experimentis aliter ſane fieri non poterat, quin burſae una cum tendinibus laederentur & diſcinderentur, nullumque tamen proderent ſenſum. Quod vero ad

MONROI experimenta attinet, in corpora cartilagineae indolis in burfis nata, incisione praevia eo quidem eventu nonnunquam extraxit, ut nulla accederet inflammatio; in aliis vero casibus, quum, vel aeris ad infictum vulnus accessus non impeditus esset, vel aegrotus quietem maximopere necessariam non servasset, irritatione oborta, post eiusmodi operationem chirurgicam in bursa sua extensoribus cruris posita, quam supragenualem nominavimus, tumor, tensio, dolor, aliaeque inflammationis symptomata & suppuratio denique advenerunt, morbusque adeo adauctus fuit, ut membri demum amputatio necessaria iudicaretur (d). In burfarum igitur vulneribus omni eniti decet studio, ut inflammationi via praeccludatur, aut, ea si iam adsit, quam primum tollatur, eiusque transitus ad articulos vicinos impediatur. Itaque ratio medendi antiphlogistica eatenus sequenda est, quatenus id morbi symptomata exigunt. Ea, quoniam omnibus nota, atque obvia sunt, silentio praetereo; scire tamen interest, praeter sanguinis missiones cum universales tum particulares, fomenta frigida ad locum effectum applicita, aliaeque ad curam cuiuscunque partis inflammatae plurimum facientia, cum-

(d) *Monro* l. c. p. 26.

primis aeris in vulnus ingressum avertendum, quietem summam aegrotanti imperandam, membrum laesum situ convenienti locandum & profligata severiori inflammatione fasciatione apta involvendum esse. Quodsi enim a vulnere bursae inflicto aeris accessus ab eiusdem cavitate non arcetur, vehementi locus conceditur inflammationi, in periculosam exulcerationem transiurae (e). Idemque tristis eventus metuendus est, si aegrotus membrum prius movet, quam vulnus ex omni parte coaluerit.

Mira tamen utique videtur observatio MONROI, qui in disseccandis quibusdam senum corporibus bursas, alioquin cum articulis communicantes *disruptas* invenit, ita quidem, ut via praeter naturam ex bursa in articuli cavitatem facta cerneretur, & homines hoc vitio affecti de nullis molestiis conquererentur (f). Quicquid sit, definitu non facile est, quo modo eiusmodi disruptio acciderit. Quum autem haec ruptura in illis tantum buris locum inveniat, quae cum articulis communicant, licet, si coniecturae locus est, faciendus, suspicari, id humoris unguinosi accumulatione factum fuisse, qua nimia copia

(e) *Idem ibid.*

(f) *Monro l. c. p. 9. 30. & Tab. VII. fig. 1. 2. 3.*

pia collectus liquor, bursam distendit & infirmiore[m] magisque declivem eius regionem dirumpit, atque ita viam sibi in vicinam articuli cavitate[m] patefecit. Praeterea ex his observationibus etiam colligitur, & bursarum tendinum membranas & articulorum ligamenta minori sensibilitatis gradu esse donata, quoniam absque ullo detrimento dirumpi se patientur.

§. VII.

Bursarum tumores etsi ab alienis quoque in cavitatem earum effusis humoribus, scilicet sanguine, pure, aliisque fluidis nasci possunt: Attentionem tamen nostram ii praecipue merentur, qui ab ipso liquore unguinoso aliove simili lymphatico atque spissiore humore aut lente collecto aut subito in bursas congesto proficiscuntur. Horum autem tumorum quidam in vesicularibus, alii vero in vaginalibus tendinum bursis sedem habent. Utrique nihilominus tumorum generi similis est facies externa, similisque natura. Inter vesicularium igitur bursarum tumores plerique articulis adiacent & imprimis circa maiores articulos, veluti genu & cubitum, conspiciuntur, quanquam alii articuli ab his malis minime tuti sunt. Ubi exorti sunt, cutis a colore nativo vix deflectit; digito prementi aliqua quidem ex parte

cedunt, tam valide autem resistunt, ut fovea in
 iis nulla relinquatur. Materia quam eiusmodi tu-
 mores continent, modo tenuis est & transparent, modo
 spissior, modo massis durioribus maioris mino-
 risve consistentiae intermixta, cuius humoris varia
 conditio ab exercitato in arte viro aut fluctua-
 tione aut resistentia quadam quodammodo discer-
 nitur (g). Ab initio partem tantum articuli oc-
 cupant; postmodum autem humor effusus tanta
 interdum copia congeritur, ut totum articulum
 ambiat. Dolor nonnunquam hos tumores comi-
 tatur, & tum praecipue quum membrum morbo
 laborans movetur; interdum vero sine dolore ab
 aegrotis feruntur. Tumore autem ad certam quan-
 dam magnitudinem aucto, & dolor maior mi-
 norve, & rigiditas impedit, quo minus partem
 laesam extendere aut flectere aegrotantes possint.
 Nonnunquam accedit inflammatio, quae vario
 eventu bursas vicinasque partes afficere potest.
 Raro autem hi tumores in veram abeunt inflam-
 mationem; utplurimum humor collectus diuturna
 quiesce corrumpitur & tenuem, subgelatinosam
 singularis naturae formam prae se fert; quae quasi
 massis caseosis albis aut flavescens intermixta
 est. Hi tumores diu aegrotos divexant, atque

(g) *Bell System of Surgery* l. c.

ulcera exinde orta non nisi sero ad sanationem perducuntur. Cognoscuntur vero burſarum tendinum mucosaſum tumores earumque natura tum ex ſymptomatibus antea commemoratis, tum ex cauſſis praegreſſis. Quibus ſi additur ſedis burſarum cognitio, a glandulis induratis & tumefactis, ab hydropo articuli, a tumoribus in membrana aponeurotica & tendina circa articulos expanſa oriundis & abſceſſibus in his locis natis haud difficulter diſtinguuntur; quamvis ipſum burſarum unguen diuturna quiete, materiae purulentae naturam aſſumat. Qui a vi externa producantur tumores, horum cognitio & diſtinctio certa plerumque eſt, eoque celerius oriuntur & increſcunt, quo vehementior vexatio atque concuſſio fuit, & quidem tum praefertim, cum vas quoddam lymphaticum fuit diſruptum; verum ſi vis externa lento modo, veluti comprimendo aut conſtringendo egit, hi quoque tumores paulatim ſuccreſcunt. Quae genu cubitique articulis inſident burſae cae, plerumque a laeſionibus externis gravioſam noxam patiuntur, quippe nudiores nec ita ut humeri coxaeque burſae craſſis muſculis rectae. Nihilominus tamen CAMPERUS ſub muſculo deltoide tumorem cuiuſmodi indolis, poſt lapſum enatum, obſervavit, quem naturae potius beneficio quam medicamentorum auxilio di-

scuffum vidit, quippe ad profunditatem tantarum remediis externis penetrare non licuit (*b*). A vehementiori, lapsu inducta, contusione ipse duos parvos tumores in medio olecrano exortos, sibi-que maxime vicinos vidi, qui interdum tam acerbum dolorem excitabant, ut aegrotus deliquium animi pateretur. Simul humerus magnopere intumuit & tumores in inflammationem abire mentabantur. Epitematibus frigidis ac hiu-
dinitibus apposis phlogoseos metus abigebatur, nihilominus tamen dolorem post longum adhuc temporis spatium aegrotus sentiebat. Sedes autem huius tumoris duplicis in ea bursa esse videbatur, quae in medio olecrano, inter hoc & tendinem musculi tricipitis extensoris cubiti posita est, quamque anconeam vocavius; quo loco FOURCROYUS duas bursas invenit, quae cubitalium nomine ab ipso insigniuntur (*i*). Similis in olecrano exorti CAMPERUS mentionem iniicit, ex quo, quum incideretur, permultae laminae prodierunt, pelluciditatem & consistentiam cornu cervi prae se ferentes (*k*).

(*b*) *Petr. Camper. Dissert. de hystr. su. vultu. & de causis & medicinis. in Mémoires de la Soc. et royale de Médec. Année 1784. p. 147.*

(*i*) *De Fourcroy. Mémoire pour servir à l'histoire anatomique des tendons dans lequel on s'occupe de leurs capsules muqueuses; in Histoire de l'Acad. roy. des sc. Année 1788. p. 231. & in Dictionn. contrain pacte priore pag. 27.*

(*k*) *L. c. p. 146.*

Haud raro vero ad articulum genu ab illata violentia tumores oriuntur, praecipue in bursa supra genu sub tendine extensorum cruris posita, quam saepe perviam in subiacentem articuli cavitate vidimus. Tumores huius generis varios MONROUS perquisivit & examine diligenter instituto humorem saepe in bursa supragenuali accumulatum invenit. Ut autem intelligatur, praecipue si tumor minor sit, utrum in bursa, an vero in articuli cavitate sedem habeat, Vir celeberrimus aegrotum crus extendere iubet, quod tendo & patellae ligamentum relaxetur; si deinde tumor mollis digitis comprimitur, patella, sursum tollitur & ligamentum genu capsulare sub patella ad latera fortioris ligamenti patellam ad eibiam nectentis, protruditer (1). Quod si sit, humorem non in bursa, sed in articuli cavitate collectum esse apparet. Monendum tamen est, si via ex bursa in articulum patet, liquorem in ea contentum ex bursa in articuli cavitate descendere, inque ea accumulari atque pressione aut mutato membri situ in bursam refluere. Cuiusmodi casum mihi nuper observare licuit, ubi juveni, ab equo pede icto, ex humore in arti-

Q 3

(1) *Monro* p. 32. l. c.

culi & burſae ſupragenualis cavitare collecto ſatis inſignis tumor enatus eſt, in quo phaenomena modo commemorata & glandulae inguinales ſimul tumentes conſpiciebantur. Eiufmodi tumores, niſi cito diſcuriantur in ſuppurationem minus perfectam proni ſunt, & tunc aperto tumore materia purulenta cum glutinoſo ſimulque limpido humore remixtae eſſe ſolet (m). Quemadmodum autem cauſſae, quae magno & repentino impetu feriunt, tumores ſubitaneos gignunt, ita, quae lentius agunt, ut ſenſim ſenſimque burſae a collectis humoribus diſtendantur, efficiunt. Quod praeter alia a compreſſione diu tolerata fieri poſſe, nuper feminae cuiuſdam exemplo intellexi, quae, quum menſtruis per aetatem ceſſantibus, manus ſibi aqua intercute intumuiſſent, has faſciis adſtringebat, eo cum eventu, ut impedita humoris ſtagnantis abſorptione, omnes burſae vaginales tendinum extenſorum digitorum intumeſcerent, atque digiti utriuſque manus contraherentur, ita ut mobilitas digitorum non quidem plane tolleretur, ſed tamen nonnihil imminueretur.

Non ſolum autem ad hos tumores producendos cauſſae externae ſufficiunt, ſed idem quoque cauſſae internae efficere poſſunt. Difficilioris

(m) *Alenro* l. c. p. 31.

vero indaginis est, quomodo istae causae no-
ceant, utrum in ipso loco affecto haereant, an
vero in loco quoque remoto positaе bursas quasi
per consensum ita afficere valeant, ut affectus
tales sequantur. Atque ex internis causis pro
varia earum agendi ratione tumores alii impetu
concitatori, quod metastasi fieri ut plurimum so-
let, alii vero lenta humoris collectione oriun-
tur. Huc autem *erysipelat* exulceratum, exter-
nis intempestive adhibitis remediis repulsum,
pertinere, illa morbi historia quam SIDRE-
NIUS nobiscum communicavit (n) declarat; ex
qua elucet, non solum tumorem articuli genu
album erysipelate retropresso apparuisse, sed etiam
bursam genalem anteriorem, ad insertionem
tendinum sartorii, gracilis & semitendinosi posi-
tam, intumuisse; qui tumor tum quoque adhuc
articuli paene confederat. Usu remediorum pur-
gantium mercurialium, acidularum Saetrensium,
quae a SIDRENIO adversus eiusmodi morbos
magnopere laudantur, vesicantium denique sani-
tati aegrotus restitutus est, & rigiditas relicta
balnei vaporis & unguentorum emollientium au-

Q 4

(n) Dissert. de tumore articulorum fungoso, Praefate Iov. Si-
drén, Respond. C. E. Bæcker, Upsal 1769. p. 4.

xilio feliciter sublata. Quum vero bursae etiam in *scrofulis* interdum intumescant, atque nonnunquam in variis malis quae ab his glandularum tumoribus producuntur, in carpo atque circa malleolos liquore mucoso atque tenaci repletæ inveniantur (o), dubitari amplius nequit, bursarum tumores cum glandularum & vasorum lymphaticorum systemate necessitudine quadam vel affinitate iungi, imprimis quum, uti supra monuimus, in articuli genu atque bursae supragnathalis tumore a vi externa enato, glandulae quoque inguinales intumescerent. Expedit igitur, si eiusmodi bursarum tumores in conspectum veniunt, habitum glandularum conglobatarum, quibus per vasa lymphatica cum his partibus mutuum consortium est, diligenter explorare, quod recte horum tumorum naturam perspicias iisque apte medearis. Praeterea ipsa humoris collecti conditio tumorumque in bursis repentinus subinde ortus, eorum affinitatem cum morbis lymphaticis non sine ulla veri specie docent. Videtur etiam in *scorbuto* humor circa genu in bursis praeter naturam colligi tumoresque dolentes efficere, qui a LINDIO inter symptomata ad secundum huius morbi stadium pertinentia re-

(o) *Linnæo* p. 31. & 35.

feruntur (p). Quamvis autem hic morbus in nostris regionibus perraro occurrat, memini tamen me, quum bis eum observaverim, semel non tam ipsius articuli tumorem, quam bursas, ad latera genu utrinque sitas, tumefactas videre. Spectanda vero est imprimis humoris lymphatici congestio liquorisque unguinosi inspissatio, quae tum in articulis tum in buris tendinum mucosis a materia rheumatica & arthritica producitur. Etenim in his morbis bursae, & quidem ex MONROI observatione eae praecipue, quae ad carpum & pedum malleolos conspiciuntur, licet etiam reliquae huius vitii non immunes sunt, magnopere intumescunt, tamque acri interdum corripuntur dolore, ut manibus contrectari prae cruciatu nequeant (q). Eadem haec symptomata observavi in homine arthritico, cum primum bursas supragenuales intumuit; ubi tumor deinde ad articuli genu cavitatem migravit; porro bursa poplitea & denique infragenualis humore distendebantur (r). His quoque morbis ex parte

(p) *Jamies Lind* Treatise on the Scurvy. Lond. 1772. p. 109.

(q) *Monro* l. c. p. 25.

(r) Eundem fere tumorum horum decursum annotavit quoque *Chester* (Patholog. inquiries and. observ. in Surgery, Gloucest. 1766. a p. 89) etli bursas ignoravit. Ait enim: *The most extensive extravasation and largest tumor of this kind, to which the knee is subject, is that which generally begins above the joint between the aponeurotic expansions of the Rectus, Vastus*

ulcera arthriticorum diuturna addenda esse puto, e quibus praeter humorem burfarum unguini si-
millimum, massae calcareae indolis magna non-
nunquam copia prodeunt, quasque saepe iis ex
locis egredi observamus, ubi multas burfas, ten-
dinum mucosas, veluti in tarso, positas esse no-
vimus. Supereſt, ut metaſtaſeos ad burſas adhuc
mentionem faciam, quam in menſibus difficileſ
fluentibus videre mihi licuit. Puella in ea aetate
conſtituta, qua menſtruorum fluxus incipit, per
plures menſes de dolore in genu conquerebatur;
maculae interdum rubicundi coloris in poplite
apparebant, modo evaneſcentes, modo iterum
redeuntes, uſque dum eo, quo burſa genualis
poſterior ſita eſt, loco, ſcilicet inter tendines
muſculorum ſemimembranoſi & gaſtrocnemiorum
caput interius tumor enatus eſſet, aegrotae quum
ambulabat moleſtus. Ut primum autem herpes
puſtuloſus apparuit, tumor ſubſedit una cum im-
petigine, fluxu ſanguinis interea accedente eva-
neſcens. Denique in *colica ſaturnina* humor ad
burſas congeri videtur, unde poſt epilepſiam
gravem quae mediis in doloribus inteſtinorum
continuo multas horas aegrum exagitat, in me-

and Crureus: in its in-creaſe ſpreading every way on the anterior
part of the articulation, and reaching, thoug unequally, even
below the patella.

tacarpō & metatarso tumores gangliorum inflat prorumpunt morbumque maximopere levant (s). Praeter modo commemoratos alii quoque sunt, qui quum haud raro metastasi quadam ad articulos feruntur, similes forte tumores in bursis producere possunt, quorsum febres acutae varii generis & intermittentes, variolae, morbilli, scabies, lues venerea, febris lactea & plura alia mala pertinent; sed quia de his nihil certi adhuc dici potest, eos iam transmittō, & ad eos tumores me converto, qui in bursis tendinum vaginalibus sedem figunt, & ad *gangliorum* genus pertinent. Igitur si tota bursa vaginalis humore lymphatico effuso turget, plerumque tumor oritur, formae huius bursae respondens & naturae similis iis tumoribus, qui bursas vesiculares infestant. Huiusmodi tumor figura, magis incertis limitibus & ipsa sede a gangliis differt. Humor enim, qui in arthritide ad bursas tendinum vaginales metastasi repentina difertur, bursam omni inquam exporrigitur longitudine, distendit, tumoremque, ut fert bursae forma, magis minusve oblongum gignit; ganglia vero plerumque rotundam figuram ostendunt, &, ipsi tendini, tenui quasi collo, adhaerent, vel tendinis vaginae in-

(s). Vid. *de Bupt. Bursae* Institut. medic. practic. Mediol. 1789. Vol. IV. P. II. p. 122.

fixa sunt, vel humor bursam minorem totam vel maiorem ex parte tantum replet, id quod fieri utique potest, partim ob filamenta a tendine ad membranam bursae propriae tendentia, partim etiam ob varias plicas & duplicaturas, quas membrana bursum propria in extensorum & flexorum digitorum tendinibus habet (t). Hinc fortasse singularis illa gangliorum quorundam conditio pender, qua lamellae plures sibi invicem incumbentes, uti in ceparum bulbis, observantur, quae ex membranae bursum propriae duplicaturis sibi invicem appressis & humore intra earum laminas effuso atque coacto formatae videntur; licet non negaverim, lamellas modo commemoratas ab ipso humore gelatinoso in gangliis contento, interiorique eorum membranae adhaerente & agglutinato produci posse. Sed quum haec omnia accuratiori adhuc examine indigeant, ulterius hanc rem nunc quidem non prosequar; sufficiat monuisse, non omnia ganglia ut bursum morbos considerari debere, quamquam FOURCROY haec opinio maxime arrideat (u).

(t) De hac structura vide *Jackium* Progr. p. 17. *Fouquierium* l. c. p. 413. & *Dissert. nostram* priorem p. 18 & 19.

(u) L. c. p. 410.

§. IX.

Liceat nobis ad ea, quae, huc usque de burfarum tumoribus ex humoris collectione ortis proposuimus, nonnulla monita in medentium usum adjicere. Ac primo quidem difficile est definitu, quaenam corporis conditio in universum his burfarum vitiis qui ab interna causa pendere producendis faveat. Quum tamen in re, quae si qua alia ad repetitam disquisitionem & ad nova examina revocari meretur, praestet, conjecturas afferre, quam eam ut difficiliorem quam pro nostra intelligentia plane abjicere, haec observasse haud poenitebit. Verisimile igitur videtur, lymphatici systematis morbos multum facere ad burfarum tumores excitandos, quod tum ex conditione humoris in buris collecti, tum etiam ex ipsa morborum supra commemoratorum natura, in quibus burfarum tumores tanquam symptomata apparent, colligitur. Deinde in articulorum & tendinum, quibus bursae subjectae sunt, laesionibus praecipue externis, ad bursas simul respiciendum est, praesertim si in partis laesae vicinia tumores exsurgunt aut humor citra ligamenti capsularis laesionem copiosius prodiens bursae cuidam vim illatam esse declarat. Minus autem consueta symptomata ex burfarum praeten-

naturali affectione in luxatione ossis humeri, in fractura colli femoris, in contusione genu & cubiti, in distorsione ossium carpi & tarsi, in disrupto Achillis tendine, & quae sunt alia, posse interdum comparere, in dubitationem adduci non potest. Quum denique tanta inter morbos articulorum & burfarum observetur convenientia; siquidem easdem causas agnoscunt, eisdem morbos sequuntur, effectusque eisdem producere possunt; nemini mirum videbitur, si eidem medendi rationi, quae in articulorum tumoribus albis commendatur, in burfarum tumoribus insistendum esse censeamus. Itaque in horum tumorum medela, uti in omnibus aliis morbis, ne causas praetervideamus, sedulo cavendum est. Si a concussione orti fuerint, omni cura arcenda est inflammatio & tumoris resolutio apta medicina molienda; qui finis, nisi satis cito obtineatur, metum movet, ne humor effusus absorberi recuset. Huic scopo praeter generalia remedia, quibus inflammatio prohibetur in casu satis gravi emplastra ex colophonio confecta & balnea marzialia localia una cum fasciatione moderata summo cum fructu applicata vidi. Si vero ab interna causa tumor processerit, tunc morborum, quorum burfarum intumescencia vel symptoma vel effectus extitit, ratio habenda est, & inda-

gandum, an metastasi quadam tumor abortus sit, nec ne? Etenim non tuto reprimuntur tumores, qui alia pertinacia mala tollunt. In his enim causam mali aggredi & perversam in corpore latitantem materiam corrigere aut educere convenit. Quodsi vero morbus omnes medici conatus irritos faciat, tantumque capiat incrementum, ut partis laesae motus difficilior reddatur aut plane sistatur, tum est consultius, tumorem aperire, quo humori collecto exitus concedatur. Id vero nunc tuto, nunc autem non sine periculo perficitur. Nam primo irritatione harum partium sensibilitas tantopere interdum augetur, ut inde inflammatio vehemens oriatur (x); deinde in carpo praecipue his tumoribus plerumque permulti tendines affident, qui sacci incisionem tantam vetant, quanta ad perfectam tumoris sanationem requiritur (y). In quo casu suadet BELLIIUS, saccum in utraque extremitate incidere, & per utrumque vulnus tenue setaceum ducere. Hac via in sacci cavitate levis excitatur inflammatio, qua oborta setaceum illico removetur & leni per fasciationem inducta compressione omnis cura perficitur; quodsi vero nulla exoriatur inflammatio, de tumoris sanatione fere desperandum est, imo

(x) *Monro* p. 36.

(y) *Bell* l. 6.

vero metuendum, ne tumor denuo exsurgat. Scire tamen refert, setaceum non tam diu relinqui oportere, ut inflammatio inde vehementior accendatur, quippe quae in majoris articulationis vicinia insigne periculum minetur. MONROUS igitur tumorem acu cannulata pertundere suadet, eo consilio, ut aër, inflammationem partium, eas irritando facile inducens, foraminis angustia, quantum fieri possit, excludatur.

§. X.

In artienlorum pariter atque burfarum, uti etiam aliarum corporis partium cavitatibus, si antea dicto tumorum genere afficiuntur, nonnunquam concrementa dura, elastica inveniuntur, quae a MONROO, quum cartilaginis speciem mentiantur, *corpora cartilaginea* vocantur (z). Hae concretiones plerumque singulae, subinde plures numero, in singulis burfis inveniuntur, imo vero nonnunquam tanta copia, ut MONROUS quinquaginta ejusmodi corpora in bursa post tendinem flexoris pollicis longi sita numeraverit (a). Qua vero ratione tum in articulis & burfis, tum vero in aliis corporis cavi-

tati-

(z) L. c. p. 32.

(a) L. c. p. 33.

ratibus talia corpora generentur, non iam satis liquet. Quum cartilaginis speciem referant, ea invaluit opinio, ut partes a cartilagine in articulis conspicua divulsae esse crederentur (*b*). Accuratus autem perlustrata horum corporum specie externa & textura eorumque exemplis in corpore procul a cartilagineum sede passim inventis: MONROUS sibi persuasit, non ab avulsis cartilaginibus lapillorum istorum originem repetendam esse (*c*). Idem vidit, corpora ista semper, certe ab initio, pedunculis instructa esse, quibus vel internae tumoris superficiei inhaesisse videbantur, vel adhuc inhaerebant (*d*): aliquoties etiam pedunculorum fragmenta in tumorum cavitate invenit. Quum vero ejusmodi corpora dissecuisset, ex laminis sibi invicem superimpositis ea constare animadvertit. Quapropter hic vir longe celeberrimus existimat, corpora ista per pedunculos dictos nutrimentum capere, valdeque probabile ipsi videtur, ea amplius magnitudine augeri non posse, si pedunculus casu diffRACTUS

Tom. X.

R

(*b*) L. c. p. 23.

(*c*) Nonnunquam revera cartilaginee sunt. Sic novi in articulo genu ex vehementi percussione in equite tumorem ortum esse, in quo peregrinum corpus mobile digitis adnotis explorari poterat; tumore aperto cartilaginis semilunatae pars extrahabatur, quae quibudam in locis ossescebat.

(*d*) L. c. Tab. IX.

sit; exemplumque talis lapilli ob diffractum pedunculum mobilis facti, ita ut digitis huc illuc porruli posset, affert, ubi duobus annis elapsis neque ejus magnitudo aucta, neque mobilitas major rediit fuit. Lamellae tamen, quae dissecis his corporibus conspiciuntur, tantum non faciunt, ut credam, ista corpora, uti id in aliis corporis partibus fieri videmus, externa quoque molecularum appositione progigni non posse. Uti autem res se habet, id certo constat, dura ista corpora pressione & distensione accedente acrem excitare dolorem, inflammationem efficere insignem, motum tendinum tum praesertim praegravare, quum muscoli in motum ducuntur, quorum tendinibus ejusmodi lapilli praeter naturam geniti subiacent, haud raro denique inter causas morborum nervosorum maxime pertinacium existere. Non enim desunt observationes, quae docent, harum concretionum irritationem epilepticos insultus produxisse (e). Si itaque ex

(e) Huc ref.ri posse videntur observationes, quas *Shortius* (Edinb. Essays Vol. IV. n. 27.) & *Plouquetius* : Dissert. trigam observat medico-physicæ car. exhib. us Resp. *F. A. Truscher* Tüb. 1787 p. 21.) asserunt. Quod *Shortius* adducit exemplum, in eo femina ex ganglio duro in crure ad finem musculorum gastrocnemiorum sedem habente, gravi epilepsia afficiebatur, quae corpore isto duro extracto nervoque discisso curata fuit. In altero vero casu, cuius *Plouquetius* meminit, mortis itidem convulsivi a concremento, quod puro in bursa ileo puberali latuisse, oborti erant.

hac caussa ejusmodi symptomata oriuntur, simulque autem ab bursa affectam accessus pater, saccum aperire arque corpora peregrina eximere juvabit. Ut vero MONROUS omnem curationem absolveret, in quodam aegrotto periculum fecit & extracto lapillo setaceum adplicuit, ut ne humor in bursa denuo accumularetur. Post tertium vero diem setaceum iterum amovere coactus fuit, propterea quod vehemens inflammatio subsequeretur (*f*). Ut plurimum autem articulus ob bursae cum vicinis partibus *coalitionem* obrigescit, quam rigiditatem BELLIVS frictione frequenti cum emollientibus remediis balneisque vaporis debellandam arbitratur.



R 2

(*f*) L. c. p. 35.

ADOLPHI MURRAY,
ANAT. ET CHIRURG. PROF. UPSALIENSIS
I N
GANGRAENAM SCROTI OBSERVATIO,
ANIMADVERSIONIBUS NONNULLIS
ILLUSTRATA.
UPSALIAE. MDCCLXXXIII.

HISTORIA MORBI,

ERICUS B****, qui anno aetatis obiit sexagesimo quarto, & ultimo vitae spatio nationis S-----cae fuit famulus, habitum corporis, natura minus robustum, pravo vivendi genere debilitaverat. Humores itaque, dum nautam ageret, partim alimento parum apto & frigore, partim usu spirituosorum minus ordinato corrupti, affectus rheumaticos, passim & arthriticos, atque per vices etiam scorbuticos attraxerant. Hae autem aegritudines eum a perverso vitae instituto non absteruerunt, sed manu ejus per globulum explosum laesa, quaestui jam nautico ineptus, & plus otii nactus, vitam minus sobriam continua-

vit; unde corruptis antea humoribus vis addebatur major. Hinc, lecto passim graviore detentus arthritide, artus intumescere sentiebat, corpus emaciari, ac summa tandem affici debilitate, quam spirituosius tantum mitigandam putabat. Anno 1771 doloribus arthriticis, pedes maxime infestantibus, scorbutus sese admiscebat. Gingivae cum palato extumescens ad minimum attractum plurimum fundebant sanguinis atque interdum foetore intolerabili putrescebat; artus rigeabant omnes, & inferiores etiam, maculis notati lividis, tuebant. A verno tempore ad autumnum jam exeuntem morbidus hic status duravit, sed sanitas, aptis remediis demum restituta, ob diacutam vitiosam difficilioris erat constantiae. Bis enim quotannis arthritico prosternebatur morbo, quem tamen conveniens semper medela mitigabat.

His tandem malis plane liberatum, pustulis per totum corpus, maxime vero per manus, brachia & abdomen suppurantibus, scabies humida infestabat. Manus simul adeo tumescebant, ut digitos flectere nequaquam posset. Ceterum, jam levius, jam acerbius scabies cum continuo pruritu adfligebat. Remedia huic morbo non quidem multa opponebat, & quae etiam tentabat, parum adferebant levamenti. Biennium sic transigebat, pruritu in primis maxime adflictus. Ad

leniendum vero illum manus in aquam: frigidam per dies singulos saepius immisit, eo successu, ut non solum, mitigato aestu & arescentibus pustulis, prurigo, vix antea tolerabilis, sopiretur, verum etiam scabies humida in ficcam, squamis aridis copiose decidentibus, commutaretur. Continuata nihilominus lavatione, cutis adeo pura atque nitida evadebat, ut exeunte anno 1781 nulla in toto corpore scabiei remanerent vestigia, nec, praeter gravitatem ac debilitatem quandam singularem corporis, inde veluti originem ducentem, ulla sentiret incommoda aeger.

Verum correcta hac valetudine non diutius, quam ad tempus Paschatos sequentis anni frui licuit. Ingravescente nempe sensim hebetudine corporis, ex improvviso vehementi corripiebatur frigore febrili, cui per duodecim horas duranti, aestus succedebat compar, summo hunc subsequente virium defectu. Altero die febris quidem fervore suo aliquantum remittere videbatur, non vero prius deflagravit, quam materia irritans, quae, in motum ducta, febrem concitaverat, metastatice ad certum quendam locum dejiceretur. Praeterlapsis enim tribus diebus scrotum intumescere ac rubescere coepit, & quantum hic tumor crescebat, tantum febris lenior sentiebatur. Sed quarto jam die, tumor non diutius in-

crefcens, ad radicem & latera penis, pariter ac rubedo, fubfiftebat. Hæc cutis etiam exulcerari, fuppurare atque lineam quali feparationis inter fcrotum, jam fenfu prorfus deftitutum, & cutem fanam circumjacentem efficere occœpit. Suppuratio fingulis augebatur horis & exulceratio profundius penetrabat, quamvis latius non ferperet. Quarto inde nycthemero pus tam effufe manabat, ut faepius per diem arida fubftituere & circumponere lintea neceffum haberet aeger. Hoc autem fymptomate perturbatus, CEL. D. PRÆSIDEM accerſivit, qui languidum & emaciatum inveniebat, febri continua, pulſu parvo & ſudore nocturno adfectum. Adſuit etiam cibi faſtidium, licet crudifatum in primis viis nulla comparerent indicia. Linea ſeparationis inter cutem fanam & mortuam ab inguine pollicis ſpatio infra annulum profecta, ad plicam inter ſcrotum & femur descendeat, atque inde trans perinaeum, ad alterum femur, atque infra penem, ad alterum latus perrexit. Ambitus igitur totus ſcroti plane correptus erat, cum partibus lateralibus peni vicinis & funiculis ex parte etiam ſpermaticis. Suppuratio, quæ copioſa fuit, benignior videbatur. Scrotum, fenſu carens, colore livido, rugoſum, collapſum, aridum, teſticulos tumentes, maximo ad contactum doloris fenſu adfectos, continebat.

R 4

Exigua licet spes plenae restitutionis in corpore tot malis vexato resfulgeret, consultum tamen videbatur, fractas nimium augere & conservare vires & gangraenae ad testes, dudum tumentes, ulteriorem impedire progressum. Utrumque hoc pulvere Peruviano impetrandum sperabatur. Sed, ob tenues aegroti facultates, interne tantum corticis peruviani uncia dimidia porrigebatur, atque fomenta calida ex decoctis herbarum amarificantium saturatissimis, admixto spiritu camphorato & pauxillo salis ammoniaci, parata, loco imponebantur adfecto, atque siigefacta, rursus calore reddito, diligenter adplicabantur. Post quadriduum scrotum pileoli instar totum decidebat, & testes tumidi, sed tunica vaginali, alba & nitente obducti, adspēctum dabant mirabilem, cum septum etiam scroti ad radicem usque penis esset destructum. Mitescebat interea febris, pulsu altiore & pleniore, viresque augebantur. Lactior inde spes adfulsit, praesertim cum alimentis corroborantibus & propinato paulatim vino, ciborum rediret appetitus. Ulcus tamen per octo dies nullam subibat mutationem. Margines purulenti erant, e superficie tunicae vaginalis caro granulosa non efflorescebat, testesque admodum tensi, magnitudinem ovorum gallinae minorum servabant. Tensio tamen, cum annexa sensibili-

tate, paulatim remisit, pus tamen bonum malignam jam recipere videbatur indolem, tenue nempe, fuscum malique odoris evadens. Cutis adjacens flaccida erat, ac pallida. Cum vero unguentum de styrace & alia ex pinguamine praeparata aegri statum aperte reddebant deteriorem, ad vim vitalem in vasis harum partium adfectis animandam, tota ulceris superficies pulvere ex corticis Peruviani uncia una, Myrrhae drachmis duabus, & Camphorae drachma una parato, conspergebatur, superinjectis linteis, in decocto antiseptico tinctis, & suspensorio denique admoto. Variationis causa lintea carpta, ungu. digestivo, ex therebinthina & vitello ovi composito, atque jam oleo cerae, jam tinctura aloës aucto, illita, marginibus ulceris admovebantur. Sed vis illa vitalis, ulceribus sanandis tantopere necessaria, non facile reditura videbatur. Testes enim pallidi & labia ulceris flaccida, neque subjacenti carni adfixa permanebant. Aliam etiam postea minus laetam induebant faciem, dum sese elevarent, turgescerent & nitentia versus interiora inflecterentur. Et jam neque digestiva, neque antiseptica, neque scarificationes crebrius institutae indolem ulceris ichorosam emendare & labiorum duritiem emollire valebant. Interim corrigendis prudenti diaeta & cortice Chinae humo-

ribus dabatur opera, continuato simul recto remedium externorum usu.

Frustra diu expectata ulceris meliori indole, labia ejus inverso magis magisque ad se invicem appropinquare & ambitum ulceris coarctari non sine admiratione animadversum fuit. Margines quidem, post repetitas saepius scarificationes, eandem servabant indolem, duriores tamen non fiebant, nec majores. Jam vero colorem album tunica vaginalis in rubicundiorum mutabat, inflammationem veluti conciperet; sed antequam caro nova ex superficie ejus effloresceret, cutis ita aucta cernebatur, ut testes regerentur, qui, solita celeriter magnitudine & mollitie resumta, in novo demum sacco, cuti minime adhaerentes, pendebant. Cutis, continue ex toto ulceris ambitu excrescens, figuram ulceri transverse ovalem in scroto dederat, & octava demum hebdomade, plaga, quae adeo magna fuerat, trium tantum pollicum longitudinem & latitudinem unius habebat. Margines tamen parem retinebant indolem & pus minus bonum largiebantur. Ad finem tandem hebdomadis decimae labia ulceris splendescencia & inversa; jamque contigua prorsus, coibant, longiuscula & nodosa cicatrice relicta. Scrotum vero hoc regeneratum solito fuit aliquanto minus, sed, sublata omni post aliquod

tempus sine artis subsidio cicatricis duritie & inaequalitate, ordinariam recepit mollitiem, laxitatem & structuram.

Scabies, quae ante hunc morbum adfuerat, non quidam rediit, sed cutis tamen, tuberculis exasperata, squamas copiose mittebat. Ceterum, sanitate recuperata, vir quotidie sua peragere valuit negotia.

Refectis viribus, ad solitam dietam, valitudini noxiam; reversus, vere insequente in febrem vernalem remittentem, quae tum epidemice grassabatur, incidit, atque octava morbi die vitam aerumnosam finivit.

ANIMADVERSIONES IN PRIOREM CASUM.

§. I.

Quamvis partes genitales viriles ea ratione sint contextae, ut earum laesiones maximo conjungantur periculo, in primis autem abundans telae cellularis & membranarum tenacium earundem copia, vasa innumera, singulari hic modo constructa, & nervi, (qui heic, ob singularem mollitiem & finem, haud procul existentem, insigniori sunt praediti sensibilitate) occasionem praebent verendi, ne laesiones, quae per se minoris momenti judicari possent, hoc loco saepe fiant lethiferae: admirabundi has tamen haud

raro sine jactura vitae gravissime fuisse laesas, atque etiam brevi tempore iterum sanatas, legimus. Ostendunt simul casus frequentius observati, non multo magis retardatam fuisse sanationem, si pars universa destructa, quam si particula tantum laesa fuerit; atque etiam evincunt, laesionem, si non cito, externa vi & instrumentis acutis, unde vulneratio benignioris plerumque indolis esse solet, sed lentius & per causam internam oborta fuerit, naturae tamen & artis ope nonnunquam sanari. Id tamen concedere debemus mala certarum in his membris particularum, aliis multo graviori jungi periculo. Sic laesiones & vulnerationes testium, quam mentulae, epididymidis, quam carnis testium, membri & praecipue glandis atque urethrae, quam scroti, tum quoad symptomata inde ortum ducentia, tum quoad consecutaria, graviores esse, docet experientia.

Plures, impetu se digno, testes, cultro, absciderunt. Tironem artis pistoriae, ut caste viveret, sibi scrotum cum utroque testiculo, sed illaesa virga, uno ictu amputasse BONE-TUS (g) memorat, & vulnus tamen intra tres

(g) Medicina Septent. Lib. III. de imo ventre, Sect. XXX, Cap. X. p. 840.

septimanas fuisse consolidatum . Aliorum quoque narrationes adducit de temerariis ejusmodi operationibus, absque ullo artis praesidio institutis sed quae felicem habuerunt exitum, ut quando Caffri hostibus devictis & captivis genitalia abscindunt, aut sues pueris has partes naturales evellunt; cuius rei exempla HORSTIUS (b) & SCHENKIUS (i) exhibent. Nationes barbaras, Persas, & Turcas, testes & scrotum cum virga interdum excindere, perhibent itineraria. Sutorum quendam, mente ex amore captum, ejusdem fuisse audaciae refert Ill. Eques ab ACREL (k); qua narratione memoratu dignissima, ut & prioribus, non difficili convincimur negotio, vulnerationes has, etsi adeo graves & periculosas, absolutae tamen lethales judicari non posse.

Sed aegritudines lentius exortas & tardius partem affectam consumentes, a quibus plus mali fuerat metuendum, etiam bono profligatas fuisse exitu, novimus. Testes saepe abscessibus, qui suo tempore evacuantur, destructi, pravos non relinquunt effectus. Contunduntur iidem, graviter inflammantur, & inflammatio haec saepissime vel in gangraenam abit, vel etiam totam substan-

(b) Lib. I. Epist. med. Sect. XIX.

(i) Exercitat. Anat. VII. p. 646.

(k) Chirurgiska händelser, pag. 339. Edit. 2.dae .

subsequente aegri restitutione, simulque benignam naturae monstrat operam, subsidio artis denegato, exhibitum, quae tanto majorem movet admirationem, quanto gravior & malignior gangraenae exstitit causa. Observatio igitur a nobis allata notatu est dignissima; cui illustrandae non parum inservient Casus, quos colligere licuit, qui plures gangraenae scrotum corripientis causas ostendunt, & vim naturae reproductricem mirifice extollunt.

Scrotum per *hydropicam intumescensiam* gangraena correptum benigniori naturae opera saepe sanari, luculenta haec docet FABRICII HILDANI observatio (n). Vir quispiam ascite laborabat, cum summa scroti tumefactione, quam sphacelus tandem excepit. Adhibitis, quae in tali casu prodesse solent, remediis, scrotum decidebat & testes nudi conspiciebantur. Ex ulcere tantum profluxit aquae, ut hydrope liberaretur aeger, atque ea per multos annos fruebatur sanitate, ut aliquot etiam liberorum pater existeret. Callosa vero quaedam materia, loco scroti amissi, iam obtegebat testes, & violentiam arcebat externam. Memorat quosque Obs. 77.
 alium,

(n) Observat. & Curat. Chirurg. Cent. I. obs. 18. Baul. 1606

, alium, qui ab obstructione viscerum ascitem patiebatur, sed in quo, per criticam velut expulsionem, aqua in scroto collecta gangraenam efficiebatur. Scrotum partim ope forficis, partim sponte decidebat, ita ut testes, suo spoliari tegmine, aëris injuriis exponerentur. Aqua per ulcus o corpore demissa, sine mora deperdita pars novae cute refarciebatur. Alibi (o) asserit multos se vidisse sphacelo scroti adfectos, quorum tamen nemo convalescit, dum genitales partes, ob raram, spongiosam & humoribus ebriam texturam, ad putrefactionem quam maxime sint pronae, atque ideo in cachexia corporis & labefactione viscerum pudenda in primis corripiantur.

Ejusdem indolis est observatio Cl. STALPART VAN DER VIEL (p) in qua narrat, se senem vidisse hydrocele laborantem, accedente gangraena ad abdomen usque exporrecta & testibus inde nudatis; sanitati vero dum aptis remediis restituebatur, nova cutis cum carnositate quadam, a membrana subcutanea abdominis exorta, testes sensim obtegere valebat. Novum hoc scrotum; pilis & rugis destitutum, testes tam arcte cohibuit, ut moveri intra non possent.

Tom. X.

S

(o) Ibidem Cent. V. obs. 77.

(p) Observat. rarior. Cent. prior. p. 264.

Illustrat quoque hoc argumentum narratio a Cl. ENGEL per Cel. SCHMUCKERT (g) tradita. Militem hydrocele, caput infantis aequans, & enterocoele affligebat. Aquae per acum tricuspidem exitus dabatur; sed intra annum pari quantitate adfoit, atque iterum educta est. Sequenti die, a frigore concepto, vehemens invasit aegrum colica cum cholera & aestus singularis scroti. Gravi enim, ad penem usque pertingente, obsessum erat inflammatione, quae cito citius gangraenam adduxit. Per scarificationes profundas, fomentationes ex decocto chinae, scordio cum sale ammoniaco, & emplastro nigro sulphurato, oleo hyperici mixto, marginibus applicando, externa curatio instituebatur; interne vero decoctum chinae cum vino rhenano propinabatur. Sistebatur hoc modo necrosis, toto jam scroto consumto, & destructae separari incipiebant partes. Quum vero testiculi suis membranis essent denudati; & maculas dudum contraxissent, separationem naturae soli committere minus consultum videbatur; sed scrotum usque ad corpora cavernosa penis cultro tollebatur. Testes ac penis plumaceolis, fomentatione priore madidis, velabantur. Et sic bona, post aliquot

(g) Vermischte chirurgische Schriften, B. I. obs. 16.

dies, insecuta est suppuratio, quam sicca obligatio moderavit. Consolidatione etiam a lateribus & superficie testium orta, novum intra duos menses scrotum, priori simillimum formatum videbatur.

Scrotum *post febres*, velut *metastatice*, a materia febrili prehendi casus docent a Cl. JOSEPHO CAVALLINI DI CEVOLI (r) descripti, ubi non modo maculas memorat penis gangraenosas & destructiones cutis atque substantiae penis, partim a causa venerea, ut in phimosi, partim ab aliis profectas; sed etiam sequentem, nostram illustrantem materiam, narrationem subministrat: Vir 50 annorum, febre remittente laborans, in Nosocomio Florentino fuit receptus. Hac vero propemodum conquiescente, in penem & scrotum dolor acutissimus & gravis inflammatio irruerant. Accessit gangraena circa penem & tumor erysipelatosus, scrotum occupans, enormem eidem addidit magnitudinem. In scroto, gangraena jam demortuo, dum medelam Cl. Auctor meditaretur, incisiones leviores instituebat & postmodum fomentationes antisepticas applicabat, quibus mortua caro

S 2

(r) Collezione istorica di casi chirurgici. Firenze 1762. Tom. I. pag. 123. Obs. 56 & sequ. Obs. 60.

cito decidit, ulcus fuit purgatum, & felicem deum recepit consolidationem. Similem huic alio loco adfert casum, ubi, gangraenoso delapso scroto, testes omni cellulosa membrana exspoliati inveniebantur, etsi illæsi. Sanatio heic quoque sine ullo incommodo residuo peracta fuit.

Post *febres exanthematicas* & *eruptiones cutaneas* scrotum etiam interdum necrosi infestatur; quod sequentia monstrant. Cl. FR. IGNAT. THIERMAYER (f) puerum memorat quinquennem, cujus testiculorum folliculus a variolis copiose expulsi & vehementer pus eructantibus ita fuit exulceratus, ut, ulcere minus apte deligato, is gangraena prorsus destrueretur. Periculum erat, ne testes quoque illa consumerer, quod tamen curandi methodus prudenter adhibita impedivit. Deciduis scilicet partibus sphacelatis, testes, scroto quidem destituti, sed tunica cincti vaginali & sani inventi fuerunt & reliqua curatio adeo feliciter successit, ut novum puero scrotum cresceret.

Cl. CHIZEAU (z) puerum vidit quindecim annorum, qui variolis confluentibus scrotum habuit inflammatum, quod adplicatis emollientibus

(f) Consult. Lib. I. Cap. 8. p. 106.

(z) Journal de Médecine par Mr. Roux Anno 1774., Tom. 41. Meni. Octobris.

gangraena prorsus destruebatur. Sed novum ejus loco adeo celeriter succrevit, ut aeger intra tres septimanas perfectam recuperaret sanitatem: Cicatrix a peripheria versus centrum processit, & penis tardius, quam testiculi nova reclus fuit cute.

KRAMPHER (u) scrotum commemorat, post pruriginem ibi perceptam, sphacelo, velut crisi, adeo prehensum, ut scarificationibus & incisionibus institutis, penitus tandem computruerit. Testes, quia illibati, relinquebantur, sed, decoctis antisepticis obligati, intra duas septimanas novo obtegebantur sacco. Aeger, viribus perfecte restitutis, liberos postea generavit. Ad hunc casum noster forte proxime accedit.

Nemo ignorat *virus venereum* indolem quasi cancrösam interdum induere, tumque saepe mirum in modum depascere genitalia. Si inde originem duxit malum, nec verum canceri miasma, vel hoc priori immixtum partes destruxit (x), spes omnino subest, fore, ut prudenti mercurialium usu nova cutis, laesionem sanatura, renascatur. Gangraenam hujus originis minime ferè periculosam fuisse, licet latius divagata fuerit, experientia docuit.

§ 3

(u) *Blancard Collect. Med. Phys. Cent. 3. obs. 75.*

(x) *Donald Memoire Médical. Transac. Vol. II.*

Gangraenam scroti interdum etiam ab *alio* vitiato ortum ducere, sequens ab Ill. Equite ACREL in nosocomio militari Argentoratensi, ubi Chirurgi munus in se susceperat, Anno 1742 facta, nobisque benigne communicata observatio testatur. A multitudine nempe aegrotantium, æm mensibus Augusti & Septembris adeo corruptum vidit, ut, si cui vulnus quoddam inflictum esset, vel cuiusdam bubo venereus aperiretur, aut vena secaretur, gangraena locum vulneratum mox occuparet; atque etiam loca vesicatoriis exulcerata gangraena infestarentur. Qui scroti laborarunt vitiis (y) & praesertim inflammatione, eandem mox experti sunt tristissimam sortem, ita ut post aliquot dies illud decideret, atque testiculi nudi in aspectum venirent. Interjecto tamen aliquo tempore, & aëre interim repurgato, novus iterum egerminavit saccus, priori haud absimilis. Infantes saepius gangraena scroti, acrimoniae urinae forte tribuenda, corripì, experientia edoctus, asserit. Minus tamen hanc esse periculosam, quoniam novum facilius regeretur infantibus scrotum, autumat.

A *violentia externa* exortas gangraenas scroti narrant varii. Cl. BAURIENNE (z) lanionem

(y) Chirurg. hånd-1st pag 311.

(z) Journal de Médecine Anno 1764. T. 20. Mens. Mart.

45 annorum recenser, cui bovis cornua duas insignes contusiones, os pubis inferiore & dextro latere usque ad perinaeum, & superius atque interius sinistri femoris latus laedentes, infixerunt. Febris quarto die accessit, cum alvi obstructione pertinaci, ac tandem gangraena, quae ad sinistrum femur proserpsit. Exscindebatur quod adfectum erat, sed necrosis exorta, intra paucos dies ad ipsum scrotum sese extendens, illud ita etiam perdiderat, ut incisionibus ex vano tentatis, scroti & dextri testis exstirpatio esset necessaria. Jam vero laesio mitiorem induebat indolem, atque novum testium operculum adeo celeriter excrevit, ut intra duos menses aeger perfecte convalesceret. Minus quidem scrotum renatum erat priore, sed exceptis pilis, nunquam iterum propullulantibus, eidem perfecte simile. Testis relictus cuti adhaerebat.

LE RAULT (a) similem adfert gangraenam assiduæ equitationi, per quam scrotum procul dubio nimis quassatum fuerat, unice tribuendam. Scenâ morbi gravi tumore, per biduum aliquo adhuc sensu prædito, incipiebât. Mox tamen periit sensatio & tertio die linea separationis di-

S 4

(a) Ibidem Anno 1761., T. XVI. mens. Jun.

midio a radice penis spatio pollicis adparuit. Quinto die scrotum in forma pileoli haud difficulter, cum copioso admodum puris fluxu, tolebat. Testes, darto & mediafino scroti spoliati, intacti erant & naturalem servaverant magnitudinem. Jam vero, statu in exoptatiorem vergehte, intra duos menses novum testium adcreverat operculum, pilis, rugis & futura intermedia praeditum, sine ullo prioris lacionis vestigio. Citatur in hunc casum, sane memorabilem, Anglus quidam, non addito nomine, cui hydrocelen causticis curaturo, idem accidit.

CL. TRECOURT (b) sequentem nobis reliquit narrationem, nostro argumento non uno nomine adfinem. Explosione cistae, pulvere pyrio repletae, vir 66 annorum percellebatur, ut non pluribus tantum locis corporis esset vulneratus, sed dimidium etiam scroti, a sinistra parte, praeter lacinias pauciores, easdemque contusas & mortificatas, dilaceratum. Testis etiam propemodum evulsus apparebat & funiculus quinque pollices infra scrotum extensus. Dum excisionem hujus meditabatur Chirurgus, quam ob sublatum scrotum necessariam judicaverat, sub aliquot dierum mora sensum testis reviviscere coepit, &

(b) *Mémoires & observations de Chirurgie*, 1769. p. 455.

seroto dein novo obduci. Aderetum quidem erat testiculo, sed de cetero ex omni parte completum.

Cl. ALIX (c) post gravem contusionem in seroto vehementem inflammationem fuisse insectam asserit, quae, prorsus neglecta, in gangraenam abierat. Aptis adhibitis auxiliis bona promovebatur suppuratio, &, separatis partibus affectis, sanatio demum ope chinae solvebatur.

Venenum viperarum scrotum etiam corrumpere docet casum, quem Celeberrimo C. F. V. SCHULZENHEIM debemus. Rusticus viginti circiter annorum, sanus, & robustus, qui in prato sub dio dormiverat, expergestus, scrotum tumidum, turgidum atque dolens sensit. Causam hujus extumescendiae aeger quidem ignoravit, sed re attentius considerata, scrotum viperæ morfu sub somno laesum fuisse, non ex vano credebatur. Vir autem Cel. aegrum invisens, eundem debilitatum, violentissima febre correptum, & scrotum ejus valde tensum atque inflammatum invenit: quod etiam post aliquot dies, totum contabuit, sed aptis remediis, interjecto quinque septimanarum spatio, novo iterum fuit refartum.

Nonnullae a Medicis conscriptae observatio-

(c) Observat. Chirurg. Fasa, I.

nes causas gangraenae non referunt, sed exitum tantum ostendunt laetum.

Talis est observatio MILLANDI a STEP. BLANCARD (d) adnotata. Gangraena velociter increverat. Forfice scroto usque ad penem ablato, testes etiam ad anserini fere ovi magnitudinem tumefactos & vehementi putredine correptos, suis tamen adhuc vaginis inclusos viderat. Per fomentationes autem antisepticas gangraenae ulterius incrementum impedivit, & felicem demum conscivit curationem.

JOH. BAPT. LAMZVEERDER (e) duos refert sphaeclo prehenso, quibus medicantes unum cum scroto testiculos exstirpare paraverunt, cui vero consilio se opposuit, eo quidem successu, ut aeger uterque sine mutilatione ulla convalescit. Sed haec de exemplis analogis haecenus.

Ex allatis patet, Gangraenam scroti, & quidem ex causis variis ortam, a Medicis antiquo & recentiori aevō fuisse observatam: sed in adolem ipsam gangraenae, peculiaribus characteribus distinguendam, & rationem, qua natura defectum supplere allaboravit, casus supra allati non satis determinant.

(d) Collect. Med.-Phys. Cent. I. obs. 8.

(e) Obs. 28. pag. 250.

§. IV.

Indoles & natura gangraenae difficilior non raro quam credi potest, cognoscitur. Concedamus certis plane fundamentis niti gangraenae omnis distinctionem in *siccam* & *humidam*. Notas certe discretivas satis evidentes posuere auctores, dum in hac, partis succositas non remaneat modo, sed etiam augeatur; unde oedematosa partis exoritur mollities; sed in illa constanter eadem decreseat, ut pars tandem similitudinem inducat siccae & fumo assatae carnis. In *humida*, mortificatio & sensationis abolitio citius, in *sicca* autem tardius augetur, quum in priore nervi citius, quam vasa suam videantur perdere vim vitalem; sed in altera vasorum motus & vis propulsiva omnium primo debilitatur atque extinguatur, nervi autem longe posterius, nempe non nisi post insignia putrescentiae partis indicia vim agendi amittant. Gangraenam siccam ideo interdum acutissimus comitatur dolor, qui rarius humida adfectos cruciat. Sed experientia teste signa enumerata admodum incerta apparent. Mortificatio partis generalissima videri posset gangraenae nota; sed hanc minus stabili fundamento niti, docet apparens illa mortificatio, quae interdum in membris algidis ob-

strevatur. Actio scilicet organica certo gradu sopita existit, motus cessat, sensus est abolitus, continua membri adest rigiditas, licet colorem non mutet, caro, incisione, facta nullum mittit sanguinem, quamvis tenerior & macerata videatur: & vita nihilominus in partem adeo labefactatam revocari potest. Porro, ingruentibus licet insignioribus vitae deficientis indicis, non omnis tamen spes recuperandae vitalitatis sufflamina esse videtur, si observationem rarissimam.

III. DE HAEN (*f*) in mentem revocamus. Hac scilicet demonstrare conatur, gangraenam citra ejus separationem curari posse. Per globulum explosum accepto vulnere, gangraena manum viri enjuspian occupaverat. Livescebat pars illaesa, quam primum pulvis chinae adsumebatur, & gangraena latius divagabatur; sed intra triduum livor disparuit omnis, cute, adipe, carne sanis, decocto corticis epoto, sine ulla separatione. Ter, quaterque eventum eodem repetiit experimentum.

§. V.

Atque, quod ad characterem specierum proprium attinet, novam adoptandam judicamus speciem, quam utpote utriusque characteris par-

(*f*) *Ratio medendi* T. 10. p. 223.

icipem & velut inter utramque positam, *mixtam* vocare licebit. Desideratur in hac mollities & fungositas, quae in *humida* locum habet, sed neque pars adfecta ita exaescit, ut in vera *sicca*. Imminuta quidem deprehenditur vis oscillatoria vasorum, non vero prorsus supita. Putrescentia in hac serius ingruit, quam in *humida*, sed citius tamen erumpere videtur, quam in *sicca*. Quod ad ortam, licet leviozem, intumescenziam circa locum gangraena correptum, quod ad sensum plane deficientem in loco, vel adfecto, vel adficiendo, & quod ad magis purulentam suppurationem, quae exoritur, quando mortuum a vivo separatur, maximam inter hanc & humidam est affinitas. Quemadmodum vero in gangraena sicca praecedens linea rubra adventum ejus, aut incrementum denuntiat, ita etiam in *mixta* evenit. Nullae haec in superficie epidermidis pustulae formantur, ut in *humida*, sed ipsa cutis velut corrugatur & exsiccatur. Aeger interdum aestum & dolorem gravissimum, si non in loco adfecto, tamen circa illum quaeritur.

§. VI.

Quod vero ad dolorem attinet ac phaenomena, quae nervos plus aut minus in hoc morbo pati testantur, tot ea praebent varietates, ut

difficillimum dictu sit, an, quantum & quomodo in gangraena suborta, cujuscunque sit indolis, nervi potissimum sint affecti, & an ab eorum qualicunque laesione prima morbi flamina sint derivanda. Notum est, quod, si nervorum quorundam operationes efficaciter quocunque modo exhibentur, vel fluidi nervei influxus interrumpitur, pars nervis his oppressis ditata, gangraena cito corripitur. Si obstringitur insignis quidam nervorum truncus, effectus cito proditur. Si premitur medulla spinalis, aut quassatur vehementius, atque organismus inde aliqua ex parte turbatur, idem quoque erit eventus. In certis etiam casibus, a materia quadam nervis adhaerente, ut in malignitate humorum generali observamus, stupefcunt nervi, & veluti alterantur vimque vitalem perdunt; quo certo certius gangraena inducitur. Nam vasa hinc vim suam oscillatoriam amittunt; ut irruentes humores nec adducere nec abducere amplius valeant. Gravedinem quandam & stuporem partis antea sentiunt aegri & omnia sub toto morbi curriculo obvenientia symptomata dilucide declarant, in stupefactione & torpore nervorum causam morbi omnino quaerendam esse. In contusionibus violentis, ut in laesionibus per globulos explosos, accidit e. g. ut non modo locus laesus sensum amittat, sed stupor

quidam membri latius diffundatur. Hic autem partem ad mortificationem disponit, atque pro dispari gradu, jam influxum humorum penitus praecludit, adeoque simul extumescentiam impedit, jam vero, effluxum impediens, eandem jugiter auget. Idem quoque interdum evenit, quando pravis nutrimentis humores sunt corrupti. Unde in uno subjecto ab hebetudine nervorum exoriri potest gangraena sicca, & in altero humida. Gangraena itaque sicca sine dolore praesente nonnumquam oboritur.

Alio tempore nervi contrario prorsus modo corripiuntur: non sopitur scilicet, sed augetur quasi eorum vitalitas, vel rectius, materia quaedam acris, quae motum & vim propellentem arteriarum exstringere aut cohibere valuit, sed non statim eundem in nervis praestare potest effectum, eos tamen irritat, vellicat, laceffit: unde fit, ut antequam gangraena infestatur locus atque omnes excluduntur humores, pluribus saepe septimanis antea in parte gelida ardens oriatur dolor, cui vix quidquam excogitari possit simile. Hic etiam post gangraenae accessum durat, ac saepe non ante extinguitur, quam putrefactio vim suam destructivam exseruit. Tum autem dolor eo fortius regionem laesioni vicinam aggreditur, prout gangraena augescit. Sunt tamen in

his cruciatibus gradus, qui, ut reliquae dissimiles nervorum affectiones, naturam gangraenae adeo parum mutare videntur, ut jam cum horribili dolore, jam sine ullo, gangraena observetur siccissima, atque etiam gangraena humida jam cum dolore praecedaneo, jam cum stupore & sensationis deperditione ingruat. Ejusmodi variationes a subjectorum varis constitutionibus multum pendent, & praecipue in gangraena femili (g) & quae frumentis vitiatis debet originem, occurrit. Dolor tamen communissime major esse solet in sicco quam in humido sphacelo, qui sensum nervorum humoribus adfluentibus ac prementibus magis hebetat.

Vera inter gangraenam siccam & humidam differentia in eo consistit, quod aut circulatio in vasis perfectae intercipitur & cohibetur, aut humores libere irruunt, sed difficilius iterum reducuntur, unde vasa destruuntur tandem, vel ad humores superfluos propellendos inepta redduntur. Hinc in gangraena sicca exarescit pars affecta, hinc sanguis non erumpit, si in parte propiore, quae sana videtur, sit incisio, vel si effluit, fuscus est & coagulatus. In humida vero aeger

ve-

velut suffocatur humoribus, qui tandem flagnantes & putridi quasi, per contagium mortificationem propagant, atque totam humorum massam ita saepe solvunt, ut per leviores scarificationes oriantur haemorrhagiae, aegre haud raro sistendae. Gradus interceptionis humorum veram inter omnes tres gangraenae species efficit differentiam, & ratio hujus in natura & indole causae, gangraenam in corpore efficientis diletescit.

§. VII.

Si causam primariam semper perspiceremus eiusque diverso modo & diversa efficacia agentes qualitates, & unam unamquamque causarum speciem ab aliis per certas distinguere possemus notas, minori saepe difficultate malum hoc depascens praecaveremus. Videmus quidem pro diversa indole causarum remotiorum etiam variari phaenomena, atque haec ab illis aliqua ex parte dependere; sed quomodo unaquaeque agat, imperfecta modo novimus experientia. In febribus malignis partes saepe sine praegressa inflammatione gangraenam concipere, & febrem jam velut critice cum gangraena desinere, jam malignos & late serpentes ac depascentes carbunculos atque anthraces, vel cum acri praecedente inflammatione, vel repente, sine praevis violenti-

tioribus symptomatibus, generare experientia docet. Ex venenis quibusdam, animalium morfu vel ictu in corpus introductis, & suis symptomatibus illa referentibus, quae post laesiones partium nervosarum exsurgunt, gangraenam saepe oriri, scimus. Homines mali habitus, pallidi, scorbutici, arthritici, lue venerea, & fluore albo laborantes a levi saepe inflammatione gangraena corripuntur. Post dysenteriam pluresque morbos exanthematicos, male curatos, seu, qui humores vitiarunt, una vel altera pars gangraena infestatur; & inflammationes, ab impuritatibus putridis priamarum viarum ortas, in gangraenam facile abire, saepius est observatum. Inflammationem erysipelatofam, quae minus videri poterat adferre periculi, & in qua cutis colorem vix mutavit, sed pars adfecta frigore singulari & soliditate, illi, quae in inflammationibus observatur dissimili, conjuncta insensibilitate prehenditur gangraenam aliquando generare; atque singularem erysipelatis speciem cum tumore latius extenso, gangraenosas formare ptyctenas latius serpentes, constat. In aetate etiam longius protracta ex causa leviori hoc malum saepe oboriri, atque impeditas evacuationes eundem saepe praestare effectum observarunt Medici. Tales gangraenae, praeter senilem, magis superficiem

vaſant, quam profundiora, & ad mixtas plerumque referri merentur. Sed cujus indolis ſint acredines, quae talem habent effectum, an omnes principio primario conſentiant, atque eodem modo agant, vel etiam, licet diverſae, tamen idem praeſtent, & quomodo in primordiis praeveri, cohiberi aut ſopiri poſſint, nondum dilucide oſtenſum, quamvis ad curationem feliciter inſtituendam hoc maxime foret neceſſarium. Gangraena certe non eſt contagium ſpeciale, ſed omnia plerumque hanc domandi remedia nihil proſunt, nec antea ſiſtitur gangraena, quam cauſſa efficiens exhausta fuerit ac remota. Natura inſuper magiſtra diſcimus, cauſſas interdum eſſe complicatas, ut cauſſa principalis ſimplex admodum eſſe poſſit, ſed acceſſoriae, quales ſunt diarrhoea, preſſio levior externa, maeſtitia &c. prioris maxime augeant efficaciam. Idem de gangraena ſenili valet, ubi atonia vel rigiditas plerumque primaria eſt cauſſa, ſed acceſſoria, ſaepe levis, ut levior contuſio, materia arthritica congeſta, illam reddit validiorem. Decubitus dorſalis continuus per ſe necroſin cauſſari poteſt ſacri oſſis, coxarum, ſcapularum; ſed per irritationem ſaeppiſſime adjuſcitur acris quaedam materia, aut aliae immiſcentur cauſſae acceſſoriae, quae ſtatum reddunt deteriore.

§. VIII.

Causa eiusque agendi ratione dijudicata, cuncta Medico cognitu & paratu sunt faciliora. Sic e. g. gangraenam videt esse metuendam, ubi excrefcentia quaedam, os excretum, aut aliud quodcunque impedimentum majores vasorum ut venarum & arteriarum ductus occludit & nervos comprimit, vel etiam vasa ipsa in provec̃ta aetate osseam induunt indolem. ubi infiltratio lymphae in tela cellulari tonum vasorum plane extinguit, ubi per contusiones violentas organisatio aliqua ex parte est destructa: ubi majori aut minori vasorum & fibrarum irritatione copiosior humorum procuratur affluxus, sed huic non proportionē debita respondet effluxus, atque ideo vita membri effocatur. Fit hoc ultimum in primis per contusiones minus violentas, per divulsiones partium mollium, punctiones & imperfectas incisiones tendinum & expansionum tendinearum, per continuam irritationem sensibilibus partium, aut nervorum imperfectas laesiones, spasticas constrictiones promoveantes. Porro, gangraenam facile generari constat, ubi inflammatio ad summum evchitur fastigium (quae species tamen rarissima esse videtur, cum malignitas quaedam in inflammatione delitescat, quando in

gangraenam abit): item, ubi per nimium caloris aut frigoris gradum vitalitas turbatur & destruitur; aut denique labe humorum putrida corpus corripitur. In his enim casibus vis oscillatoria vasorum nimium intenditur aut relaxatur, ut tandem prorsus agere desinat. Impedimenta vero & causae enumeratae rite cognitae minori difficultate removeri possunt, ita ut vitam saltem servare Medicus valeat, si molesta laesionis vestigia vitari nequeunt.

§. IX.

Nec minus consultum foret singularium quorundam phaenomenorum nosse causam; ex. gr. cur necrosis in uno individuo rapidissimum habeat progressum & cursum parentissimum intra nycthemeron absolvat, cum tamen causa specialis, tam vehementer agens, detegi nequeat; in alio autem non intra annum figatur & incrementum sistat tardissimum: cur in nonnullis constrictionibus partium nervosarum gangraenae singulari velocitate progrediantur, sed sine multa in parte morbida intumescencia & commutatione coloris, ut caro tantum pallidior evadat & serositate saniosa penetretur: quomodo locum mutare gangraena possit, e. g. a brachiis ad crura & sic porro: qui fiat, ut gangraena jam sine

prævia inflammatione oriatur, jam inflammatio pro effectu gangraenae haberi queat: quæ ratio sit gangraenae, quæ interdum epidemice grassari observatur: quomodo inflammationes membrarum ossium, nisi mature discindantur, suppurationes excitare possint gangraenosas: unde eveniat quod gangraena senilis, partes carnosas corripiciens, multo velocius serpat, quam ubi cutis tantum infestatur: quænam ratio sit, cur gangraena, antequam latius divagata fuerit, aut partem vitæ necessariam occupaverit, aut febrem excitaverit, subito mortem interdum adferat. Sed quis hæc omnia sufficienter explicet?

§. X.

Ex allatis constat, multa, quæ ad cognitionem gangraenae pertinent, adhuc ignorari, & valde periculosum esse in Prognosi aut Cura morbi hujus certam sibi constituere regulam, aut normam ubique imitandam. Quod vero dudum novimus, egregium nobis adfert usum, cum doceat, non in omni gangraena pari modo esse procedendum, neque ab uno eodemque remedio ceteroquin optimo, in omni casu eundem effectum expectandum. Pro varietate enim causarum methodus curandi variare debet. Didicimus e. g. in gangraena, quæ senes haud raro inva-

dit, Opium singularem proderet efficaciam: sed frustra tamen hoc intempestive utimur medicamento, ubi atonia perfecta, vel strictura, seu exarescentia vasorum in causa est. In gangraena vero, ubi a credo quaedam irritat nervos, illud remedium omnino est validum. Sed ubi nervi ob torporem & stuporem affligi videntur ad Valerianam, Sal volatile cornu cervi, Arnicam, Theriacam, Vinum, Vesicatoria & reliqua similia confugimus. Cortex chinae heroicis plane medicamentis adversus gangraenam merito adnumeratur, quia humores corrigit, putredini efficaciter resistit & vires firmat; atque in eundem finem Arnicae radix & Serpentaria virginiana vim suam ostenderent; sed in summo inflammationis gradu, ad gangraenam praecavendam minime chinae corticem porrigendum existimo. Atque etiam, ubi causa est localis, ubi in loco affecto irritatio continua, fibras crispans & humores jugiter alliciens, nulla vero humorum putredo adest, ubi gangraena localis ab externa causa in corpore sano exorta est, ubi gradum jam sistit & linea separationis valde est inflammata, ubi denique febris inflammatoria gangraenae est adnexa, malum potius quam bonum china praestat effectum. In gangraenis cito augescentibus raro etiam china prodesse solet.

298

Dantur tamen casus, ubi china in initio quidem foret noxia, sed sub decursu morbi, ob putrilaginem absorptam, sit necessaria.

In gangraenis, quae criticae existimari possunt, utpote post febres accedentes, aut ab acedine quadam universali, sed certo jam loco, quasi fixa, exortis, aut post contusiones exardescuntibus, frustra id agitur, ut sistantur, antequam causa removeretur, & pars adfecta destruitur. Unicum commodum inde sperandum, quod partes adhuc sanae servari forte possint, ne absorpta putrilagine citius infestentur, atque ita propagatio per contagium praecaveatur. Praematuras interim amputationes, & ad carnem usque vivam scarificationes nihil prodesse, plurimum vero saepissime nocere deprehendimus. Si exspectamus donec natura per suppurationem limites inter viva & mortua definiverit & putredinem inde metuendam antisepticiis impedire studemus, tutiorem utique ad curam absolvendam eligimus viam. Legantur pulcerrimae circa amputationem cautellae ab Ill. RICHTER traditae (b).

Scarificationes in mortua carne tamen nequaquam rejicimus, sed utilissimas judicamus, quoniam

(b) Chirurg. Biblioth. T. IV. V. Item Anfangsgründe der Wundarzneykunst; B. I. p. 79. & seqq.

humoribus congestis per has via emanandi conceditur, tumor in gangraena humida imminuitur, putredo, odor teter, atque periculum contagii & absorptionis praecavetur. Praeterea sic remedia antiputredinosa adplicata efficacius agunt. Hac vero in illis instituendis cautione opus est, ne in carnem vivam penetrent, utpote quae denudata citius corrumpitur, & absorptio putridi promovetur. In gangraena humida scarificationes magis sunt necessariae, quam in sicca, atque etiam in profunda magis, quam in superficiali. Ubi vero adjacentia vehementiori infestantur inflammatione, scarificatio commoda esse nequit, eum per hanc facile quod adhuc sanum est irritari possit, & remedia penetrantiora, externe adhibita, suam vehementius exserere vim irritandi.

§. XI.

In remediis externis eligendis non sufficiens in praxi delectus videtur adhiberi. Plerique hoc nnum intendere videntur, ut parti robur addant, putrescentiae resistent, & in parte certo gradu mortificata, aliquam, si fieri possit, vitam revocent. Habemus hunc in finem remedia efficacissima, nempe amara, adstringentia, aromatica, spiritiuosa, quaedam salia & acria. Sed haec in certis casibus, quantumvis utilia, maximam ta-

men perniciem adferunt, quando specialis quaedam acredo, quae gangraenam attulit & vitium aliquod locale, cuiuscunque sit indolis, perpetuam in loco efficiunt irritationem, vel circa locum jam emortuum viva admodum inflammatio existit, quae partem constanter vellicat. In hac certe rerum conditione emollientia, relaxantia & suppurationem promoventia exoptatorem praestabunt effectum.

§. XII.

Ubi vero status talis est, qualem casus indicat a nobis allatus, in quo quidem arthritica, rheumatica & scorbutica labe contaminatis prius humoribus, acredo quaedam specialis accessit, quae, metastatice ad scrotum delata, suffocantem efficit irritationem, sed nihilominus a symptomatibus, qualitate laesionis & reliqua aegrotantis conditione, vis vitalis magis deficiens, quam abundansprehenditur, remedia utique heic adhibita, quae multiplici modo variari possunt, non negligi debent. In suppuratione copiosa, ne colliquescat nimis cellulosa, arida & in forma pulveris, parcioti autem potius in forma pulvis adplicari debent. Novimus praeterea chinam, scorbutica & rheumatica acredine humores contaminatos corrigere, eorumque deleterium effectum impedire.

§. XIII.

Suppuratio, qua caro vita destituta ab ali-
hinc sana separatur, promoveri omnino debet;
quod tutissime efficitur, si vis vitae in parte af-
fecta iusto servatur gradu, ut nec intensa nimium
sit, nec debilitata. Obtinetur hoc modo supra
indagato, rarius autem unguentis, quia pinguis
in plerisque gangraenae casibus nocent. Id prae-
terea, quod in primis intendimus, non aequè
bene praestare videntur, ac alia relaxantia, sed
gangraenae in molli cellulosa incrementum pro-
moverent, & suppurationem magis putridam red-
dunt atque acrem. Cernebatur hoc manifesto in
aegro hoc Upsalienti, & idem alii in gangraenis
partium membranarum dudum observarunt.

Singulares haec purulenta & semiputrida sup-
puratio habet proprietates. Facile perspicitur ejus-
dem origo, quum pus e vasis sanis excretum,
putridis misceatur particulis, in parte mortificata
condensatis: sed difficilior forte percipitur, quod,
quum alias nihil magis sanationem ulceris impe-
diat, quam mala & requisitis necessariis non
praedita suppuratio, in sphacelo, putrida licet
eadem sit, & ulcus impurum, sanatio tamen
illius clanculum peragatur. Non quidem nos fu-
git, aliis idem phaenomenon, maxime singula-

re, visum fuisse, sed in paucis forte casibus, cum suppuratio, adhibitis licet remediis efficacissimis, corrigi non posset, & ulcus neque in marginibus, neque in fundo indolem reciperet ulceri sanando adcommodatum, minor affulsit spes perfectae restitutionis. Sed natura, si operationibus ejus non resistimus, etiam opinionem omnium celerius ad scopum saepe pertingit propositum.

Neque reticendum, quod per sex septimanas testes scroto nudati erant, atque ab initio etiam tumentes, sed nihilominus, ab aëris accessu nullum contrahentes damnum, pristinam iterum recuperarunt formam. Resistunt igitur putredini efficacius, quam communiter creditur, atque etiam correpti, malo iterum liberantur. Itaque exstirpatio eorum praematura in tali morbo, sub spe celerioris sanationis, sufficienti ratione per casus allegatos rejicitur.

A peripheria ad centrum, aequae ac in aliis ulceribus procedebat sanatio, quae prolongationi marginum prioris cutis eo minus tribui potest, quod scrotum renatum priori parem haberet formam & magnitudinem, itemque rugis transversalibus, mediastino & futura intermedia esset munitum, nec testibus adhaereret, nec materiam referret callosam interjectam & cicatricem. Corrigebatur etiam scrotum novum, admissio frige-

re, ut alias solet. Cicatrix praeterea minimam effecit novi sacci partem, mollisque fuit & aequalis, quamvis labia ulceris, dum primum coirent, dura essent & aspera. / Pili non repullularunt, quia aetatem, qua generantur, aeger transigerat.

Sic vero novum habemus specimen resorptae in corpus scabiei, quae tristem prodit effectum, atque etiam documentum novum luculentissimum, vim naturae reproductricem, partes a tela cellulari conformatas a destructione restituentem, confirmans.



ADOLPHI MURRAY

ANAT. ET CHIRURG. PROF. UPSALIENSIS

Dissertatio Anatomico-Chirurgica

DE CIRSOCELE.

UPSALIAE. MDCCLXXXIV.

PROOEMIUM.

MORborum Scroti & Testium descriptiones qui perlegerit, & antiquorum circa sedem & naturam eorundem opiniones cum recentissimis comparaverit, nullo observabit negotio, non omni tempore eandem de his morbis propositam fuisse theoriā, nec eandem in levandis illis medelam. Quae quidem varietas, si morbi etiam alii quam plurimi considerentur, est obvia; veteribus enim haud raro impedimento erat imperfecta structurae corporis ejusque functionum cognitio, tum permultis praejudicatis circa morborum causas sententiis usque eo abrepti deprehenduntur, ut necesse esset post secutis medicis, ubi veriora repererant, ab illis dissentire. Sed

tamen morbus si spectetur, quem nunc describere est animus, adeo non deferenda observamus, quae de illo veteres docuere, ut, quod sane mireris, a CELSO tradita ejus explicatio, ob suam cum phaenomenis observatis & structura partium convenientiam, adhuc dum veluti vigeat, & a recentiorum repetitis observationibus novum robur accepisse videatur. In sedem scilicet & genesin hujus affectus inquirentibus, quaestio illa sese offert enodanda, utrum a Venis Spermaticis tumefactis, ut vulgo cum CELSO creditur, an potius ab Epididymide turgida & dissoluta Tumor hic capiat originem.

Hac vero disquisitione, in cura morbi instituenda maxime necessaria, quis unquam sine subtiliore partium cognitione, sine accurata descriptionum a fide dignissimis Observatoribus exhibitarum ponderatione, & sine scrupulosiore aegrotorum eo morbo affectorum examine, desungeretur? Utramque enim theoriam speciosis niti argumentis, & suam prae se ferre veri similitudinem certissimum est, sed si quis error in alterutra opinione subreperit, is inde ortum forsam duxit, quod hicce morbus cum aliis saepissime conjungatur, atque rarius Chirurgis contingat, illum a primo ortu per omnia sua stadia examinare.

Quum igitur nonnulli Cirfocele laborantes curae D. PRAESIDIS se submiserint, & ego diu ambiguus haeserim, utri opinioni sit assensuendum, meditationes qualescumque, de hujus morbi natura in Specimine graduali jam edendo proponere constitui; idque ea ratione, ut partium hoc morbo affici solitarum, descriptionem praemitterem. In hac quidem exhibenda immortales Viros REGNERUM DE GRAAF, ALEXANDRUM MONRO & HALLERUM tantum non omnem absolvisse paginam fatendum est, quum vero sententiae circa morbi genesis robur ex Anatome sit petendum, apud Lectorem, minus in arte versatorum, gratiam me hac digressionem, perspicuitatem adjuvante, initurum spero.

DESCRIPTIO ANATOMICA FUNICULI ET TESTIS.

Fasciculus vasorum, quem ob ejus cum fune similitudinem usumque *Funiculi spermatici* nomine insigniverunt anatomicae Scientiae Patres, etsi mediocris sit crassitie, magnam tamen continet omnis generis vasorum copiam. Cute atque tunica extima cellulari, quam dathos nuncupant, ablata, teres statim funiculus, molli tantum cellulari

lulari textu partes coercente obvolutus, offenditur, ejusque ab annulo abdominali ad testem observatur progressio. Adeuratus vero rem per-
lustranti mox tenuis musculosa vagina, extus chordam obducens, in conspectum venit, quae demum, extimam testis membranam formatura, membranae vaginali testis veluti adglutinatur. Tela vero cellularis illam cum vasculis intus latentibus jungit, eaque postmodum, inter omnia circumrepens vasa, in vasculorum comitatu testis immittitur, atque etiam cum areolis telae cellularis peritonei diffunditur. Ex latioribus laminis contexta esse videtur, unde areolae ejus, aëre repletae, bullas ampliores formant, eaque ipsa a nonnullis *Membrana vaginalis* funiculi fuit appellata.

Funiculus ipse ex vasis arteriosis, venosis & lymphaticis conflatur, quibus immiscentur nervi, atque postica in parte adjungitur vas deferens. A praedicta musculosa membrana illud minus obtegatur, sed proprium videtur acquisivisse fasciculum carneum, a priori vagina ad vas illud, quod obducit, aberrantem. Crassities funiculi in abdomine sensim ita decrescit, ut prope renes ex binis vel tribus tantum vasculis formatus inveniat.

Quod ad vasa in genere spectat, horum

Tom. X.

V

nonnulla, in teste ejusve funiculo consumta, proprie ad testem pertinere, alia autem aliis partibus dicata esse, adeoque improprie Spermatice dici, observamus. Eadem de nervis valet observatio.

ARTERIARUM princeps est *Spermatice*, quae ex Aorta nata, sub suo per abdomen pone peritoneum descensu furculos quidem ad adipem renalem, duodenum, mesocolon, uretheres, peritoneum, glandulasque lumbales dejicit, & extra annulum ramulos in cremastere, tela cellulosa funiculi, tunica dartos, vasorum membranisque septoque scroti oberrantes emittit; demum tamen prope testem, priore diametro conservato, in quinque dispescitur ramos, quorum tres substantiae testis, reliqui epididymidi immergantur. Arteria *spermatice altera*, quae saepe desideratur, ab *obturatoria* vel *epigastrica* enascitur, dumque annulum permeavit, in plures dividitur arterias, in cremasterem, adipem pubis, dartos, funiculi massam, epididymidem, tunicamque vaginalem dimittendas, atque etiam plures init cum arteriis *puentalibus* conjunctiones. Hae vero cum a *femorali*, tum a *puenda communi* ortum ducunt. Priores nomine *puendae externae superioris, mediae & externae inferioris* insigniuntur, praeterque alios furculos, quosdam

scroto & superficiei funiculi largiuntur. Reliquae autem, ab arteria *perinaea superficiali* & *dorsae penis superficiali* productae, propagines quasdam, cum prioribus omnibus plus minus frequentes copulas ineuntes, scroto & interiori atque posteriori superficiei funiculi injungunt. Sed haec de arteriis.

VENARUM dispositio, etsi vario modo cum arteriis conveniat, sequentia tamen haec prodit memoranda. Eae scilicet, quae ex teste, tunica ejus vaginali atque epididymide praecipue prodeunt, dum a funiculo, cujus primariam constituent crassitiem, recipiuntur, in plures insignes & sub progressu veluti multiplicatos abeunt trunculos. Hi fasciculo collecti, sub *plexus* vel *corporis pampiniformis* nomine noti, inter psoam musculum & peritoneum, atque pone flexionem iliacam in sinistro latere, ad renes sensim sese conferunt, sed simul ita inter se confluant, & numero decrescunt, ut demum ex omnibus unicum tantum vasculum, duas fere lineas latum, dextrum quidem in *vena cava*, in *vena renali* sinistrum aperiatur. Si vena spermatica sinistra, quo venam cavam attingat, transgreditur aortam, hujus vehementior pulsatio non potest non transgressui sanguinis impedimento esse. Sinistra etiam plures, qua finis locum, offert varietates, quam

dextra. In utroque tamen latere duplices & triplices, & tam in *vena cava*, quam *renali*, vel *lumbali* quadam & *azyga* desinentes, observantur Anatomici.

Diametrum trunci prope insertionem multo arctiorem esse amplitudine ramorum communi, quisque intelligit. Sed praeterea hicce plexus id singulare offert, quod numerosae & incerti numeri & magnitudinis venae prope testem duplices forment fasciculos, quorum is, qui ex teste prodit, ab altero ex epididymide & tunica vaginali collecto, & in vasis deferentis sodalitis superiora petente, sejunctus apparet. Paulo superius tamen ramis lateralibus coeuntibus invicem conjunguntur, simulque alterius fasciculi venae eodem modo inter se copulantur; ita ut, si artis ope liquoribus repleta massa aliquantum diffundatur, illa irregulare veluti rete formare videatur. Observamus ea encheiresi etiam majoribus trunculis minores esse immixtos & ramos illos conjungentes situ, magnitudine, directione infinite variare, multis tamen serpentinis & in gyros ductis ramis massae volumen adaugeri. Ex pluribus minoribus venis major saepe conflatur truncus, jam vero iterum is saepe in plures se findit furculos. Tunicae vaginalis autem venae, dum in membrana hac circumrepunt, sin-

gulare rete formant, quod demum in majores ramos abit, cum plexu epididymidis, ut diximus, connectendos. Statu integro & sano trunci majores diametrum lineae dimidiaae parum superant, sed a minimo in circuitu sanguinis impedimento cito citius intumescunt, & naturalem amplitudinem multipliciter superant. Iniectione anatomica minores ramos ad calami scriptorii magnitudinem facillime extendimus, inque morbis idem cito fieri, quotidiana testatur experientia. Observavit etiam Illustr. HALLER (a), venae cavae trunco infarcto, venam spermaticam ad pollicis magnitudinem dilatatam, omnem inferiorum articulorum sanguinem ad cor transmississe.

Venis spermaticis in abdominis cavo venae quaedam lumbales, adiposae, renales & urethricae, & extra annulum plures venarum pudendarum furculi adjunguntur. Nam arteriarum more *vena epigastrica*, *saphaena externa* & *pudenda communis* furculos pudendos externos plures, etsi numero variantes, recipiunt, qui in cute scroti, septo & dartho circumerrant, & quorum nonnulli, a cremastere & funiculo suos petentes na-

V 3

(a) Opera Pathol. Obs. XXIV. Opera min. T. III. p. 204.

tales, cum plexus pampiniformis ramis communicant.

Valvulis haecce vasa esse munita nemo, qui antiquorum & recentiorum de iis exhibitae descriptiones, iconesque ab Illustri MONRO factas attente examinaverit, in dubium vocabit. Id tamen observandum, subcutaneas venas, quam corpus pampiniforme, frequentioribus praeditas esse ejusmodi munimentis, inque illo majores tantum trunculos, locis longius a se invicem remotis, ditari. Hinc Ill. MONRO valvulas has describens, asserit „ se in hac vena & numero & loco varias invenisse, vel scilicet ad ostium, vel in venae trunco infra ostium, vel in ramis majoribus, in plerisque unum tantum par, in aliis duo, in aliis quinque ad sex paria “.

VASORUM LYMPHATICORUM insigni copia hic collectorum fasciculos, ordines veluti formare duplices, quorum prior ex testis superficie, albuginea atque funiculi tela cellulari erumpit, alter vero ex intima testis carne suas radices educit, subtilior docuit Anatome (b). Tum autem haec per funiculum, latins sparsa, cum

(b) Circa ortum & variam vasorum lymphaticorum naturam, Clarissimi Jant Bleuland experimentum, quo arteriolarum lymphaticarum existentia probabiliter adstruitur, Lugd. Bat. 1784, legi meretur.

illo ad abdomen sese conferunt, quo commune demum chyli receptaculum attingant. Profundius in funiculo latentia vasa, ad quinque usque ex ipso testis rete emitti Ill. MONRO narrat, qui, vas deferens & epididymidem mercurio currente repleturus, ea simul ex improvise impleta vidit: immo etiam Cl. NICHOLLS flatu eadem vasa, contuso prius teste, visibilia reddidit. Ab his superfluum & ad vesiculas seminales non delatum prolificum liquorem absorberi posse vix dubito; suspicor tamen illorum ope tenuiorem & aquosiores tantum liquorem abduci, crassiorem vero per *vas illud deferens secundum*, quod Ill. MONRO detexit quodque, ut res mihi visa est, ex epididymidis cauda est derivandum, excerni. Ullas, neque Ill. FELICI FONTANA, cujus felicem in detegenda partium subtiliori structura successum agnoscimus, nec mihi contigit in hoc ductu, ut Ill. MONRO, valvulas observare, sed frequentiores & presse sibi invicem adpositas flexiones vasculo nodulosam tribuere superficiem. A funiculi valis circumcinctum prope vas deferens majus ad annulum adscendit, tum vero oculorum aciei sese subtrahere videtur; utrum vero, ut ego quidem crediderim, jam a vena quadam adjacente recipiatur, an in vena quadam lymphatica se exoneret, dictu erit difficile. Narravit

mhi Dominus PRAESES se in Cirfocele cum Spermatocoele complicata, tam hocce vasculum, quam vas deferens primarium per plures dies turgidum sentisse, quo simul tempore ipsa testis substantia cum dolorifica tensione crescebat.

NERVI summam sentiendi vim testibus & scroto suppeditant, qui subtiles licet, ex variis colliguntur radicibus, varia ratione ortum ducentibus. Singulari nempe *plexui spermatico*, ex quibusdam plexus renalis, mesenterici medii, & ipsius trunci intercostalis nervis conflato, alii a primo, secundo & tertio pare nervorum *lumbalium*, alii a nervo *puddendali scrotali* orti, sese adiungunt. Plexus ipse in abdomine vasis spermaticis se admiscet, cumque illo per annulum excurrans testem attingit, huicque demum & epididymidi se pluribus furculis immergit. Prior & anterior primi & secundi paris lumbalium ramus per annulum ad funiculum migrat, quidam autem ejus furculi in scroto consumuntur, pauciores in ipso funiculo. Alius vero major ex secundo pare viam ad scrotum sub arcu crurali sibi parans, plures fibras ad cutem ejusdem atque alias, ad funiculum testemque derivandas, dimittit. Eandem viam alius nervus legit ex tertio pare productus; sed omnes hi nervi id commune habent, quod inter se vario modo in-

retiantur. Nervus *pudendalis scrotalis*, qui suas ex ossis sacri nervis radices colligit, eo modo nervos funiculo & testis impertit, ut truncus, tuberis ischii marginem relegens, antrorsum fasciculum nerveum emittat, partim in scroti posteriore globo, partim etiam in funiculi posteriore superficie consumendum. Ex his fibrillis quasdam inter epididymidem & testem cursum sistere observavi.

Haec, quam dedi, nervorum enumeratio, quae certe dignissima est, ut ulterius anatomicorum scrutinio subjiciatur, causam sufficienter explicat maximae sensibilitatis in teste reperiundae.

STRUCTURA interior testiculi ampla hic discussione non eget. Notissimum est, pulpam ejus ex flavo & rubicundo cineream in plures lobos per septa fortiora, a testis albuginea ejecta & vascula conducentia, esse divisam; hos vero lobos a fasciculis longis ductuum seminiferorum, mollissimorum & intortorum formari, eosque ductus, calculo comuni comprehensos, longitudinem 5208 pedum conficere. Ductus ipsi, prout animalia plus minus voluptatibus sint dedita, vel caste vivunt, vel etiam ad veneris usum uberius incitantur, magnitudine variant. In adolescentia & senectute etiam tenuiores sunt, quam virili aetate, ubi maxime turgent. Ab hydrocele in-

terna & suppuratione vel in liquamen resolvuntur, vel etiam sejuncti & dissoluti exarescunt. A nimia vero humorum copia interdum distenduntur & crassescunt, sed tam arcto semper gaudent lumine, ut omnem per epididymidem injectam materiam respuant. Ad superiorem testis oram sensim idemum delati, rectius incedunt, atque ita *vasa* sic dicta *recta* formant. Hec insigniter crescunt, simulque se *corpori Higmiano* immergunt.

Formatur illud corpus ex parallelis, undulatis, inter se communicantibus atque cellulari tela revinctis vasis, & per longitudinem testis in loco, quo epididymis illum obtegit, sub albuginea extenditur. Sicut vero illud ab inferiore parte vasa recta recepit, ita etiam *vasa efferentia* in epididymidem ablegat. Haec ad triginta usque recto quidem ductu albugineam penetrant, tum vero singulari ratione contortuplicantur, gyrique eorum cellulosa tela revincti, glomos formant conicos, quorum bases extra testem superiora spectant. *Conos vasculosos* appellavit Ill. HALLER, & omnes simul summi & ab albuginea testis, caput epididymidis formant.

Conorum vasa sensim in unicum vas conflunt, quod licet externae crassius, reapse tamen acriore gaudet lumine, quam vasa efferent-

tia. Angustia vero ejus longitudine compensatur. Etenim haec, contortionibus ejus maceratione evolutis, triginta pedes aequat. Tota epididymis, testis imposita, & in caudam attenuata, ab unico hoc longissimo vase conflatur. Sed hoc ipsum prope caudam lumen amplius acquirens & minus tortuosos formans gyros, in *Vas deferens* abit. Gyri scilicet ultimi majores, ex caudaeducti, marginem epididymidis ad caput usque relegunt, tumque vas perfecte rectum in posteriore funiculi superficie ad annulum contendit, & per illum in abdomine pone vesicam ad vesiculas seminales properat. Id praeterea singulare prodit, quod, exigua licet tantum seta in ductum subeat, tenacissima & firmissima ejus membrana diametrum illi lineae integrae tribuat. Ostium ejus arteriarum instar riget & difficilius comprimitur. Ductui huic vim inesse singularem elasticam, ita ut discissi ejus fines velocitate quadam contrahantur, observavit Cel AD. FREDER. VOGEL (c).

DENOMINATIO MORBI.

Qui omnes morbos ad certas referendos esse classes putarunt, Cirrocelen Herniarum spuriarum

(c) Chirurgische Wahrnehmungen, Samol I. 1778. p. 59.

phalangi adsociare non dubitarunt, utpote morbum a valis scroti & funiculi varicose tumentibus natum, & cum aliis has partes adgredientibus herniis cognatione junctum. Crediderunt tamen signa collecta illam ab omnibus aliis nullo distinguere negotio. Quam parum autem criteria haec suffecerint, quam parum emolumenti Diagnosis ex distinctione morbi in novas species, quam auctores illi dederunt, ceperit, ipsa eorum scripta satis superque indicant. CORNELIUS CELSUS (d) hanc unam ex omnibus Herniis *Ramicis* nomine designat, additque eam Graecos *Κιστοκίλην* appellare, cum venae intumescant. Quas intortas & conglomeratas, jam scrotum implere, jam vero testes eorumque nervos (funiculos) adgredi, simulque testem deducere & emaciare, utpote alimento amisso, asserit. Discrimen vero, quod circa locum affectum CELSUS adnotavit, GABRIELI FALLOPIO (e) & FABRICIO AB AQUA-PENDENTE (f) ansam dedit, ut morbum, quem *Herniam varicosam* appellarunt, in species distinguerent: ita ut eam *Herniam* proprie *varicosam* is nominaret, in

(d) De Medicina, cura Almeloveen, Roterodami 1750. p. 418.

(e) Opera genuina, Venetiis 1606. T. III. p. 96.

(f) Opera Chirurg. Patavii 1647. T. I. Lib. I. Cap. XXIII. & XXX.

quæ vasa in exteriori parte bursae dilatata essent, alteram vero *Ramicem*, dum in interna scroti parte intumescerent; hic vero in cura morbi adverrendum esse dicit, quo in loco consistent varices, num in venis scroti, vel tunica proxima darthos, aut in vaginali, aut corpore ipsius testiculi. Tumida itaque hæc vasa cum varicibus compararunt, atque antiqua morbi denominatio, *Ramicis* scilicet *varicosi*. *Cirrocetes* & *Varicoetes*, quam ad nostra tempora delatam videmus, novam non amplius subiit mutationem.

Sed veterum memorata morbi in species distinctio recentioribus etiam arrisit bene multis, diversis nominibus aliam tantum significationem tribuentibus. Sic per *Varicoelen* & *Cirrocelen* diversas intelligebant species & his demum addebant *Spermatocelen*, in qua similis turgescencia in vasculis genituram ducentibus oboritur. Per *Varicoelen* itaque Celeberrimi Viri DIONIS (g), VILLARS, ELLER (h), SHARP (i), POTT (k), ALEX. MONRO (l), TANARON (m),

(g) Cours d'Opérations de Chirurgie. Paris 1750. p. 377.

(h) Vollständige Chirurgie, Berlin 1763 p. 672.

(i) Recherches crit. sur l'état de la Chir. trad. par Jault. Paris p. 124.

(k) The Surgical Works, London 1779. Vol II. p. 429.

(l) Medical Essays d' Edimbourg vol. V. pars I. ed. germanica p. 407. Is tamen nomina specierum ita subvertit, ut *Cirrocelen* appellet id, quod alii *Varicoelen* nominant.

(m) Opere Chirurgiche, Lucca 1763. T. II. pag. 183.

CALLISEN (n), alii, venarum scroti atque dothos intumescantiam significabant, & per *Circocelen* venarum funiculi, testis, membranae vaginalis ejusdem, atque epididymidis turgescantiam. Quod ad *Spermatocelen* attinet, cujus tamen specialis investigatio minus scriptores occupasse videtur, eam quidem in epididymidis & testis vasculis spermaticis residere arguunt, sed num vasa haec eodem ac venae modo dilatentur, vel potius tantum totum corpus expandatur, non distincte satis omnes docere videntur. Sic **CEL. LE DRAN** (o) causam mali etiam capiti gallinaginis adscribens, intumescantiam molliorem epididymidis *spermatocelen* appellat **CEL. PORTAL** (p) autem in hoc morbo, quem a varicocele probe distinguit, vasa spermatica testis, epididymidis eaque, quae a funiculo jam recepta sunt, turgescere statuit. **ALEXAND. MONRO & CALLISEN** harum partium turgescantiae duritiem insolitam adjungunt, quam a transitu seminis per vas deferens impedito oriri

(n) Institutiones chirurgicae, Hafniae 1777. p. 159, 275. Varicocele tamen apud illum genus singulare constituit, cujus sedes ad vas deferens epididymidem & testem deducitur, & Circocole speciebus Sarcocoles adnumeratur.

(o) Consultations sur la plus part des Maladies de Chirurgie p. 340.

(p) Précis de Chirurgie pratique. p. 677. Leg. *Morand* Opusculum de Chir. P. 2. p. 171. Item *Planck* de tumoribus p. 226.

dicunt. ZACH. VOGEL (q) demum spermato-
celen epididymidis ab illa, quae totum testem
occupat, distinguere cupit, & observatione pul-
cherrima docet, vasis sanguineis sanis nodisque
destitutis vas deferens durum fuisse & plane ob-
structum: epididymis quoque triplo majorem in-
duerat magnitudinem, testisque tumefacti sub-
stantia ferme dissoluta fuit. Etsi igitur de tu-
moris natura & vasculorum commutatione non-
dum perfecte sumus edocti, morbum tamen sin-
gulare constituere genus videmus.

Sed distinctio morbi in Varicocelen & Cir-
socelen mox inter plures obsolevit. Cum enim
dilatationes venarum scroti nihil singulare &
quod ab aliis varicibus differret, ostendant, &
praeterea, ut monet Cel. SHARP (r), varices
scroti symptomaticae tantum in morbis ejusdem,
venas dilatantibus, ingruant, specialem disqui-
sitionem non merentur. Varicoceles & circosceles
nomine itaque vel utroque promiscue utuntur,
vel etiam horum tantum alterutrum in scriptis
suis adhibent.

Quisque ita per *Circoscelen* cum suis syno-
nymis tumorem intelligit funiculi inaequalem

[q] Anat. - Chir. Med. Beobachtungen.

[r] l. c.

tensumque, in quo turgidae, calami straminei vel scriptorii, vel intestinorum avium, vel, ut ARANTIUS (r^o) dicit, digitorum crassitiem habentes, atque inter se, lumbricorum glomeris instar contortae chordae distinguuntur, & quorum pondere testis in sacco suo deprimitur. Vasculorum esse congeriem, quae hanc singularem massam formant, primus rei aspectus demonstrat, sed cujusnam haec sint indolis, utrum venae, an quae genituram ducunt, & utrum ea tantum vasa, quae in ipso funiculo reperiuntur, an quoque illa, quae epididymidem & testem intrant, dicto modo evolvantur, quaestio est difficilior enodatu. Ex dictis quidem opinio auctorum de sede mali generalis eluxit, & status controversiae in eo in primis verti videtur, num morbus tantum in funiculi vasa venosa, an etiam ulterius saeviat. Atque ad hanc quoque diverso modo responderunt. Nonnulli enim pampiniformi tantum, alii vasis spermaticis arteriosis, venosis & lymphaticis in genere malum assignant, alii vero non solum funiculi venis, sed etiam reliquis ad epididymidem, testem, tunicam ejus vaginalem, vasque deferens

per-

[r^o] De humano foetu, Ven. 1587. p. 247.

pertinentibus, turgescientiam adscriberunt: Venis itaque in genere tumoris generationem multi imputant. Sed recentiorum notatu dignissimae observationes docent, multum abesse, quin priorum sententiam libere, & sine ulla limitatione amplecti possimus. Videlicet, plures casus aperte demonstrarunt, in graviore statu morbum veluti latius divagari, & ipsum epididymidis vas atque vas deferens simili ac venas modo adgredi, novisque his turgidis partibus tumoris volumen insigniter adaugeri. Immo etiam testem ipsum infirmum consumi summae fidei viri dixerunt. E igitur erat, ut in determinatione partium morbo confectarum vasa seminifera non excluderentur, sed ut venis, ita etiam epididymidi, vasi deferenti & testis morbus tribueretur.

Non ita tamen controversiam hanc transactam videmus. Etenim Ill. RICHTER (s), cui inter alia longe plurima, hoc etiam debet. Chirurgica scientia, quod, quum in aliorum opinionibus rarius acquiescat, plures in scriptis obvias maximique momenti errores rigidae subjecerit censurae, singularem in Cirsocoeles genesis instituere investigationem perplacuit. Hac vero,

Tom. X.

X

[s] Observat. Chirurg. Göttingae 1776. Fasc. II. p. 22

descripſionibus morbi cum ipſa natura comparatis, ſe coactum fuiſſe aſſerit, priorum ſententias derelinquere & aliam amplecti. Contendit ſcilicet Cirſocelen non eſſe Venarum morbum, ſed proprie epididymidis & teſtis, atque venas demum conſecutive tantum pati. Theoriam hanc doctiſſimus WAITZ (†) ulterius in diſſertatione academica illuſtrare conatus eſt, & plura ad confirmandam illam collegit argumenta, quae digna ſunt, ut ſumma adcuratatione ponderentur. Quid vero impediāt, quo minus eam priori antepo-
nere & veritati magis conſentaneam exiſtimare poſſim, ſequentia indicabunt.

DESCRIPTIO MORBI.

Tumor, Cirſoceles eſſentiam conſtituens, in cavo ſcroti inter corpus teſtis & annulum eſt reperiendus, & a primo ſuo ortu ex ipſo funiculo naſci, atque ab eo ipſa formari videtur. Ambitus ejus non quidem ſphaerae inſtar eſt globatus, ſed ea ratione complanatus & elongatus exiſtit, ut latior ejus margo teſti imponatur, alter vero attenuatus ad annulum vergat. Superficie inaequali gaudet, ſed exploranti digito perfecte alium, ſi aegrotus pedibus inſiſtit, vel diu

[†] De Cirſoccele. Goett. 1779.

obambulavit, alium dum reclinatur, vel diutius in lecto recubuit, imprimit sensum. In posteriori casu heterogeneous quid supra testem, e funiculo porrectum, & cum propendentibus quibusdam laxisque membranis, vel, ut Cl. SHARP loquitur, cum omenti delapsi particula comparandum, in scroto exploratione detegitur, simulque vaginalis tunica solito amplior & flaccida testem laxè tantum involvere videtur. Sed funiculus, vas deferens, caput epididymidis & testis ipse inter has membranulas non difficulter distingui potest. Hoc partium in scroto contentarum augmentum, ut in dies pedetentim increscit & cum reliquis se confundit, ita etiam harum investigationem difficiliorem reddit. Aliam autem partes examinandas in altero aegri situ, vel si suspensorio uti oblitus fuerit, induunt faciem. Tum enim funiculum elongatum, &, quo major est tumor, testem ipsum infra alterum longius depulsam observamus. Collapsae membranae, quarum natura in priori situ dignosci non poterat, in vasa jam valde distenta, & quae diutius pars pependit, magis renitentia abierunt. Per scrotum tenuius & flaccescens, eorum color obscure ruber transluet. Amplitudo, ut supra diximus, variat, & flexiones admirandas offerunt varietates. Quaedam scilicet parallele adscendunt, aliae vero

hujus phaenomeni eam esse mox intelliges, quod collecti humores situ horizontali facile refluant, perpendiculari autem & a vi quacunque interna premente adcumulentur: adeoque vasorum membranae inanitae laxam in seroto relinquunt massam. Vasa itaque leni adhibita pressione externa facilius exinaniuntur.

Turgida haec vasa nullis, sicuti aliae venae varicibus obfesse, nodis gaudent. Inficias tamen ire non possum, me, venae longiorem progressionem examinantem, ex multis unam vel alteram in nonnullis locis aliquanto latiore, quam in aliis observasse. Notandum etiam, compressam digito venam, nec superius, nec inferius, vel intensius intumescere, vel collabi.

Ad vim sensitivam tumidorum vasculorum quod attinet, observandum primo, pondere ipsius massae funiculi nervos tensionem pati, quae sensationem incommodam, eodem, quo tumor increfcit gradu, in dolorem vehementiorem abeuntem, excitat. Suspensorio autem is jam valde imminuitur. Sed compressionem externam vasorum turgidorum aliam ingratam sensationem exoriri dicunt, quam cum ea, quae testis & epididymidi, violentiam quandam subeunti, competit, comparant. Ingenue autem fateor, meos aegrotos experimento instituto, de hoc doloris ge-

nere rarius quæstos esse. Fortiter enim vasa testis superius imposita, atque etiam inferiorem ejus marginem circumlegentia, digitorum apicibus nonnumquam sine ullo aegroti incommodo compressi; alia tamen vice vasa ad tactum, etsi levem, adeo impatientia fuerunt, ut eo dolorem acutum, non vero opprimentem, qualis is est, qui in teste residet, sed tamen per plures horas persistentem, excitaverunt. Dum vero vas deferens prope epididymidem simili modo fortius contractavi, ingratus sensus aegrum arripuit, vasque postea cum dolore intumuit. Aliquando quoque ipse funiculus prope annulum a quacunque pressione dolore corripitur, simili illi, quo tumor ipse pressus vexatur. Sed hic, pro varia rerum conditione, jam citius tardiusque, jam vehementius, aut mitius dolere incipit. Tumorem enim interdum observatum est pugni jam magnitudinem acquisivisse; sed tamen sub toto morbi curriculo, ne minimum quidem incommodum, præter illud a pondere natum, excitaſſe. Nonnullos vero certo tempore singularis, algore junctus, dolor ex inopinato incurrit, qui magis animum conturbat, quam vehementia sua vexat; aliis dolor iste potius urens, quasi a prunis admoris apparet, aliis hic ictibus lancinantibus est mistus. Alii autem de singulari &

valde incommoda ex teste ad abdominis cavum
 adscendente tractione queruntur: & his aerum-
 nis saepe cutis stupor in interna femoris parte,
 ad genu usque extensus, adjungitur. Sed dolor
 per intervalla vehementius saevire solet. Cirsot-
 elen ex ictu ortam memorat Cel. GOOCH (u)
 quae violentissimos excitavit cruciatus. Ab in-
 flammatione ingruente dolorem ortum duxisse vi-
 dit Cel. CALLISEN. A dolore ab initio morbi,
 cum saevissima febre sese manifestante, testem,
 relicta tantum vaginali tunica, destructum fuisse
 narrat Cel. POTT (x), & III. RICHTER doc-
 et sub ejusmodi cruciatu testem alterum spastice
 retractum & intumescens a se fuisse observa-
 tum. Tumorem per plures menses ne minimam
 quidem molestiam facessere vidimus, sed casu &
 minoris per se momenti causa urentem excita-
 vit dolorem, qui vix perceptus increvit, &
 auctus, ac renes usque adscendit, atque aegroti
 animum omnem & alacritatem infregit. Venti-
 culi nimia impletione, flatulentorum esu, ob-

X 4

[u] Cases and practical Remarks, Norvith. 1767. Vol.
 II. p. 244.

[x] L. c. Casus 36. 37. 38. in quibus etiam annotat, teste
 absumto, se varicosis dilatationibus turgidum funiculum, &
 praeter haec, vas deferens tumens & epididymidem turgentem
 atque duram reperisse.

structione alvina pertinaci, spirituosius & aromaticis, sanguinem moventibus libidinosius cogitationibus & imaginibus, atque aliis ejusdem tenoris in victu & diacta erroribus major ad testem allicitur sanguinis copia, qua indolens eirsocele subito saepe ad dolores excitandos vehementer irritatur. Augmento illo sanguinis vasa ipsa ita laeessi, ut dolere incipiant, Cel. MONRO contendit.

DISQUISITIO DECURSUS ET SEDIS MORBI.

Quidam morbum hunc rarioribus, alii frequentius occurrentibus adnumerant. Primos suos natales prope ipsum testem in ultimo fine funiculi ponere solet, sed quo augetur, tumor is etiam adscendit, & funiculi vasa latius pessundat. Funiculus itaque totus primum crassescit, & postmodum vasa volumine aucta explicantur, ut pendulos veluti lumbricos formant.

Incrementum tumoris vix unquam limitatur, nam ad pugni majoris magnitudinem Ill. RICHTER, & ad capitis infantis molem Cel. J. L. PETIT (y) hunc auctum fuisse narrat; immo scimus, illum per annulum ad ipsum ab-

(y) *Traité des maladies chirurgicales*, T. 2. p. 511,

dominis eavum pervenisse, quo ipse annulus non potuit non vehementer dilatari. Metum etiam nonnulli reticere non possunt, ne hujus dilatatione intestinis vel omento occasio suppeditetur ex cavo abdominis elabendi, herniasque complacitas formandi. Hujus tamen metus minor, meo quidem judicio, caussa adesse videtur, quum a dilatatis his vasculis annulus, etsi distentus, impleatur, quae prolapsum intestinorum impedire possint. Tela cellularis praeterea funiculi, in antiquiori malo aucta, induratur, unde firmior impulsui viscerum obex ponitur.

Etsi Cel. POTT semel binos funiculos cirsocele correptos viderit, rarius hoc accidit, sed, ut sinister testis frequentius morbis variis est obnoxius, ita etiam ARANTIO & Cel. PETIT aliisque id confirmantibus, funiculum hujus lateris saepius dictum adgreditur malum. Ii, quos D. PRAESIDI videre licuit, in sinistro tantum latere morbo hoc laborarunt.

Sed ut tumor sursum augetur, ita etiam deorsum vim epididymidi & testis demum infert. Successive scilicet illius fabricam, vasa ejus evolvendo ipsa, sursum trahit, illamque priori massae ita immiscet, ut limites inter illam & funiculum distinguere amplius nequeamus. Cel. SHARP aperte dicit, epididymidem plerumque in cirso-

sele flaccidam & inaequaliter mollem fieri, atque tactu ideam collectionis magnorum flaccidorum vasorum menti imprimere. Sed haec ejus transformatio singulari peragitur modo. Non enim vas ipsum deferens a funiculo jam receptum, totaque epididymis, sed media ejus portio & ea quae cauda appellatur intumescit, tumque vel vasa ejus venosa, vel etiam alterum vas spermaticum, quod massam ipsam componit, a vinculis suis dissolvuntur, & contortorum lumbricorum augment numerum. Caput autem epididymidis multo diutius, an dicam semper, intactum manet, vel quia tenacius vasa inter se cohaerent, vel etiam, quia caput non ex uno vase, sed multis conis vasculosis est efformatum.

Verum, supra jam diximus testem ipsum sensim sensimque simul contabescere. Symptoma hoc, a CELSO jam visum, Cl. viri SHARP, POTT & RICHTER sua experientia comprobarunt. Hic etiam contendit, sub augmento mali vascula spermatica, testis carnem formantia, crassiora fieri, tumque ex tunica albuginea veluti extrahi atque epididymidis vasculis adjungi, unde demum albuginea saccum veluti inanitum format. De hoc phaenomeno meam qualemcunque sententiam jam aperiam, dum argumenta, quibus in veterum partes circa sedem morbi de-

cor, sunt enarranda. En horum primaria; quibus postmodum per causarum enarrationem & symptomatum explicationem, novum, ut spero, conciliabitur robur.

1) Cirrocelen formatam existere posse sine ulla testiculo ejusque appendicibus injuncta labe, experientia edoctus contendo. Incipientem & paucorum tantum mensium Cirrocelen omni acuratione examinavi. Massa minoris, duorum circiter pollicum, molis erat, adeoque partes a morbo vitiatas, eo melius distinguere licuit. Totum igitur tumorem, scrotum testemque in hoc latere insigniter deprimentem, a corporis pampiniformis turgidis vasculis, quae ad pennae scriptoriae crassitiem increverant, conflatum, sed epididymidem ipsam cum suo vase deferente atque testis massam, tam mole & figura, quam firmitate illabefactas inveni.

2) Limites tumoris non adeo sunt circumscripti, ut hic superiorem testis oram tantum occupet, sed ad testis superficiem, vaginalem nempe tunicam, ab initio saepe se extendere solet, ubi tamen eas tantum partes arripit, quae vasa genituram ducentia plane excludunt. Haec autem tumoris particula nullo modo a reliqua superiore & majore differre videtur. Sed si ipsa genituram ducentia vasa in consortiam trahunt

tur, id ut plurimum tum demum fit, quando tumor majorem jam acquisivit molem, vel a primo exordio rapidissimos fecit progressus, quo tota fabrica, a violentia causarum agentium oppressa, destrui videtur. Sequens casus, quae dixi, plenius demonstrat.

Cirrocelen examinavit D. PRAESES quatuor pollices longam laramque, sursum attenuatam, atque simul valde complanatam. Eos vero jam fecerat progressus, ut praeterquam quod funiculum maxime expanderat, epididymidis caudam adgressa esset, eamque, in varios vasculosos gyros dissolutam, adjunxisset tumori. Globus vero illius major nullam subiecit mutationem & testis, qui altero multo minor erat, decreverat, etsi solitam adhuc retineret firmitatem. Aegri pedibus insistentis morbum perlustrans, plura mox inter vasa distentissima detexit, quae pennae anserinae magnitudine, ex tumore pronata, ad tunicae vaginalis superficiem se contulerant, ibique circumgyrantia, totam testis inferiorem oram circumlegerant, atque sic demum ab altera parte tumori, testis imposito, se immiserant. Turgidi hi fasciculi viam igitur legebant, quam seminifera vasa numquam, verum plures venae semper sequuntur. Idem hoc certe Cel. PORTAL vidit, dum dicit vasa, quae circumducunt testem,

oculis distingui posse (x). Id quoque hic observandum censeo, singularem & ex compressione vasorum oriundam sensationem, qua Ill. RICHTER concludit, vasa turgida, epididymidis nec venarum, esse progeniem, illum in hoc aegro natam vidisse, ea tamen exceptione, quod, si tunicae vaginalis dilatata vasa comprimerentur, haec eundem ingratum sensum excitarent, ac dum illa, quae ex epididymide orta esse videbantur, experimento subjicerentur. Alio quoque tempore, neque haec, neque illa a compressione dolebant. Per plures annos eundem aegrum D. PRAESES invisit, adeoque de veritate phaenomeni hujus se certissimum reddidit. Ad hunc usque diem, etsi morbus viginti annorum ad minimum sit aetatis, neque vas deferens, neque globus testis quandam mutationem subierunt, sed, quod singulare mihi videtur, remedia adhibita non solum ipsum tumorem constrinxerunt, verum etiam testis id emolumentum conciliarunt, ut jam sine ulla duritie alterum magnitudine fere aequet.

Saepius in cadaveribus, quorum epididymides, solito majores & flaccidae fuerunt, venas

(x) l. c. p. 677. ubi haec verba: lorsque le varicocèle occupe les vaisseaux du testicule, le gonflement des vaisseaux, qui remplit en serpentant tout autour, se distingue au coup d'oeil par leur grosseur.

vidi turgidas, quae causam specialis hujus laxitatis suppeditarint. Si vero epididymis varicose turgescere potest, eoque mollescit, & venae ex epididymide propullulantes simili modo ac in superficie testis dilatantur, atque sensim extra membranas diducuntur, certe hae tumorem nova mole adaugent. Neque dubito, quin venae in ipsa testis carne latitantes, dum primarias plexus pampiniformis radices constituent, simul varicose dilatari possint, quo quidem primum ipse testis turgesceret, sed extra cancellos hos arctiores venas suas ejiciens, iterum decresceret. Praeterea id negari non posse crediderim, vasa nutrientia testis a magna superimposita mole ita comprimi posse, ut demum ea qua maximam partem claudantur, atque adeo testis ob nutrimenti penuriam contabescat. Quamdiu coni vasculosi, in capite epididymidis residentes, & vasa efferentia intacta manent, vascula testis, genituram secernentia, vix extrahi, & cum superimposito tumore confundi possunt. Sed fieri tamen posse non negarem, dum sanguine accumulato testis ob infractam vim venarum veluti rigeat, insolitam simul quantitatem seminis posse generari, atque hac, libere ad epididymidem delata, vasculum ejus distendi, quod tum suos anfractus venis immisceret. Si illud prius jam debilitatum fuit & per educas

varicofas venas a nexu invicem fit folutum, fimilem ac venae ab aucta feminis copia subire poterit fortem. Erit haec altera in ipfo epididymidis vafculo obfervanda alteratio, quam auctores, ut diximus, paffim memorant.

3) His argumentis quasdam aliorum in noſtram ſententiam inclinantium obfervationes adjungamus. Taceam omni fere tempore venis auctores morbum adſcripſiſſe; nam fieri potuit, ut error natus, ob defectum vel cognitionis anatomicae, vel occaſionis morbo hoc extinctorum corpora examinandi, ad nos uſque fuerit propagatus. Sufficiat vero teſtimonia Ill. MORGAGNI (a) & J. L. PETIT (b) adducere, quorum ille in mortuis, is vero in vivo corpore, operationi chirurgicae ſe ſubjiciente, tumoris naturam rite examinavit. Prior humanarum aegritudinum indefeſſus ſcrutator in lanione cirſocelen inchoatam, & in figulo abſolutam vidit, atque in binis caſibus, vaſcula ſanguini evehendo inſervientia ampla obſervavit. Aeger in Ep. VII. n. 11. commemoratus, numquam de incommodo quodam in ſcroto haerente conqueſtus erat, ſed dum poſt mortem cadaver inveſtigaretur, multi-

(a) De ſed. & cauſſ. morb. Ep. VII. n. 11. Ep. XX. n. 34.
 (b) l. c. p. 509. &c.

plices venarum dilatatarum funiculi totum testiculum amplexi sunt. Is autem adeo compactae erat substantiae, ut in canaliculos amplius dissolvi non posset. Alio etiam loco enim hanc opinionem, quod in venis vera sit hujus morbi sedes, adprobare videmus. Alterius observationes non minus rem illustrent, & certissime dignae sunt, quae hic breviter enarrentur. Prima haec sit. In aegri cujusdam scroto maxime turgido duos tumores inveniebat: horum superior, qui propior erat annulo & phlegmonis indicia praebebat, in suppurationem abibat, cumque Chirurgus ad tollendum, alterum castrationem instituere decreverat, jamque scrotum inciderat, ipsum testem sanum invenit, simulque observavit, ipsum hunc tumorem a spissa, in cellulosa tela sub darcho posita & in tunicae vaginalis testis lamina effusa gelatina formari. Exempto vero hoc liquore, cirsocele ipsa pugni magnitudine apparuit, quae tam a vasis venosis, quam venis lymphaticis inter haec mixtis composita erat. Et hunc tamen tumorem non sine plexus pampiniformis etiam felici jactura, excidit. Sic etiam in veredario tumorem similem varicosum, pediculo tenuiore praeditum, feliciter extirpavit. Tumorem excisum & de sanguine contento purgatum examinaturus, inflavit cum aëre, quo vasa iterum omnia disten-

stendit, quae similitudinem receperunt in *est* nullo-
 rum inter se maxime convolutorum. Alium
 memorat aegrum in quo cirsocele scrotum ad
 capitis infantis molem extenderat.* Scroto ad
 operationem instituendam ab annulo ad fundum
 inciso, mox venarum vehementer dilatatarum
 glomus in conspectum venit, sed re accuratius
 examinata, apparuit arteriam, epididymidem, vas
 deferens & testiculum conservari posse, & id
 tantum agendum esse, ut venae varicosae de-
 struerentur; quod etiam cultro, totum corpus
 varicosum a teste & funiculo separans & abscin-
 dens, felicissime perfecit. Nec major haemorrha-
 gia exorta est, quin apto apparatu & aqua alu-
 minosa lili posset.

Hi memoria dignissimi casus aperte docent,
 consilium illud, quod CELSUS veteresque chi-
 rurgi jam proposuerunt, & omnes fere artis pe-
 riti recentiores in graviori casu imitandum esse
 rati sunt, venas scilicet turgidas vel ligandi, vel
 excindendi, vel aperiendi, vel etiam caustico
 destruendi non inane prorsus fuisse ingenii inven-
 tum, quod a se invicem auctores in scriptis suis
 mutuati sunt, sed ab ipsa experientia comprobatum
 auxilium. Si autem operi manum admoverunt,
 quomodo unquam operatio bene cessisset, si vasa,
 quae extirparunt, epididymidis fuissent progenies?

Ex dictis itaque nunc colligo, sedem morbi in vasis esse venosis funiculi, epididymidis & testis, &, si quando vascula sperma ducentia dilatantur, morbum tunc cum Spermatocoele complicari. Ante Ill. RICHTER huic sententiae plures accedere videbantur. Cel. PORTAL & PETIT etiam dicunt, spermatocelen saepissime morbo adsociari: ut vero Cel. POTT venis funiculi causam tumoris adsignat, ita etiam testem ipsum excludit, & a corruptela plerumque liberum esse sentit.

CAUSSAE MORBI.

Omniis iis circumstantiis, quibus plus minus directe verarum dilatio promoveri poterit, sive in eorum texturam, humorumve copiam agant, sive etiam humorum transcursum externa compressione impedian, cirsoceles ortum impurari debere facile elucescit. In vasis ipsis vitium, vel insitum, vel pravo vitae genere acquisitum, latet. Innatae cujusdam, vel universalis, vel specialis laxitatis variae saepe in corpore humano regiones produnt indicia, & inter has, praesertim scrotum ejusque contenta. Sic interdum infantes vegeti & firmioris habitus a prima jam aetate incommodis in scroto corripuntur, quae specialem laxitatem hujus partis designant. Intus

mescentias partium genitalium oedematosas, hydrocelen externam, congestiones funiculi testisque, hernias varias, praesertim congenitam, morbos infantibus maxime familiares esse novimus. Et inhaeret nonnumquam scroto atque testis ea singularis flacciditas & mollities, quae dispositionem non solum ad congestiones serosas prodit, verum etiam tam mature partes ad cirsocele generandam praeparat, ut ante pubertatis annos, & prius, quam errores ad morbum hunc disponentes commissi fuerint, enascatur. Robusti habitus & optimae sanitatis vidi juvenem, cui sine causa manifesta decimo aetatis anno oborta est cirsocele, quae pedetentim quotannis augebatur. Genitalia ejus firmitate, reliquis viribus equiparanda, non praedita erant.

Commissis variis in ordinanda vita erroribus scroto & testis textura etiam in specie debilitari poterit. Si nempe partes genitales, antequam debitam acquisiverunt firmitatem, praematura irritatione torquentur, & testium arteriae, celerius tum vibrantes, majorem sanguinis copiam appellant, quam quae a venis reduci poterit, partes adfluentibus humoribus inundantur, & venae, viribus fractae, cedere paulatim coguntur. Vim etiam suam contractilem ita amittunt, ut eam recuperare amplius non queant.

Per gradus itaque periculum ingruentis morbi augetur, malumque, quod metuimus, revera demum efformatum conspiciamus. Qui citius & frequentius, quam corporis aetatisque nervi permiserint, veneris castra sequuntur, vel vitio, cujus detestabilem genium non minus, quam nomen, omnis celer oblivio, se pollunt, hoc morbo saepe cito citius corripiti solent. Depravatis etiam nostri seculi moribus est adscribendum, quod plures a damnanda lascivia, paucissimi a nimia abstinentia testes gerant morbosos & circoscele laborent.

In debilitate solidorum universali, quamcumque etiam agnoscat causam, circosceles generatio minus admirationem movet, quam solidorum tenacitas eo statu fluidorum pressionem non aequet, atque ideo effectus debilitatis in locis minus resistentibus multo prius & facilius, quam in reliquis, sese monstrer. Si venarum spermaticarum ingentem ab initio ad finem usque decursum, si magnitudinem earum, arterias valde superantem, si harum innatam, ob valvulas, quae vires labentes sublevarent, arterias, infirmitatem, si denique situm funiculi extra corpus in frigidiore corporis regione reflexus; facile intelliges, venas has segnius sanguinem impulsu propellere posse, & a vi quacunque illata ocys

ad dilatationem subeundam disponi. Tam ad perferendas varicosas distentiones, quam ad retinendas easdem, venae omnino sunt quam maxime idoneae.

Humorum quoque culpae morbus tum erit tribuendus, si copia nimis abundant, vel transitus eorum quadam ex causa impeditur, & si binae hae circumstantiae una concurrunt. Sanguini inspissato & tenaci in genere, atque hic imprimis nimium tribuere videntur scriptores. Etsi enim, quo densior sit sanguis, eo difficilius promoveatur atque adeo is ad congestiones formandas sit aptior, huic tamen spissitudini in hoc morbo eam ob causam parum vindicarem, quum experientia condocet, venas ipsius testis, quae certe minimae sunt, atque citius, quam majora vasa a spissis humoribus oppilarentur, diutius intactas relinqui; illa autem, quae supra testem plexus jam formant, & repetitis suis communicationibus effectum segnitiei insitae praevenire possent, prima signa violentiae, ipsa corripientis, produnt. Subinde etiam a scorbutica diathesi humorum, quae certe opposita est inspissato & tenaci sanguini, DIONIS refert cirrocelen generari, & a suppressa transpiratione Cel. POTT. Nimia autem copia humorum, siue universalis sit, siue a speciali irritatione qualicunque ad has

partes alliciatur, efficacissime in parietes vasorum, externa propellente vi carentium, agere potest, eaque demum, si diutius perdurat, superabit. Et, si aliis adventitiis causis, refluxui sanguinis remoram struentibus pressio adjuvatur, ea certe incremento morbi insigniter favebit.

Hæc externe agentia obstacula, jam remotiore a teste loco, jam in vicinitate ejus sedem suam figunt. Sic contusiones & violentiæ aliae scroto illatae, tumores diversae indolis, vel extra annulum, vel in cavo abdominis inter funiculi vasa germinantes, tumores in cellulosa peritonei vel glandulis lumbalibus hærentes, brachieria male conformata, aliaeque hujus tenoris vires, directe satis venas comprimunt, & cursui sanguinis resistunt. Immo etiam herniæ verae, in sacco suo contentae, vim interdum illam funiculo posterius posito inferunt, ut funiculus eo erassescat, humor in tela cellulari exsudet, aquosus sæpe latex in teste colligatur, atque pampiniformis plexus venae simul turgescant. Similis effectus a morbis renum, a collecto in abdominis cavo adipe, a glandularum mesenterii intumescencia, a viscerum abdominis indurationibus, & praesertim hepatis, immo etiam ab obstructionibus alvinis pertinacibus, & intestinorum debiliâ nimia flatulentia expectari poterit. Cum

nixus in exoneratione alvina adhibendus & excrementorum mechanica pressio sanguinem venosum revehendum retineant, huic causae magnam non sine jure Cel. PETIT efficaciam adscribit. Nec magis mirandum, eos, quorum facies pallida, digestionis viscera debilitata, reliquaque functionum naturalium organa labefacta sunt, quique adeo affectibus hypochondiacorum & moliminibus haemorrhoidalium vexantur, cirsocele saepe infestari. Praecedit vero ea interdum hos morbos, interdum multo serius & symptomatice potius ingruit. Sedentarii etiam, studii nimis occupati, mollitiei & somno indulgentes, & haemorrhoidibus nimis fluentibus vel restrictis laborantes, ad hujus morbi generationem maxime proni esse videntur, quum in quocunque hoc statu jam solidorum robur infringatur, jam humorum ejicienda copia corrumpatur.

Sed morbi alii, easdem partes & testes adgredientes, siye hydrocele sit, siye sarcoccele, siye spermatocele, liparoccele &c. venas comprimendo, symptomatice illas turgidas reddunt, iisque eam amplitudinem adsignant, quam postea retinere coguntur. Quo plures causae una agunt, haecque medellae pertinacius resistunt, eo citior & vehementior earum erit effectus.

Ex dictis jam colligitur, *Cirsocele* in *Idio-*

patiam & Symptomaticam, inque *Simplicem & Compositam* dispesci posse: quae divisiones, ut ab imposito facile intelligi possunt nomine, ita in cura etiam morbi maximi esse videntur momenti.

EXPLICATIO SYMPTOMATUM.

Jam periclitari lubet, an, dum antiquorum theoriam circa cirrhoceles ortum defendimus, per hanc etiam symptomata obvenientia rite explicare queamus.

1) Vasculorum dilatatorum copiam, magnitudinem & invicem contortuplicationem ex plexus pampiniformis structura facile posse explicari, credimus. Lente praeterea factas dilatationes incredibiles fere esse, ita ut vena spermatica centuplo & millecuplo se ipsa fiat auctior, varia exempla & inter haec Ill. HALLERI observatio, cujus supra mentionem fecimus, demonstrat.

2) Pressioni externae vascula turgida elastice reniti videmus, hoc autem tam a collecti sanguinis resistantia, quam membranarum aucto incremento dependet. Sed dilatatorum vasorum major aequalitas, quae, in aliis venis varicosis desideratur, exinde hic provenit, quod venae spermaticae, licet valvulis gaudeant, pauciores habeant, atque adeo sanguis aequabili pressione

lumina vasorum amplificet. Insectio anatomica deorsum instituta, valvulis his non impeditur, sed vasa per illam simili ratione distenduntur. Sanguis ipse in vasculis non concrevit, sed fluidus manet.

3) Tumoris sub erecto situ aliisque corporis mutationibus subitaneum incrementum inde deducimus, quod sanguis facilis deorsum propellatur, sed collectus, difficilius iterum adscendat, atque adeo, fortius agendo, vasa debilitata plenius distendat.

4) Corporis resupina inclinatione, omnibusque iis adminiculis, quae adscensum humorum adjuvare poterant, tumor decrevit, hinc etiam suspensorii usu & laxantibus imminuitur vasorum turgescencia. Non itaque tumor ipse pressione in abdominis cavum, ut herniae solent, reprimi potest, sed tantum inanitur.

5) Turgidum vasculum, si compressione externa coarctatur, nec sursum nec deorsum inde intumescit. Hujus vero phaenomeni eam esse rationem credimus, quod rami inter se adeo implicentur, & tam multas communicationes alant, ut propulsus sanguis statim viam inveniat, qua effugere possit. Communicationes frequentes vasorum humorum etiam coagulationem impediunt.

6) Sinistri lateris funiculus saepius quam

dextri cirsocele corripitur, cujus duplex esse poterit ratio; quod nempe vena spermatica sinistra a flexionis iliaca coli contentis comprimatur (c), vel etiam circulatio in hac vena, ob ejus in vena renali, aortam transgrediente, finem, segnior fiat. Negare etenim non possumus, pulsationes aortae vehementiores, fluxui sanguinis renalis vim inferre debere & cursum retardare.

7) Tumor prope testem primordia sua capit, atque hic maximam sanguis contentus exercet pressionem, dum minimam cordis contractionum persequitur efficaciam.

8) Quae phaenomena circa sensum cirsoeles observamus, nervis, ut diximus, quisque tribuit. Venae per se quidem minima sensatione sunt praeditae, quando vero, ut in hoc morbo, maxime distenduntur, & constanter veluti lacerantur, eadem vehementius saevit. De varicibus dolentibus plures collectae sunt historiae, &, si etiam concedamus, communiter cutis tensionem hunc suppeditare dolorem, inficias tamen ire non possumus, funiculum tot subtiles recipere nervos, ut venarum tensio eundem in adjacentes nervos facile propagare possit. Similis huic dolor in sarcocele observatur. Ad cavum abdominis,

(c) Le *Deux* Observations de Chirurgie, T. 2. p. 336.

dorsum atque renes se extendit, quia inde plexus spermaticus originem trahit, & in superficie femoris interna obtuso stupore se expandit, quum nonnulli nervi spermatici lumbares sua fila ad cutem femoris projiciant. Si morbus cum epididymidis inflatione ex improvise conjungitur, dolor saepe adeo violenter urit, ut calor excitetur & interdum inflammatio; quod certe a majore partium sensibilium tensione dependet. Descriptio anatomica de cetero plura in cirfocele observanda phaenomena explicat.

SIMILITUDO HUIUS MORBI ET COMPLICATIO CUM ALIIS.

Multi probatissimae experientiae Viri magnam inter cirfocele & epiplocele similitudinem invenerunt, qua fieri posse metuunt, ne in Diagnosi adeo diversi morbi confundantur. Non tanta vero morborum est affinitas, ut sub primo jam eorum ortu, ejusmodi error facile committi possit; quum adhuc dum omentum suam propriam retineat molliem, ejusque per anulum abdominalem protrusio, & per eandem viam in abdomen relapsus facile observari possit; alter vero tumor testis margini superiori veluti adnatus appareat. In vetustiore autem utroque morbo, si

aeger morbi ortum & incrementum describere non potest; si omentum inscio aegroto diu delapsum haesit, & funiculo adcrevit, si omenti venae ab annulo constrictae, intumuerunt, quo in scroto similia saepe ac in cirfocele offenduntur vasculorum glomera; si ea massa variam digito offert duritiem; vel si cirfocele per annulum ad cavum abdominis usque se se elevavit, simulque, ut verbis Ill. A. C. WAITZ utar, tumor sit induratus, & in molem indigestam & coalescentem abiit, certe in his circumstantiis diagnosi variis difficulter enodandis premitur difficultatibus. Ill. RICHTER fatetur ipse, in ejusmodi complicatione se hallucinatum esse. Communiter etiam ii, qui cirfocele laborant, se herniosos credunt. Si vero, comparatione inter binos funiculos instituta, unum tantum turgidum & fartum invenimus, atque scimus, tumorem absque violentia externa abortum, ab initio prope testem formatum fuisse, illumque postmodum sensim auctum, sursum se ad annulum contulisse; sique porro molis memoratam, a situ aegri dependentem, mutationem observamus, haec signa simul considerata morbum hunc ab epiplocele distinguunt. Quibus etiam haec addamus, quod in hoc casu dolor ad renes se extendat, epididymidis interdum dissolvatur, & testis demum

extenuetur. Tardissime cirsocele incrementum solet. Virum per 20 annos morbo hoc laborantem saepe examinare licuit, & tota hac annorum serie incrementum tumoris parum processit. Omentum autem violentius plerumque erumpit, volumine citius augetur, & deorsum delabendo, testem ferius attingit. Ut vero, reposito omento, nihil in scroto remanet, novus ejus etiam per annum exitus facile digitis exploratur. Glomus vasculorum dilatatorum omenti minus est illo, quod funiculus format. Si major portio omenti praescriptos cancellos superavit, haec tractionem in ventriculum exercet, aegroti maxime incommodam.

Facilius vero error committitur, si omentum, funiculo adnexum, in magnam succreverit molem. Ut enim ipsa complicatio aegrius distinguere potest, ita etiam, quid ad cirsocele, quidque ad epiplocele pertineat, dictu erit difficile. Nonnumquam etiam dolores lancinantes ingruunt, qui eam sensibilitatem parti imprimere possunt, ut ad tactum omnem dolor increseat. Interea tamen experientia docuit, cirsocele saepe, epiplocele autem rarius dolere. Praeterea, perpensis & comparatis utriusque morbi signis & ponderata rite aegri de ortu & incremento morbi relatione, ex hoc diagnostico labyrintho feliciter

demum evolvimur. Rarior est haec complicatio, & rarius certe accidit, cirsoceles magnitudine annulum eo usque dilatari, ut per illum intestina dilabantur.

Hydroceles, vel funiculi, vel testis, cum hoc morbo copula eo frequentius occurrit, quam ab eadem causa utrumque malum provenire possit. Quae enim sanguini revertenti sunt impedimento, & venarum dilataciones promovent, facillime etiam collectiones in tela cellulari serosas provocant. Rarius hydrocele insigne quoddam acquisivit volumen, quin funiculi venae simul varicosas subierint dilataciones. In ea autem morborum miscela, hydrocele multo melius, quam cirsocele dignoscitur, quae, si quoque dilatio varicosa funiculi per aquas persentiscitur, ante perfectam aquarum evacuationem rite examinari non potest. Praeterea hydroceles funiculi signa, Cel. Viris, LUDWIG, POTT, RICHTER & WAITZ, aliisque testibus, cum cirsocele ipsa maxime conveniunt. Etenim, cum uterque morbus a testiculo ascendat, nullas molestias sub initio creet & tumor aquosus funiculi in primo suo stadio exploratione eandem, ac epiplocele, vel cirsocele tensionem prodat, fieri potest, ut in judicando decipiamur. Afferit etiam Cl. WAITZ in hac hydroceles specie,

annulum, ut a majore cirfocele, ab aquis demum dilatari. At cirfocele, magna licet, horizontali situ aegri decrefcit, vafculaque ejus relaxantur, contra vero hydroceles tenfio fitus mutatione non pariter imminuitur. Fluctuatio vero aquarum in graviore morbo demum percipitur, & reliqua huius morbi criteria, quo majora incrementa cepit, in dies magis perfpicua evadunt. Accurata itaque & repetita rerum contemplatione, morbos, nifi junctim funiculum funt adgreffi, a fe invicem diftingui poffe, fpes affulget.

Spermatocelen faepiffime cum cirfocele conjunctam effe fupra adnotavimus, & plura auctorum tellimonia confirmant. Uti vero illa gradu differt, & aliam aliamque induere poteft faciem, ita etiam, an cum cirfocele fit vere complicata, jam facilius jamque egrius enodatur. Sed enim tota epididymidis cum vafe deferente teftique intumefcit & turgēt, quod non nifi eo in cafu fieri folet, quando morbus celerius increfcit, tumor ipfe violentiora a tenfione nata fymptomata edit, fimulque pluribus iis deftituitur characteribus, qui cirfoceles competunt, etfi demum fymptomatice etiam funiculi, vafa in confenfum trahantur, & turgēre incipiant. Si vero cellularia epididymidis vincula fenfim refolvuntur, & vafculum fpermaticum exuberans gyros fuos emiffos inter fur-

medulae resistit, & saepe, si indurationes quaedam & inaequalitates funiculo immixtae sentiuntur, metum injicit, ne in deterius malum abeat, quod ipsam castrationem respiceret. Spermatocelen in sarcocelen saepe mutari Ill. MONRO, experientia evictus, docet, & in antiquiori hoc malo funiculi vasa venosa non solum turgescere, sed etiam indurari, & durioribus saepe dolentibus concretionibus immisceri, pulcherrimae Ill. POTT observationes testantur; quae vero symptomata in quacunque morbi specie plerumque tristissimi exitus sunt praesagia,

C U R A.

Qui ad ingentem varietatem & diversam indolem eorum phaenomenorum, quibus hic morbus est tribuendus, suam vertit attentionem, non solum in explorandis & indagandis singulis summas inveniet difficultates, sed etiam, his qualicunque ratione superatis, & genuina demum morbi causa detecta, in novas mox incurret, dum in curam morbi suam convertit sollicitudinem. Perspiciet enim saepissime sibi cum invincibili hoste esse luctandum, vel etiam interdum fortius potius, quam arti tentaminum inopinum successum esse adscribendum. Nam iis in casibus, ubi obstacula, quae humorum refluxum impediunt,

tolli nequeunt, vel solidorum a summa partium debilitate nata relaxatio corrigi non potest, remediis vix optatus obtinetur effectus. Omni itaque tempore hunc morbum pertinacissimum & curatu valde difficilem judicarunt medici, nisi id efficacissima medela, statim ab initio morbi adhibita, praestiterit. Si auctae humorum copiae, vel eorum ad has partes speciali derivationi morbus imputandus, omnia ea certe auxilia, quae copiam imminuunt, & celeriores cursum infringunt, ut venae tusiones repetitae, laxantia crebrius exhibita, clysmata emollientia, nitrosa, fomentationes frigidae, diaeta tenuis, situsque horizontalis, jugiter sunt adhibenda. Haec imminuere, si non tollere, mala recentiora, nisi causa eorum altius lateat, Cel. PETIT observationibus pulcherrimis demonstrat. Morbum adventum suum cum pondere in scroto, dolore funiculi fugitivo & a teste sursum porrecto, debilitate colicisque flatulentis & biliosis denuntiantem, hujus farinae remediis profligari posse credit. Sed externe simul applicandum suadet cataplasma ex farina secalina & pulvere granatorum confectum. Sed horizontalis situs sub cura eo certius convenit, quum sanguinis in vasculis, paucissimis valvulis praeditis, major pressura inde imminuatur.

Si debilitas solidorum universalis in causa est, in corrigenda illa operam collocare nostram oportet. Ad usum igitur tam internum, quam externum leniter stimulantium & tonicorum confugiendum. Et inter haec amara, praesertim vero Chinae cortex, atque martialia, quaecunque forma illa exhibere lubeat, aliis sunt anteposenda. Aquae martiales, ut Spadanae & Pyrmontanae, cum, praeter vim tonicam a ferro detrahendam, solvendi & aperiendi facultate gaudeant, maxime prosunt. Valide vero adstringentia externe junctim applicanda suadent nonnulli, & alii resolventia cum spirituosissimis copulata. Fomentationes igitur ex herbis resolventibus, vino, vel aqua, addito postea spiritu vini, coctis, assidue tumori imponunt, vel etiam spiritum lavendulae compositum, aut spiritum anthos, quibus spleniola irrorantur, in usum adhibent; alii autem adstringentium cum aromaticis & leniter irritantibus miscelas potius amant. Sed, si umquam externa remedia hoc in morbo aliquem usum praestabunt, quibus tamen Ill. POTT minus favere videtur, ab aqua frigida, vel glaciale, singularis effectus expectari poterit, si spongiis vel linteis applicatur, vel scrotum tumidum vitro aqua pleno immergitur. Aqua enim frigore suo non solum ipsum scrotum corrugat, verum etiam

humores, vasa turgida expandentes, dispellit, simulque eorum lumina contrahit. Sub ipsa ejus applicatione hunc effectum praestari, facile quisque vider: jam itaque id impetrandum, ut continuato aquae usu ea firmitas vasis concilietur, quae semper impellentibus humoribus resistere valeat. Nec ratio deest, quin hunc successum deum sperare liceat, si quotidie bis per quadrantem horae aqua applicetur, & alia simul tonica interne exhibeantur, eorumque vis exercitiis corporis adjuvetur. Quum vero ejusmodi infirmitates solidorum saepe cum aliis vitis organorum itini ventris complicantur, atque haec non raro ab obstructionibus viscerum abdominalium, sua simul pressione humores retinentibus, ortum ducant, in cura morbi ordinanda certe requiritur, ut mature satis in harum solutionem dirigamus operam. Rarius quidem prohi dolor! contingit nobis esse adeo felices, ut ejusmodi mala, vel quia eorum naturam & indolem ignoramus, vel etiam, quia, cognita licet causa, plerumque omnem medelam respuunt, profligare valeamus. Tentanda tamen sunt aperientia & resolventia, tam ea, quae principio sub detergente & attenuante, quam illa, quae propria sua solvendi & roborandi virtute sese commendarunt. Primam phalangem constituant salia media & praecipue alcali vegetabilia

tartarifatum, alcali vegetabile acétatum, mellitas saponacea, herbae succis saponaceis & mucilaginosis scatentes, ut taraxacon, saponaria, bardana; alteram vero gummata ferulacea, extracta amara quaedam, ut fumariae, cicorei, rel. imo & antimoniales mercurialesque praeparationes. Quorum omnium usui laxantia ex salibus cathartidis repetita jungenda.

Si pertinaciores obstructions alvinae morbi incommoda adaugent, diæta laxa & remedia alvum propriè ducentis, vel molliorem reddentia, & nonnumquam roborantia, utpote quae tonum intestinis debilibus restituunt, solamen adferre solent. Si haemorrhoides obstructae & suppressae cirsoelen intulerunt, eas aptis remediis provocari debere, tam celeberrimorum Virorum experientia, quam ipsa rei ratio suadet. Sed, ex superioribus paragaphis vidimus, causam morbi quandoque in locali quadam & cognita compressione funiculi latere; in eo autem casu quis unquam curam fusciperet, nisi prius ad illam destruendam omnem moverit lapidem? Uberrimam quidem ars salutatis nobis largitur copiam remediorum in cirsocele conducentium, delectum autem eorum pro ratione causarum facere, hoc medici est negotium. Non raro enim ea, quae in uno casu prodesse, in alio noxiam

praeftarent effectum. Matrimonium ex. c. quod casto, nimis repleto, fortissimisque fibris praedito juveni, cirforcele laboranti conveniret, alii, cujus corpus a libidinosis irritationibus est effortum atque exhaustum, vehementer noceret.

Sed abeul conatus ad devincendum morbum saluberrimi expectationem nostram saepius decipiunt, quam complent, nosque in ea angustia ponunt, ut vel ferro curare, vel etiam fato aegrum relinquere cogamur. Est tamen, quod gaudeamus, saepissime morbum ad summam senectutem in eodem statu permanere, vel tardissime incrementum, doloresque, interdum ex inopinato ingruentes, suspensorii continuo usu praecaveri atque imminui posse, si simul ea omnia studio evitantur, quae tumorem irritare potuerunt. Commendarunt quidem veteres & recentiorum multi ferri usum, ea scilicet ratione, ut venae maximae turgidae vel plane excinderentur, vel ligaturae ope destruerentur, vel etiam tantum lanceola turgidissimae aperirentur, quo, cicatrice postea formanda, costrictae impellenti sanguini melius resisterent. Alii eodem scopo caustica adhibere suadent. Sed quae incommoda ex his omnibus methodis oriri possint, is certe praevider, qui morborum tellis & funiculi indolem rite noverit. Successum tentamina nonnumquam

comitatum fuisse, non quidem dubitaverim, sed
 & peritioribus in arte viris ea molimina impro-
 banda esse crediderim, quorum exitus a coeca
 sorte dependet. Equis enim, huic operi se ac-
 cingens, praedicere potest, an sufficientem co-
 piam dilatatorum vasorum abstulerit, ane plura
 destruxerit, quam ut reliqua ad revehendum
 sanguinem sufficiant, ane praeter venosa, etiam
 arteriosa vasa laeserit, ane epididymidis vasculum,
 tumori ex inopinato immixtum, incaute simul
 disciderit, & ane irritatio ipsa, praecipue si
 causticis peragitur, deleteriis jungatur effectibus.
 Id praeterea etiam observandum, haemorrhagias,
 quae ab harnu venarum incisionibus oboriuntur,
 difficilius sisti, quum compressionem vix admit-
 tant, nec, si jam induratae sunt, sufficienter
 vino adstringente, vel alio styptico constringan-
 tur. Castrationem itaque has ob causas multi
 commendarunt, neque dubitandum, ipsa opera-
 tionis methodo ultimis temporibus correctâ &
 emendata, eam fere omni vacare periculo. Quum
 vero morbus ut plurimum non adeo atroces ex-
 citet cruciatus, ut ob illos ad ultimum, dolori-
 ficum semper, auxilium lubenter refugeret ae-
 ger; illud etiam non nisi in eo casu, quo omnia
 alia remedia incassum fuerunt adhibita, & metus
 obvenit, ne in cancrum tumor abeat, commen-

dandum foret. Solet nempe funiculus & epididymis non solum dilatationibus varicosis consumi, verum etiam scirrhosis indurationibus corripitur, quae, si dolent & increfcunt, nisi massa cito auferatur, acridinem canerosam gignunt, quae latius ferpat, & illaesa cito contaminet, in quo statu neque castratio, nec ulla alia medela usum praestare potest.



DISCURSUS ACADEMICUS

D E

CIRCUMSCRIBENDIS MORBORUM HISTORIIS,

*Quem die 27 mensis Maii, Anni 1791 in
Regio Ticinensi Archigymnasio recitavit*

IOANNES PETRUS FRANK

*S. C. & R. A. M. a Consiliis Magistratus Politici, & Oecon.
Mediol. Facultatis Medicæ per Insabriam Austr. Præses,
ac Medicinæ Clinicæ Professor, &c.*



DISCURSUS ACADEMICUS

D E

CIRCUMSCRIBENDIS MORBORUM HISTORIIS.

Fontem Medicinae unicum in experientia positum esse, RECTOR MAGNIFICE, PATRES SAPIENTISSIMI, AUDITORES SPECTATISSIMI! & ipsam Artis Theoriam, nisi ex fidarum serie observationum contexta fuerit, vel inutilem existere, vel (quod nihil in morborum tractatione inutile esse possit, quod non exitiosum multoties appellari mereatur) humano generi insidiosam, conquerimur omnes, qui, in arduo salutaris scientiae exercitio versantes, doctorum vanitatem somniorum & scholasticae futilitatem subtilitatis quotidie dolenter experimur.

Sed cum in tanta rerum observandarum infinitate, major in exponendis morborum historiis prolixitas, legentium facile obruat confundatque penitus memoriam: Optandum omnino videtur, ut res gestae cum summa potius verborum parcimonia, quam cum diffusi sermonis insulso

vehiculo, Medicorum fastis committerentur. Eo nempe pervenimus tandem AUDITORES! ut prae divitiis sine ordine in magnos undique acervos cumulatis, vera premamur rerum penuria; nec vitam satis longam, nec patientiae tantum natura concessit, ut quae nobis utilia, vel etiam necessaria esse, ipsimet nos opinamur; ex tanta mole, tantaque farragine eligamus. Atqui cum sic nec doctissimis quidem Viris, illorum, quae ab aliis in artem collata fuerunt, ignorantiam evitare semper liceat, atque major in dies praevideri queat laborantium confusio, nisi, quas singuli ad tam magni constructionem aedificii congerimus, materias a peregrinis optime depuratas conferamus, nihil certe magis in arte desiderandum esse censeo, quam ut observationes fere innumerae, ad nostra usque tempora prolixiori, quam par erat, narratione publicatae, a literatis quibusdam societatibus concentratae, meliori ordine disponerentur; utque impofterum exclusis, quae ad intelligendam morbi naturam non conferunt, circumstantiis, simpliciori nudaque rerum expositione scientiae thesauros augeremus.

Non desunt utique morborum non paucae descriptiones, quas, cum vel specialem Epidemiae regnantis, vel singularis, & incogniti morbi decursum, vel denique remedii nec dum satis

examinati virtutem, aut inertiam exponant, breviores reddere, vel sine exacta circumstantiarum expositione truncatas Publico communicare, sine totius defectu nequaquam liceret; atque de his mihi sermo hic esse omnino non potest. Ast vero cum talia nobis proferenda assumimus, quae, in morbis jam satis patentibus, non nisi unum, vel alterum, non indignum forte lectoris natu momentum concernunt: periturae parcendum esse chartae existimo: ne, dum simplici, ac breviori rarioris, aut conspicui phaenomeni narratione applausum mereri concedatur: raros in gurgite vasto natantes spectantium oculis offerendo, taedium, raptique temporis querelas oscitantibus moveamus.

Sed quomodo tam communi Eruditorum satisfaciendum esse desiderio contendam, COMMILITONES! paucas hodie, easque brevissimo contextas sermone observationes in exemplum adducam, quas longiori quondam narratione in proprios usus conscriptas, in vestros nunc, quo a VOBIS quondam pro aliis fieri vellem, modo, contraxi.

I. Amentia ex iracundia:

Post graves rixas in moerorem diuturnum, tandemque in tam insignem mentis alienationem

incidit, tantosque rapitur in furores quinquagenaria mulier: ut ab affinis non modo cœceret infelix nequiret; sed ab his ipsis pro *Daemoniaca* declarari inciperet. Sonos nempe, & vagitus, variosque animalium mugitus voce imitabat sua; fugiebat lucem; injuriabat Superos, &, quin ulla eandem vexaret febris, ciborum quovis fere genere per longos dies abstinebat. Post aliquas in tam miserando statu transactas hebdomadas, ad furientem mulierem, Majo mense ann. 1770. accersitus, sat magnam tartari emetici dosim præscribo. Ejicitur insignis biliosae viridisque materiae copia, & hac ipsa jam die quies restituitur animi, & miserae denegatus hucusque conceditur somnus. Interim novi, vix elapso nycthemero, furores oriuntur: ob quos denuo emeticum ingerendum esse censui: maxima iterum per superiora & per anum sequitur porraceae bilis evacuatio; & cum hac ipsa integra mentis restituta fuit immunitas.

II. *Amentia religiosa.*

„Viri, inquit ILL. ZIMMERMANNUS, ex *Superbia*, ex *Zelotypia* mulieres, puellaeque ex *amore* insaniant“, sed ipsa *religio* male intellecta, & improvida delicatulae conscientiae per rigorosos ejusdem moderatores agitatio, nā

fallor, minorem Amentiae, ut causa delirii, partem nequidquam agnoscit. Iudicis conspicui quadragenaria uxor, cum honesti caeterum mariti tacuisse iniquitates sibi objiceret, in profundam conjecta melancholiam, terrificis insomniis percussa, orci se faucibus commissam, lentoque igne deflagrari asserbat. Ab hoc vero tempore & cibus & potu, licet hunc ultimum continuo apeteret, pertinaciter abstinerebat. Post quindecim his in tormentis transactos dies, cum *daemonem* mulieris viscera inhabitare, pro more suo, contenderent monaci: Aegrotam, Junio mense Anno 1779. visitavi: vidi que pinguem, vegetamque pridem mulierem ad sceleti siccitatem jamjam esse redactam, miserabilem visu! nunc enim ebulliente in oleo totum corpus elixari; nunc membra per furias praecindi, nunc torrefieri integram; ejulatu insigni, & horrende contorta exclamabat; nec a me ipso, cujus, ut Medici quondam domestici, bene recordabatur, nec a dilectis prolibus solatium coepit. In tam deploranda rerum conditione medicamina quaevis abnuens, per sexaginta fere dies furiebat, donec sponte sua resipisceret, & redeunte ciborum desiderio, plenitudinem corporis pristinam omnino recuperaret.

III. *Sensus externi in mania perversio:*

Nobilissimum Virum melancholico jam aliquot a mensibus delirio affectum ann. 1770. observavi, qui cum campanulam *Loretanam* mihi ostenderet, fugandique sacro cum aere daemonis mihi candide methodum patefaceret, campanae; ostio sursum converso compulsae, sonitum perfecte audivit; cum vero eandem manu, consuetum in morem, suspensam pulsaret: se nec minimam clangoris, licet tunc omnibus longe clarioris, perceptionem unquam habere juravit.

IV. *Rifus effrenis a Venaesectione:*

Virgo 24. annorum, parce satis menstruata; sanguinisque lunari fluxu ingruente, tussi sicca, cordisque, dum scalas ascenderet, palpitationibus vexata, post choraeas protractas, die septima Septembris 1769. pleuritide invaditur rheumatico-saburrali. Ter venae tunduntur, bilisque sat magna per emeticum educitur copia qua methodo profligari symptomatum videbatur vehementia: cum sexta morbi die novum febris augmentum, cum pulsu duro, cephalaea, laterisque punctorio dolore, subintraret. Vix haec ob symptomata novam institui venaesectionem curaveram; sub qua, pituitosa & amara vomuit puella: cum ex

momento & subitanea prorsus conversione, in totum se se reconvalescere aegrotans affereret; in effrenes risus prorumperet; cum cachinno singula proferret; & licet vehementer satis febricitaret; cum perculsus tamen moerore affinis inter risus jocosque confabularet. Ad noctem manifesta prorumpunt deliria, matutino tempore iterum dissipata. Ipsa tandem febris in tertianam conversa est: ex qua sat brevi mora sanitatem recuperavit Aegrotans.

V. *Anxietas magna a Vermibus.*

Puella 17. annorum per binos jam annos recte menstruata, post aliquos abdominis dolores, ad noctem 20. Aprilis 1771. sponte evigilat, toto corpore contremiscet, tamque vehementi terrore percutitur: ut parentum inter amplexus, antequam mentis pristina libertas rediret, contineri debuerit. Venam hic Chirurgus aperuit; sed, visa salutem recuperasse virgo tam insigni post octo dies, noctisque iterum tempore, corripitur terrore: ut frigido madens sudore, genitorum ad lectulos confugeret, & per horas tremebunda & anxiosa nutricis inter brachia, ab hostium impetu sibi timens lacrymisque perfusa desperaret. Ob praegressos intestinorum dolores, paucosque tribus abhinc mensibus excretos vermes,

ad electuarium ex radice jalappae, cinæ seminibus, tanaceto, & sale confectum confugi: quo, expulsa majori *ascaridum Lumbricoidum* copia, animo pristina iterum libertas fuit restituta.

VI. Loquelae a vermibus vitium.

Puer sexennis, qui verba pridem perfecte articulabat, nulloque pronunciandi sermonis vitio impeditus, ideas, qua vellet, aliis libertate communicabat, ex improvise insigniter *balbutire* incipit, & in expedita syllabarum elocutione titubare. Cum igitur nullum organorum subesse vitium intollerem: quod ANDRYUS quondam insinuaverat, de latente in tubo intestinali *taenia* cogitavi. Ast, cum praedicta puer ingessisset *anthelmintica*, loco illius, septem *ascarides lumbricoides*, excrevit, & integram loquelae obtinuit mox libertatem.

VII. Narium foetor a vermibus.

Rusticus, cui saepius *taeniae*, quam *solium* Linn. appellamus, articuli secefferant: quos vivaciter super excrementis moveri variosque contorqueri in modos mirabundus conspiceret solebat, aliud quidem hujusce vermis nunquam expertus est symptoma, nisi *foetorem narium* sibi soli ingratisimum, continuum; aliis vero minime

perceptibilem. Edueto tandem cum vicini americani oleo filicisque radicis pulveribus infenso hospite, ingrata disparuit ad nares sensatio.

VIII. *Vermes intestinalis haemorrhagiae causa.*

Cum autumno ann. 1770. Rastadii, in Marchionatu Badensi, epidemice dysenteria grassaretur, decennem ad puerum accessi, qui, ingurgitata fructuum horraeorum necdum penitus maturorum copia, doloribus abdominis, tenesmo, & sat valido sanguinis per anum effluxu afficiebatur. Ex regnantis morbi natura in errorem deductus, pro dysenteria morbum praepostero iudicio declaravi; sed cum, accuratiori demum instituto examine, post praegressa circa umbilicum tormina, quatuor iterum cruoris fluidi uncias per anum subito excrevisse observarem, atque ex parentibus perciperem: puerulum jam pridem, colicis doloribus vexatum, sanguinem, ut nunc faciebat, per anum reddidisse: meliori consilio ad vermium intestinalium praesentiam concludens, anthelmintica aegrotulo propinavi: a quibus septuaginta *Ascarides Lumbricoides* in glomeres convoluti per anum excreti fuerunt, & haemorrhagia cum torminibus & tenesmo, illico cessavit.

IX. *Singultus a vermibus* :

Graviori dysenteria decumbens femina *Bruck-saliensis* per octo dies pertinaci vexata singultu, cum & manus interdum frigescerent, & pulsus exiles cum levi deliquio animi, in conspectum prodirent, fatali termino vicina a me ipso credebatur; cum tres ore *Ascarides Lumbr.*, eosque viventes excernens, a singultu tam diuturno mox liberata, illibatam brevi mora sanitatem est adepta.

X. *Taenia lata* (*):

Taeniae latae sexaginta circiter articulos ab aegrotante homine excretos, die 24. Maii Ann. 1789. simplici microscopio examinans, mox nudo jam oculo in cujusvis articuli maturioris medio corpusculo quasi glandulari vel parva eminentia (**), *pyramidulam*, ejusdem, ac *Taenia*, coloris, dimidia fere ad basin linea latam, una vero cum dimidia longam, mollem,

(*) *Taenia lata*, osculis lateralibus solitariis LINN. — *Taenia lata*, candida, articulis brevissimis, medio nodosis uniofcularis PALLASII: *Taenia prima* PLATERI. *Taenia articulis brevibus* BONETI.

(**) Delineationem hujus prominentiae vid. apud PALLAS, *Neue Nordische Beytraege* I. Band. Tab. III. fig. 17, GOEZE, *Versuch einer Naturgeschichte der Eingeweidewürmer* Tab. XXI. fig. 8.

oblique ex centro seu noduli foraminulo prominentem, apice acutam, & *saeniolae*, si articulos in eadem distinguere licuisset, simillimam conspexi, atque tam Viris Illustribus, amicissimisque, BASSIANO CARMINATI, & ANTONIO SCARPA, tum Scholaribus commonstravi; quin circa corpusculorum talium naturam, in animali quod hucusque pro *Oviparo* habitum est (*), definire aliquid auderem.

XI. *Manuum in contagiosa febre nigredo.*

In muliere pingui, *Rastadiensis*, an. 1770. ex syncho, ut vocant putri atque contagiosa decumbente; sub finem morbi, digitos, manuum dorsum volasque *Aetiopico colore*, ad carpum usque extenso, notatas conspexi, conspexerat ipsa aegrotans, sensu nec minime ad manus privata, & ob phaenomeni significationem anxia; sub quo mox tacite delirans, tertia ab eodem comparente die efflavit animam.

XII. *Partus a soporosa muliere absolutus.*

Ad militis *Rastadiensis* uxorem an. 1769. accersitus sum, quae, cum nonum praegnationis

(*) „ In medio artieuuli, inquit GOEZE, foraminulum est, non papilla, per quod ova deponuntur & exprimi possunt l. c. “

mensem jam attigisset, in profundissimum somnum, a quo excitari non potuit, sine febrili apparatu delapsa, tertia soporis morboſi die ſanam vivamque tam inſcia prolem eſt enixa: ut, cum quarta eandem viſitarem, peracti partus conſcientiam, quamvis evigilaſſet, nec minimam quidem haberet.

XIII. *Cardialgia ab offe deglutito.*

Cum miles *Tiviuſe*, tribus abhinc annis, caeteros inter cibos, *os* durum, quatuor fere unciiſ longum, ſatiſque latum, aſide nimis deglu- tiſſet: mox inſignis ventriculi oppreſſio & dolor, cum nauſea, & inani ad vomitum conatu, inſe- quebantur. Symptomata, licet ab expecto *Legio- nis Caprarienſis* Chirurgo, CL. NOBIS, tum aquae tepidae, tum olei copia, clyſteresque multi, & ob inſtantis inflammationis pericula, venaeſe- ctiones aliquot ſapienter fuerint praecſcripta, con- tinuo augebantur. Auxilium meum petenti Amico Chirurgo, ſuaſi, ut copioſum miles *acetum* repetitis doſibus hauriret: quo ad plures dies, quatuor, aut quinque ad libras epoto, ſymptomata diſpa- ruerunt, quin ulla offis portio per inteſtinum expelleretur. Stomachi a tanto aceti uſu debilitas aliqua remanſit, quae roborantium ope ſenſim ſenſimque correctæ fuit.

Atqui tum ex eo, quod *offa*, vel nitri, vel etiam vegetabili acido sat forti, commissa, brevissimo tempore mollescant; tum ex symptomatum in praedicto Aegrotante ex copiosioris aceti usu omnimoda dispersione, videbar mihi non iniquam in casu simili curandi methodum proposuisse. Ast vero, quam facilis in dijudicandis remedium actionibus error sit, ex reliqua historiae parte comparet. Post octo nempe in perfecta salute transactos in castris menses, de ventris doloribus conquestus miles, hos ipsos aliter, quam sat copioso cibo, dispellere non potuit. Insignes tandem ad intestinum rectum cruciatus exsurgunt; quorum, cum egregius Chirurgus sedem causamque examinaret: *or* ipsum, quod ante novem fere menses deglutierat miles, ex intestino extraxit.

Ne vero, cum possibilem in exponendis multorum morborum historiis brevitatem commendo, sermonis proprii diffusionem taedium pariam; VOS nunc appello, praestantissimi Chirurgiae Magistri! &c.






D E
PERIODICARUM AFFECTIONUM
ORDINANDIS FAMILIIS,
ORATIO ACADEMICA;

*Quam die 11 mensis Maii 1791 in Regio
Ticinenſi Archigymnaſio publice recitavit*

IOANNES PETRUS FRANK

*S. C. & R. A. M. a Conſiliis Magiſtratus Politici, & Oecon:
Mediol. Facultatis Medicæ per Inſubr. Auſtr. Præſes,
ac Medicinæ Clinicæ Profeſſor, &c.*



ILLUSTRISSIMO CELEBERRIMOQUE VIRGO

CAROLO STRACK

MED. DOCT. ET IN ACADEMIA MOGUNTINA
PRAXEOS MED. PROFESSORI PUBL. ET ORD.
EMINENTISS. AC CELSISS. PRINCIPIS ET ELECTORIS
MOGUNT. CONSIL. AUL. ET REGIM. ELECT.
UTIL. SCIENT. ACADEM. ERFORD. REGIAE
SOCIET. MED. PARIS. HASSIACAE SOCIET. ACAD.
GIESSEN. SOCIO.

IOANNES PETRUS FRANK

S. P. D.

NON sine fundamento miraberis VIR CE-
LEBERRIME! quod TIBI, observationes
TUAS de diversa febris continuae remit-
tentis caussa & medendi ratione, jam ante
annum, & quod ultra excurrit, communicanti

Bb 2

nominique meo tam benevolo modo offerenti,
hanc usque in diem neque responderim, neque
gratitudinis testimonium meae ad TE ullum
pervenerit. Miraberis magis, dum silentii
proprii culpam hodie in TE IPSUM conji-
ciam, eoque TIBI gratiorem me esse, quo
diutius officio meo defuerim, asseram. TU
nempe, quem Germania primos inter & ex-
pertiores Hippocratis filios collocat, — TU,
quem Gallia, ob tot eximia responsa Aca-
demiis patriis transmissa, Apollinis laurea
cinxit toties, — TU demum, qui per novem
jam lustra aegrotantium ad lectulos gloriose
impensa, Veteranos inter Medicos tot scriptis
factisque inclaruisti, non modo amicitiae,
qua per viginti jam annos conjungimur, pu-
blice memor es; verum etiam me ipsum, de
egregio TUO opere quid sentiam, TIBI
edicere compellasti.

Etsi vero quemvis, sui non ignarum
sudoris, praeliorumque per multos satis annos
cum tot hostibus initorum non immemorem
militem, virium suarum prudens & aequa ae-
stimatio dedeceat minime; non tamen me

*proprius eousque amor obcoecat : ut vel , si
tam victorioso in Medicis Duci armorum so-
cius accedam : gloriae TUAE quid addi
posse , superbus opiner ; vel , si imbellem ,
quod Superi avertant ! audax in TE IPSUM
lancem convertam ; aut Vulcani ex Olympo
in Lemnum praecipitati claudicationem evitare ,
aut incolumis arenam deserere contendam .*

*Ut tamen jussui TUO , quoad vires
mihi paucae otia concedunt , obtemperarem :
aliquam saltem vastissimae , quam attica dictio-
ne complexus es , materiae partem pro Aca-
demici sermonis argumento mihi elegi , atque
has , qualescunque esse queunt , lucubrationes
TUO VIR CELEBERRIME ! Nomini de-
dico , voveoque . Perge , precor , nec enim
avicularum aquilonem susurrus absterreat ! per-
ge Rem Medicam TUIS ditare observationi-
bus , & me , prout TECUM facio , amare
perge !*



DE PERIODICARUM AFFECTIONUM

ORDINANDIS FAMILIIS

ORATIO ACADEMICA.

IN rebus creatis, RECTOR MAGNIFICE, PATRES SAPIENTISSIMI, AUDITORES SPECTATISSIMI! constans nihil est, quam ipsa rerum inconstantia. Sed quae in singulis defectum constituere saepe videtur mutabilitas: in toto haec tam certo dirigitur ordine: ut praesentia, futurorum mater semper praegnans, — futura vero, praesentium foetus mereantur compellari. Oportet ideo, ut, quae nobis fortuita dicuntur: illa, certa quidem, stabilique, sed tamen vel ignota, vel non perspecta satis lege conducantur; quae vero manifestiores in rebus mutationes occurrunt: illae, ut vel sub incertis tempore circumstantis quasi fortuito, pluviarum, ventorumque exemplo, renascantur; vel firmioribus demum circumscriptae periodis, necessario quodam ordine recurrant, & Astrorum imitantes obedientiam, praescriptum a natura circulum praefixis passibus absolvant.

Bli 4

Sed cum vel universum mundi systema constanti periodorum ordine circumvolvitur: non possum hic aliam, nisi particulae Viventis, quam humanum animal constituit, considerationem mihi assumere, atque dum ad Physiologum spectat functionum hoc in ente mirabili *periodicarum* difficilis investigatio: non minus ardens certe illorum, *quae in morbis periodice recurrunt*, pervestigatio-hodiernae orationis objectum formabit. Non Vereamini Auditores! a viro, hypothesium majori, quam ipsarum febrium, quibus obscurandis magis, quam curandis adhibentur, osore, ne, VESTRA abutens patientia, in causarum periodicitatis morbosae, intellectu humano superiorum, inutile examen descendam: quod scilicet & attentione VESTRA, & loci, quo VOS alloquor, Majestate, & me ipso indignum esse judico. Sed si vel ex ipsa argumenti natura, discussionis assumptae difficultatem eruere jam liceat: VOS de laboris, quo periodicarum affectionum familiae clariori ordine disponantur, utilitate, & magna in sanatione morborum auctoritate nec quicquam dubitare, lubenter confido.

Quemadmodum vero in hominis perfecta sanitate gaudentis natura variae functiones certis tum oeconomiae animalis, tum solius consuetudinis legibus directae, stasis temporibus absol-

vuntur; & ex quo puncto principium sumpserunt; ad illud, brevi, longiorique, sed aequali fere horarum intervallo, quasi per circulum, recurrunt; ita, & quae semel observatae fuerunt in quibusdam morbis accessiones: eae, sub circumstantiis vel iisdem, vel etiam primo aspectu protinus diversis, tam ipso *naturae*, quam *habitudinis* imperio, *periodice* revertuntur.

Periodi, quae vel saniori etiam animali naturales sunt, paucae numerantur: quarum praecipua, inconstantissimum in aliis animal, humana femina, flebili beneficio instruitur. Utrique sexui, communis est humorum circulus: quem tamen, cum vix iisdem, quam expulsi fuerunt, liquores cordis ad sinum ferantur; non tam exacto nomine *periodicum* appellamus. Secretionum opus non tam periodis, quam continua destillatione absolvitur; fames, sitis, vigiliae, somnus, atmosphaerae inspiratio, sub iisdem circumstantiis, eodem fere tempore recurrunt. Sed certe major est *periodicarum functionum* in sano corpore ratio, quam, sub attentioris observationis defectu, hucusque innotescat. Multa enim vel extra nos haerent, quae periodicam in corpus actionem exercent, & similes omnino ejusdem in illa reagentes effectus experiuntur. In ipso vero animali corpore non pauca existunt, quae *sensientis*

& *irritabilis principii* (: a quo omnis in morbo periodus originem habere videtur) naturam periodicis alternationibus submittere queant. Constat, ut unico rem istam exemplo illustrem, in certis animalibus tempus est: quo vel amoris urantur, vel intacta resistant, incendio: atque hoc ipso stirpis per menses periodica distribuitur renovatio. Ipsa humani generis salacitas, fertilitas, conjugalis licet societatis ratione quamplurimum incitata; *periodorum* tamen aliquo dirigitur imperio; & nascentium non minus, quam morientium numerus, sub eodem coelo, constanti satis, diversis in mensibus, inaequalitate circumscribitur.

Sed cum hic meum non faciam AUDITORES! in ea, quae *sanum* hominem concernunt, profundius inquirere: sufficiet, tum ista, tum ea, quae *habitudine* productas functionum periodos respiciunt, vel paucissimis fugaci tetigisse penicillo. Sic, quo semel assuevimus, eo, sub hisdem positi circumstantiis, tum intestina, tum vesicam exoneramus, eo, vel somno arripimur, vel evigilamus, eo, vel laboribus recreamur, vel fastidio afficimur, tempore; nec mutationem his in rebus per aliquot dies subimus; quin mox assumptae privemur periodi beneficio.

Morbofæ periodi aliquæ, cum *naturalibus*,

& cum illis, quas tales reddit *assuesfactio*, functionibus, manifesto satis nexu cohaerent: ut, quae, per quamcumque denique causam, suppressa fuerit menstrua per uteros excretio; ea interdum non incerto magis tempore, ac ordine, nunc per dilatata pulmonum vascula prorumpat; nunc per lactiferos uberum praecipitetur canaliculos; nunc per ipsos adeo digitorum apices destillare, aut, si cruenti gurgitis *fluxui* majores ad feminea obices littora ponantur; per totidem fere, quam quibus a *refluxu* distat, horas, diversarum partium tensiones, spasmosque excitare observetur. Non minora ex suppressis fluxibus aliis, quibus a longo jam tempore natura assueverat, forte *periodicis, periodica* iterum incommoda, propullulant, quae, subsistente licet par intervalla earundem causa; saepe tamen stasis non nisi temporibus miseros affligunt, stasis vero iterum sedantur: quamvis quaesita per naturam excretio nequamquae fuerit impetrata: quod quidem, sicut variis occasionibus, ita inprimis memorabili puellae exemplo, octo abhinc annis, mihi confirmatum fuit: cui, licet menstruae nec dum assuetae periodo, singulis tamen mensibus *saphena* ad internum pedis malleolum in triplam fere dilatata diametrum, acutissimos hac in sede dolores, calorem, tensionem asserrebat: quae tormenta, elapso trium

circiter diarum curriculo; sine ulla cruoris ex utero destillantis guttula, subsidente prius in totum vena, dissipata, post mensem denuo eodem ordine iterum comparebant. *Irritabilitas periodica*, cui quaevis femina, nec ipso quidem praegnationis excepto tempore, subijcitur, facit, ut latens in corpore ad hunc vel illum morbum dispositio; hoc ipso facilius, quam alio, eundem evolvat stadio, arque nunc spasmos, convulsiones, hemicranias, nunc vomitus, aut icterum, aut abortus, cum *naturali periodo* quam maxime cohaerentes, producat.

Alia vero *periodicitatis* exempla cuiquam in sano corpore obvio eassem naturae phaenomeno nequaquam superstruuntur; sed, prioribus longe obscuriora, legis ab ipsa morbi natura latae tyrannico subiecta sunt imperio. Ipsas adeo, quae provincias interdum devastant, & nefando passu terrarum orbem pervagantur, *epidemias, periodum*, saeculorum progressu obscuratam habere, quae forte ex attentiori tempestatum calculo eruenda foret, immortalis SYDENHAMUS suspicabatur, aliique variolarum, omni fere *septennio* crudeliori omine recurrentium exemplo illustrare contendunt; sed longa, & hanc usque in diem continuata observatio, tantae quidem, & cometarum lentorem imitantis

periodi existentiam necdum confirmavit; atque satis, cheu! satis est morborum, quotannis inordinato licet decursu, epidemice, aut sporadice subintrantium, qui non nisi breves dinucias mortalibus indulgent, &, vix superati, tot capita hydrae, ex infenso trunco periodice renascuntur.

Sed altera quoque *periodicitatis* species commemoranda hic venit: quae, licet, origine sua, *morbosa* dici mereatur; ipsa tamen, excussa jam morbi causa, *ex consuetudine sola* continuat: ut, quemadmodum corpus sanitate fruens sua, functionum quarundam *periodico* assuescit exercitio; sic & animal aegrotans lacionum quamdam habitudinem inire observetur, & in asthma, Epilepsia, in Tussi ferina, in Hemeralopia, Nyctalopia, aliisque convulsivae indolis aegritudinibus, non infrequenter amplectatur.

Quod vero summi in artis difficili exercitio momenti est, in eo consistit: quod scilicet, quemadmodum multi ad *intermittentes* spectant, qui faciem a febris diversam valde ostendunt morbi: sic & illi, qui quam maxime *intermittunt*; veram tamen *familiae intermittens* saepe non sistant sobolem. Tantum hinc abest, quin egregio coeterum *de morbis periodicis* scriptori, qui periodicorum agmen omne morborum ad fe-

bres intermittentes amandavit (*), consentire queam; ut vel plures, febriles etiam, & aequali passu *intermittentes* morbos, ex ipsa tamen *intermittentium* classe excludendas esse, multiplici fretus experientia, contendam.

Ne vero in re tam gravi, tamque difficili, sine magnis rationibus susceptae *periodicarum* affectionum divisioni contradicere VOBIS videar; oportet, ut doctrinam, quae tantae in artis exercitio dignitatis esse debet, argumentis, pro Academicae Orationis limitibus, paucis quidem, sed tamen stringentibus atque nervosis confirmem.

Ac primo quidem morbos tam *acutos*, quam *chronicos* non raro de *intermittentium* participare natura, tam notum VOBIS est AUDITORES: ut in re sub oculis quotidie Vestris posita, argumentis non indigeam. Interim post messem, avarissima licet manu coacervatam, spicas legunt pauperes, atque ex reliquiis divitum, non insipidum sibi panem conficiunt. Febres scilicet, quas *intermittentes* dicimus, non raro in acutas, has vero in illas, saepe converti, experientia Medentes docuit. Interim si quamvis remittentem febrem, in eam, quae ex *intermittentium* familia

(*) CASIMIR MEDIDUS Geschichte periodischer Krankheiten. Carlsruhe, 1764. II. Band. S. 64. 67.

nunc sit, converti posse, quemadmodum intermittens certe quaevis in acutas transformari potest, contendant; non pro sua assertionem hanc natura agnoscit. Nec enim ex totidem *intermittentium* paroxysmis arctiori inter se vinculo cohaerentibus, quaevis *remittens* febris composita est; neque iisdem utraque ex causis conflatur ubique. Epidemiae occurrunt, in quibus certe vix una in febrim intermittentem convertitur acuta, & qua durante, vix sporadicam occurrit illius exemplum. Mox vero, sub alia anni constitutione, frequentissima remittentium fere omnium, cujuscumque demum indolis, in febres intermittentes conversio est; & hoc ipso tempore quamplurimi ab *intermittentibus* simplicibus & manifestis torquentur. Atqui dum sub hac ipsa constitutione, post praemissas evacuationes, si quae indicentur, summa corticis peruviani, remissionis tempore porrecti, virtus esse consuevit; in illa nullam esse, febrisque ab ipso medicamine augeri impetum, observamus. Quare semper in hac ego versatus sum opinione; divini illius remedii actionem in febribus, quas *putridas* nominant, non ex *antiseptica* ejusdem virtute; sed ex illa, qua latentem sub larva *continuae*, *intermittentem* fugat, eo magis esse repetendam; quod medicamenta varia, vi *antiseptica* omnino

majori instructa, ab ipso tamen cortice longissime superentur. Eximie in febris intermittens ex remittente origine versatus est Vir *Hippocraticus*, & medica experientia consumatissimus, CAROLUS STRACKIUS (*); arque dum naturam magis, quam vanas consulimus hypotheses, fatebimur utique, *non unam* esse remittentium originem, atque saepius certe cum intermittibus commune nihil habere. Sed non raro ad continuas utique extenditur intermittentium imperium, & symptomatum quamvis inter se diversae apparatu; eidem tamen specifico remedio, si recto tempore subministretur, obsequium praebent: ut in ipso *Ticinenfis Clinices* Instituto acutissimas peripneumonias aliquoties, praemissa vix una vel altera venae sectione, ob evidentem cum intermittibus affinitatem, cortice solo subjugaverim.

Vix autem morbum, alias nec unquam febrilem, existere, qui non interdum *intermittentis* typo incedat, atque, nunc cum periculo, nunc sine tanto rerum discrimine, insultus periodicos, & intermedias his ipsis apyrexias observet: non

(*) CAROLI STRACK *Observationes Medicinales de diversa febris continuae remittentis causa, & qua diversa eidem medendum sit, ratione. Francof. & Mogunt. 1789. recul. Ticini Regii 1799.*

minus notum habetur. Pro *febre* tales habere, recusant illi, qui pro necessariis hujus indiciiis horrorem, cum insequente aestu, pulsusque frequentiam agnoscunt; sed vero perpetuum febris & constans in omnibus signum non est; *novumque* haec sibi, pro varia sui natura creat, vel hoc solo legitimandum: quod, intermittentium ingressum aemulans, a specifica corticis virtute fungetur.

Nec ideo tamen quaecunque *intermittit*; haec febrium huic amuleto reverentiam praestat affectio, atque sic neque illi, qui quam maxime *intermittunt* morbi, ad *intermittentium familiam* sunt revocandi. Non quod solum hunc corticem pro lydio lapide, quo *intermittentium* distinguere familia debeat, declarare contendam; nec enim ignorare possum, *intermittentes* saepe a sola superari natura; & non raro aliis longe cedere curationibus; sed hoc saltem mihi velim concedi: non paucas dari febres aliasque affectiones *exacte periodicas*, quae cuivis medendi methodo *intermittentibus* adaptatae, ob rationes non alias pertinaciter resistent: quam quod ad familiam *verae intermittens* nequaquam pertineant, & consiliis naturae morbi contrariis, aut saltem non oppositis, obstinate nimis pertractentur.

Sed jam ex eo, quod *morbosa periodicitas*

interdum aut *naturali*, aut illi, quae ex *consuetudine* dependet, periodo, arctiori nodo jungatur; quodque pars illa physiologiae humanae, pro summa argumenti nobilitate, nondum satis fuerit excultra; apparet certe: ex hoc ipso naturae studio, plurimarum affectionum, quae certis temporibus per circulum quasi, revertuntur, & in illud ipsum *morbosae sensibilitatis momentum* incidunt, cognitionem esse eruendam, & medentis iudicio ad illa, quae naturaliter contingunt, & quomodo contingant, converso, feliciori opera impugnanda. Sic, quae ex suppresso catameniorum fluxu *menstrua* prorumpit haemoptisis, aut, sanguine ipso ex pulmonibus non effluente, periodica respirationis perturbatio, illis ipsis remediis, quibus amenorrhoeae feliciter consulimus, melius longe, quam aliis profligatur. Hoc ipso, quo haec scribebam, anno, puella in *Clinicum Ticinense* recepta est, quae, dum, menstruo sanguine per effrenam iram percusso, in dyspnoeam notabilem incidisset; quovis tempore hic prorumpere debuisset: cruorem non paucum ex pulmone eructabat. Accedit, dum apud nos degeret, consueto termino, post magnas spirandi difficultates, sputum pro more cumentum: quo simul tempore arteriae celeriter, & cum impetu movebantur. Sub ipsa hac periodo,

ad pedem vena runditur: vix autem paucae sanguinis unciae ex inflicto vulnuscule profilierant; cum subito de insigni ad *cardiam* dolore, ad instar fulminis post pauca minuta in *uterum* converso, ejulatus formaret puella; eoque ipso momento sequitur menstrua, per tantum tempus desiderata purgatio, sanguinisque per ora rejectio dispareret. Sed cum post noctem, beneficus ille fluor iterum cessaret: altera mox die, nova corripitur infelix dispnoea, sanguinisque sputo. Sauciatur pedis fauciata pridie vena: quo sub opere clamor acutus de renascente ad ventriculum dolore, hoc autem vix silente, de insigni ad *uterum* cruciatu renovatur, & illico sanguis, fluente adhuc per venae vulnus cruore, ex virginis sinu possit. Feminas non paucas vidi, adducunt alii, quae, sine omni, parente quidem causa, ad certos praegnationis menses, ad alios nunquam, constanter & quadam quasi periodo, humanum utero, praemature conatu, ovum deponerant; vel si tandem hanc periodum felicioremine superassent: nec ullo quidem ad abortum molimine, reliquos ad partum menses felicissime transigebant. Pars magna illarum, quae foetum, externa sine injuria, immaturum excludunt; eo ipso, quo catamenia profluxissent, tempore, *periodica* uteri impatientia excludit: sub quibus

circumstantiis nihil est Auditores! quod cum *intermittentium* causis & periodis, hoc demum ex fonte derivandis, conspiret; neque medendi methodus aequalis huic, quam aliis periodicae indolis affectionibus, opponi unquam potest.

Nec minor ipsarum adeo febrium numerus est, quae licet perfectissime intermittant, ad *veram* tamen *intermittentium* familiam, quod jam SENACIUS monendum esse duxit, nequeunt reduci. Paucos ante annos, quod alibi a me jam adductum est, *Ticinensis* miles, per plures jam menses, ob *quartanam* in militari nosodochio detinebatur. Quaecunque incassum febrifuga subministrata fuerunt; cum *dentis*, quem *sapientiae* dicunt, eruptio sola ex momento morbum fugaret. Nominetur, per me enim id licet, *febris intermittens*, quo vir hic laboravit, malum! Symptomata, paroxysmi, *febrim*, apyrexiae constantia & ordo, *quartanam* dicere sinunt... sed quousque tandem morborum vestis, magis, quam natura, in artis exercitio considerabitur? & quo jure demum, ob vana symptomatum studia, morborum nomina patientur vim, &, quae ad haec ipsa dirigitur, curatio confusionem & injuriam? Non mirabimur utique, si tali sub licentia, mandibulae dolor, cum convulsionibus & lipothymis, per sex fere menses feminam Principem,

hystericis affectionibus obnoxiam, eadem hora pomeridiana invadens, pro *intermittente febre* a Medicis graviter fuit declarata: cujus origo ex abscondito dentis per cariem erosi foraminulo, & ex ciborum per hoc ipsum penetratorum reliquiis quaerenda fuisset, tenaculo potius, quam chinae cortice, eradicanda.

Quam longe ab *intermittentium* familia distat febris, hypochondriacis hysterisque subjectis interdum infesta, quae, si ad accessionis ipsius ingressum, augmentum, solutionem, si ad apyrexiae integritatem, durationem, mirumque in omnibus ordinem & consensum respiciamus: *intermittenti* feбри simillima faciem aemulatur larva; sed quemcunque in sat longo artis exercitio versatum oportet fateri: nervosam hanc *periodicamque* febrim natales longe alios, quam *intermittentem*, habere; & medentes vel decantatissimis in hac ipsa remediis contra illam frustra luctari. *Aphonias*, novi, diversas habitu feminas tam aequali tenore invalisse: ut eodem prorsus, quam pridie, momento, levis horror, lassitudo universalis, celeritas pulsum, calorque vagus, interdum vehemens, cum dyspnoea, subintrarent; eadem fere hora, dissipatis febriculae satellitibus, vox clara, sonora rediret: aequali temporis intervallo iterum disparitura. Quotidianas sim-

plices, duplicatas, triplicatas, per menses, per annos continuasse observavi: quae majori, quam ipsa *febris intermittens*, circuituum certitudine aegrotas invadebant, & per horas numero certas terribili interdum symptomatum apparatu mulctabant; mox vero abhinc tam integre iterum disparebant: ut, qui apyrexiae tempore, paucis licet horis distincto, parientes invisebant: illas tam diro morbo teneri sibi adeo non persuaderent: ut potius, ob mentis hilaritatem, spiritusque promptitudinem, non minus, quam ex laute nutritio corporis habitu, sanissimas declararent: quae post brevem moram, vix non ipsas mortis angustias, per horas iterum erant subiturae. Nemo est, qui, nisi experientia aliter edoctus, his morbis summam cum *intermittentibus* affinitatem esse, ex eorundem incessu non judicaret; sed quemadmodum salacissima *intermittentium* familia in peregrinos vel maxime amplexus ruit: sic & aliae affectiones non paucae, tam *febriles*, quam *aliae*, *periodos* mentiuntur, & larva febris nunc assumpta, nunc, si expedit, iterum deposita, incautos fallunt. Neque enim in allatis vix affectibus, causarum, aut gastricae scilicet saburrae, aut plenitudinis, aut acrimoniae, aut obstructionis, aut sensibilitatis nimiae, si quae forte adessent, praetervisa est ratio; in-

terim nec emetica, aut alvum purgantia, nec venaesectio, nec diluentia, aut corrigentia, nec resolventia, nec demum balnea, tam frigida, quam calida, nec nervina quaecunque remedia profuerunt; ipse vero cortex peruvianus in manifestum aegrotantium damnum porrigebatur, donec vel derelicta rigorosioris diaetae ratione, vel motu corporis quovis modo in liberiori aura quotidie suscepto longosque in dies continuato, vel peregrinationibus, & sat magna coeli mutatione, vel blandissimis, & certe ineptis in febre *intermittente* remediis, vel demum *tempore*, *optimo in nervosis hisce affectionibus medico*, morbus inopinato per gradus sensim sensimque imminueretur, aut prorsus etiam disparet.

Nec minor febrium, licet *periodicarum*, ab *intermittentibus* est ablusio, dum ab acri specifico originem suam agnoscunt. Sic in eodem *Clinico instituto* puella, tribus abhinc annis, rebellis omnino tertianae spuriae laboravit specie; cui, licet *periodice* incedenti, nec emetica, vel purgantia, nec solventissima remedia, nec denique aut cortex ipse, aut gei urbani radix, aut opium auxilio fuerunt. *Rheumaticam* vero affectionis originem esse censens, constantem antimonialium usum, vesicantia, consului, sub quorum usu, per mensem fere supervacaneo, sexta

demum ab ingressu in nosocomium hebdomada, per copiosam *purpuræ* eruptionem perfecte sanata est. Quas acre podagricum, scabiosum, ulcerosum, quocunque modo retropressum, quas venerea labes interdum *periodicas* febres produci: illae, licet *intermittentis* decursum sanctissime observent, aut sine acredinis ad partem, quam deseruerat, revocatione, aut sine specifica luis cura, non sistuntur: quo in opere adjunctus remediis ceteris chinae cortex interdum prodesse potest; sed nunquam solus, sine magno aegrotantium noimento propinatur, aut virtute, qua *intermittentes* depellit, curam absolvit.

Ut vero ex allatis hucusque rationibus & experienciis proficuum VOBIS succum extraham, COMMILITONES ORNATISSIMI! paucissimis nunc doctrinae summam concentrabo. Ipsa nempe fertilissima *affectionum periodicarum familia* in duos quam maxime ramos, dispartitur: quorum uterque dispares ingenio filios, tum *legitimos*, tum *spurios*, latissime extensus adumbrat. *Primum periodicarum genus*, morbos, ad *veras intermittentes*, nunc *manifestas*, nunc *latentas*, interrogato annuae constitutionis oraculo, & experimento practico redacendos, comprehendit. Nunquam hoc ipsum morbos amplectitur, qui *periodorum* aut *naturalium*, aut *consuetu-*

hinc inductarum circuitus pro supplemento absol-
vunt; neque tales specifico *intermittentium* re-
medio aliter fugari unquam possunt; quam quod
interdum hoc ipsum virtute, quae aliis non pau-
cis communis est, *roborante*, naturalem, vel
assumptam periodum restituendo, prodesse obser-
vetur. Nec *circuitus* origine *morbosus*, & excussa
licet causa, sola ex *consuetudine* perdurantes
cortex *specifica*, quod in *veris intermittentibus*
praestare videmus, auctoritate debellat. Nec
pro suis hoc genus *periodicas* agnoscit, quae ex
acri purulento; rheumatico, podagrico, venereo,
alioque, nervos per circuitus stimulante, origi-
nem profitentur; aut quae demum ex singulari
nervosi systematis mobilitate hysterica, vel hypo-
chondriaca, natales trahunt, *quotidianae* typum
vix non semper observaturas.

Secundum verò genus, quascumque *primum*
excludit, *periodicas* complectitur: quae, nisi
cum vera intermittente complicatae, affectiones,
a peruviano cortice generatim exasperantur; praec-
ipue vero non tam matutino, quam *pomeridiano*
potius, aut *vespertino* tempore aegrotantes inva-
dunt; licet & hoc demum signo, ut quas inter-
dum quavis omnino diei hora per circuitus re-
diisse observare potui, a *legitima quotidiana*
non satis tuto distinguantur. Utrumque genus

inorboz non modo *febriles*, nunc *intermissione*,
 nunc *sola remissione* conspicuos; sed & non *fe-*
briles, ratione periculi, &, quas interdum clan-
 destine struunt, insidiarum respectu, nunc *beni-*
gnos, nunc *malignos* pro suis declarat. Utrum-
 que denique, infensae caput familiae, variam
 sibi propriamque methodum exposcit. Hanc vero
 aegrotantium magis ad lectulos, quam diffusa
 iam nimis oratione exponendi officium mihi est
 impositum; atque sic ad alterum laetus nunc
 transgredior: quò VOS egregios Appollineae
 laureae Candidatos salutaris corona Numinis
 exornem. &c.



